

DESCRIPTIO
PVBLICÆ GRATVLATIONIS,
SPECTACVLORVM ET LVDORVM,
IN ADVENTV SERENISS. PRINCIPIS ERNESTI
ARCHIDVCIS AVSTRIÆ, DVCIS BVRGVNDIÆ,
COMITIS HABSPAVREI VELLERIS EQVITIS, BELGICIS
PROVINCIIIS A REGIA MA^{TE}. CATHOL. PRÆFECTI, AN. M. D. XCIII.
XVIII. KAL. IVLIAS, ALIISQVE DIEBVS ANT' VERPÆ, EDITORVM.

CVI EST PRAEFIXA,

De Belgij Principatu a Romano in ea Prouincia
Imperio ad nostra usq; tempora brevis narratio.

*Ad Principem Sereniss. et S. R. E. Cardinalem,
Archiepiscopum Toletanum Albertum Archidu-
cem Austriæ, Ducem Burgundiæ, &c.*

Cum carmine Panegyrico in eiusdem Principis
Ernesti, suscepto a Regia Ma^{te}. Catholica Belgicarum
ditionum imperio, in easdem Prouincias aduentum.

*Accessit denique Oratio funebris, in Archiducis
Ernesti obitum ijsdem Prouincijs luctuosissimum.*

Omnia a IOANNE BOCHIO S. P. Q. A. a secretis
conscripta.

LABORE
ET CONSTANTIA
ANTVERPIÆ
EX OFFICINA PLANTINIANA.
M. D. XCV.

D E
BELGII PRINCIPATV,
A ROMANO IN EA PROVINCIA IMPERIO,
AD NOSTRA VSQVE TEMPORA
BREVIS NARRATIO.

Ad Principem Serenissimum & Cardinalem amplissimum ALBERTVM
ARCHIEPISCOPVM TOLETANVM, AVSTRIÆ ARCHIDVCEM, Bur-
gundia Ducem, Comitem Habsburgi, &c.

DESCRPTIONEM aggressurus rerum Antuerpia in primo Sere-
nissimi Archiducis Ernesti fratris tui in hanc urbem aduentu, pu-
blice gestarum, Serenissime Princeps, Cardinalis amplissime, causas
in animo gravissimas habui, cur hic ingenij mei conatus licet exi-
guus, tuae praecipue Celsitudini Serenissima videretur dedicandus.
Nam ut omittam vulgares illas atque contritas scriptorum ratio-
nes, quibus ferè omnes in proëmijs uti solent, cum fetus suos in lucem
prodeuntes Principum quorundam patrocinio commendant, sumpto
ab eorum dignitate argumento, vel à sua scribentium persona, utrumque hic à tua magni-
tudine alienum est, & ab instituto meo. Neque enim hoc opusculum tua amplitudine dignum
astimavi, nec si quid ingenij mediocritas suggereret, tanti ego Principis clientelam putarem
tam parvi momenti descriptione affectandam. Sed mihi permagni Germania Inferioris interes-
se videbatur, ut quibus illa votis, qua exspectatione, quo desiderio Principem Ernestum re-
center exceperit, ex sola Antuerpiensium gratulatione, tu potissimum intelligeres; qui illa pu-
blici honoris officia fratri Archiduci à Belgis exhibita, ad omnes augustissima Austriaca do-
mus Principes, & eorum in numero ad tuam quoque Celsit^{non} pertinere iudicares. Quia
etiam ipsi Regi, Principi nostro clementissimo, hoc uno testimonio facile probares, quam gra-
tum fuit omnibus hereditarijs provincijs diuinum hoc eius prudensque consilium, de illarum
regendarum absoluta potestate in consanguineum Archiducem conferenda. Nec certè minori
letitia perfunsi sunt omnes potentissima Monarchia subditi, quod te iuventutis Principi Phi-
lippo assiduum esse voluit, & in ea aetate eius lateri adiunxerit, quâ indolis suae felicissima pri-
mordia habenis imperij tractandis exercet, rebûsque praeclare gerendis assuefacit. Cuius Re-
giae voluntatis praestantisq; consilij, & duorum fratrum eximij virtutibus delati honoris
accepto nuncio, nemo fuit quin ad gratias regnorum defensori suppliciter agendas sublatis in
caelum manibus conuolaret, quod eam Regi sapientissimo mentem dederit, ut quos sangui-
nis coniunctio futuro suorum regnorum heredi artissime deuinxit, eos etiam singularibus
dignitatum ornamentis ad curanda Reip. communionem alligaret. Nec in vobis eligendis
Regia Ma^a alia & explorata rationes defuere, sed vitae sanctitate, continentia, probitate,
morumq; tuorum gravitate & modestia, illius de te sententiam confirmasti, ut nemini quam
A 2 tibi

tibi adolescentis aetatem omni omnium prae-dicatione maioris, in hac ceu herbescentis ingenij tenerritate, committendam esse duxerit; cuius opera & praesentia maximas in eo virtutum fruges exstituras unusquisque auguratur, ac orbem Christianum tali Principe tranquillum ac beatum fore sperat. At vero praeter ceteras nationes & prouincias Diuina bonitati singularem verbis Belgas vniuersos gratias agere conuenit, atque optimi Regis de Ernesto iudicium, in summi beneficii loco reponere, quod rebus in magnum discrimen adductis, cum Germania Inferioris ditionibus Principem praefecerit, quo vel meliorem, vel ad has turbas in quietem conuertendas accommodatiorem nec cogitare vel optare possumus, nec alium usquam reperire, cuius ductu & auspicijs pristinum splendorem Belgica facilius citiusque recuperet. Quod Regia Ma^m magnitudine haud indignum, vniuersa Reip. Christiana non inutile, Principi Philippo minimè indecorum, Belgis necessarium esse demonstrabimus, si Historiarum monumentis euolutis, gentis antiquitate metiamur dignitatem, & ex Caesarum diuersorum, gentiumque de hoc orbis angulo certantium laboribus, commoda ponderemus, si ex Principum multitudine in qualibet Belgij ditinacula maximorum, pacanda prouincia desiderium excitetur, denique si ex belli huius assiduitate (qua subditi contabescunt, principatus mutilatur, religio obsolescit) mutatis consilijs vel acceleratis, debellandum esse in animum inducant, qui manibus clauum Reip. tenent. Quorum bona uenia Principum Belgicorum origine repetita, & eorum successibus nonnihil delibatis, ad praesentem rerum statum descendere mihi liceat. Hoc primum deprecari tua aequanimitas (quod & oro & obtestor) & prudentia me sinet, quia de principatu apud eum Principem oratio instituitur, qui ad firmentum Belgici principatus, atque ad optimorum subditorum salutem, quamplurimum potest conferre adiumenti; & quia de rebus domesticis narratio, sua se melius apud exterarum nationes ueritate tuebitur, si orationis mea cursum tui patrocinij lenis aura prosequetur.



BELGICA igitur pars Galliae erat tertia, cum eam Iulius Caesar Procos. cum exercitu (erant enim illi Galliae in quinquennium decretae) circa annum urbis conditae D. C. XCVI. primus ingrederetur, P. Cornelio Lentulo, & Metello Nepote Coss. eamque Romano Imperio adijceret. Regionis autem situs Germaniae est finitimus, & incolae ferè omnes à Germanis ortum habent, illamque originis affectionem perquam ambitiosè sibi retinuerunt, nec alio adhuc nomine prouincia distinguitur, quam Inferioris Germaniae vocabulo, quae à superiori, teste Dione, usque ad Oceanum Britannicum se extendit, ad cuius litora descendit protensor, & maris interfusa statis horis aestuaria & recessus inaccessi, siluaeque impeditissimae, & inuiuae paludes, tutis eam oram finibus muniebant, ut gentes ceteroquin Gallorum fortissimae, & iuxta Plutar. potentissimae superare, haud parui momenti fuerit: quod de Neruijs & Aduaticis victoriae non incruentae testantur. Biennio interiecto ac Cn. Pompeio, & M. Crasso iterum Coss. bello contra Tenchteros & Vspetes gesto, Caesar per Morinos, vnde breuissimus transitus erat, in Britanniam traiecit, reuersus Morinos rebellantes vicit, Menapios in ditionem accepit. Sed Romanis legionibus in hiberna dimissis, populumque recenter in fidem acceptum, non tamen Germanae libertatis oblitum, insolitis imperatis & tributo diuexantibus, opportunam Ambiorix Eburonum regulus occasionem arripuit, Belgas ad defectionem concitandi, ut eo duce Caesaris legatos L. Arunculeium Cottam, & Q. Titurium Sabinum cum toto cui praeerant exercitu apud Varucam circumuentos deleuerint, nec Q. Ciceronis in Neruijs hiberna acerrimè oppugnare abstinerint, donec Caesare cum legionibus celeriter accurrente, hostibus fasis, castra Ciceronis liberata fuerint. Anno sequenti datis obsidibus Menapij in fidem Romanorum accepti, Ambiorix

biorix fugatus, Ciceronis castra ad Varucam dubio euentu aggressi Sicambri, Eburones vastati. Nec ita multo post, vix elapso biennio M. Marcello, & Ser. Sulpitio Rufo Coss. in vniuersæ Galliæ de libertate vindicanda & recuperanda pristina belli laude, summa consensione, dum à Romanis Alexia obsidebatur, Corbeus Bellouacos, Comius suos Atrebatés armavit. Hos Cæsar cum Romanis legionibus adortus, cæso Corbeo, in fugam verso Comio, prælio deuicit, ac deditis Bellouacis gente bellicosissima, in Belgium ad quatuor legiones se recepit, quas ibi per legatos M. Antonium, C. Trebonium, P. Vatinium, & Q. Tullium in hiberna dimiserat. Cumque ibi hiemaret, vnum illud propositum habuit, vt in amicitia ciuitates retineret, nulli spem aut causam armorum daret. Itaque ciuitates honorificè appellando, Principes maximis præmijs afficiendo, nulla noua onera cuiquam imponendo, omnes meliore parendi conditione faciliè in pace & officio continuit. Ipse etiam Comius impunitatem impetrauit, atque hoc insuper exorauit, vt timori suo concederetur, ne in vllius Romani conspectum vnquam veniret. Tum Cæsar C. Trebonium legatum cum quatuor legionibus in Belgio collocauit, Galliam ratus fore tutiorem, si Belgæ recenter subiugati, quorum maxima virtus erat, exercitibus coercerentur. His ita peractis Cæsar in Italiam quàm maximis potuit itineribus contendit, L. Paulo, & C. Marcello coss. Quis verò aut qua potestate Belgicam prouinciā aliquot annis postea obtinuerit, non satis equidem compertum habeo, nisi existinemus Cæsare bello ciuili distracto, Cæsarianarum partium legatos prouinciæ præfuisse, siquidem cum Cæsar ad sui securitatem prouincias distribueret, priusquam in Hispaniam contra duces Pompeianos Petreium & Afranium profectus est, nulla vel de Belgica, vel de Gallia Transalpina mentio reperitur, sed citeriorem Galliam Licinij Crassi prouinciā esse voluit, vt Appianus memoriæ prodidit, neque certè neglexisset quemquam suæ factionis Galliæ præficere, nisi satis sibi cautum ibidem putauisset, præsertim cum Hispania quæ Pompeio fauebat, metum illi iniecerat, ne Galliam quoque ad defectionem permoueret, vt ex Dione annotauimus. Constat autem ex Appiano D. Brutum, qui postea ex Cæsaris persecutoribus fuit, viuo Cæsare vltiori Galliæ præfuisse: Cui videtur Iulij decreto successisse M. Aemilius Lepidus eo anno quo Cæsar interfectus est, qui post eius cædem in Gallia Narbonensi imperium habuit, cum D. Brutus Mutinæ obsessus esset, & Antonius ibi victus ad Lepidum Proconsulem in Galliam profugit. Sed secuto Triumviratu, diuisisquæ prouincijs, vniuersa Gallia, quæ cis & trans Alpes sita est, Antonio cessit, præter Narbonensem, quæ vnâ cum Hispania Lepido obuenerit, quemadmodum à Cæsare superstite obtinuerat. Idem temporibus Calenus & Ventidius Transalpinæ Galliæ pro Antonio præfuisse leguntur, quam Fusius Caleni filius mortuo patre Cæsari Octauio, qui in Galliam venerat per metum sine certamine tradidit, & Fuluiâ Antonij vxore defunctâ, cum in gratiam Augustus & Antonius rediissent, inter ceteras prouincias facta imperij diuisione, Gallia Augusto fuit ascripta, eiusque mandatis omnia ibi gesta. Itaque M. Agrippa eo anno quo cum L. Gallo cepit consulatum, factâ in Gallia rebellionē, contra eos qui defecerant, bellum fecit instruxitque, cuius ipse causa secūdis inter Romanos Rhenum transiuit, & rebus prosperè gestis, ab Augusto reuocatus est, decreto illi triumpho, quem tamen omisit. Circa quæ tempora pacatas fuisse Gallias, & prouinciā Belgicā, ex eo colligitur, quod Augusto in Galliam vsque progresso, vt Britannicā expeditionem Iulij exemplo susceperet, nulli ab Historicis motus describantur, cum ibi Augustus esset ea hieme, qua Antonius iterum & Lucius Libo consulatum gerebant. Post elapsū quinquennium Cæsare V. & Valerio Potito coss. qui in eius anni parte in Sexti Apulei consulis locū successerat, inter ceteras gentes etiam de nonnullis Galliæ ac Germaniæ populis Cæsar Augustus, & cum eo C. Albius Carinas Romæ triumphauit, qui Morinos aliosque rebellionis socios domuerat, & Sueuos Rhenum transgressos profligarat. Cum autem Cæsar Consulatus sui anno vi. (quem cum eo iterum Agrippa gerebat) monarchia potitus esset, factâ inter ipsum & S. P. Q. R. prouinciarum partitione, Galliam Belgicā inter ceteras prouincias decennali imperio regendam suscepit, eiusque curationi prætorem aut legatum præfecit. Est quoque verisimile Belgicas Augustum præsentē in prouincia cum rotius Galliæ rebus composuisse, cum ad bellum in Britanniam transferendum cum exercitu in Galliam venit, vbi res omnes fluctuantes offendit, quia subactis primū Gallis & Belgis

statim bella ciuilia subsecuta fuerant. In illis igitur regionibus censu agendo & moribus ac Rep. formanda, Augustus aliquantum temporis extraxit. Pacata igitur fuit Belgica, præstantissimi principis optimis institutis, vsque ad C. Sentij & Q. Lucretij consulatum, cum Agrippa Gallijs administrandis est præfectus; nam & mutuis seditionibus Galli laborabant, & à Germanis infestabantur, quos motus Agrippa sedasse legitur. Post triennium elapsum Cæsarem Augustum ex vrbe euocauit Germanici belli metus. Sicambri, Vspetes & Tenchteri Inferioris Germaniæ populi, Romanos quosdam in agro suo deprehenso in crucem sustulerant, Rhenoque transmissio à Gallia prædas egerant, & Romanum equitatum contra se missum ex insidijs interceperant, atque a fugientibus ad eorū præfectum M. Lollium de improbitate pertracti, illum quoque superarant. Hos Cæsar Augustus expeditione suscepta sine prælio compescuit. Nec mirum videbitur quod nihil in deditos acerbius statuerit, ob actos præsertim in crucem Romanos, quā nulla queat esse atrocior iniuria, si culpam Legati auaritiæ tribuamus: ipse enim Lollius pecuniæ quā rectè faciendi cupidior, & in summa vitiorum dissimulatione virtuosissimus, vt scribit Velleius, tranquillam prouinciam auaritia conturbauit, vt illam contumeliam velut iustam Imperator ultionem iudicaret. Sequenti verò anno simili de causa accusatus est Licinnius Galliæ præfectus, qui præter insolitas exactiones, mensura tributa eo modo imperabat, vt decimum anni mensē Decembrem constitueret, & menses quatuordecim quotannis computaret. Quapropter repetundarum postulatus, iudicium tali astutia elusit, quod extortas per summam iniuriam pecunias Cæsari & Romanis se congestisse diceret, vt Gallos suis opibus & viribus eneruatos, ab omni in posterum rebellionē deterreret. Augustus tamen Galliam pacandam esse ratus, Licinnio reuocato, Tiberio curandam, & ab iniquis tributis recreandam illam dedit, Druso in Germania relicto. Res ille ibidem gessit memorabiles M. Valerio Messalla, & P. Sulpitio Quirino coss. quum ipse Galliam pro prætore regeret: Sicambros enim duce Melone Galli incurstantes & socios repressit, ne Rhenum ad auxilium Gallorum traicerent, fossamque immensi & noui operis fecit, qua ex Mosā in Rhenum nauigaret, cui ab auctore Drusianæ nomen fuit: Galles repulit ad auxilium rebellantium Rhenum transeuntes, nam ob tributorum & fœnoris grauitatem, ac propter coactorum sæuitiam & superbiam se Germanis adiūxerant. Vspetum agrum iuxta insulam Batavorum populatus, & secundo Rheno in Oceanum deuectus, Bructeris nauali prælio superatis Frisios in fidem suam accepit, quorum opera è maximo periculo euasit, cum in Chaucorum fines progressus in sicco naues recessu maris hærerent. Sequens porrò annus non minùs fuit rerum à Druso gestarum memoria clarus: nam veris initio Rhenum transiit, Vspites perdomuit, fluuium Lupiam pōte strauit, in Sicambros irrupit, Tenchteros afflixit, & Catos Sicambrorum armis fractos, quia societatem cum reliquis Germanorum populis coire, vt commune periculum coniunctis viribus propulsarent, nolissent, varijs cladibus attriuit. Hinc Cheruscorum, Sueuorum & Sicanbrorum validissimis copijs difficili prælio superatis ad Visurgim penetrauit. Inde reuersus, non sine summo discrimine, parum enim abfuit quin penitus cum toto exercitu periret, duobus castellis in Lupiæ & Alifonis fluuiorum confluentibus, & in Rheni ripa constructis honores imperij proconsularis peracta prætura meruit. Nec ita multò post Catos partim subiugauit, qui relicto eo agro quem Romani assigrauerant, Sicambri se coniunxerant. Tum anno subsequenti Claudio Nerone Druso & T. Quincto Crispino coss. repetita in Germaniam expeditione Drusus in Cattorum fines ingressus, obuia quæque cum magna molestia in potestatem redigendo, & pugna congressos haud incruentā victoriā superando, vsque ad Sueuos peruenit, inde conuerso in Cheruscos itinere, Visurgim transgressus, ad Albim vsque populabundus perrexit, vbi operum & vitæ eius termini constiterunt. Excepit deinde Germanici belli molem curamque Tiberius, qui Germanos studio partium inter se commissos, mutuisque factionibus attritos oppressit, quos sociatos metuebat, Rhenoque transmissio, magna ex parte regionem Germaniæ inter Albim & Rhenum in prouinciam redegit, & multa Sicambrorum Sueuorumque deditorum milia traduxit, agrumque inter Rhenum, Mosā & Vahalim habitandum concessit. Ceterum cum Tiberium Augustus adoptasset, sub C. Antistij Veteris, & D. Lælij Balbi consulatu, tribunitia potestate per bina quinquēnia ad annos decem data, in Germaniam cum ablegauit, vbi M.

vbi M. Vinicius strenuè rem gerebat, quâ protinus intratâ, subacti Caninefates Bataviæ populi, Attuari, Bruçteri, Cherufci recepti; & Vifurgi superato copias Tiberius hoc modo diuifit, vt partem belli difficillimam fibi fumeret, ijs quæ minoris erant discriminis Sentium Saturninum proconfularem legatum præficeret. Igitur Sicambros iterum in deditionem acceptos datis obfidibus, in Gallia & proximis Rheno agris collocauit; ac in Italiam reuerfus, non ante in Germaniam redijt, quam post cladem Varianam, qua trium legionum, totidemque alarum & sex cohortium exercitus cum ipfo duce in saltu Teutoburgenfi inter Luppian & Rhenum ad internecionem cæfus eft, Poppæo Sabino & Sulpicio Camerino confulatam gerentibus. Culpan tantæ cladis apud omnes auctores Quinctilius Varus ex fecuritate & fœcordia fuffinet; quæ plerunque nafci folet, cum rapiendi cupiditas Præfeftorum crecet animos, & ad rem priuatam attentiores, ad publicam minùs intentos facit: quàm enim pecunie non contemptor fuit Varus, Syria cui præfuerat declarauit, quam pauper diuitem prouinciam ingreffus, diues pauperem decedens reliquerat. Post mortem Augufti Imperium Romanum adepto Tiberio, Inferiorem Germaniam legionibus feditione grauiffimè laborantibus A. Cæcina curabat, Germanico Drufi filio centum per Gallias accipiente, & Belgarum ciuitates in verba Tiberij adigente. Sed motu militari non fine commilitonum fanguine fedato, Germanicus legiones in hoftem duxit, eaq; expeditione Marfi, Tubantes, Bruçteri & Vifperes vafati aut cæfi. Deinde Rheno iterum tranfiniffo Catti vafantur, Cherufcis bellum inferitur, offa & reliquæ Vari & legionum, sextum post cladis annum, in fepultæ leguntur, & ab exercitu humanantur, eorumque manibus fuprema foluuntur; Copiæ Cæcinæ in reditu ab Arminio propemodum interclufæ. Pofttea Germanicus, Siſenna Statilio Tauro & L. Libone coss. specie moti Orientis à Tiberio renocatus, victoriæ celebrandæ studiofiffimus claffem ingentem mille nauium fabricatus, iuffo milite in infula Batavorum conſcendere, exercitum Oceano per fluminum ora alucosque nauigabiles in mediam vſque Germaniam vexit: multa que ibidem fortiffimè geſſit, Angriuarios fudit, Cherufcos & Arminium ingenti prælio vicit: Cui tamen victoriæ tituloque magnifico, quem erigi curauerat, *debellatis inter Rhenum albinque nationibus*, valdè impar fuit exitus; Nauibus enim & hominibus partim amiſſis, partim difiectis, ad ſubitam tempeſtatem nauigandi Oceani accedēte imperitia, perpauci incolumes euafērunt. Drufus deinde Tiberij filius nihil in Germania præclari geſſit, M. Silano, & L. Norlano coss. quàm quòd Germanos ad diſcordias illexerit. Illo verò ſecundum, patre quartum gerente confulatam, noui motus in Belgica exorti, Iulio Floro concitore, ob tributorum continuationem, ſcœnoris grauitatem, præſidentium ſcquitiam atque ſuperbiam, cum in ea prouincia Viſellius Varro legatus eſſet, ſed illi tumultui finem fecit diſiecta in ſilua Arduenna multitudo, & Florus ſua manu mortem inueniens. Poſt aliquot item annos Iulio Silano, & Silio Nerua coss. Friſij tranſrhenanus populus pacem exuere, Romanorum auaritiæ magis, quàm obſequij impatientes, cum ſub L. Apronio Germaniæ Inferioris præpretore, Olennius quidam è primipilaribus gentem illâ regeret, & inſolito tributo (quod modicum Friſijs Drufus imperarat, pro rerum anguſtia ſatis exigi ratus, ſi in vſus militares boum coria penderent) prouinciam diuexaret. Vrorum enim terga delegerat Olennius, ad quorum meſuram tributaria præberentur: Quod cum illi prouinciæ difficile tunc eſſet, noſtro enim æuo armenti feraciſſima eſt, ipſos primò boues, mox agros, poſtremò cōiugum ac liberorum corpora ſeruitio tradebant. Et cum illorum queſtibus nemo ſubueniret, ex bello remedium calamitati quæſuerunt: cui parum feliciter Apronius iuit obuiam, ſed Friſij bellica virtute claruerūt. At Caius Caligula rerum potitus eo anno quo ſecundum ipſe confulatam diebus triginta geſtum L. Apronio ſex menſibus conceſſit, ſuccedente illi Sabinio Maximo, vel Sanquinio (vt eruditiffimus Lipſius apud Dionem legit) priori in Galliam profectione vltra Rhenum parumper progreſſus, ac velut in Britanniam iturus motis caſtris ab Oceano redijt, iratus legatis ſi quid rei geſſiſſent, at ſubditos, fœderatos & ciues ſpoliauit, mirumque in modum afflixit; atque iis omnibus nullum niſi diuitiæ commune crimen erat. Sequenti verò anno cum ſine collega confulatam obtineret, ſuppleto numero Batavorum, quos circa ſe habebat Auguſti exemplo, qui ea gente equitandi tum perita, vt primùm cœpit, cum patris veteranos contra Antonium conuocauit; alteram, ſed ridiculam, Britanniæ

suscepit expeditionem, cum in Oceani litore copias militares in aciem disposuit, & signo dato conchas legere mandauit, illasq; velut spolia Oceani subacti Romam ad triumphum curauit deportari. Sexto postea Claudij Cæsaris anno, duobus Valeriis Asiatico iterum & Messalla coss. Sanguinius Germaniæ Inferiori præfuit, illi Domitius Corbulo successit, qui præfecturæ suæ initio Chaucos duce Gannasco Caninesate Belgicam incurstantes repressit, & legiones Romanas in ordinem veteremque disciplinam cum magna feueritatis laude reduxit, Frisij clade Aproniana ferocibus, agros apud quos considerent descripsit, magistratus legesque ipsis imposuit, & à Claudio reuocatus, inter Mosam Rhenumque trium & viginti millium spatio fossam produxit, ne illi fluij æstuante Oceano refluente stagnarent, & ne miles, dum abesset, castrorum ocio marcesceret. Nec multo post Curtius Rufus Belgicæ præfecturæ honorem adipiscitur, qui cum in agro Mattiaco specus recluserat, quærendis argenti venis, legionibus molestior quam provinciæ fuit. Sed sub eodem Cæsare, C. Antistio, & M. Suillio Rufo coss. in oppidum Vbiorum Agrippina Augusta, quæ ibi erat genita, coloniam duci iubet, cui nomen inditum ex ipsius vocabulo. Isdem temporibus Catti in Germania superiori prædabundi à L. Pomponio è Gallia opprimuntur; auctaque lætitia quod quoddam è clade Variana post annum quadragesimum seruitio exemerant. Nec omnino malè, sub pessimo licet Principe, administrarunt prouinciam, Paulinus Pompeius, L. Vetus, Ælius Gracilis Belgicæ legati, & Vibius Auitus, Neronis temporibus. Eius enim tertio cum Valerio Messalla consulatus anno, Paulinus inchoatum ante tres & sexaginta annos à Druso aggregem Rheno coercendo per milites absoluit: Vetus, Mosellam atq; Ararim, factâ inter vtrumque fossâ, connectere parabat, vt copiar per mare dein Rhodano & Arare subuectæ, per eam fossam in Mosellam, inde in Rhenum & Oceanum decurrerent, sublatisque itinerum difficultatibus, nauigabilia inter se Occidentis Septentrionisque litora fierent: à quo opere Ælius Gracilis Belgicæ legatus per inuidiam auctorem deterruit. Circa eadem tempora terminos agrorum egressi Frisij, Verrito & Malorige ducibus, qui nationem eam regebant, Neronis auctoritate decedere agris iussi, quos Ansibarij occuparunt, & accitis in belli societate Bructeris, Tencteris, alijsque nationibus, causam Auitus dissociare coëgit, Cattosque ad exitium penè gentis deleuit. Priusquam ad imperium Galba perueniret, Inferioris Germaniæ legiones diutius sine consulari fuerant, ad quas Galba Vitellium misit censoris Vitellij acter consulis filium, qui exercitum in officio continuit, cum Belgicæ procuratore Pompeio Propinquo, quo tempore Germaniæ superioris legiones ruptâ sacramenti militaris reuerentiâ grauissimas ibidem seditiones concitarent. Post cædem Galbæ Aulus Vitellius Inferiorem Germaniam ingressus, hiberna legionum cum curâ adiit, multa que correxit, quæ per sordes & auaritiam Fonteii Capitonis malè erant ordinata. Mox Belgici exercitus deinde Germanici beneficio, Imperio Romano potitur Vitellius, Pompeius Propinquus statim interficitur, Valerius Asiaticus provinciæ Belgicæ legatus partibus Vitellianis accedit. Cum igitur Vitellius duplices copias duobus itineribus in Italiam mitteret ad imperium capiendum, Fabius Valens Inferioris Germaniæ exercitum ad quadraginta millia armatorum ducebat. Orta in itinere inter equites Batauos & Legionarios contentione, quæ propè in prælium exarserat, Valens paucorum animaduersione, oblitos Batauos imperij admonuit: sed redintegratam ab iisdem seditionem castris prope Ticinum positis, cum immixtis licitoribus cæptaret coercere, fugâ saluti ægrè consuluit, quem tumultum Alphenus Varus consilio compefcuit. Nec adhuc in eadem expeditione deflagrauit cohortium Batauicarum seditio, nam Augustæ Taurinorum à priuatis conuiciis ad cædem transferunt, qua de causa Vitellius Ortho nis morte Imperator, in Germaniam eas remisit, ne quid auderent truculentius. Frequenter horum tumultuum causam in ipsius Valentis morum procacitatem & luxum coniicio: Nam is diu sordidus, repente diues, & ex inope iuuenes senex prodigus, fortunæ mutationem malè regebat, tamen reliqua Germaniæ Inferioris militia, cum urbem Vitellius armatus intrasset, Valentem sequebatur, Imperij munia cum Cæcina obeuntem. Interfecto Vitellio, noui in Belgio motus Claudio Civilis auctore concitantur, qui iuuentute Batauorum ad delectum vocata nouare res cœpit, durissimæ conquisitionis & auaritiæ occasione, cum senes & inuolidi ad delectum traherentur, qui pretio dimittebantur, impuberes à parentibus, fratres à fratribus diuel-

bus diuellerentur. Primi igitur Bataui Ciuili assensere, post hos Caninefates: Tum duce Brinone praesidia Romana prouincia eiiciuntur, castella euertuntur; Aquilius primipilaris, de in Mumius Lupercus legatus praelio vincuntur. Veteranae cohortes Batauorum ex Italia remissae, spreto Flacco Hordeonio, qui copiis Romanorum in superiori Germania praerat, inferiorem petiere ut Ciuili iungerentur, quos transitu arcere Herennius Gallus conatus, cum legionariis & tumultuariis Belgarum cohortibus pellitur funditurque. Veniunt deinde ad belli societatem Bructeri, Tencteri, aliaeque Transrhenanae & Germanicae nationes, tam spe libertatis, quam imperij cupidine. Hordeonio permittente quod exercitus Romanus per seditionem poscebat, Dillius Vocula illi bello gerendo cum Herennio praeficitur. Vario euentu pugnatum utrobique. Hordeonius suorum seditione interficitur, ducis ignauiam perdidit insimulantium. Nec ita multo post etiam Vocula cadit, submisso illi per Classicum percussore. Herennius & Numisius Rufus legati capti uinctique, Lupercus Bructere virgini fatidicae, cui nomen erat Velleda, inter dona missus, in itinere occiditur, ac paulo post Herennius ac Numisius trucidantur. Haec sub Vespasiano gesta sunt, ipso cum filio Tito cons. tantamque hoc bellum trepidationem Romae attulit, ut periclitari imperium videretur. Ipse Domitianus ad eam expeditionem accingitur, legiones praemittuntur, Galliae deliberant, senioribus quies cum obsequio placuit, Petilio Cereali hoc pluribus persuadente. Is acriter cum Ciuili & Classico certamen, initio ambiguum, sed fine latum habuit. Commisissis deinde inter Cerealem & Ciuilem praелиjs, petito colloquio & progressis in Vahalis ripa ducibus, hoc bellum pace inter ipsos confecta videtur absolutum. Iisdem quoque Caesaris Vespasiani temporibus Cornelius Tacitus historiae sui aui scriptor eximius, Galliae Belgicae datus procurator, rationes eius principis ibi administravit. Titi autem & Domitiani imperio, nihil de Belgica praefectura nobis exstat, nisi quod Domitianus in Galliam & Germaniam cum exercitu profectus, hoste nunquam viso reuersus fuerit, & quod legionem primam Atheniensem in Germania inferiori instituit, ut Diotestatur; fortassis eo tempore quo expeditionem in Cartos suscepit, ut scribit Suetonius. At Nerva Traianus sumptis in hac prouincia imperij insignibus, gentes Transrhenanas in statum pristinum reduxit, totamque Germaniam humanitate & clementia, in Rom. imperij prouinciam redegit. Per idem tempus Licinius Sura Belgicas ditiones videtur aliquando pro praetore administrasse fide & amicitia Traiano coniunctissimus, ut ex antiquo marmore colligimus: cuius inscriptio admutata Romae exstat:

IMP: CAESAR DACICVS, GENTEM DACORVM
ET REGEM DECEBALVM BELLO SVPERAVIT,
SVB EODEM DVCE LEG. PROPR. AB EODEM
DONATO HASTIS PVRI VIII. VEXILLIS VIII.
CORONIS MYRALIBVS II. VALLARIBVS II.
CLASSICIS II. AVRATIS II. LEG.
PRO. PR. PROVINGIAE BELGICAE. LEG. LEG. I.
MINERVIAE CANDIDATO CAESARIS.
IN PRAETVRA, ET IN TRIBVNATV PLEB.
QVAESTORI PROVINCIAE ACHAICAE, IIII VIRO
VIARVM CVRANDARVM. HVIC SENATVS
AVCTORE IMP. TRAIANO AVG. GERMANICO,
DACICO, TRIVMPHALIA ORNAMENTA DECREVIT,
STATVAMQ. PECVN. PVBLIC. STATVEND. CENSVIT.

Eadem ferè tempestate Fescenninum praefectum cum Romana potestate in Galliis fuisse, & D. Dionysium Arcopagitam Lutetiae Parisiorum Apostolum à Clemente Pontifice in Galliam missum, sub eodem praefecto, cum sociis Rustico & Eleutherio martyrium complenis-
se, ex Martyrologio Romano edocemur. Sed quibus se finibus praefectura continuerit; non habeo quod affirmem; quam tamen ad tempora Caesaris Adriani ex sacris scriptoribus Baronius retulit, altero Annal. Ecclesiasticorum tomo. Sub eodem quoque Caesare restituta in Galliis & Germaniis militari disciplina, T. Varius Clementem in Belgica cum aliquo imperio

imperio fuisse ex antiquo marmore adducor ut credam, quòd idem fuerit præfectus auxiliorum in Mauretianam Tingitanam ex Hispania missorum, & quia constat Adrianum compositis Britannicæ rebus in Hispaniam venisse, & motus Maurorum compressisse: inscriptio lapidis talis est:

T. VARIO CLEMENTI AB EPISTVLIS
AVGVSTOR. PROC. PROVINCIAR. BELGICÆ
ET VTRIVSQ. GERM. RAETIÆ, MAVRET,
CAESARIENS. LVSITANIÆ CILICIAE, PRAEF.
EQVIT. ALAE BRITANNICAE MILIAR. PRAEF.
AVXILIORVM IN MAVRET. TINGITAN. EX
HISPANIA MISSORVM PRAEF. EQVIT. AL. II. PANNONIOR.
TRIB. LEG. XXX. VLP. PRAEF. COH. II. GALLORVM
MACEDONICAE, CIVITAS TREVERORVM
PRAESIDI OPTIMO.

Vel certè eundem proc. habuit Belgica sub Aurelio Vero, & Aurelio Antonino, qui simul imperarunt, quòd idem Varius Clemens ab epistulis Augustorum fuisse legatur. Ceterum quis fuerit P. Ælius Agrippinus proc. provinciae Belgicæ, cuius in antiquo marmore Neapoli exstat mentio, dubitari potest, nisi Antoninum Pium vel Commodum Imperatorem quibus Ælij prænomen fuit, eidem Agrippino vel eius patri, ex Romana consuetudine nomen Ælij dedisse diuinare nobis liceat; patronorum enim nomina retinebant liberti, aut eorum à quibus ciuitate donabantur: inscriptio hæc est:

P. ÆLIO P. F. AGRIPPINO CORNICVLARIO
PROC. PROVINCIÆ BELGICÆ, FRATRI CARISSIMO
ET ÆLIÆ AMABILI MATRI PISSIMÆ
VICTORINVS AVG. LIB. FECIT.

Siue igitur Agrippinus Æliæ familiæ libertus fuerit, neque enim eius alia quàm fratris Victorini potuit esse conditio, siue illud aliunde nomē habuit, parum nostrā interest, sed ideo in hoc opere eius mentio incidit, quòd Belgicæ nostræ præfuisse eum constat. Porro gentes Transrhenanæ, seu Germani inferiores, temporibus M. Antonini Philosophi in Italiam per-ruperunt, magnisque Romanos incommodis affecerunt, quos Pompeianus & Pertinax legati cum exercitu represserunt. Neque prætereundum est quòd inter Barbarorum caesorum cadauera, armata mulierum corpora sint reperta. Sub Commodi imperio, Frisiis prælio fufis Clodius Albinus celebre apud Romanos nomen suum fecit, teste Capitolino in eius vita. Sub id quoque tempus Numerianus Grammaticus Româ profectus, dignitatem senatoriam legationemque eementitus, in Galliam venit, & parvis initio copiis comparatis Albini primū equitatum confecit, multaque pro Seuero fortissimè gessit. Quare collaudatus ab eodem Imperatore maiorem in prouincia exercitum instruxit, ac præter res gestas ibidem memorabiles, pecuniæ vim ingentem ad Seuerum misit, quam ad mille septingentas quinquaginta myriades drachmarum coëgerat. Reliquo verò Septimij Seueri eiusque filiorum Caracallæ & Getæ imperio, pacatam fuisse Belgicam ex eo percipimus, quòd illis ad bellum Britannicum profectis, Bataui pro salute Augg. itu ac reditu in ea expeditione vota suscep-rint, nec ullius ibidem tumultus fiat mentio: votorum hic ex marmore sensus exstat:

FORTVNÆ AVG. SAC.
PRO SALVTE, ITV ACREDITV D. D. N. N.
M. ANT. ANTONINI PII AVG. ET P.
SEPTIMII GETÆ NOBILISS. CÆSS.
CIV. BATAVI, FRATRES ET AMICI P. R.
V. S. L. M.

Confirmat eiusdem temporis in Belgio tranquillitatem alia apud Batauos eruti lapidis ad vetus Rheni ostium huiusmodi inscriptio:

IMP. CÆS. SEPTIMIUS SEVERUS, AVG.

ET M. AVRELIVS ANTONINVS CÆS. COH.

XV. VOL. ARMAMENTARIVM VETVSTATE

COLLAPSVM RESTITVERVNT SVB VAL. PVDENTE

LEG. AVG. PR. FR. CVRATORE CÆCILIO BATONE FRÆ.

Vbi nomina propret. & curatoris prouinciæ ad huius operis institutum sunt animaduertenda. Ceterum à Septimio vsque ad Gallum & Volusianum Imperatores, nihil dignum notatu in Germania nostra gestum reperio, nec quis eidem prouinciæ præfuit. Gallo autem Cæsare imperium obtinente, & negligentius administrante, credibile est Belgas inter ceteras gentes quæ à Romanis defecerunt, similiter Romanam seruitutem exuisse, eò quòd circa eadē tempora sub Gallieno ignauissimo Principe, cum Gallicas gentes Rheni accolæ Germani vexarent, vt Zosimus tradit, Galli principes luxuriosos indignè ferentes à Romana ciuitate degenerarunt, & Posthumum vt refert Trebellius Pollio, vel vt Eutropius, Posthumium, ad imperium vocarunt, consentientibus exercitibus, qui occupatum Imperatorē libidinibus queiebantur. Sumptā autem Posthumus purpurā, Belgicas Gallicasque prouincias Germanorum irruptionibus penè consumptas, per annos decem ingenti virtute & moderatione restituit. Sed illo cum filio per seditionem militarem interfecto, successit Lollianus, illi Victorinus, post quem Tetricus Gallicis ditionibus præfuisse legitur, qui omnes fuerunt ex triginta tyrannis sub Cæsare omnium perditissimo Gallieno Romanum imperium inuadentibus. Mox Imperator Aurelianus Gallias ab iisdem multis annis occupatas Romano imperio recuperauit, & eiusdem ditionem ad fines suos pristinos varia bellorum felicitate reuocauit, cæsis Tetrici legionibus proditore ipso duce. Verum cum circa annum Christi Seruatoris ducentessimum octogesimum Proculus & Bonosus apud Agrippinam imperium arripuissent, ac sibi Britannias pluresque prouincias vi & armis vindicassent, à Probo Cæsare deuicti sunt, qui Gallias Posthumus occiso turbatas, interfecto Aureliano à Germanis possessas, gestis feliciter prælijs recepit. Post hæc verò tempora Diocletiano & Maximiano Romæ imperantibus, Carausius tribunus Menapiæ ciuis in Belgicam & Aremoricam à Carino missus est, ad mare pacandum apud Belgicam Bononiam, quod Franci & Saxones accolentes infestabant. Sed idem Carausius multis Barbaris sæpe captis, nec integrā prædā prouincialibus reddidit, aut Imperatoribus missā, in suspicionem Maximiano venit, consulto ab eo admitti Barbaros, vt transeuntes cum præda exciperet, & ingentes hoc modo diuitias corraderet. Ad quem opprimendum cum Maximianus in Galliam venisset, partemque exercitus secundo Rheno immisisset, Carausius properè cum classe, quæ Galliarum litora tuebatur in Britanniam traiecit, illaque prouinciā in potestatem adductā, piraticam exereuit, & ad eum Bataua per Francos occupata similiter defecit. Quamobrem Maximianus curis omnibus & apparatu ad hoc bellum conuersis arma in Carausium intulit. Sed cum ad maris Britannici inclementiam, rei quoque nauticæ imperitia accederet, bello intermisso & dilata vindicta, Cæsar ad Francos Carausij hostis auxiliares progressus, pacem illis ita dedit, vt multas eorum familias in Galliæ fines, & in agros Treuerorum, Neruiorumque traduxerit, terrasque hostiles incolis exhauserit, & proprias ante desertas expleuerit. Sed cum anno Domini ducentesimo nonagesimo Diocletianus Galerium Maximianum, & Maximianus Herculeus Augustus Constantium Chlorum adoptasset, sequenti anno Iunio Tiberiano & Cassio Dione coss. iussu Maximiani Constantius ad Belgas profectus, Gessorigiam opidum, quod Gessoriacum Suetonius vocat, in litore aduersus Britanniam situm Carausio ademit: Inde Batauos adortus Cluiam opidum Romani imperij arctissime obsidentes, eosque per stagnantiū locorum difficultates (eò quòd Batauiam à Scalde interlutam diuortio suo Rhenus amplectitur) & per siluarum, hostes occultantium, densitates profectus, in deditionem adduxit, & Cluiam ab obsidione liberauit. Tunc igitur Bataua à diuersis Francorum regulis occupata, ab omni hoste purgata est, ac gentes in Romanas nationes translata, vt pacem Romani imperij cultu inuarent, arma delectu. Cluiam autem Constantius à ruinis restitutam, studiorum etiam celeberrime decorauit. Eius filius Cōstantinus princeps optimus & maximus, qui cum Maxentio aliisque tyrannis quatuordecim annis imperauit, primo imperij sui anno, qui erat Christi

ccc. & nonus, Germaniæ inferioris Transrhenanos quosdam populos, ijsque finitimos Bructeros, Clamaſos, Cheruscos, Vangiones, & Tubantes, tumultuantes fudit fugauitque, & victor Treueros in hiberna regressus est. Causam defectionis Fracos fuisse arbitror, qui sub eodem Imperatore, victo & occiso Maxentio, foedus violarant, & irruptionis auctoribus delectis, ad Rhenum transeundi causa venerant. Quamobrem Constantinus ad limites Germaniæ inferioris properauit, vnde cum recessisset simulato in Germania superiori maioris motus nuncio, dispositisque in occulto ducibus cum Franci Constantinum cessisse reuera suspicarentur, & ad ripas transeundi gratia conuolassent, Cæsar nauibus Rheno deuectus, in fines eorum è vestigio inuasit, tantamque vastitatem intulit, vt regionem propè deleuerit. Hæc anno salutis humanæ ccc. & xiii. gesta sunt, tertio ipsius Cæsaris Constantini & Licinij Augg. consulatu. Postero autem anno filium suum Crispum Cæsarem Treueros misit, ad fines Germaniæ inferioris tutandos, quos ille egregiè ab omni Francorū inuasionem defendit, nam tertium post annum eosdem rebellantes insigni victoria domuisse legitur. Qui cum Romam reuersus esset, nuncio allato veteranos in Belgica post eius discessum seditionem cōcitasse, cum patre Constantino vi. consule, assumpto collega Constantino filio, celeritate quanta potuit maxima in prouinciam redijt. Hic Cæsar Augustus cuius præsentia res tanti momenti videbatur indigere, apud Bellouacos, ciuiliū munerum, quam postulabant, vacatione concessa, tumultum sedauit, & Crispo iterum in prouincia relicto, Romam reuersus est. Biennio exacto Constantinum iuniorem misit Crispo successorem, qui vsque ad vitæ exitum laudabiliter ibi præfuit. Circa hæc tempora anno salutis ccc. xxx. Gallicano & Symmacho consulatum obtinentibus, diuisum fuit à Constantino Imperium, atque præcedentium Principum exemplo, vnam partem Orientis, alteram Occidentis Imperij vocauit, totamque Romani nominis Remp. portionibus distinxit. Belgicam similiter, quemadmodum & Germaniam, in primam & secundam certis finibus distribuit, quod posterioribus etiam seculis seruatum est, quàm diu Ro. imperio paruit, & huius diuisionis frequens est mentio in vtriusque imperij Notitia, quæ sub Theodosio iuniore conscripta est, circa quæ tempora Gallis Belgicam occupantibus, eadem prouincia à Romanis, vt apparet, in perpetuum deficiuit, vt suo loco infra commemorabimus. Mortuo tandem Constantino maximo, Constantinus iunior, è Gallia Imperij sui finibus egressus, in Pannonia à Constante fratre suo cæsus est, quâ occasione Franci alleccti, foedere iterum violato Rhenum transiere, totamque Galliam foedè populati sunt, contra quos Constans castra mouit, & prælio grauissimo cum iisdem conflixit, partaque victoria res Galliæ constituit, anno Domini ccc. xliii. Placido & Romulo consulatu insignibus. Postea Constante è medio sublato Magnëtij proditione, qui Galliam triennio cum Decentio tenuerat, Constantius Siluanum, tyrannidem Germaniæ inferioris affectantem, Agrippinæ cædi iussit. Sed cum audiuiſſet Gallias assiduè Germanorum incursionibus grauiter affligi, misso Iuliano, quem vt Cæsarem sibi iunxerat, Germani fusi prælio fugatique, Agrippina recuperata, Franci perterriti pacem firmauerunt, eodem illo anno quo Cæsar Constantius consul viii. collegam sibi Iulianum adſciuit, qui fuit Christi quinquagesimus sextus supra trecentesium. Idem Iulianus in Batavia, quam Salij eiectis Saxonibus occupabant, res gessit maximas, & Salios Batauosque Romanis legionibus, teste Zosimo, ascripsit, ac castella quædam in ripa Mosæ sita, ab hostibus vastata, erexit & restituit. Sed cum post quinquennium Iuliano Parisijs hibernante, Constantius Imperator eiusdè gloriæ æmulus, trecentos Batauos auxiliares præstantissimos in Persidem secum vellet abducere, orta Parisijs hac de causa seditione, quòd relictis penatibus Transrhenanis hoc pacto ad Iulianum venerant, ne ducerentur ad partes Transalpinas, Iulianus Augusti nomen accipere ab iisdem coactus est, qui laudatissimi Imperatoris nomen fuisset consequutus, nisi illud insigni in Christum Seruatorem perfidia maculasset. Nouum postea bellum Valentiniani & Valentis tertio consulatu, siue anno ccc. lxx. in Galliam illatum est à Saxonibus, qui difficultatibus Oceani superatis cuius erant accolæ, Romanorum ditionis fines ingressi in Galliam penetrant: Cui bello conficiendo cum præfectus his regionibus Comes Nannienus impar esset, Valentinianus Imperator Seuerum magistrum peditum misit, qui militum ingenti multitudine collecta tantum terrorem hostibus intulit, vt venia confestim & pace petita, domum iisdem

ijſdem quibus venerant itineribus, redire feſtinarent, ſed eos Romani ex improuiſo circum-
uentos, ad vnum omnes trucidarunt. Oſogefimus deinde tertius ſupra trecentum annus
Maximi tyranni ſcelere & perfidia apud Belgas memorabilis eſt, qui occupato in Bri-
tannia imperio, inſtructiſſima claſſe ad oſtia Rheni exercitum duxit, vbi acceptus à ſtationa-
rijſ, prouincias Germaniæ inferioris ſubiecit, atque inde Treueros proſectus, vbi ſedem Im-
perij Gratianus tenebat, eundem deturbauit, & Lugdunum vſque fugientem oppreſſit. Ma-
ximus verò meritis affectus eſt ſupplicij, eo anno qui fuit clade acerbiſſima Romanæ legio-
nis apud Belgas funeſtus, Theodoſio Aug. iterum & Cynegio coſſ. qui annus Domini tre-
centefimus oſogefimus octauus numeratur. Hoc tēpore Franci ducibus Genobaldo, Mar-
comio & Sunone, ſuperato Rhena lueo Germaniam inferiorem hoſtiliter inuadebant, fa-
ctaſque in agris cæde & direptione, Colonia Agrippinæ vehementer minabantur. Contra hos
Nannienus & Quintinus militiæ magiſtri, quibus erat commiſſa Galliarum deſenſio, ad ſil-
uam Carbonariam feliciter initio decertauerunt, ſed Francorum inſidijs, qui metu ſimulato
ſe in remotiores ſaltus abdiderant, circumfuſus eſt exercitus, equites paludū voraginibus im-
merſi, pedites limo impliciti hærebant. Tum caſe legionis ordinibus perturbatis, & Heraclio
Iouianorum tribuno, ceteriſque ferè omnibus præſectis militariſ aut occiſis aut obtritjs,
pauci per tenebras noctis & ſiluarum incolumes euaserunt. Quarto autem ſeculo à natiuitate
Chriſti Jeſu exacto, Gotthis, Vandalis & Alanis, ſub Arcadij & Honorij principatu, Ro-
manum imperium pro libidine diſſipantibus, Vandali ſine vlllo impedimento Rhenum tra-
iecerunt, & in Galliam penetrarunt, immanesque in Germania prima ac Belgica ſecunda
ſtrages ediderunt, Atrebates, Morinos & Tornacum vicinaſque regiones & opida diripue-
runt, anno ſeptimo & quadringteſimo. Iſdem ferè temporibus totus Belgicæ tractus Bri-
tanniam reſpiciēs à Francis diuexatus, excuſſo iugo Romanorum, ab eorum defecit imperio,
eiectisque Romanis præſidijs propriam Remp. ex arbitratu conſtituerunt, vt Zoſimus re-
fert, & ex Notitia vtriuſque Imperij colligi poteſt, quæ circa hæc tempora ſcripta fuit, exigua
admodum Belgicæ ſecundæ facta mentione, nulla primæ, quæ tum ab hoſtibus fuit occupa-
ta. Franci enim ſub Valentiniano tertio, vigefimo octauo ſupra quadringteſimum anno,
nouam ſub Rege ſuo Clodione Pharamundi filio, trans Rhenum in Belgicam irruptionem
fecere: Cameracum eiecto Romano præſidio, & Atrebatum occuparunt. Clodionem Aëtius
militiæ Romanæ in Gallia magiſter, cum Maiorano poſtea Cæſare repreſſiſſe perhibetur, ac
paulo poſt regem Burgundionum Gundicarum Belgas inuadentē expulſiſſe. Ceterum Clo-
dio, quem Clodium vocat Siegbertus, anno quadregefimo quinto ſupra quadringteſimum
miſſis à Diſpargo caſtello exploratoribus vſque ad urbem Cameracum, tranſiit Rhenum, &
protrito Romanorum populo citra Rhenū ad Ligerim habitantium, Carbonariam ſil-
uam ingreſſus Tornacum obtinuit, & inde vſque ad Cameracum properauit. Vbi paruo tem-
pore moratus Romanos ſi quos ibi inuenit occidit, & inde ad Somonam fluuium perueniens
omnia occupauit. Sed vbi Meroueus rex Francorum (quem probati ſcriptores, reſragātibus
Lazio & Siegberto non Clodionis filium fuiſſe, ſed tutorem Alberoni legitimo filio ob tene-
ram ætatem conſtitutum, regnum vſurpaſſe affirmant, Aimoinus monachus, Gregorius Tu-
ronenſis, alijque complures, Ioannes verò Tilius neceſſarium Clodionis capillati fuiſſe,
eiusque hæredem lateralem decernit) Clodioni ſucceſſit, copiisque paratis Rhenum traiecit,
& in Gallia ſedes fixit, quod eius maiores ſæpe tentatum, nunquā tamen aſſequi potuerunt,
à Romanis ſemper exacti, in eādē regione Valentiniano tertio Cæſare permittente aut non
repugnante, Francorum regnum collocauit, Gallia etiam nomine in Franciam commutato,
circiter annum ſalutis cccc. xlviii. Tum anno vel ſaltem biennio ſequenti Hunnorum rex
Attila Belgicam primam & ſecundam deuastaui, Coloniam, Tungros, & Metas deleuit,
Atrebatum ſuccendit, quod poſtea Vedastus Epiſcopus reſtituit. Mox Valentiniano à mi-
lite Aëtij Romæ interfecto, Hildericus, vel vt alij, Chilpericus patri Meroueo in Gallia ſuc-
ceſſit, regniſque Francorum prolatandi libidine magnopere ſtimulatus, hac occasione Ger-
maniam primam & Belgicam ſecundam, præter ceteros populos, Veromandos, Atreba-
tes, Cameracenſes, Tornacenſes, Bellouacos, Morinos & Bononienſes armatus inuaſit. Qui
cū propter intoleranda tributa, & nefarias libidines, à ſuis è Belgica in Germaniam pelle-

retur, Ægidius magister militum, qui adhuc pro Romanis Sueffionem tenebat, in Regem à Francis electus est, quem tandem Francos grauius iusto prementem, Childericus octo post annos votis suorum ab exilio reuocatus, regno deturbauit, cuius fines à Belgica in Celticani produxit, atque illud pulsus inde Alanis multos annos prosperè obtinuit, exacto etiam duce Ægidio, capta Colonia Agrippinà, multisque Romanorum præfidiarijs occisis. Hunc secutus Clodoueus partum à maioribus in Gallia regnum amplificandum sibi ratus, fugatum armis Sueffione Syagrium Ægidij ibidem defuncti filium, ac Romanæ militiæ magistrum, & ab Alarico Gothorum rege deditum, capitali supplicio affici iussit, & Sueffione ceterisque eius opidis in fidem acceptis Imperio Romano in vniuersa Gallia finem imposuit. Quo tempore dicuntur etiam Gandauentes pulso Romanorum præsidio ad Francorum iura concessisse. Nec multò post Clodoueus de Alemanis Franciam inferiorem siue Belgicam inuadentibus, insigni victoria potitus est, eaque de causa relicto cultu idolorum Christianam amplexus est religionem, circa annum Christi quingentesimum, vel paulò minùs, vt scribunt aliqui. Is regni sede Parisijs collocata, ceteros Francorum regulos eorumque dominia sibi subiecit. In primis Clodoricum Sigeberti Coloniae reguli filium ob parricidiū interemit, & ab eius subditis in regem acceptus est. Deinde Cararicum, qui belli contra Syagrium tempore, fidem ex fortuna suspenderat, vnà cum filio capite multauit, & eorum ditionem sibi vindicauit. Fratres postea Clodionis regis nepotes Ragnacharium, quem Cannacarium vocant alij, Cameracensem, Atrebatium & Flandrorum principem, & Richerium prope Camaracum, Rignomerem vel Lingomirum apud Cœnomanos ab Austrasio Galliae Belgicæ præfecto superatos, à quo postmodum hæc regio Austrasiæ nomen habuit, teste Richardo Wasseburgio, deditosque trucidauit. Sic regulis per Belgicam omnibus deletis regnum per omnem ferè Galliam prolatauit. Post excessum Clodouei Franciæ regno potitus Childebertus, idem cum fratribus Clotario, Clodomiro & Theodorico æquo iure partitus est. Austrasiam regio sceptro decoratam fortitur Theodoricus, (sic enim vocabatur Germania inferior à Mosella ad Rhenum, atque inde ad Albim vsque latè procurrens, Neruios etiam Morinosque complectens, ad reliquæ Galliae distinctionem quæ illa tempestate Neustria vocabatur) & post eum filius Theodebertus, & nepos Theobaldus. Porrò Clotarius fratribus cum mascula stirpe demortuis (filiae enim Childeberti, & eodem exemplo, feminae omnes, ab eo tempore lege Salica regno Franciæ sunt exclusæ) primus Francorum absolutum Galliae regnum adeptus est. Quod vbi quinquaginta annis solus obtinuit, rursus ad priorem Tetrarchiam ventum est, regno inter Cherebertum, quem Aribertum alij vocant, Chilpericum, Guntrannum, & Sigebertum Austrasiæ regem quintum, in viriles diuiso. Mortuo Chereberto sine sobole virili, bellum inter fratres super eius portione domesticum exoritur. Chilpericus Cistrhenanas Sigeberti vrbes capit, bellis Transrhenanis contra Hunnos & Saxones occupati. Cuius rei indignitate permotus Sigebertus, Sueffionē fratris regiam cum eius filio Theodeberto in potestatem accepit, Chilpericus Tornacum contendit, vbi obsessus caeso à percussoribus fratre, liberatus est, quo tempore Crasmarus Tornacensis Episcopus fuisse legitur, sed regno potitus vxoris Tradegundis siue Fredegundis scelere extinctus est, Clotario filio infante relicto. Circa ea tempora Childebertus filius Sigeberti sextus Mediomatricum vel Austrasiæ rex cum vxore, vno eodemque die moriuntur, quorum filij Theodebertus, Austrasiæ regnum habuit, Theodericus Burgundiam obtinuit. Bello deinde inter fratres orto, instinctu Brunichildæ eorum auia, Theodebertus in acie prope Coloniam capitur, & à fratre iugulatur. Mortuo quoque Theodorico vniuersa Gallia ad Clotarium redit, qui cum Frisij vel cum Saxonibus, vt scribit Regino, fortasse cum vtrisque, bellum gessit, & ducem eorum Beroaldum occidit, eamque regionem ita perdomuit, vt omnes virilis sexus incolae, gladij quem gestabat longitudinem excedentes, interfici iusserit. Filius Clotarij Dagobertus viuo patre procurantibus Pipino & Arnulpho prouinciam, Austrasiæ regnum cum Transrhenana ditione possedit, eoque mortuo, reliquo etiam regno Franciæ imperauit. Hic cū Sclauis bellum gerens, mislo ad eorum furorem coercendum Austrasiano siue Belgico exercitu, cum auxilijs Transrhenanis, regnum Austrasianis reddidit, vt tanquā pro domesticis opibus & gloria alacrius & constantius cum Sclauis pugnarent. Dedit igitur illis Regem filium suū Sigebertum natu ma-

natu maiorem, miraculo clarum in prima quadraginta dierum aetate: Cùm enim ab Amando Episcopo Christo initiaretur, nec finita oratione quisquam responderet Amen, cunctis audientibus respondit infantulus. quo in Austrasie regnum misso sub tutela Pipini & Cuniberti Episcopi, inuidi fuerunt Austrasiani. Mortuo enim patre, regno Austrasiano contentus Sigebertus, reliquam Galliam fratri minori Clodoueo reliquit, suamque ditionem Austrasianam sic administravit, ut nulli eum hostes bello lacerare ausi fuerint. Defuncto Sigeberto, & filio eius Dagoberto per Grimoaldum palatii præfectum (sic enim eos vocabant illo seculo qui regni Gallici potentiam obtinebant, Regibus ignavis solo nomine regnantibus) attonso & relegato, filius Grimoaldi Hildebertus nomine Austrasianis obruditor. Sed eam perfidiam Franci non ferentes, Grimoaldum carceri Parisiis inclusum necant, filiumque iuniorem Clodouei Childericum Austrasianis regem tribuunt. qui post obitum fratris Clotarii accitus ad Gallie regnum venit. Sed illo seuerius imperante, Visoaldus magister equitum in Austrasiam se recepit, cum magna factionis suæ manu. Post cuius mortem Martinus & Pipinus ab Austrasianis duces creantur; Martinus ab Ebroino equitum magistro interfectus est, principatum Austrasie Pipinus Carolomanni filius obtinuit, à quo duces Brabantie originem capiunt. E cuius filia Begga Angelfo vel Angisfo, vel ut alij Ansigisfo Arnulphi filio nupta Pipinus nascitur, qui Herstallius dictus est. Hic regem Francorum Theodericum collatis signis vicit, Sueuos prælio fudit, Frisios perdomuit, Radbodo eorum duce fugato. Hos Carolus Martellus, quem Tutidem vocant, Pipini filius, classe ad eos vectus iterum subegit, Popone eorum duce interempto. Martellus verò qui regnum recusabat, ut Regibus imperaret, Francicum sceptrum ex arbitrio moderabatur; factaque inter filios diuisione, Carolomanno reliquit Austrasie præfecturam, hereditariam electam, Francie Pipino; sed Carolomanno vitâ monasticâ sua sponte susceptâ, submoto etiam Rege Childerico, Theodorici quarti Chellenfis filio, Merouæ stirpis vltimo, vniuersâ Gallia Francorum regem Pipinum est amplexa, adhibita ad eius consecrationem Pontif. Romani Zacharie auctoritate. Pipini verò Austrasij, qui Brevis vocabatur, liberi Carolus ille qui postea magni cognomen meruit, & Carolomannus regnum Francorum partiti sunt; mortuo autem Carolomanno, Carolus regni & mox imperij in Germania molem sustinuit, primusque fundauit, circa annû octingentesimum. Bella gessit & magna & plurima, & inter ceteras gentes victas, Saxones in ditionem recepit, cum plusquam viginti expeditiones in illos, & Sclauos, VVestphalos, Frisios, aliasque nationes finitimas transhenanas suscepisset, pacatis reliquis Belgij ciuitatibus, quarum plurimas tam suâ præsentia, quam multis beneficijs ornasse legitur. Saxones autem, ut sub oculis eius essent, & obseruari facile possent, nobiles omnes & in quibus aliquid dignitatis elucebat, cum vxoribus & liberis in Belgicam traduxit, Oceani orâ ad incolendum eis datâ, iussuque eam tueri Liderico Comite Harlebecano, maris præfecto & custode Flandrici litoris, eum terra siluaque Flandrica donauit, qui ab eo tempore Saltuarius Flandrie dictus est, cum tribus principibus Engleranno, Odoacre & Balduino illi succedentibus. Carolo Magno vita functo, Ludouicus Pius imperialia ornamenta suscepit, quo imperâte Normanni Gallias vehementer infestarunt, VValachiam insulam & Andouerpum opidum euertunt, à Frisijs tributum acceperunt, circa annum xxxvii. supra mccc. Postea Lotharius Imperator, rex Lotharingæ, (sic à suo rege dicta est prouincia quæ antea Austrasia vocabatur) Dux quoque magnæ partis Belgij fuit: Diuiso enim inter tres fratres Francorum imperio, Carolo Caluo Occidentales regiones cefferunt, à Britannico Oceano ad Mosam vsque, Ludouico Orientales, Germania scilicet Rheno terminata; Lotharius Imperium, & regnum Lotharingæ sortitus est: Quod ipso defuncto Carolus & Ludouicus æquis inter se portionibus diuiserunt. Mortuo Ludouico bellum eius filijs intulit Carolus, sed cæso eius exercitu alia prouinciarum partitio subsecuta est, tametsi Carolus Galliam Belgicam in verba sua iureiurando adegit. Is primus Hollandiæ, Zelandiæque prouincias in comitatus erexisse proditur, & Theodorico Comiti easdem ditiones feudali iure dedisse, ut Danos & Nortmannos à finibus Romani Imperij armis depelleret; qui Belgicam vniuersam peruagantes, Ambianum, Atrebatem, Corbeiam, Cameracum, Taruannam, fines Morinorum, Menapiorum, Brachbatensium, omnem circa Scaldim, Mosam & Rhenum regionem ferro & flamma deuastabant.

uastabant. Ab eodem Caluo Flandria quæ à Forestariis siue Saltuariis possidebatur, comitatus dignitatem accepit, sub Balduino Ferreo primo Flandriæ Comite. Ceterum quoniam ad eum iam locum Belgici principatus, & ad temporum seriem describendo peruenimus, cum singulæ prouinciæ singulis propemodum Principibus attributæ sunt, operæpretium erit singularum ditionum Principes recensere, ut quo pacto illæ denuò in vnius potestatem coaluerint videamus, & ex hac rerum vicissitudine colligamus, in quanto Belgicæ prouinciæ multis retrò seculis semper habitæ sunt pretio, tam multis Principibus, Regibus & populis de eorum principatu obtinendo contendentibus. Verum ne quis fortè in hac principum Belgicorum enumeratione, eorum res gestas, vel in tanta materiæ, factorumque vbertate, magis accuratam in singulis principibus perconscribendis descriptionem, copiam in ornâdis, & in amplificandis artificium desideret, pictores sese auctor imitatum profitetur, ingentem sæpe hominum in exigua tabella multitudinem exprimentes, cum vultibus nonnullorum conferatim informatis, vel summis solum capitum verticibus eminentibus, reliqua corporum lineamenta abscondisse videntur: ita principum Belgicorum facta laudibus dignissima, aliis vel aliâs explicanda relinquuntur: nam sola hic successio dominatus, atque principes, velut in theatro spectandi proponuntur.

LOTHARINGIÆ ET BRABANTIÆ DVCATVS.



SUMPTO igitur à Brabâtia exordio, cuius primos Duces suprâ enumerauimus, ad regnum Austrasiæ hanc regionem pertinuisse sub inferioris Austrasiæ nomine, non est qui ignoret. Mutata postea per Lothariû appellatione Lotharingia dici cœpit, eaq; rursus duplex, donec dux Henricus III. Lotharingiam inferiorem in Brabantiam cōmutauit, atq; Lotharingiæ titulo adiunxit, ut ex eius diplomatis, quæ adhuc exstant, liquet. Cōprehensus fuit igitur sub nomine Lotharingiæ, Brabantiæ ducatus, ab anno supra sexcentesimo vigesimo, cui dux primus Pipinus fuit Carolomanni filius. Pipino filius Grimoldus successit. Eius soror Begga Ansigiso nupsit Arnulphi filio, qui tertius ducum Lotharingiæ numeratur. Deinde Pipinus secundus, Carolus Martellus, & eius frater Pipinus Breuior Francorû rex, Carolus Magnus Dux, Rex & Imperator, Ludouicus Pius, & Lotharius Augusti. Filius Lotharij rex fuit Lotharingiæ, & sub illo titulo Brabâtia Dux decimus, cuius patruus Carolus Caluus vndecimus recensetur. Tamen sunt qui putent neq; Lotharium, nec eius filiû, si legitima Brabantinorum Principû series seruetur, hoc loco ponendum, Carolumque Caluum nonum ordine collocandum. Successit Carolo Ludouicus filius cognomento Balbus, cui filius posthumus natus est, Carolus Simplex appellatus. Sed in pupillari eiusdem ætate Galliæ regnum, & vtraque Lotharingia à diuersis tutoribus administrabatur. Multa iidem & valde præclara contra Normannos aliosque Barbaros bella gesserunt, & ut reliqua omittamus, memorabili victoria Arnulphus Imperator pupilli nomine potitus est in agro Louaniensi, cæsis plusquam nonaginta millibus Normannorum. Cum autem Carolus Simplex anno ætatis decimo sexto Franciæ regnum ægrè defenderet, inito fœdere cum Romanorum rege Henrico, Lotharingiam illi cecit, & quartum decimum principem statuit. At verò Henricus Lotharingiæ & Brabantie Ducem beneficiarium Gisilbertum nomine, primus instituit: Quemadmodum Cæsar Otho Henrici filius patris exemplo eisdem ducatus in beneficium contulit. Eiusmodi autem Duces velut Præsides prouinciæ serie continua quatuordecim numerantur, qui sic constituti ab Imperatoribus pro legitimis Lotharingiæ possessoribus sunt habiti. Hæc forma eiusdem ducatus conferendi circa annum nongesimum vigesimum septimum, primum sumpsit initium. Nomina recensentur supradictus Gisilbertus, Henricus Othonis Imperatoris frater aliquot opidis illi in Lotharingia assignatis, Ducis titulo abstinuit, quo filius Gisilberti emicuit, sed eius ætate nondum confirmata prouinciam administravit Otho filius Richuini, postea Conradus Othonis Cæsaris gener, agnomine Sapiens, ut ait Vasseburgius, tum Bruno Archiepiscopus Coloniensis Cæsaris item frater, Archiducis Lotharingiæ titulo insignis, illi successit Carolus Lotharij Francorum

corum regis frater Othonis II. Imperatoris beneficio, vtriusque Lotharingæ dux primus institutus anno nongentesimo octogesimo primo. Carolo successit filius Otho; quo sine liberis maribus extincto, & exclusa eius sorore Gerberga, alia inferioris Lotharingæ diuisio introducta est, per Lambertum Ragineri Longicollis Montensis Comitis filium, qui comitatum Louaniensem cum magna Lotharingæ Brabanticæ portione, Bruxella, Niuella, aliisque opidis, ex parte coniugis suæ Gerbergæ iure hereditario sibi retinuit; tametsi Imperator Henricus secundus quicquid in hoc ducatu erat reliquum præter comitatum Louaniensem, Gothofredo comiti, Gothofredi Arduennensis filio dedit, circa annum Domini Millesimum & quintum. Regionis hæc distractio annorum integrā centuriā locum obtinuit. Lambertus enim in pugna occisus cum Dux Gothofredus Ardennensis comitatum Montensem populabundus intrasset, eumque Raginerius Montensis comes cum patruo Lamberto Florinas usque persequeretur, anno Millesimo & decimo quinto, ut notauit Sigebertus, in comitatu Louanienfi successorem habuit filium suum Henricum comitem Louanij, & Marchionem S. Imperij, cuius caput est Antuerpia; illo per Hermannum, quem captum detinebat, Louanij occiso, & filio Othone paucis à paterna cæde mensibus elato, ad fraternam Henrici ditionem Lamberto secundo, qui Baldricus etiam dicebatur teste Sigeberto, patuit aditus, quem secuti fuerunt tres ordine Henrici, II. III. & IIII. & Gothofredus Barbatus eiusdem Henrici quarti frater. Dono verò Imperatoris Henrici secundi, comes Gothofredus Arduennensis, bello contra Frisios captus, impetratā iisdem veniā dimissus, ac paulò post è viuis sublatus fratrem Gothelonem Bononiæ comitem sanguinis vinculo successorem habuit: Cuius filius Gothofredus Henrici tertij Cæsaris beneficio armis extorto, Lotharingæ ducatum obtinuit; Mosellanorum enim ducatu illi negato, (quem Henricus Cæsar duci Longicollis in Alsatia Alberto, illoque occiso, Gerardo Alsatio attribuerat) reiecto quoque Lotharingæ ducatu (quem Friderico Lucemburgensi idem Cæsar contulerat, quo mortuo eundem Gerardus tertius Alsatus occuparat ex donatione Henrici quarti Cæsaris) contra Cæsarem bellum gessit, priusquam ei Henricus indulerit, deprecatore Leone nono Pontifice Romano aliisque principibus. Eum tamen Imperator postea non minus suspectum habuit, quod gratia valeret apud Italos, accepta in uxorem Beatrice Bonifacij Montisferrati marchionis potentissimi vidua, fratre etiam eius, qui Fridericus vocabatur, ad culmen Romani Pontificatus euecto, ac nomine Stephani IX. in annales relato, anno Domini M. C. LVII. Prædictus dux Gothofredus, filium in ducatu Gothofredum reliquit, corpore quidem pusillum & strumofum, sed animo præstantem & eximium principem. Frisios enim Orientales aggressus ad internecionem penè deleuit. Tum illo Antuerpiæ per Frisium quendam sicarium interfecto, (de qua cæde Robertus Frisius Flandriæ comes, vel iuxta Vasseburgium Henricus Augustus non benè audiebat) Henricus IV. Imperator eodem ducatu Conradum filium suum ornauit, qui cum à patre descuisset, & in rebellionem Romæ obisset, Gothofredum Bullonium & Bononium (sicut de Segeberto teste probatissimo demonstrat Vasseburgius) Eustathij Comitis Bononiæ ex Ida sorore Gothofredi Gibbosii filium, quem etiam hæredem Gibbosius nominarat, non tamen à Cæsare (qui ad imperium rediisse Lotharingæ ditionem asserbat, quod Gothofredus Gibbosius sine liberis decessisset) nisi rebus pro illo fortissimè gestis admissum, eidem substituit, qui postea acerrimus Christianæ religionis propugnator, virtutum suarum dignitate, regnum Hierosolymitanum meruit: Cui cum frater Balduinus in regno successisset, anno millesimo & centesimo, atque is in Asiatica expeditione versaretur, & eorum frater natus minimus Guilielmus Ioanuillæ dominus, Lotharingæ sine ducis tamen titulo præfesset, quem ad se pertinere Balduinus contendebat, eoque absens utebatur, Henricus Imperator, post obitum Gothofredi absente Balduino & repulso Guilielmo, Henricum Limburgensem ducatu Lotharingæ donauit, qui breui eodem spoliatus est ab Henrico V. ut in Limburgensibus Dynastis referemus. Henrico autem IIII. Louanienfi comite Tornaci in equestri certamine perempto, Henricus Imperator fratri eius Gothofredo Louanienfi, qui Barbatus dicebatur, filiam suam Sophiam Henrici V. sororem matrimonio, hæreditaria autem donatione vniuersæ Lotharingæ inferioris ducatum dedit, qui eiusdem integram proprietatem, quā maiores eius, Gerbergā ab Arduennatibus exactā, centum annis caruerant, (exce-

pto comiratu Louanienſi) cum Cæſaris beneficio qui reliquam partem ei conceſſit, ceu quadam conſolidatione recepit. In hac ſeculi periodo initium ſumpſit ducatus Lotharingiæ manifeſta diuiſio, ſuperiorem Theodoricus Bulloniorum fratrum Regumque Paſtinae ex Guilielmo nepos, contra Toparcham Limburgenſem, & Barbatum Cæſaris donatarios, armis ſibi aſſeruit, vnde iure ſucceſſorio principes Lotharingiæ ad nos uſque deſcenderunt. Inferiorem Barbato ceſſit, quæ poſt annorum ſeſquicenturiam in Brabantiam eſt mutata ab Henrico tertio Lotharingiæ & Brabantiae duce. Porro Gothofredus contra Arnoldum Berthaut Grimbergenſium dominum, in fide clientelari præſtanda contumacem, bellum proſperè geſſit: cuiusque poſteritas ducatum obtinuit, Gothofredus ſecundus, qui contra ducem Henricum Limburgenſem arma tulit, Lotharingiæ ducatum, quo Henricus quartus eum donarat, quintus priuarat, repetere affectantem, & Lotharingiam ingreſſum, lateque rapinis & cædibus deuastantem proſligauit, recepto deditoque D. Trudonis fano & ciuitate Aquigrani, quæ à partibus Henrici ſteterant. Hoc bellum Barbato aſcribit VVaſſeburgius, Brabantiae verò chronici filio eius Gothofredo, quos in hoc tractatu Brabantiae ducum ſequimur. Poſt hunc tertius Gothofredus in aciem bello contra Grimbergenſes in cunis delatus, præſentiâ ſua militiam animauit, vt ex hoc prælio victores euaserint. Ducta porro Gothofredus vxore Margareta Henrici Limburgi Ducis filia, omnem quæ illis principibus interceſſerat controuerſiam diremit. Et à ſuſcepta ſacra expeditione reuerſus occubuit, Henricum filium Lotharingiæ ducem hæredem relinques, multis poſtea rebus fortiſſimè geſtis nobilem. Huic filius Henricus nomine, ſecundus ordine, ſed à bellica virtute animoſus appellatus: illi Henricus tertius, qui pius vocabatur, primus Lotharingiæ & Brabantiae titulo uſus, ſucceſſorio ordine hæres extitit. VVaſſenburghius tamen Brabantiae ducis titulum Barbato attribuit, cuius tempore introducta eſt inferioris Lotharingiæ à ſuperiori ſeparata poſſeſſio. Tres illos Henricos totidem Ioannes in ducatu ſubſecuti ſunt. Quorum primus, ius quaſitum in ducatu Limburgenſi armis vindicauit; Alter dominij Machlinienſis dimidia parte emptione potitus eſt; Tertius rerum belli togeque geſtarum gloria & multitudine ambiguum reliquit, an ceteri Principes & Reges ſui æui, plus eius virtutes ſingulares admirati, an eius potentiam veriti fuerint. Illo autem cum liberis virilis ſexus mortuo, Ioanna eius filia principatum obtinuit, quæ priore marito Hannoniæ & Hollandiæ comite Guilielmo à Friſijs cæſo, nupſit VVenceſlao Bohemorum regis filio, Duci Lucemburgi, cui iure matrimonij Brabantiam adiunxit, anno ſupra milleſimum trecenteſimo quinquageſimo quinto. Qui cum ſine liberis vita ceſſiſſent, Philippus Audax Ioannis Francorū regis filius Dux Burgundiæ ducta Margareta Ludonici Malani Flandriæ comitis ex Margareta Ioannis tertij Brabantiae ducis filia, ſore Ioannæ, Ducatum eundem dotalem accepit, & ex ea illuſtrium liberorum parens Ioanni Burgundiam, Flandriam & Arteſiam, Antonio Brabantiam & Limburgum reliquit. Sed filijs Antonij, Ioanne & Philippo ſine prole legitima deſideratis, Philippus dux Burgundiæ, filius Ioannis quem Intrepidum vocant, ad patrui Antonij, in locum patrui, ſucceſſionem venit. A quo tempore Burgundiæ Brabantiaeque ducatus, ſub vno principe coniuncti permanſere. Ac præter eoſdem inſignis ille princeps, reliquis ſerè omnibus inferioris Germaniæ titulis & prouinciis, priuato iure ſanguinis, vel propinquorū hæreditate, aut emptione potitus eſt, vt in ſingularum ditionum Belgicarum principibus recensendis infra declarabimus. Succeſſit Philippo Carolus Audax, quem Pugnacem alij nominant, alij item Bellicoſum. Eius vnica filia & hæres Maria, Cæſari Aug. Maxæmyliano nupta, Ducatum Lotharingiæ atque Brabantiae cum reliquis Belgij potentiffimi prouinciis Auſtriacæ familiæ in dotem contulit, decem hoc quo Imperatorum altrici, cui Philippus Hiſpaniarum rex primus, eidem Carolus v. Imperator, victor, triumphator, illi Philippus i. ſucceſſit monarcha inuictiſſimus, Philippum tertium huius ſeculi columem hæredem relicurus.

Atque hæc de Lotharingiæ & Brabantiae Ducibus explicata ſufficiant, ad declarandam egregiorum Principum, qui illis præſuerunt, ſeriem & originem, & ad noſtra uſque tempora ſub Philippi ſecundi imperio incremētum. Porro quod ad numerum attinet denarium cum ſeptenario, quo Belgicæ ditiones hodie circumſcribuntur, vtriuſque ducatus titulo Lotharingiæ

ringiæ & Brabantia Principes nostri cohonestantur, eundemque illum numerum totidem provinciarum possessione expleuerunt, priusquam dominium Ultraiectense accederet. Quamobrem etsi Belgica ditio nomen Gallia reliquit, neque primæ vel secundæ Belgicæ limites seruantur, & vtriusque Austrasiæ exoleuit appellatio, mutatoque Mosellana provincie nomine, Serenissimi Guisig gentis Principes superiorem Lotharingiam potestate & titulo familiæ vindicant, nostri tamen Principes ab antiquo Lotharingiæ nomine ante Brabantiam acquisito minimè recedunt. Itaque ad Limburgi, quod tertium est ordine, eiusque ad reliqua dominia accessionem describendam progrediamur.

L I M B V R G I D U C A T V S.

N I H I L igitur de Limburgica provincia inuenio antiquius, quàm in quadam Geldrensi historia manuscripta, de quodam Henrico comite Limpurgi, qui tēpore Henrici III. Augusti, anno millesimo & quinquagesimo cū VVolfanno abbate Prumiensi dissidiū habuit: De eius autem stēmate variant auctores, VVolfangus enim Lazius ad duces Mosellanos originē refert, à Theoderico Guilielmi comitis Bononiensis filio in Hermannū Mosellanum, quem ex duabus vxoribus Gerberga Burgundica, & Heduga Hannoniæ comitissa, Henricum & Fridericū comites Limburgēses, genuisse describit, & eorum priorem, Henricum & Hermānum stirpis suæ vltimos reliquisse. Alij autem genus Henrici Limburgici, ad Lotharingicum stemma quidem referunt, sed Guilielmum Bullionium Eustachij filium Gothofredi, Solymorum regis fratrem, illi patrem attribuunt, parum tamen verisimili argumento, quia eiusdem Guilielmi vtriusque sexus liberi à ducum Mosellanorum scriptoribus, & à Richardo VVasseburgio recensentur: Theodericus nimirum, qui post patrem Lotharingiæ superioris ducatum tenuit, & continuata ad posteros successionē ad Serenissimum Carolum tertium transmisit, principem Galliarum hoc æuo sapientissimum. Deinde Henricus in Guilielmi filiorum albo reperitur, qui Theresiam Alphonsi v. r. Castellæ & Legionis regis filiam duxit, acceptā loco dotis & premij Lusitaniā, quam heroica virtute à Saracenorum furore liberarat. Ex hoc autem toro Alphonsus ille natus est, qui Rex in castris à suis salutat, regni Portugalliæ fundamenta primus iecit. Quod equidem magis credibile existimo, quàm eorum sententiam, qui Henricum Limburgensem Henrici Exducis filium Theresiæ maritum dant, neque vllam tamen rationem afferunt, cur idem Henricus à paterna hereditate vel à titulo abstineret, cū eundem describant tanquam primogenitum, nec alium eius fratrem vsquam commemorent; vel si per iniuriam aut pater aut ipse Limburgo exactus fuit, cur Lusitaniæ regnum adeptus, regisque Hispaniæ affinitate subnixus, res suas armis repetitum non venerit. Tertius autem filiorum Guilielmi, Gothofredus vocabatur Ioanuillæ dominus Ioannæ Harcurtij comitis filia maritus. Quartus fuit Albertus Archiepiscopus Moguntinus. Reliqui fuerunt: Theobaldus, Ida, Agnes, Bertha & Elisa. Obijtque idem Guilielmus anno Domini cIo. c. xxv. Quisquis igitur pater fuerit Henrici Limburgensis, Gothofredi Bullionij nepotem fuisse, tradit Chronicon Brabantia, qui cum fratre Balduino cruce initiatus & in Palestinam ad bellum sacrum profectus est, eorum fratre Guilielmo præfecturam fraternæ ditionis gerente. Verū mortuo Gothofredo, absente in longinqua expeditione Balduino, & reiecto Guilielmo Henricus Limburgensis inferiorem Lotharingiam & Brabantiam obtinuit, dono Henrici quarti Cæsaris Augusti, qui expugnatis eius castellis (quia orto inter patrem & filium Henricum dissidio & bello, filij partes Limburgensis sequebatur, totamque Lotharingiam miris cladibus affligebat) deditio- nem facere compulerat, cui gratiam suam Cæsar cum ducatu Lotharingiæ magna vi pecuniæ redimenti concessit. Sed cū patrem imperij ab Henrico filio insignibus spoliatum, profugumque Henricus Limburgensis reciperet, ab Henrico v. Augusto quoddam patrem fouisset, ceu reus Maiestatis exauctoratur, ei que ducatus inferioris Lotharingiæ abiudicatur, & Gothofredo Louaniensi, vt supra narrauimus, possidendus traditur. Post in gratiam cum Cæsare Limburgensis tandem redijt, quia Sigefridum quendam Palatinum perduellionis accusasset, ducatum verò non recuperavit. Quem cū armis à Gothofredo secundo repetere ten-

taret, ab eodem obsessus & fugatus est. Hoc autem dissidium per Margareta Henrici filia nuptias, Gothofredo III. elocata est compositum. Huius Henrici comitis Limburgensis meminit Meyerus, refertque Balduinum Hannonia comitem quartum, Henrico Namurcensi auunculo suo auxilia tulisse contra Limburgensem fines Namurcensium grauiiter infestantem, anno cIo. c. lxxii. Mansit autem Limburgensis ditio in Henrici familia, primo quidem comitatus titulo, quem ab Henricis Imperatoribus ducatus honore fuisse insignitum Munsterus annotauit. Hoc in praedicti Henrici persona accidisse liquet: nam eum Meyerus ad annum cIo. c. xciiii. bello Namurcico ducem vocat Lemburgensem, cui Henricus filius, eiusque frater Valeranus successit, qui Othoni Caesari cum septingentis equitibus militauit, anno decimo quarto post millesimum & ducentesimum. Postremus horum ducum Hermannus fuit, teste Lazio loco supra allegato, cui adstipulatur Henricus Aquilius, dissentient manuscripti Geldrensiu annales, qui Henricum eum vocant, quemadmodum & Brabantiae Chronicon. Quicumque autem is fuerit, ne ad coniecturas incertas dilabamur, sine masculula progenie defunctum esse constat, filia vnica Ermgarde relicta, Geldriae comiti Reinaldo primo nupta. Itaque iure dotali ac hereditario ducatum Limburgensem ad se pertinere Reinaldus contendebat. Dux vero Brabantiae Ioannes primus ius successionis in ducatu Limburgensi ab Adolpho comite de Monte, qui vltimo duci Limburgensi defuncto consanguinitate proximus erat, certa pecuniae summa comparauit, ipsa Ermgarde ante patrem defuncta. Orto ea de causa bello, Reinaldus priusquam manus conferent, actionem suam, si quam habebat in ducatu Limburgensi, Henrico comiti Lucemburgensi vendidit. Sed praelio inito, Dux Ioannes victoria potitus est. Lucemburgensis cum fratribus suis, qui a Reinaldi partibus stabant, & cum aliis nobilibus in acie cecidit. Geldrensis in Ioannis potestatem viuis venit, non ante dimissus, quam omnem actionem in ducatu Limburgensi, duci Brabantiae absolute cessisset. Hanc inter hos Principes controuersiam de Lucemburgensi comitatu exortam scribit Paulus Aemilius, & Principum nomina historiamque confundit: sed nostris fidem scriptoribus adhibemus, qui de Limburgensi principatu certasse dynastas illos tradunt. Hunc igitur titulum Ioannes secundus a patre accepit, & ab illo tertius, quem filius eius Henricus viuo patre obtinuit, cum Machliniensis dominij possessione: sed illo sine liberis legitimis defuncto, Limburgum ad duces Brabantiae rediit, & cum reliquis Germaniae inferioris prouinciis ad duces Burgundiae, postremo ad Austriacam domum Augustissimam, serie nunquam interrupta peruenit.

LVCEMBURGI DVCATVS.

P R I M A dominorum Lucemburgensium origo, de qua nobis certi aliquid constat, exordium a comitatu sumit (eo tempore quo haec regio Guerria vocabatur teste V Vasseburgio) in quem arx Lucemburgica erecta traditur, a Brunone Colonien- si Archiepiscopo Lotharingico Archiduce, anno quadragesimo supra nongentesimum, in gratiam Sigifridi, Ricuino patre nati Mosellano duce. Illi filius Gislebertus successit in comitatu Lucemburgensi, cuius filij Fridericus, Conradus, & Gothofredus comitis Lucemburgi titulo singuli claruerunt; filiam Oginam Balduinus quartus Flandriae comes, qui Barbatus vocabatur, circa annum millesimum uxorem accepit. Friderici Lucemburgensis meminit Meyerus in vita Balduini quinti Flandrensiu comitis; suffragante Sigeberto, qui anno cIo. lv. hunc Fridericum a Balduino quinto nepote eius Flandrensi comite & Gothofredo Arduennensi intra Andouerpum obsessum oppugnatumque refert. Quamuis autem idem Fridericus fratribus Gothofredo & Conrado post annum quinquagesimum & millesimum superstes, comitatus Lucemburgi insignia retineret, tamen ab iisdem non abstinuit Conradus secundus eius ex fratre nepos, nec secundi filius Conradus tertius, qui Guilielmus quoque vocabatur, nec Henricus eius frater, quod posteritas Friderici impedire conabatur. Coniugem Fridericus Gertrudem habuit, Gothofredi Barbati superioris Lotharingiae ducis filiam, vt in principum Lotharingiae catalogo reperitur. Hi filiam reliquerunt Hermensetam vel Hermensidem nomine, qua ducta in hoc Principum Lucemburgi albo subsecutus

subsecutus est Gothofredus Namurceus Alberti tertij Namurcei filius Lucemburgi comes vxorio nomine, filiumque reliquit Henricum cæcum, ætatis suæ anno quadragesimo quinto visus sensu orbatum, qui Gothofredum tertium Brabantia ducem iuris aliquid in Namurcum deposcentem vicit fugauitque, circa annum cIo. c. lxx. vt idem Meyerus annalibus intexuit: nam idem Henricus vtriusque principatus titulo inclauit, Lucemburgensis & Namurcensis, quemadmodum etiam Hannonia annales memoria prodidere. Huic Henrico mascula proles nulla fuit, sed filia vnica Hermesidis Theobaldo comiti Barrensi nupta, ac paterna Lucemburgi hereditate exclusa; duas etiam habuit Henricus sorores, vel tres iuxta quosdā, prima Manassii iuncta fuit Registetenfi in Capania comiti, ex altera Aleida, natus est Balduinus quartus Hannonia comes, tertia Isabella Conradi tertij Lucēburgensis coniux, (qui auctoritate Friderici Barbarossæ Lucemburgi comes absolutus fuit, exclusa Hermeside Henrici cæci filia) Henricum edidit Lucemburgi comitem ab Henrico vi. Augusto Barbarossæ filio confirmatum. Sunt tamen qui contra existimant, traduntque Hermensidem Henrico patri successisse, & priori marito Theobaldo Barrensi non peperisse, alteri verò coniugi Valeranno Limburgensi, Henricum secundum enixam esse, Lucemburgi comitem. Quam controuersiam Richardus V Vasseburgius difficulter conciliari posse declarat, ac calculo suo priorem approbat sententiam, & Henricum Conradi tertij filium Lucemburgensium comitem constituit. Ad quem compendij gratia lectorem remittimus. Hunc Henricum secundum Henrici vii. Cæsaris auum fuisse ex Meyero obseruari. Huic natus est Henricus tertius Lucemburgicus, qui cum fratribus pro Reinaldo Geldrensi comite contra Ioannem primum Brabantia ducem de Limburgi possessione dimicans occubuit, anno cIo. cc. lxxxix. Successit illi filius Henricus iv. comes Lucemburgi, ad R. Imperij fastigium euectus, & Henricus septimus Imperator salutatus, qui ducta Margareta Ioannis Brabantia ducis filia, Ioānem ex ea filium oculis captum, Bohemia regem & comitem Lucemburgi rebus humanis exemptus reliquit. Hic è priori coniuge Isabella Carolum sustulit, quarti nomen assecutum cum insignibus Cæsareis. Ex altera, V Venceslaum materno vtero excisum, parente non enecta, qui à patre Lucemburgum, ab vxore Brabantia principatum accepit. Itaque in regum Bohemia familia annis plus centum Lucemburgum permansit. V Venceslaus fratris Caroli Bohemia regis Cæsarisque beneficio Ducales Lucemburgi primus fasces erexit, anno quinquagesimo tertio supra millesimum & trecentesium, vt ex Imperiali diplomate liquet, cuius partem Guicciardinus in sua Lucemburgi descriptione inseruit; quo quidā scriptores erroris conuincuntur, qui vel ab Henrico septimo, vel à V Venceslao Imperatoribus, eundem comitatum ducatus apicem adeptum esse putant. V Venceslao verò duce sine liberis defuncto, filij Caroli quarti Imperatoris, V Venceslaus & Sigismundus, qui ad culmen Imperij, ordine per vnum Rupertum interrupto, singuli ascenderunt, ambo Luxemburgi principatum tenuerunt. Sed stirpe Boëmica lexus melioris in illis desinente, ius omne ducatus Luxemburgensis nepti suæ Elizabethæ, ex Ioanne eorum fratre Gorhizij duce genitæ, & Antonij Burgundi coniugi secundæ, in dotem vsufructuariam concesserunt, centum & viginti florenorum millium promissorum nomine. Hæc nullam tori fecunditatem experta, ducatum Luxemburgi Burgundia duci Philippo bono vendidit. Quoniam autem Sigismundus Augustus ex secunda vxore filiam Elizabetham suscepit, Alberto secundo Imperatori Austria Archiduci connubio sociatam, vnde nati sunt Ladislaus Bohemia rex, qui sine liberis obiit, relictis sororibus Anna & Elizabetha, quarum hæc Guilhelmo duci Brunsvicensi familie Saxonica, illa Casimiro Polonia regi iuncta est, vtraque ius suum quod in Luxemburgo habebat, pretio alienauit: Anna nimirum Philippo Bono partem suam addixit, cui propter acquisitum emptione dominium cum eius marito erat belligerandum: Ab Elizabetha verò quicquid actionis supererat, Carolus Audax redemit. Hinc ad Cæsarem Maxenilianum cum Maria Caroli filia, & sequentes Austria domus Principes, ducatus Lucemburgicus, inter ceteros Germania inferioris titulos ad nostra vsque tempora feliciter dimanauit. Quem non mediocriter Carolus quintus Augustus Imperator decorauit, quod in sacro Baptismo, Principis Christiani & Imperij exordium, Luxemburgum illi fuerit.

DE BELGII PRINCIPATV,
GELDRIÆ DVCATVS,
ET
ZUTPHANIÆ COMITATVS.



QUEMADMODVM in Brabantia ducum stemmate describendo consultò omisimus, quæ de Brabone, de Tungris, Aduaticis, alijsque populis antiquioribus, ad quos originem quidam referunt, & ab ijs Principibus exordium suum plimus, de quibus exigua aut nulla controuersia est: Sic in Geldrensi quoque genealogia nihil de Sicambrijs aut Menapijs differemus, nec primos Geldriae satrapas, qui titulo curatoris vel praefecti claruerunt, in hoc opere recenserebimus. Nam à praefectura, ut ferè omnes ditiores, ad suum principatum peruenit hæc regio. Siquidem Martino Austrasiae praefecto filius erat Lambertus, à quo ducunt originem primi Geldriae toparche; eam enim ditionem administrabat Guidus, vel ut alij Leopoldus, Lamberti filiorum natu minimus, anno quinquagesimo primo supra septingentos, ut tradit VVasseburgius. Carolus Magnus Imperator praesentia suauariisque ornamentis Nouiomagum decorauit Geldriae metropolim, eamque ditionem cum reliquis regnis, ad posteros transtulit per praesides administratam, donec domini de Ponte praefecturam ceperunt, feceruntque hereditariam. Verum praetermissa dominorum Ponticorum primitiua dynastia, triumque Vichardorum, Gerlaci, Gothofredi, Mengosi aut Megengosi, & Vibingi praefectura, quorum tamen nonnullos comitatu decoratos fuisse quidam arbitrantur, ab Othone Nassouio principatum auspicabimur, qui accepta Adelheida Vichardi tertij filia, facile sibi Geldriae dominatum acquisiuit, & generis claritate qua Othones attingebat ac Saxonum duces, & bellica virtute Comitatus honorem ab Henrico tertio Augusto assecutus est, circa annum septuagesimum nonum supra millesimum, si Lazio credimus, & Zelandiae Chronicis, vel sexagesimum primum, si Aquilum sequimur. Is filio ex Adelheida suscepto Geldriam hereditariam reliquit: Ex altera vxore Sophia VVichmanni Zutphaniae comitis filia, Gerlacum genuit, qui in Zutphaniae comitatu successit. Sed illo sine prole è viuis sublato, Zutphaniae comitatus Geldrensisbus ascribitur, à quibus nunquam postea deficiuit. Itaque Gerardus vtrumque comitatum filio suo Henrico transmisit, qui cum vxore Seinara Gothofredi III. Brabantiae ducis filia, Velaniam dotalem accepisse legitur, superstitis relinquens Gerardum & Othonem. Gerardus cum antistite Traiectensi decertauit de Velania possidenda, heredem autem belli conficiendi Othonem habuit, & in bonis successorem. Post illum Gerardus & Otho (sui vterque nominis tertius) comitatus habuerunt. Patrem Othonem Reinaldus primus sequitur, de quo inter duces Limburgenses differuimus. At tanta eius filij Reinaldi existimatio apud Caesarem & Imperij VII. viros valuit, ut à Ludouico Caesare Augusto dux Geldriae inauguratus sit, Francfordiensibus comitijs, decimo quarto Kal. Aprilis, anno trigesimo nono supra millesimum trecentimum: quibus annis nonnulli decenium adimunt, sed ex Caesaris diplomate, cuius vidimus exemplum, erroris conuincuntur. Tum dissidio subsecuto inter tertium Reinaldum qui patri successerat, cum annis quatuordecim imperasset, & fratrem Eduardum natu minorem, bellum vtrinque detestabile est exortum, in quo Eduardus superior euasit, capto fratre Reinaldo, totoque decennio carceri mancipato. Eduardo autem sine liberis extincto, non tamen ciuilis discordia quieuit, partibus diuersis Margaretam & Mariam sorores defunctorum, acerrimè fouentibus; donec Margaretà sine prole defunctà, Guilielmus Mariae & Guilielmi Iuliacensium Ducis filius, ad Geldriae Zutphaniaeque dominia est vocatus. Illi frater Reinaldus successit: qui sine liberis similiter obiit, Maria sorore superstiti relicta, quæ Ioanni ab Arkel marito suo peperit Guilielmum Arculanum, qui liberis non progenitis Gorichemi interfectus est: Maria eius soror insignia ducalia marito suo attulit, Ioanni Egmondæ in Batavia dynastæ: quæ ditio comitatus insignibus est ornata à Maxemyliano Augusto in V Vormarianis Vaugionum comitijs, anno supra CL. cccc. octogesimo sexto, vel iuxta alios nonagesimo secundo. Maria primo partu Arnoldum est enixa, auunculis suis magnis in ducatu successorem. Hic ab Adolpho filio principatum inuadente, in vinculis est detentus, sed à duce Carolo Burundo

gundo liberatus, duobus tantum annis capto filio imperauit, & memor impietatis, quam Adolphus exercuerat, patremque libertate per scelus spoliaret, successione ut indignum priuare illum statuit, & Burgundi beneficium hoc officio remunerari, ut Geldria & Zutphania venditione illi facta, eundem testamento heredem etiam scriberet. Quod ubi ita factum est, supremum clausit diem. Carolus emptionis & hereditatis iure in utriusque Principatus possessionem missus est. Sed ex heredem Principem Maria Caroli filia a paterno funere in integrum restituit, qui pro illo beneficio in ducem belli contra Gallos delectus Flandriam incurfantes, ante urbem Tornacensem circumuentus, occubuit; superstiti filio Carolo Geldria Zutphaniaque regulo. Is cum arma in Carolum v. Cæsarem mouisset, hac conditione pacem redemit, ut si prole legitima mortis tempore careret, Geldria & Zutphania Carolo Augusto vel eius legitimis heredibus cederet. Quod ita etiam accidit, & Guilielmo Cluiæ & Iuliacæ Duce in ordinem redacto, ac pace a Cæsare clementissimo impetrata, antiquissima & fortissima gens illa Sicambrorum ad Hesperium Monarchatum cum ceteris Belgij prouinciis applicatur.

FLANDRIÆ COMITATVS.



RODEAT in medium Flandriæ comitatus, cuius quanta sit potentia facile quibus animaduertet, qui circumiectas illi prouincias, totamque Germaniam inferiorem apud exterarum nationum Flandriæ nomine, omnesque Belgas, Flamingos a Flandris vocari intelliget, ab emporio quod Brugis fuit olim celeberrimum, & a rerum cum finitimis & exteris nationibus gestarum magnitudine ubique notissimis. Quoniam autem prouinciæ Flandriæ antiquitatem supra retulimus, & a Liderico Harlebecano primo Saltuario siue Foresterio, quem anno septingentesimo nonagesimo secundo in Flandria imperasse scribit Sigebertus, ad Balduinum Ferreum primum Comitem peruenimus; reliquum est, ut ab illo tempore quo ille regnauit, ab anno scilicet octingentesimo sexagesimo secundo, cum a Carolo Caluo Gallorum rege, Iuditha eius filia in uxorem accepta Comitatus titulo insignitus est, succedentes illi Principes deinceps prosequamur. Flandriæ finibus Scalde, Somona, & Oceano terminatis (ut contra hostes barbaros Aquilonares regionis situs & interstitium, ac Principis virtus eam defendentis attentius pro commodis propriis militaturi, tutissimum Gallia propugnaculum foret) Balduinus secundus patri Ferreo successit, Calui cognomentum ab auo materno tralaticium consecutus: filium Arnulphum heredem habuit, Magnum nomine, quod illi clientium sacerdotio & nobilitate præstantium, blandimenta indiderunt, variis ab ipso beneficiis affectorum, aut vitæ eius longitudo ad annos nonaginta & duos productæ, cum filium suum Balduinum tertium regnare vidisset, eidemque superstes fuisset, & Arnulphi Iunioris nepotis sui imparem regni gubernaculis ætatem senili prudentia aliquandiu sustentasset. Successit Arnulpho Balduinus quartus, a barbæ promissæ venustate nomen habens, cui Cæsaris Henrici secundi indignatio primò grauis & incommoda, postea utilis fuit, nam Augustus cum Barbato redintegratam amicitiam magno præterea beneficio cumulauit: ut in Zelandiæ tractatu referemus, & in ciuitatis Valentianæ compendio. Hunc sequitur Balduinus ordine quintus, Pius a morum, Insulanus ab opidi cultu dictus. Postea Flandriæ Balduinus imperauit Montensis cognomine, quod Hannoniæ comitatum a metropoli sic dictum Richildis matrimonio cum Flandria coniunxisset, utrumque principatū inter filios impuberes Arnulphum & Balduinū Montensis diuisit, atque huic Flandriam, illi Hannoniam testamento assignauit, tutela liberorum Roberto Frisio germano commissæ. Illo autem defuncto non solum tutelam ex formula testamenti Robertus poscebat, sed ipsum principatum, quem animo inquieto iam dudum ambiebat, armis occupauit. Itaque Arnulphus, Flandriæ hæres dominusque legitimus, in ipso ineuntis ætatis flore a patruo Roberto bello petitus in acie cecidit, frater Balduinus Flandria exactus in Hannonia imperauit. Robertus in Flandriam non valde renitentem armis inuasit, & in nepotum suorum possessionem irruit: quam historiam disertè prosequutum inuenio Lambertum Schafnaburgensem ad annum cLo. LXXI. Flandrorum propensa ad Frisium defectio Richildi attribuitur,

attribuitur, quæ muliebri auaritia, & importuna superbia dominatum, quem nomine filiorum tenebat, subditis vniuersis inuisum reddiderat, ad principem Robertum libertatis vindicem gratiosum transeuntibus, partim animis voluntariis, partim cõciliatis. Hic filium nominis & regni consortem superstes habuit, Solymi cognomento à Syriaca expeditione cum gloria reuersum, connubiali fœdere Calixto propinquum, secundo eius nominis Pontifici Romano per coniugem Clementiam Pontificis fororem. Is filium Balduinum successorem habuit, qui à seueritate qua solet in latrones comprehēfos animaduertere, Securis vel per diminutiũũ seruato patris idiomate Securiculę agnomine, ab aliis comitibus Balduinis distinguitur. Qui cū liberis careret, Carolum Pium ex Canuto Danoꝝ rege & Adela amicum heredem instituit, qui Flandriam armis contra Clementiam Securiculę matrem defendit & retinuit. Quo per scelus nefarium suorum trucidato, ingens exoritur de Flandria controuersia, sed repulsis competitoribus qui sanguinis propinquitate videbantur præferendi, Guilielmus Normannus a patre Henrico Anglorum rege exactus; Ludouici Crassi Francorum regis opera, Flandriæ comes appellatur; obtrusus potius Crassi auctoritate, quàm subditorum beniuolentia receptus. Qui cū iisdem artibus & consiliis violentis, quibus cepit imperium, illud etiam exerceret, pecuniæ studium diuturnitati sceptri præposuit: & Theoderico Allatio ex sorore Gertrude nepoti, ad Rempub. regendam ab ordinibus accito, maturẽ locum dedit, qui extincto auunculo principatum recepit, rebus in Syria fortiter gestis clarus. Quemadmodum & Philippus Alfarius eius filius, qui à corpore Flandriæ Artesiam separauit matrimonio Isabellæ ex sorore sua neptis, cui illam regionem codicillis sponsalitiis, dotalem addixit, Philippo Augusto Gallorum regi nuptæ. Alfatio Philippo in Prolemaidis obsidione morbo pestilēti cum plurimis absumpto, soror eius Margareta cum marito Balduino Hannoniæ comite ex testamento successit. Ex his genitus Balduinus, qui Imperator Orientis creatus à Gallorum proceribus, in Thraciæ expeditione illum comitantibus, Byzantinus vocabatur, Flandris simul & Hannoniis iura dedit. Namurcum ex paterni legati formula Philippo fratri concessit. Postea in Græcia xv. virũ (quos Franci, Longobardi & Venti, quinos singuli, electioni præfecerant, teste Niceta Choniata) suffragiis Augustus saluatus, in obsidione Adrianopolis captus, fertur in carcere membratim dissectus, filiabus Ioanna & Margareta relictis, quibus nihil ex Cæsarea parentis dignitate præter nomen accessit Constantinopolitanum. Philippus Namurcæus illarum patruus populo parum gratus, summa rerum apud Flandros & Hannonios procuracione & vtraque simul prouincia eiicitur. Ioanna Ferdinando Sanctij Lusitaniæ regis filio coniux datur, ad quem Flandria matrimonio transiit; sed illa sterili toro defuncta, soror Margareta imperium suscepit, quod ad filium Guidum transiisit ex Guilielmo Dampierro genitum, qui illud Roberto Betuniensi reliquit, ab opido natali sic appellato. Hunc duo Ludouici subsecuti sunt: Prior, Niuernēis à natiuitatis, Cressiacus à funeris loco dictus: Alter Malanus à genitili solo nuncupatus. Reliquit heredem Malanus Margaretam, quę Flandrico diademate Carolum Audacem maritum ornauit: cuius posteris his opibus audaciores facti, non amplius putarunt Gallorum potentiam sibi pertimescendam. Hinc ortus est Ioannes quem Intrepidum vocant, cui successit Philippus ille Bonus, illi Carolus Pugnax, à quo Flandriæ comitatus per filiam Mariam ad Austriæ Principes cum luculentissimis reliquiarum ditionum hæreditatibus affluxit, vxorio iure scepro ad nostra vsque tempora propagato.

ARTESIAE COMITATVS.



OST Flandriæ comitatum Artesia numeratur, cuius urbem primariam Atrebatētes habitant antiquissimi populi, Iulio Cæsari non ignoti, quibus superatis Commium regem constituerat, opera eius fideli & vtili in expeditione Britanica vsus, pro quibus meritis ciuitatem eius immunem esse iussit, iura legesq; reddidit, ipsęque Morinos attribuit. Post Comij regis mortem, Atrebatēes cum ceteris Belgij populis Romanis paruissē, deinde Francis credibile est, donec à Clodoueo Francorum rege Ragnacarius vel Cannacarius Atrebatensium princeps & eius tractus quā Flandria continetur cum fratribus

fratribus interemptus est. Ceterum Artesiam in Flandrica prouincia fuisse comprehensam non est obscurum, & Carolum Caluum Francorum regem Balduino primo Flandriæ comiti, cuius metropolis Atrebatum erat, cum Iuditha filia in dotem contulisse ex annalibus liquet; & Balduinum Caluum caput Flandrici principatus ibi constituisse, & eundem in hac principum Flandricorum familia perpetuò mansisse, donec Ioannes Atrebas à Balduino Pio bonis omnibus exutus tota Flandria pelleretur, vt Meyerus testatur. Continuata est possessio vsque ad Philippi Alsatij tempora, qui ea Flandriæ occidentalis parte, quæ Artesiam complectitur, Ludouici septimi Francorum regis filium Philippum maritum Isabelle neptis suæ tabulis dotalibus locupletauit. Vnde postea grauis discordia ac bellum plusquam quinquennale exoritur, Flandris eam prouinciæ distractionem, sine ordinum populique suffragio à principe factam, indignè ferentibus. Tandem pace inter Philippum Augustum & Balduinum Flandriæ Hannoniæque comitem inita, Artesia Philippi filio Ludouico arbitrorum sententia transcribitur, qui filium Robertum Artesiæ hæredem testamento nuncupauit, & Sanctus Ludouicus prouinciam honoraria comitatus prærogatiua decoratam, anno c1o. cc. xxiv. eidem Roberto fratri suo concessit, qui illam filio Roberto reliquit. Ille filio Philippo superstes, sola Mathilde filia relicta, inter viuos esse desit. Tunc orta controversia de Artesiæ comitatu inter Robertum Philippi filium, ipsamque Mathildem eius amitam, sententia in curia Parisiensi pro Mathilde iam defuncta, lata est, contra Robertum eius nepotem, iure appennagij, quo masculi feminis præferuntur, & naturæ, quo ad auita bona nepotes vocantur, propinquiorem. Sed quia Robertus falsis præstigijs tabulisque confectis in hac lite vltus erat, pro femina bis fuit pronunciatum. Hanc tamen sententiam ad gratiam potius nonnulli referunt, quam ad odium iniquitatis, eo quod Mathildis filiam suam Ioannam natu maximam Philippo Longo regis filio despondisset. Ex hoc toro genita fuit Ioanna, quæ Odoni duci Burgundiæ nupta, Philippum reliquit, ducem comitemque Burgundiæ & Artesiæ. Illi Philippus secundus hæres fuit, sed obiit sine sobole pubertatem vix egressus. Burgundiæ ducis sorore, Burgundiæ verò Artesiæque comitatus Philippi Longi affinitate ad principum Flandricorum familiam rediit, filiâ eius Margaretâ Ludouico Niuernio Flandriæ comiti in vxorem datâ. Ex quo matrimonio Ludouicus Malanus procreatus est, qui Flandriam cum Artesia obtinuit, & filiæ suæ Margaretæ reliquit, quæ vtrumque comitatum Philippo Valesio vel Audaci Ioannis Gallorum regis filio in dotem attulit; Inde ad Ioannem, Philippum Bonum, & Carolum Burgundos Artesia peruenit, eamque prouinciam Ludouicus xi. cæso prope Nanceium Carolo armis inuasit, & nomen gentis Atrebatum extinguere conatus est, mutata in Franciam appellatione. Recuperavit tamen Artesiam Maxæmylianus Augustus, eamque Philippo Austrio cum ceteris prouinciis pacatam reliquit, & Belgij ditionibus deinceps annexam.

H A N N O N I Æ C O M I T A T V S.

HANNONIAE prouinciam olim in silua Carbonaria sitam, nunc quoddam Belgicæ nobilitatis seminarium, obtinuerunt Principes, iuxta VVasseburgium, & annales Hannoniæ, è regis Francorum prosapia descendentes, per filium eius natu minimum Albericum vel Auberonem in quatuor VValteros ad sanctas VValtrudem & Adam siue Adela, hinc ad Clotildem earum sororem, eiusque filium Brunulphum delato Hannonum imperio, à Dagoberto interfectum, exactis eius filiis Brunulpho, Almerico, Hidulpho & Glomerico, quos rex Austrasiæ Sigebertus restituit. Alberico filius VValterus siue VValtericus successit, illi VValterus secundus, qui pro rege Francorum Pipino militauit, sicut eius filius VValterus tertius pro Carolo Magno contra Saxones pugnans occubuit, circa annum octingentesimum. Sed deficiente masculorum sobole, Maldeberta VValteri filia maritum Alberonem nobilissimo huius tractus comitatu ornauit, Caroli Magni assensu: ex quo toro Albon est genitus, qui Manassis pater fuit, ille Ragineri primi agnominem Longicollis parens extitit, comitis Montensis; sic enim vocabatur à metropoli quæ

poli quæ Montium nomen adhuc retinet, & Castrî locus dici solet. Idem Raginerus insignibus comitatus ab Othone Casare eiusque fratre Brunone Colonię Archiepiscopo spoliatus, quod regnum bellis perturbaret, vel quod Gerbergam Gisleberti Mosellani ducis viduam, Augusti sororem, bonis à marito relictis eiceret, circa annum sexagesimum supra nongentesimum, bonis suis publicatis obiit, superstites relinquens filios Raginerũ & Lambertum, qui ad regem Lotharium confugerunt. Raginerus Montensem comitatum recepit, Garnero & Ramnoldo eius ditionis vsurpatoribus prope Peronam cum exercitu delectis. Sed ab Arnulpho secundo Flandrię, & Gothofredo Arduennę comitibus, Montensis eiusque frater Lambertus, qui Lotharingię ducatum recuperare sæpe tentarat, denuò pulsus, tandem auxilio Hugonis Capeti Francię postea regis, cuius filiam Havidam Raginerus uxorem habebat, superiores euaserunt. Lambertus matrimonio Gerbergę, Lotharingię legitimę hæredis, Louaniensem comitem se fecit. Raginerus Montensem comitatum retinuit, tamen iuris Imperialis esset, coniuuente Henrico Casare, inter Diuos relato, qui fratres bellicosos ob eorum virtutem & potentiam ferendos potius, quàm armis denuò lacessendos putauit. Postquam autem Raginerus secundus fati munus expleuisset, eiusque filius Raginerus tertius aliquot annis imperasset, vt Hannonici testantur annales, & patiuo suo Lamberto Louanienfi auxilium tulisset contra Arduennenses de recuperanda Lotharingia dimicanti & occiso, ipse anno cło. xxix. ex hac vita migravit; filia Richildis hæres principatus superstes fuit, quam defuncto Hermanno Arduennensi eius marito vi abductum Balduinus quintus, Flandrię comes filio suo Balduino sexto uxorem adiunxit. Tum bellum ob nuptias coactas excitatum, vtilibus Balduino, qui Montensis à dotali comitatu vocabatur, conditionibus sedatum est, Hannonicâ ditione citra controuersiam illi attributâ, cum opidi Tornacensis agrique accessione. Vxorem autem viduam relicturus Balduinus, cum duobus filiis Arnulpho vel Arnoldo, & Balduino impuberibus, huic Flandriam, illi Hannoniam tutelamento assignarat, fratrique Roberto quem Frisij agnomen meruisse supra diximus, tutelam liberorum suorum commiserat. Robertus fratri Balduino superstes tutelam è vestigio in dominatum conuertit. Profuga cum duobus pupillis Richildis à Philippo rege Gallię auxiliares copias impetrat, quas Frisus adortus adhuc imparatas capta Richilde disiecit fugauitque. Sed cum & ipse in hostium potestatem prælio venisset, mutua redemptione vterque suis redditur. Postea cum signis iterum collatis dimicaretur, Arnulphus comes ex equo deturbatus à milite iugulatur; Richildis & Balduinus in Hannoniam se recipiunt. At mulier animosa, altero filiorum suorum orbata, altero legitima hæreditate eiecto, cum opem in Francis exiguam inueniret, ad Episcopum Leodiensem Theoduinum conuersa, Hannoniam eius ditioni subiecit, consensu Henrici Imperatoris, Episcopi professâ sêse fiduciariam; à quo impetrata magna vi pecunię, nouum cum filio bellum, conatu non satis procedente, instaurauit. Ducta porrò Balduinus Ida uxore, quæ Lamberti ii. vel iuxta alios Henrici ii. Louanienfis soror erat, aut eiusdem Henrici filia, vt Vasseburgius opinatur, suscepit ex ea præter reliquas proles Balduinum secundum Hannonię comitem. Ille Balduinum tertium ex Iole uxore, Geldrię reguli filia, genuit, qui ex Aleida Gothofredi comitis Namurcensis filia Balduinum sustulit cognomine Magnanimum. Hic Flandrię & Hannonię nobilitatis consensu Margaretam Philippi Alsatię sororem, principatus Flandrici hæredem coniugem habuit, & ex illo toro Balduinus prodiit, per quem Hannonia rursus Flandrię copulatur, rectęque comitum linę restituitur, vnde vi & armis à Roberto Frisio auulsa fuerat, annis circiter centum & triginta. Ceterum hic Balduinus Flandrię octauus, Hannonię quintus comes, & primus Orientis eo nomine Imperator, sine prole virili miserabili fato & supplicio interceptus, Ioannam & Margaretam hæredes reliquit. Sed cum Ioanna neq; filio Sanctij Lusitanorum regis Ferdinando, neq; Thomę Allobrogum Principis fratri, quibus suo cōiugio Flandrici comitatus & Hannonici insignia attulerat, peperisset, vtramque prouinciã obtinuit Margareta. Quæ cum antea Burchardi Auennienfis tutelę & fidei commissa, eidem etiam contra leges nupisset, soluto per legitimum impedimentum matrimonio, Guilielmo Dampierro secundis nuptiis sociatur, filios è tutore Ioannem & Balduinum, ex Dampierro, Guilielmum, Guidum, Ioannem, & Mar-

riam eni-

riam enixa. Tum verò inter fratres vtriusque tori orta contentione, Guilielmus in Flandriæ comitatum successit, Ioannes Auennienſis pacto cum fratribus reliquis inito Hannoniam retinuit, Innocentio quarto Pontif. Max. ad quem D. Ludouicus rex Gallorum, de iure priorum nuptiarum causam reiecerat, matrimonium approbante, & filios inde natos ſententia Apoſtolica legitimos declarante. Auennienſis autem filium nomine patri ſimilem, ſed maiorem potentia habuit. Nam Ioannes Hannonius Aleidam Florētij quarti Hollandiæ comitis filiam petiit, duxitque, quæ mortuo fratre Guilielmo, eiſque filio Florentio quinto, & ex eo genito Ioanne primo Hollandiæ comite ſine liberis vita functo, comitatus Hollandiæ, Zelandiæ & Friſiæ iure hæreditario Hannoniæ adiunxit, & ad duos Guilielmos Hannoniæ, Hollandiæ, Zelandiæ, Friſiæque comites ſuo ordine tranſmiſit, quorum prior nomen Boni virtute ſua meruit: Poſteriori ſine prole defuncto Margareta Auguſta ſoror eiſ ſucceſſit, ex qua Ludouicus Bauarus Cæſar Guilielmum genuit, & Albertum duces Bauariæ, Hannoniæ Hollandiæque comites. Albertus fratri mentis inopi ſuperſtes, partim nomine curatoris, quem Ruardum vocant, partim Principis titulo prouincias rexit, filioque Guilielmo poſſidendas reliquit; cuius hæreditatem Iacoba Bauara filia vnica adiit ex patris voluntate, ſubditorumque conſenſu, bonis omnibus tituliſque fruitura, niſi Ioannes eiſ patruus Leodiienſium antiltes inſignia principatus ſacerdotio prætuliffet, & neptim, quæ in polygamia quartò repetita, nunquam peperit, iis armis artibusque laceſſiuiſſet, quibus illa fatigata, Philippo Burgundo præter reliquas prouincias Hannoniam quoque tradidit, ex vtroque parente hæredi legitimo. Atque hac ratione comitatus nobiliſſimus longeque ſplendiſſimus à ſtirpe Mōtenſium ad Flandriæ comites, inde ad Batauicam, deinde ad Bauaricam, ex illa in Burgundicam, poſtremò in Auſtriacam familiam deſcendit.

H O L L A N D I Æ Z E L A N D I Æ Q V E C O M I T A T V S, E T F R I S I Æ D O M I N I V M.

IN COMITVM Hannoniæ præcedenti deſcriptione, quosdam Hollandiæ etiam Comites attigimus, quorum ſeries ab initio ſuo loco eſt repetenda. Igitur Bataua Pop. Romano quondam ſocia, vt ſupra oſtendimus, vt illa prætermittam, quæ de hac gente & antiqua regione Cornelius Tacitus memoriæ prodidit, declinatâ Romanâ potentiâ, frequentibus Normannorum Danorumque populationibus fuit obnoxia, qui cum vltius in Galliam irrumperent, illorumque incurſus ægrè Franci ſuſtinerent, Carolus Caluus eandem prouinciam viro bellicoſo tradendam cenſuit, qui dum propriam ditionem ſtrenuè defenderet, ipſosque Normannos ſedibus ibidem fixis deturbaret, Barbaros à Francorum finibus arceret, obiecto illis Batauiæ propugnaculo. Sic eodem ſerè tempore atque conſilio, quo oræ maritimæ Saltuarios præfecerat, Theodericum nepotem ſuum Batavis comitem primum dedit, anno ſexageſimo tertio poſt octingentefimum, inſulis Zelandicis ea tempeſtate omnino ſilueſtribus, ac Friſia in eadem ditione comprehenſis. Sed ne principes antiquiores Friſiorum prætereamus, eam regionem Drufus ſubegerat, quæ tandem excuſſo Romanorum iugo Francis paruit. Mox recuperata priſtina libertate Friſij ſuos Principes habuerunt, Duces. Regeſque. Beroaldum rex Franciæ Clotarius vicit, eoque interfecto Agdillum eiſ filium Friſiæ regem conſtituit, cui Radbodus in regno ſucceſſit, cum quo Carolus Martellus & Pipinus bellarunt. Domiti tandem à Carolo Magno Friſij Francis fuerunt dicto audientes, vſque ad Caroli Calui tempora, qui eas Theoderico cum Bataua ſubiecit. Tametſi Regino aliique ſcriptores, Carolum cum Normannis fœdus iniſſe, illorumque regi Gothofredo conceſſiſſe, adiecta ſponſione, vt religionem Chriſtianam amplexus, Friſiæ principatum cum Lotharij filia Gilla dotali pacto acciperet, circa annum D. CCC. LXXXII. Sed ad Friſiam Orientalem Normannis viciniorem fortaiſſis ſpectabat ea

bat ea donatio, nam Occidentalem Batauiæ conterminam ex dono Caroli Calui, Hollandiæ toparchæ comitum dignitate ab eodem illustrati iam antea acquisiuerant. Hollandiæ nomen recentius est, etiamli eodem promiscuè hic vtimur. In quo comitatu cum Zelandia & Frisia, Theodorici filius Theodoricus successit, illi Arnulphus, qui ab Othone tertio Cæsare impetrauit vt Hollandiæ, Zelandiæ, Frisiæque comitatus, Imperio Romano fiduciarij essent, vt à Francis liberarentur. Eaque de causa adductum existimo S. Henricum Imperatorem, vt ad donationem Valacriæ aliarumque insularum Zelandiæ Balduino Barbato Flandriæ comiti factam, procliuior fuerit. Arnulphum autem comitem strenuum bellatorem, qui contra Frisios dimicans occubuit, duo secuti sunt ordine Theodorici, hic multis, ille paucis Imperium annis habens. Posteriori, quia cœlebs vixerat, Florentius eius germanus successit, Hollandiæ, Zelandiæ & Frisiæ Orientalis primus Comes. Hic filio pupillo Theodorico relicto è viuis excessit: Gertrudis eius vidua Hermannî Saxonî Ducis filia ad secundas nuptias transiit, cum Roberto Frisio Flandriæ comite, cuius pater Balduinus assignato illi Aloftano comitatu, & quinque insularum Zelandicarum portione, imperij Flandrici cupiditatem, & quam ab ingenio præferoci metuebat iniuriam redemerat. Vxoris suæ nomine curationem Hollandiæ, Ordinum voluntate pupillorum tutelam Robertus suscepit. Iisdem temporibus Guilielmus Episcopus Vltraicthenfis xxi. Vibingo progenitus Geldriæ præfeto, ad Hollandiæ principatum suo artificio, & Cæsaris Henrici errore obrepperat: Sed cum de hoc honore tituloque malè parto antistes diffideret, Gothofredum Lotharingum Arduennensem Gibbosum celeriter acceperat. Ille armis in Hollandiam viam sibi patefecit, fuditque repugnantes, Frisium cum vxore liberisque fugauit, & à præfule Guilielmo per vrbes circumductus, metuque inauguratus Hollandiam vsurpauit, ab eodem Pontifice in feudum acceptam. Quinquennio elapso Theodoricus quintus in paterna ditione non prius admittitur, quam dux Gothofredus à submisso percussore vulneratus expirauit. Deinde Florētius nomine secundus corpore obesus, ingenio pacificus, Hollandis, Zelandis & Frisiis imperauit, & fœdere cum Henrico v. Cæsare icto, Zelandicas insulas à Roberto repetiuit. Hunc sextus est secutus Theodoricus, illum Florentius, qui in belli facri ad Antiochiam laboribus posteritati memoriâ, animam Deo deuouit. Theodoricus vii. Hollâdiæ comes prosperè in Zelandia exactis inde Flandris, in Brabâtia pugnavit infelicer: nam opido Buscoducis vi subita occupato, sua captiuitate & pretio damnû luit. Guilielmus eius frater comes Frisiæ Oriētalis, mox à fratris obitu principatû arripuit, comite Ludouico Lonæo repulso, qui Adam Theodorici legitimam hæredem in coniugē habebat. Post mortem Guilielmi primi Comitis Hollandiæ, prouinciæ ad Florentium eius filium deferuntur: quem rerum fortissimè gestarum magnitudo, virtutisque, & peritiæ dimicandi admiratio, in exitum adduxit. Post eadem paternam Guilielmus admittitur, qui tēpore factionis Guelphorum & Gibellinorū ad regnum Romanum vocatus, Cæsareum diadema tamen haud adeptus est, quamobrem in iusto legitimoque Augustorū catalogo à quibusdam omittitur. Sunt qui ab Innocētio quarto Pont. Max. Cæsarea insignia Genue scribunt accepisse, quod etiam Cuspinianus tradit, de loco tantum discrepans, & ab eodem Pontifice Guilielmum astantibus multis præfulibus Lugduni confirmatum fuisse asseuerat; primum tamen diadema Aquisgrani accepisse, præfente legato Pontificio Cardinali, Vasseburgius auctor est. Præter cætera huius principis memoratu digna opera, sanctioris prætorij apud Hagocomitanos exstat decus. Cum autem Guilielmus partim glacie, partim Frisiorū insidiis esset obrutus, Florentium v. filium necdum anniculum reliquit, de cuius tutela exortum diffidium fœdere componitur, vetus de Zelandicis insulis controuersia, matrimonio conquiescit. Etenim cum Zelandia in fide ac clientela comitum Flandriæ adhuc esset, Florentius Beatricem Guidi comitis filiam in vxorem accipiens, primus comes Zelandiam cum omnibus regionis eius insulis possedit. Sed fœdo suorum parricidio trucidatus, ad Ioannem primum transiisit prouincias. Huic vxor Elizabetha Eduardi primi Anglorum regis filia torum sterilem reliquit, ac comitibus Hannoniæ hæreditatem amplissimam attulit. Enimuero Ioanne ex humanis sublato, Ioannes secundus natus ex Aleida Florentij quarti filia & Ioanne Auennensi Hannoniæ comite, Hollandiam, Zelandiam, Frisiamque cum Han-

cum Hannonia coniunxit, quemadmodum in comitibus Hannoniæ recensendis supra declarauimus. Hinc Bauaris, inde Burgundis, denique Austriacis Hollandiæ Zelandiæque comitatus & dominium Frisiæ auspiciatò obuenerunt.

NAMURCI COMITATVS.

NAMURCI comitatum Hannoniæ finitimum à Pipino Crasso possessum fuisse scribit Tritermius anno DC. LXIII. & à Carolo Maitello Richardus Vasseburgius, tametsi eam opidi nomenclaturam non tam antiquam puto; Regionem verò illam his principibus paruissè, & ad posteros eorum comitatum demigrasse equidem concedo. Sed quoniam nihil certi de iisdem habemus; à comite Alberto principatum auspicabimur, qui filiam Caroli ducis Lotharingiæ Ermigardem, Gerbergæ Louanienfis sororem, connubio accepit, circa annum quintum supra millesimum. Post hunc reperio in Lotharingiæ ducum stemmatibus Albertum comitem Namurceum vxorem habuisse Rheinholdam nomine Gozeli Ducis Lotharingiæ filiam, circa annum millesimum & quadragesimum quartum. Qui Albertus secundus prioris filius fuit, filiumque reliquit Albertum tertium, ille Gothofredum Namurcensem, & nomine vxoris Hermensidis Luxemburgensem comitem, quem è viuis excessisse deprehendo circa annum decimum quintum supra millesimum & centesimum. Hic filiam natu maximam Manassi nuptum dederat, Registenfem in Campania comiti, qui post obitum Henrici, vxoris suæ fratris, de Namurci possessione controuersiam mouebat, Namurcensibus quidem gratus, sed ab Henrico VI. Augusto reiectus repulsam tulit. Aleidam verò filiam suam Balduino tertio Hannoniæ comiti clocarat, Isabellam ex altera vxore genitam, vt Vasseburgius ariolatur, Conrado tertio comiti Luxemburgi coniugio sociarat, filium autem Henricum in comitatu Namurcensi vnà cum Luxemburgensi iure maternæ hereditatis successorem habuit. Henricus de vxoris fecunditate desperans cum comite Balduino hoc modo paciscitur: vt pretio de quo inter se conuenerunt per Balduinū exsoluto, pro omni iure quod Henrici sorores in Namurcum obtinebant, vniuersum comitatum post obitum Henrici Balduinus possideret; Henricus quoque ad viueret eo liberè fruëretur, nec non illa portione quæ ad coniugem Balduini Aleidam pertinebat. Quibus conditionibus solenniter transactis, Henricus Namurceus Gothofredum tertium Brabantiae ducem vicit, iuris aliquid in Namurcum armis deposcentem. Cumque ab eodem viribus resumptis, aliiisque principibus sæpe infestaretur, Balduini tertij quartiue auxiliis superior euasit. Sed ubi Valeramo, vel vt alij, Conrado Luxemburgensi, eius ex sorore Isabella nepote, de iure comitatus armis contendente, consilium mutasset, & fœderis sanctè cum Balduino percussu, ac semel iterumque post acceptam ex morbo cæcitatem renouati, acta rescidisset, Namurciue comitatum eidem Valeramo minori natu germana progenito, per iniuriam contulisset, bello prælioque crecento superatus est. Sed cum Henricus comes è recepta vxore, (vel secundum alios, in locum concubinae supposita) qua quindecim annorum diuortio caruerat, filiam heredemque Hermensidem sustulisset, Henricus Campaniæ in Gallia comes, vel iuxta alios Theobaldus Barrensis, vt in principibus Luxemburgi diximus, illam in vxorem accepit, nuptiali pactione intercisâ, quam fuerat stipulatus de ducenda Iola Balduini filia, natoque inde bello, Balduinus Namurcum, dum aliis bellis Campanus aut Barrensis distinetur, occupauit & retinuit, atque à Friderico vel Henrico VI. Augusto impetrauit Cæsareum decretum, quo omnibus Gallicæ nationis nobilibus Namurci comitatus successione interdictum est. De hac controuersia comitatus Namurcensis multa referuntur à Richardo Vasseburgio, ad quem studiosum, breuitatis causâ, lectorem ablegamus. Iuxta hanc Cæsareæ sanctionis formulam Balduinus Philippo filio suo Namurcensem principatum testamento legauit, ea conditione vt cum comitatum à fratre Balduino, ille à Cæsare fiduciarium acciperet. Itaque Philippus Namurcensis Marchio, quo titulo inter ceteros parentes eius condecorabantur, cum filio infantulo in humanis esse desijt. Namurcum per Henricum Byzantinum Cæsarem ad Iolam sororem eius descendit, Petri Antifiodorensis Augustam, quam Honorius III. Pontif. Max,

tif. Max. à reſcripto contra fratrem dum viueret impetrato, epiſtola ſua Decretali abſoluit. Significauit nobis comitiſſa Namutēſis, de reſcript. Hanc Cuſpinianus Henrici Imp. Conſtantinopolitani filiam vocat, refragante Meyero aliſq̃ rerum Flandricarum ſcriptori-
bus, & Nicephoro Gregora, quibus aſſentior, veluti certiùs de ſuorum Principum ſtemma-
te iudicantibus. Enimuero ſub Honorij Pontificatu, Balduino & Henrico Conſtantino-
politaniſ & Philippo Namurcæo Ioles fratribus vita fundtis, Petrus cum Iole Romam pro-
fectus, in baſilica S. Laurentii extra muros coronatus eſt, vt Platina teſtatur, prædicto Pon-
tificis decreto ab Iole impetrato. Quod idem Honorius Decretalibus inferuit, quas ipſe in
volumen collegit epiſtolis, Gregorius nonus ſucceſſor eius edidit. Neque Namutenſis vocis
inſolentiâ magnopere moueor, quia apud Rob. de Monte in appendice ad Sigebertum,
Nammutum inuenio ad annum cIo. c. xviii. His orti parentibus Robertus & Philippus,
quorum hic Græcis, ille Namurcēſibus imperauit. Deſuncto Philippo inuaſit Namurcum
Henricus Luxemburgicus, matris, vel vt alij iure Margaretæ vxoris ſue, ex Gerardo Luxem-
burgio Barrenſi comite & Sibylla Balduini & Henrici Auguſtorum ſorore procreatq̃. Qua
de re mota inter illum & Flandriæ comitem Ferdinandum diſſenſione, ab armis diſceſſum
eſt, mutua principatuum quorundam penſatione, qua Luxemburgenſis in Namurco ac-
quiſiuit quicquid iuris Ferdinandus cum vxore habuerant. Sed elapſo quinquennio reuer-
ſus è Græcia Balduinus Auguſtus (huius ſtemmatis vltimus, ac filius Roberti, qui Petri &
Ioles filius erat) res ſuas & vectigalia ac ius principatus quod in Namurcenſem ditionem
habebat, Ludouici Gallorum regis ope recepit. Renata de eodem tamen citò eſt diſcordia,
per Thomam Allobrogicum, qui mortuo Ferdinando Flandriæ comite, eius viduam Ioan-
nam Byzantinam duxerat. Illa quoque deſunctâ Romanorum rex Guilielmus Hollandiæ
comes Flandris inſenſus, Margaretam terris imperialibus priuauit, & Namurcum Ioanni
Auenneniſi attribuit, anno quinquageſimo ſecundo ſupra milleſimum ducenteſimum. Se-
quenti verò anno Balduinus Auguſtus ad inopiam redactus, comitatum Namurcenſem
Blanchæ reginæ Ludouici Francorum regis matri vendidit; quæ eundem mox donauit
Marthæ Auguſtæ vxori Balduini Ioannis Solymorum regis filiæ, tam nominis Cæſarei,
quod ſupererat, reuerentiâ, quàm aduerſæ fortunæ commiſeratione. Nono autem poſtea
anno, noua de Namurco diſcordia ſuſcitatur, per Henricum Luxemburgenſium comitem,
Henrici ſeptimi Cæſaris auum, principatum Namurcenſem armis inuadentem, Margareta
Byzantina, quæ nemine refragante potiori quàm Luxemburgenſis iure aſſerere ſibi Na-
murcum poterat, expeditis auxiliis agnatæ Auguſtæ miſſis, Namurcum & in eo Henricum
obſedit. Sed ſtatim ira deferbuit foedere connubiali inter Guidum Dampierrum Margare-
tæ filium, & Iſabellam Luxemburgici filiam ſolenniter composito. Auguſta Guidum co-
mitem ſeu Marchionem Namurcenſem inaugurari patitur. Hoc titulo Guidus Ioannem
filium ſuperſtes ornauit egregium Flandriæ propugnatorem, qui poſt obitum patris Na-
murcenſibus iura dedit. Eam deinde poteſtatē Robertus comes obtinuit, poſt illū Guiliel-
mus Namurcæus, qui ſluſam pro Betuniæ cum Philippo Audace Burgundo permuta-
uit. Poſtremò cum hæreditario iure comitatus ad Mariam Guidi Bleſenſis comitis vltimi
vxorem tranſuiſſet, eius hæres Ioannes, vt ſcribit Meyerus, vel Theodoricus vt alij tradunt
(vterque fortaiſſis, pro ſua quiſque portione, nam in plurali numero hæredes Mariæ ditio-
nem hanc pretio commutariſſe apud quosdam reperio) Philippo Bono duci Burgundionum
Namurcum vendidit, ſeruato quoad viueret vſuſfructu cum titulo. In cuius comitatus poſ-
ſeſſionem Burgundus ſine vllò impedimento venit, cum venditionis pactum Ioannes obi-
tu expleuiſſet, teſte Monſtreleto. Tandem hunc comitatum Maria Burgunda Caroli filia
ad gentem Auſtriacam cum tōro detulit, quæ eundem adhuc retinet, tituliſq̃ Hiſpanicæ
potentiæ annumerat.

MARCHIONATUS S. IMPERII.



OLLOCATUR præterea inter Germaniæ inferioris dynastias, S. Imperij Marchionatus, cuius caput est Antuerpia, ab Othone secundo Augusto institutus, cum Carolus Lotharij Francorum regis frater Lotharingiam obtineret. Scio equidem ad tempora multò antiquiora Marchionatus incrementa à quibusdam referri, rerumque Boiaticarum scriptores, & VVofgangum Lazium vsque ad Gothofredum Bullionij ducem, vndecim Marchiones Imperij numerare, ab Vtilone Theodonis Boiorum ducis fratre, qui limitis inter Scaldim & Oceanum præfecturam, rebus contra Danos egregie gestis honorariam primus meruit, à Theodorico Francorum rege primo. Qui ex vxore Eusthera Alarici Gothorum regis filia Clotildem suscepit Vtiloni nuptam Antuerpiæ Marchioni; in qua præfectura Hugobertum eius filium successisse refert Lazius. Postea Asopertum, Arnulphum, Angisum, duos Pipinos, Rolandum, Gudum, Henricum & Gothofredum enumerat, Eustathij Belgicæ Bononiæ comitis filium. VVasseburgius à Tungrorum principum stemmate Imperij Marchionatum orditur, cumque ad Carolum Hasbanium deriuat, & per Carolomanum, Pipinum, Grimoardum, Ansigisum Beggæ maritum, Pipinum Heristallium, Carolum Martellum, Pipinum Breuiorem ad Carolum Magnum Imperatorem, inde ad Falconem Ricuini Mosellani ducis filium producit. Sed quoniam in hoc opere fidei auctoritatem multiplici historicorum consensu metimur, nos omni ambiguitate resecta, tutius è literarum monumentis certioribus, Antuerpiæ dignitatis originem eruemus. Positis igitur armis & dissidiis, initoque fœdere inter Othonē Imperatorem & Franciæ regem, in Lotharingiæ possessione Carolus permansit, sed finibus quàm antea angustioribus circumcisa. Etenim Aquisgranum atque Nouesium Imperio referuantur, pars quoque haud exigua Colonienſi Ecclesiæ, nec contemnendus agri modus Leodienſi assignatur. Louanium, Bruxella, Niuella aliæque opida, comitatus Louanienſis titulo, Antuerpia Marchionatus insignibus ornatur, & Gerbergæ nominatim in dotem addicitur. Is Marchionatus S. Imperij à Germanis appellatur, & serie continua, à Lamberto Louanienſi Gerbergæ marito, ad filium Henricum vsque ad Gothofredum Barbatū transfinitur. Verum hîc quedam mihi incidit dubitatio, quod facta à Cæsaribus, Lotharingiæ, quæ Brabantiam continet, donatione, & eodem ducatu fiduciario in Arduennensem familiam collato, quosdā eiusdem stemmatis duces Marchiam Antuerpiæ possedisse reperiam. Duo enim Gothofredi, Gibbosus & Bullonius, hic in Marchia sua Antuerpiæ percussus est, ille ibidem militem conscripsit, quem ad sacram expeditionem in Asiam duxit: vt vix verisimile, vel satis obscurum saltem videatur, eundem Marchionatum ab Arduennensis familiæ principibus, & à comitibus Louanienſibus, Lotharingiæ & Brabantiæ legitimis hæredibus, vno tempore & æuo possessum fuisse. Quam controuersiam vt conciliemus statuendum existimo, Lamberti Louanienſis & Gerbergæ successores, eadem ratione Marchionatum habuisse sub Rienſis Marchiæ titulo, quâ ducatus Lotharingiæ & in eo Brabantiæ successionē per comitatus Louanij possessionē retinuerūt. Duces verò Arduennenses siue Lotharingiæ & Brabantiæ beneficiarios eodem modo hoc illis indulſisse, Riēsimumque Marchionum titulum, S. Imperij Marchionatu comprehensum, iisdem concessisse, reſenta ſibi Antuerpia, præcipua portione. Nec obſtat vetuſtior Rienſis agri mentio, pro ditione Renenſi reſtituta, in vita S. Gumhari, apud Surium tomo quinto, quem circa Pipini Francorum regis tempora, vel circiter annum ſeptingenteſimum & ſeptuageſimum religionē & miraculis clariſſe legimus: Et apud Meyerum Rienſis pagi mentio eſt ad annum nongenteſimum ſeptuageſimum quartum: Rienſis enim ditio Marchionatui S. Imperij connexa includebatur. Facta igitur diſtinctione inter vtramque ditionem, quamuis vna eademque fuerit, qualis fuit ducatus Lotharingiæ & Brabantiæ cum Louanij comitatu, quorum hîc ducibus Arduennensibus beneficiaria lege donabatur, illum ex Gerberga legitimum genus ſibi vindicabat: Credibile eſt principes Arduennenses, Louanij comites perquam bellicosos, in partem Marchionatus etiam admiſſiſſe, ſicut eos Lotharingicis aut Brabanticis limitibus quos armis tuebantur, eiſcere non poterant. Nec minùs æquo animo

sub nomine Marchionatus, fuere contenti dominio Rienti comites Louanienses, donec Barbato vniuersa vtriusque possessio restituta est. Ceterum tametsi Barbati successores ducatum Lotharingæ & Brabantiae adepti, comitatus Louanij titulum omiserunt, non perijt ideo Rientis marchiae appellatio. Sed Marchionatu S. Imperij ad ducum Brabantiae posteritatem delato, & Rienti ditiuncula à Philippo Audace post secula quatuordecim anno Christi tertio corpori Brabantici ducatus applicata, hac nominis prerogatiua duces Brabantini suos Antuerpiae officarios ornarunt, quos Sculteros vulgò vocant, ad quorum dignitatem & in rebus capitalibus publicisque iudiciis exequendis auctoritatem, titulum Rientis marchionis addiderunt. Nec est silentio prætereundum, Brabantiae principes peculiari quodam studio & cupiditate Marchionatus insignia semper conseruasse, vt cum iure sponsalizio Ludouicus Malanus Antuerpiam potiretur, quin etiam Brabantiae ducis titulum arrogasset, nunquam tamen impetrauit à duce VVenceslao, vt Caesarei Marchionis ornamenta illi cederet. Verum hæc de S. Imperij marchionatu dicta sufficiant, qui cum stemmate Gothofredi ducibusque Brabantiae primùm ad Burgundos, deinde ad Austriacos, & cum illis ad Hispanos traditione migravit, non vltimo certe loco, ratione Antuerpiae imperij celeberrimi inter præclarissimas ditiones æstimandus.

MACHLINIÆ DOMINI VM.



VCCEDIT nunc ordine Machliniae dominium, cuius antiquitas ex etymo elicitur, in S. Rumoldi vita ciuitatis eiusdem Apostoli apud Surium tomo vii. his verbis: Locū incolæ Machliniam dicunt propter Malinā & Ledonem, quæ certis temporibus cū corniculantis Lunæ consonantia, nunc maris accessum nunc recessum faciunt, nec vltra quam ad huius loci fretum, vel damnum vel lucra sua commutāt. Nobiliū quidam Odo nomine, vel vt alij volūt, Ado, comitatū gerebat, cum æquē moribus & genere nobili coniuge. Hactenus auctor eius vitæ apud Suriū. Porro vocabula Ledonis & Malinæ etiam apud D. Augustinum leguntur, libro primo de mirabilibus scripturæ, vbi sic habetur: Hæc namque quotidiana inundatio bis in die à tempore ad tempus per horas viginti quatuor semper peragitur, ac per alternatas hebdomadas Ledonis & Malinæ vicissitudo comitatur, sed Ledo sex horas inundationis, & totidem recessus habet; Malina verò grandis ferè per quinque horas ebullit, & per septem horas litorum dorsa reteggit. Hæc ille. Ceterum quod ad hanc etymologiam attinet, alij enim aliunde deriuant, liberum vnicuique relinquimus iudicium. Non enim in arctas syllabarum angustias, aut in angulos verborum hic quæquam deducimus, sed à nominum indagine, cui superstitiosè plerique immorantur, hactenus abstinuimus. Non quod eam operam omnino improbamus, quæ Platoni quoque placuit in suo Cratylo; verum quod haud magni interesse arbitramur, an à Lotario dicatur Lotaringia siue à Clotario, ille à Clodoueo, hic à Clodio siue Claudio oriatur. Deinde an Brabantia à Brabone nuncupetur, an ipse à Brabantia, illa à Brachbanto aut pago Brachtenfi, qui Scaldi & agro Aloftano interiacet, originem suam debeat, an solo genuino & nativo acceptam ferat, eā linguæ vernaculæ nomenclaturā, quā nouale aut vernaculum, à restibili aruo differt, vt Ioannes Goropius exactè inuestigauit, vir artium variarum disciplinis excultissimus, & in inquirendis verborum radicibus eleganter curiosus. Limburgi & Luceburgi etymon posteriùs haud illis obscurum est, qui in Græcis auctoribus aliquid operæ posuerunt; illi enim *μύργους* vocant, quos Germani purgos, nos sono leniori burgos, siue arces ad pagorum custodiam exstructas. Reliqua vtriusque ducatus rudimenta non sunt æquē perspicua, nisi eò Lemburgi (sic enim ferè scribitur) primam syllabam referamus, vnde posteriorem ciuitatis Hollandiæ, quam Haerlem vulgò vocant, desumpsit Guicciardinus in Belgiographia, & vtrumque opidum conditores cognomines habuisse ariolemur, vel nomen à castro Limpurgo asciiuisse, inter Vangiones & Nemetes sito, quod Conradus Augustus in monasterium erexit, anno cIo. xxxiiii. vt Hermannus Contractus in Chronicis meminit. Nam Ruthenica Leopolis etsi nomine Germanico (Lemburgum enim vocant) & Leonis insignibus cum nostro Lemburgo propemodum conueniat, tamen Belgi- cum Lem-

cum Lemburgum Ruthenico est antiquius, quod Rufforum princeps Leo filius Danielis circa annum cdo. cc. lxxx ex Martino Crommero condidisse deprehenditur. Lucemburgum truncatim ab Alifuntia descendit, qui fluuius illud rigat, tamen quidam opinantur Lucisburgum vocari, à Phœbo siue lucis tutelari quondam Deo. Geldriæ dictionis prima tyrocinia, ab immanis hydræ consonanti mugitu, quam Pontici toparchæ sumptis animis Herculeis confecisse finguntur, ad fabulas transferemus, vel ad puerilia terriulamētā. Goropij de Geldriæ primordio sententiam vtramque his relinquimus, quibus placet hoc commentum, sic enim ipse vocat. Commodius ergo Geldria & verisimilius à Gelduba antiquitus finitiua nomen habet, vt ex Tacito colligimus. Ingenium autem soli sua vligine fecundi Zutphanie nomen indidit. Flandriæ porrò nomen tamen antiquissimum, quam varijs & incertis sententijs adhuc fluctuat: ille à Flandberto, hic à statu mutuatur, marisque procellosi vicinis aestuarijs, alij etymologi ad alia respiciunt: vt ex Flandricis Iacobi Marchantij commentarijs dilucidius apparebit, breui in lucem prodituris. Qui vocem Atrebatum à tempore Iulij Cæsaris, Straboni deinde & Ptolemæo haud incognitam, ad originem referet cum Goropio in Atuaticis, suum permittitur illi iudicium. Sicut & de Hannoniæ principiis: quæ ab Hannone Troiano, vel ab Hainæ fluentis, aut ipsos Hannonios ab Hunnelis aut Hunnis, vel aliunde deducere per me quidem licet. Hollandiæ seminarium (quæ Bataua vocabatur, congrua cum Patauio paronomasia, auctore Goropio in Veneticis) quam plurimi à specu, aut solo cauernoso, terraque palustri & minimè solida traductum existimant, vt ex panegyrista Mamertino Adrianus Iunius percommode obseruauit. alij Holtdandiam, ab antiqua saltuosæ regionis natura, non omnino malè, vt opinor, eliciunt. Zelandiæ verò nostræ, siue à Cimbricæ Chersonesi insula cognomine, vel à situ maritimo incunabula petantur, par nominis imponendi vtroque fuit ratio. Verùm Frisiam prouinciam omnium vetustissimam ad fontem reuocare quam plurimi conati sunt, partim gentis auctorem Frisonem quandam statuunt, partim Phryges ex Asia nouas sedes hic adeptos, indigenis eam gratiam retulisse suspicatur, & domicilij societatem percelebris nominis communionem compensasse. alij Frisios arbitrantur à studio retinendæ libertatis, huius vocis assumendæ ex Germanico idiomate artifices existisse; Francis quoque ex hoc tractu oriundis exemplum placuisse. Sed hæc fusius explicantur à Siffido Petri, patriæ antiquitatis & originis præcone. Nec minùs est incertus Namurci architectus: Nani dei oraculum, primum opidi incrementum, vt quibusdam placet, ambigua nuntiat fide: Neumurcij fundamentum videtur paulò firmitus, nouo muro propinquum: quem Meyerus ex Guilhelmo Aremorico fabricatur. Antuerpiæ & Rieniis nomenclaturæ, quas incisè membratimque perscrutatus est Goropius, ex Atuaticis eiusdem sunt depromendæ, ne fines institutæ breuitatis excedamus, neque ad aucupia vocularum dilabamur, de principatu Belgij sermonem habituri. Sed quoniam à Machlinia digressi parumper sumus, eiusque antiquitatem ex vita beati Rumoldi probauimus, qui anno septuagesimo quinto post septingentesimum coronam martyrij adeptus est, comite Odone principatum obtinente, quis Odonem præcesserit, aut eidem successerit, hæcenus deprehendere non potui: vsque ad Gothofredi Barbatii tempora Lotharingiæ Louaniique principis, quum familiam Dominorum de Perthaut, quos Bertoldos vocant, rerum Machliniæ potitos fuisse Chronici Brabantici posteritati reliquerunt. Arnoldus enim Grimbergæ dynasta Machliniam possidebat, cum bellū in eum, sponsonem officij clientelæ abnuentem, Barbatus moueret, Gothofredus secundus continuaret, tertius conficeret, Arnoldo cum filiis Gualtero Arnoldo & Gerardo cæsis, captisque, & imperata facere coactis, illorumque opibus & posselliunculis, quibus antea nitebantur, vsque adeo comminutis, vt alteram dominij Machliniensis partem Ecclesiæ Leodiensi venditam manciparent. Eam simili iure Ioannes secundus Lotharingiæ siue Brabantie princeps ab Hugone Leodiensi Pontifice acquisiuit, post decimam tertiam annorū à Christo nato centuriam, quo tempore Ioannes è Bertoldica familia pro dominij sui parte Leodiensem Ecclesiam pro primo patrone, pro secundo Lotharingiæ ducē agnoscebat. Postea tabulis emptionis, quibus inter Lotharingum & Leodiensem conuenerat, ab Henrico septimo Augusto rescissis, dux emptor suam partem antistiti restituit, qui eam paulò post Ludouico

Ludouico Niuernensi Flandriæ comiti vendidit, interposito iureiurando se Machliniam Flandriæ suæ possessione nunquam emissurum, quam conditionem Adolphus Episcopus in in odium Brabantii stipulatus fuerat. Pars altera eodem ferè tempore in ducis Geldrensis potestatem venerat, filia suæ tutelam gerentis, è Sophia susceptæ Florentij Bertoldicæ gentis vltimi domini Machliniæ filia, cuiusque hærede vnica, quam Reinaldo secundo Geldriæ duci primo, parentes elocarant. Dux igitur Episcopi exemplum imitatus, partem opidi, quam cum illo coniunctim possidebat, eidem Ludouico venalem addixit, centum sexaginta aureorum millia pro parte vtriusque spondenti, & numeranti. Sed venditioni dux Brabantia intercessit, sibi que Machliniam clientelæ sacramento obstrictam affirmavit, & hoc fidei nexu se inuito solutam ad dominium alienum transiturem impediuit. Hinc belli de Machliniæ venalitate principia, quæ Philippus rex Valesius triplici affinitate quamprimum exstinxit, ternarum nuptiarum conciliator, inter comitem Hannoniæ & Hollandiæ Guilielmum, & Geldriæ Flandriæque principum filios, Reinoldum & Malanum, cum tribus virgunculis è Brabantio genitis, cum quadam retractus conditione, vt Brabantus pro Machlinia octoginta septem aureorum regalium millia Flandro numeraret. Hæc acta sunt anno c. l. o. ccc. xxxiij. elapsoque triennio Machliniam indiuisam & æqualiter possidendam eidem Principes receperunt. Nec ita multò post eodem rege Philippo interueniente, Machlinia Henrico Brabantiæ ducis filio à Malano tota ceditur, sine pretij cum patre conuenti petitione. Philippo defuncto Flandrus animos sustulit, & nomine pecuniæ, quam socero condonarat, bellum contra ducem Venceslaum prætexuit, Machliniam repetiuit, deditamque occupauit, & cum filia Margareta ad Burgundos transmisit. Philippus Bonus à reliquis ditionibus separauit, Carolus summæ curiæ prærogatiua decorauit: Cuius filia Maria in coniugem accepta Maxamilianus Imperator dominium Machliniæ posteritati acquisiuit, principumque Austriorum attribuit patrimonio.

VLTRAIECTI, TRANSISELANÆ, GRONINGÆ, DOMINIA.

VLTRAIECTENSIS ditionis antiquitas ex Episcoporum serie continua facile dignoscitur, vt superuacaneum videatur de Vtricesio vel Optricesio ac VViltburgio (vel Vultraiecto iuxta Sigebertum) quicquam commemorare: Enimuerò S. VVillibrordus à Pipino Austrasiæ rege Frisiis debellatis Euangelio annūtiando missus fuit, anno l. o. c. xciv. qui elapso triennio à Sergio Pontifice Romano in Archiepiscopum ordinatus & Clemens appellatus, à Carolo Martello Traiectensis præsul constitutus fuit, data illi regionis vniuersæ iurisdictione. Qui cum quadraginta annis insigni vitæ sanctitate Ecclesiæ præfuisset, diuorum numero ascriptus est. Ab hoc autem primo antistite, vsque ad Henricum comitis Palatini Philippi ex Germaniæ septemuiris filium, quinquaginta septem Episcopi numerantur pietate & genere præstantissimi, quorum opes & potentia multorum Imperatorum aliorumque principum liberalitate, & regionis vnde barbaros & tyrannos expulerunt accessione, eousque excreuit, vt dominium Traiectense regni haud exigui amplitudinem adæquarit, quod ex rebus per Episcopos fortiter gestis, quas hic describendas minimè suscepimus, apertè constaret, sed vnum potètiæ argumentum sufficiat, quod exercitum quadraginta mille suæ ditionis viris numerosum, cōparare potuerint. His igitur viribus & opulentia provincias Transiselanam cum Groeninga in potestatem suam redegerunt, multosque principes & dominiorum illustrium toparchas feudorum beneficijs sibi deuinxerunt. Verum quum Henricus Palatinus Episcopus, ditionem à Geldriæ ducibus vexatam, nobilium factionibus perturbatam, & à diuersarum partium ciuibz in summum discrimen adductam offenderet, turissima tam suæ quam subditorum securitatis & salutis ratio fuit, vt provincias Vltraiectensem & Transiselanam Carolo quinto Cæsari Augusto, ceu Duci Brabantia & Hollandiæ comiti cederet, quod anno vigesimo septimo supra fescuimillesimum certis conditionibus in tabulas relatum est. Nec longo post tempore salutaris exempli imitatores fuere Groeningenses, quorum dynastia Burchgrauatus quondam

quondam fuit, præfuli Vltraicætenfi clientelaris. Hi cùm plusquam viginti annis ab Vltraicætenfibus ad Geldros defeciffent, neque tamen fatis in ea gente præfidij, ad fe fuffentandos, nec ad priuilegia fua retinenda, quæ habent ampliffima, experirentur, eodem confilio ad Carolum v. anno trigefimo fexto transferunt, & regum potentiffimo Philippo obfequentes, vltimum in Belgicis prouincijs locum fumma profperitate & fide obtinuerunt.

Quoniam autem Belgicarum ditionum enumeratio nonnunquam in controverfiam adducitur, titulis quibufdam ex albo expunctis, alijsque per ambitionem fubftitutis, tamen in numero omnes confentiant, fed fua interefle permagni quifque exiftimat in celeberrimo feptendecim regionum catalogo recenferi, quid ad dirimendam hanc contentio-nem videatur allegandum, in medium proferamus. De Tornaco, Infulis, Duaco, Orchiaco ac Valentianis mouetur hæc quaefitio. Ciuitas igitur & ager Tornacenfis veterum Nervi-orum in Belgica fedes, quos in deditio-nem Iulius Cæfar accepit, vique ad tempora Valenti-niani Romanum cum reliquis agnouit imperium. Sed exactis per Francos Romanorum præfidijs, rex Clodio Comatus regionem occupauit. Diuifo mox Franciæ in tetrarchias regno, Tornacum obtinuit Chilpericus, qui partem imperij in Epifcopos tranftulit. Tandem ad Balduinum Pium peruenit Flandriæ comitem, cuius nomine Lambertus comes Louanienfis cum Flandriæ primatibus anno millefimo quinquagefimo tertio Tornacum custodiebat. Captum ab Henrico III. Cæfare & direptum fuit, & pace confefta Balduino Montenfî Hannoniæ comiti ab Augufto concessum. A Gallis deinde Tornaco potitis, Flandriæ comes Ferdinandus id recuperat: fed breui ad Philippum Auguftum Galliæ regem iterum defecit. Porro Tornacæfes partium Francicarum longo tempore fuerunt, Flandris ciuitatem fepe armis repetentibus: Sed illis libertatem, cuius retinendæ funt ftudiofiffimi, fub Galliæ regum clientela defendentibus, Anglorum etiam, qui Francis infenfi hoftes erant, in fe odia conuerterunt: A quibus bello laceffiti, coniunctisque Flandrorum viribus obfeffi, & à commercio eorundem prohibiti, tandem anno cIdo. Io. xiiii. ab Henrico Britannici rege expugnati, & deditio-nem facere coacti funt. At feptimum poft annum Gallis redditi, fequenti autem anno à Carolo v. Cæfare reuocati funt, & in Flandricum principatum denuò redacti. Quod ius armis Carolo & pofteris quaefitum, pactione Madriciana anno vigefimo fexto, deinde pace pronuba Cameracenfi elapfo triennio, & cōcordia Crefpica anno quadragefimo quarto cum reliquis conditionibus diferte confirmatum eft, Francifco Gallorum rege primo dominium Tornacenfe, cum imperio, fi quod Gallico fceptro debebatur, cedente & abdicante. Quare mirum videtur adhuc Tornacenfes pro domesticis apud Francos ciuibus haberi, vt Galliciæ ciuitatis diplomate non indigeant. Veruntamen Cæfar Carolus imperium Gallis potuit, non affectum adimere, vt depofito dominio fuam in Tornacenfes beneuolentiam retinuerint. Ab illius fœderis tempore, etiamfi in agro vrbeque Tornacenfi nihil iuris reges Galliæ referuare potuerint, cuiusque poffeffio fub Flandria comprehenfa fit, vt pace inter Philippum principem noftrum & Henricum Galliæ regem anno quinquagefimo nono inita, nulla de Tornaco controverfia fuperfuerit, in publicis tamen tabulis, vbi Belgici tituli fuerunt inferendi, ad maiorem cautelam quamuis fuperfluam, Tornacenfem ditionem à regijs miniſtris expreffam fuiſſe, adducor vt credam, ne quid iuris in eandem Galli adhuc tacite retinere videantur, atque eo modo effectum eſſe, vt lecta vel audita inter reliquis prouincijs agri vrbiſque Tornacenſis mentione, plerique prouinciæ loco numerauerint, motis è ſubſellio, S. Imperij Marchionatu, aut Zutphanicæ, Groeningæque principatibus. Similis planè ratio eſt, trium ciuitatum, Infularum, Duaci & Orchiaci. Duacum Hannonici primum iuris fuit, donec comes Balduinus à patruo Roberto Friſio circumuentus, arcem Duacenam cautionis loco obligarat, eadem exuendus, niſi fidem de filia Roberti ducenda obſtrictam liberaret. Itaq; Balduinus ab his nuptijs alienior propter formam puellæ non fatis vxoriam, animum ad Idæ coniugium applicauit, comitis Louanienſis filia. Robertus Duacum ex compromiſſo retinuit, Flandriæq; copulauit. Quæ coagmentatio Philippo Alfatio ſororem Margaretam Balduino quarto Hannoniæ comiti elocante confirmata eſt, & Duacum, cedente Hannonio Flandrici omnino factum iuris.

iuris. Ceterum Insulas, Duacum & Orchiacum, Flandriæ corpori conglutinata opida, Mathildis Philippi Alfatij vidua vsufructuario titulo possedit. Deinde cum Flandriæ comes Guidus, à Philippo Pulchro cōtra fidem promissam in Gallia detentus est, Duacum & Insulas rex Pulcher occupauit, Ioannes Namurcæus continuò recepit, pace Insularum rex pignoris loco tenuit, dum multâ librarum octoginta millium à Flādris lueretur. Orchiacum paulò antè Philippus armis vsurparat. Mortuo in custodia Gallica Guido, Robertus eius filius obses parentis Compēdium profectus, non ante dimissus est, quàm præter ceteras conditiones iniquas, neque pactioni Insularum consentaneas, tria rursus opida pro pignore daret, dum viginti millia nummum in annuam pensionem Flandri assignassent. Neque solo pignore contentus rex Pulcher, trium ciuitatum dominium ambiebat, quod tamen à Roberto impetrare non potuit, Gallica postulata de annuo censu cum iure ciuitatum permutando reiſciete, donec illecebris persuasionum & insidijs circumscriptus, se debito quidem liberauit, sed trium opidorum possessione se exiuit, redimendique in perpetuum potestate abdicauit, anno vndecimo post millesimum trecentesium. Non tamen ultra annos quinquaginta processit Gallorum in his opidis malæ fidei possessio: Nam ea Malanus à Carolo quinto Gallorum rege debitæ pecuniæ remissione recepit, fœdere Gandauī solenniter isto. Sed cum elapso seculo Ludouicus vndecimus contra pacta conuenta, pacemque Atrebatensem tria opida repeteret, neque iuris quidquam Philippus dux Burgundiæ eidem attribueret, ne qua tamen controuersia super trium opidorum legitimo dominio in posterum moueretur, expressè per fœdus Madricianum, pactionem Cameracensem, & concordiam Crespiacam de iisdem cautum est. Rege Galliæ Francisco ius omne Insularum, Duaci & Orchiaci in iisdem comitiis absolutè remittente. Quare actum agunt Galli de perturbandis pactionibus cogitantes, vel de opidorum repetitione. Nam etsi sufficiat solennis stipulatio, quā Philippus Audax Margaritæ Malanæ Ludouici filiæ nuptijs tria opida recepit (ridiculum enim esset regem Carolum eius fratrem ditionibus eisdem sicut tempori celsisse) ad Ioannem Intrepidum iure optimo delata sunt, cuius natiuitate, de masculorum liberorum defectu vel occasu, extincta est conditio. Vsurpatio à comitibus Roberto Guidoque per iniuriam expressa, Cameracensi & Crespiaco conuentu antiquata est, ea lege, quā prioribus contractibus firmitatem posteriores derogant. Denique si comes Flandriæ Ferdinandus in acie prope Bouinas captus, annisque duodecim in Gallia detentus, Francico sceptro pro redempti pretio ea opida addixit, cur minùs eo iure quod in illum statuerunt, Galliæ reges vtentur? Rex itaque Franciscus in Cæsaris potestatem è prælio apud Ticinum ductus, simili hostimento & pactionis formulâ, Gallici imperij in hæc opida fasces victori submisit. Hinc illa specialis opidorum expressio ad posteros manauit, causamque dedit quibusdam opinandi, in album septendecim Belgij ditionum referri oportere, cum tamen Flandrici iuris esse, eiusque comitatus titulo contineri ex eo perspicuum est, quod à Flandriæ complexu abstracta & alienata, ad suam prouinciâ ceu iure quodam postliminij redierunt.

Reliquum est vt de Valentianis celebri Hannoniæ ciuitate disseramus. Hoc opido Hannoniæ dynastia comprehenso, VValterum secundum regionis eius comitem Pipinus Francorum rex priuauit. Carolus Magnus Alboni restituit per Maldebertē VValteri neptis matrimonium, vt scribit VVasseburgius. Hanc quidam titulis Belgicis ascribunt, ea nempe ratione quod anno nongentesimo septuagesimo tertio, Raginerus Longicollus Montensis comes, cum fratre Lamberto Louaniensi comite Valentianas comitatus insignibus illo æuo illustres, à comite Garnerio certo pretio emerunt, & inuito Gothofredo duce Lotharingiæ, qui inter proximos cognatos venditorem numerabat, retractus quodam iure dominium repetente, multis annis possederunt, vt refert Guicciardinus in sua Belgiographia. Anno tamen millesimo Raginerus ditionem siue pacto siue pretio tranquillam obtinuit, vt in Hannonicis annalibus perhibetur. Orto nihilominus de possessione arcis Valentianæ dissidio & bello, inter dictum Gothofredum & Balduinum Barbatum Flandriæ comitem, qui Valentianas armis occupauit, S. Henricus Rom. Imperator Arduennensi auxilium ferens, Valentianas vnâ cum Balduino, adducto raptim exercitu obsedit. Sed copiis Francorum ad opem
accurren-

æcurrentibus & obsidione Augusti soluta, Balduinus cum eodem in gratiam rediit, & inter se mutua Cæsar & Comes beneuolentia contenderunt. Nam cum hic illi Valentianas dedisset, ingenua ipsius indole perspecta, vel seditione suorum coactus, arcem eandem Henricus illi reddidit, beneficio imperiali perpetuo possidendam. Hæc ita circa annum septimum & millesimum tradit Sigebertus. Mansit autem penes Flandros arx Valentiana non ita multis annis, siquidem Balduinus 11. Hannoniæ comes cum Hannonia Valentianas, ceti legitimam ab auo materno hereditatem, recepit & retinuit. Deinde eius filius Balduinus 111. eam urbem legibus & institutis ornavit, quæ annalibus Hannoniis inserta reperio, & anno millesimo centesimo decimo quarto in usum recepta. Itaque Valentianæ ab illa tempestate Hannoniis sunt annexæ, & cum illis ad Burgundos, inde ad principes Austriacos translata.

Sunt igitur septendecim celeberrimæ regiones, præter titulum Lotharingæ, Brabantia, Limburgum, Luxemburgum, & Geldria, apice Ducali præcæteris eminentes: Flandria, Artesia, Hannonia, Hollædia, Zelandia, Namurcum, & Zutphania Comitatus, S. Imperij Marchionatus, & Frisia, Machlinia, Ultraiecti, Transiselanæ & Groeningæ amplissima Domina. Has Belgij vel Inferioris Germaniæ prouincias Carolus v. Imperator augustissimus, partim hereditario iure acquisitas, partim suapte voluntate cumulas, Regi Philippo Monarchæ potentissimo reliquit possidendas, easque se maximi semper fecisse, in illa oratione quam habuit Bruxellæ, cum ab Imperio Belgij decederet, grauiter & discretè in comitiis exposuit. Nam inter quadraginta quas suscepit expeditiones protectionesque serias & Imperatorias, decies in suas prouincias Belgicas, aut ad motus ciuiles maturè comprimendos, aut ad belli externi pericula propulsanda festinanter aduolauit, illoque testimonio suam in Belgas voluntatem declarauit. At Cæsare frequentibus per orbem terrarum bellis euocato, Margareta eius amita virtutis incomparabilis heroina, prouinciam procurauit; Cui in eadem administratione à Cæsare suffecta est eius soror Maria Hungariæ Regina, quæ sexum femineum animi magnitudine in hoc munere superauit, & permulta viginti quinque annorum spatio, quibus Belgio præfuit, constantiæ prudentiæque exempla edidit, & posteritati prædicanda reliquit. Nec minori certè studio susceptas prouincias Rex Philippus prosecutus est, principatus sui exordia, insignibus victorijs ad sanum D. Quintini & Grauelingam partis, feliciter auspicatus. Erat eo tempore fortunatus & tranquillus Belgicarum rerum status, principe prouinciam tam suâ præsentia quam Emanuelis Philiberti Allobrogum Ducis vigilantia administrante. Tum Rex conuocatis ordinum comitijs, sententiam illis suam de necessario in Hispaniam reditu, causisque grauissimis Africani litoris præsidio muniendi, significauit. Et iam pace constituta, imperij dignitatem & administrationem in sororem Margaritam Octauij Farnesij Parmæ & Placetiæ Ducis coniugem, cum aliquot Belgarum nobilissimis proceribus, qui singulas singuli ditiones procurarent, cum magno omnium assensu contulit. Verum Principe digresso parum diuturna fuit Belgij felicitas. Nam auctores factionis, qui reuerentia & metu principis præsentis in officio permanebant, per suos emissarios & occulta consilia perturbare Remp. & velut per cuniculos labefactare cœperunt, mox in seditiones apertas erumpentes. Hoc igitur incendium partim quorundam ambitione, partim aliquorum egestate alebatur, hi æmulatione, illi cupiditate flagrabant. Ita cum gratiosi apud Regem ministri, & in summis dignitatibus constituti, inuidiæ ventis circumflarentur, dominatû & potentiam ad Remp. subuertendam illorum aduersarij haud obscure affectabant: atque illis tum nihil facilius erat, quam homines illos ad partes suas trahere, qui rei domesticæ difficultate, culpa & turpitudine laborabant. Horum enim ingenia insito quodam animi furore, ad nouos motus conuersionesque rerum inclinare sciebant, nullamque poenæ metu in ocio securitatem ponere, denique magnitudinem æris alieni communi iactura sarcindam præuidebant. His itaque duces discordiæ ministris, & seditionis signiferis vtentes, tessera conflectæ conspirationis in publicum prolata, omnibus tamen sermonibus & rumoribus fidem & obsequiû Regi debitum inferebant, vt optimos subditos regijs præceptis obtemperandi cupidos præclaro suarum actionum titulo incautos deluderent, atque vt neglectis tumultum

tuum principijs, bonos tantisper, in Repub. vindicanda aliàs etiam tardiores, haberent occupatos ad inquirendas illorum voluntates, dum ipsi maioribus præsidijs & copijs ad oppugnandas prouincias munirentur. Quapropter honestum dignitatis Regiæ nomen factis suis improbis & flagitijs prætendebant, donec terra illa natio, & perditissimorum hominum colluies, qui ab impijs & pestiferis contra Orthodoxam religionem dogmatibus hæretici appellantur, à perduellionis auctoribus immissi, plebem simul à religione & à Rege abalienauit. Huc accedebat illud etiam incommodi, quod in ipsa profligatorum hominum paucitate, perita & tempestiua consilia defuerunt, aut tarditate exsequentium effectu caruerint, vel perfidia consociorum malè cesserint, aut præsidio necessario & viribus destituta sint. Plus igitur apud vulgus admirationis habuit proiecta paucorum consceleratorum audacia, quam bonorum omnium conatus valuerunt. Quamobrem rei nouitas & facti insolentia, idoneam improbis occasionem præbuit, ut opinionum damnatarum venena latius atque fidentiùs diffunderent, & inter lubricas populi voluntates, magistratibus agrè dignitatem retinentibus, impuniùs grassarentur. Auxerunt hanc perniciem inuitabili quodam fato vicinæ regiones, Britannia, Gallia, atque Germania, quæ Belgij confinia vndique circumsepta luis eiusdem contagijs infecerunt. Tum in illa rerum omnium perturbatione Philippus Rex Catholicus de suarum ditionum salute sollicitus, Duce Albanum bellica virtute id temporis spectatissimum ad bonos in fide & obsequio confirmandos, factiosos & hæreticos exterminandos, legatum cum exercitu in prouinciam misit. Is initio præfecturæ in multos ex legum præscriptis animaduertit, & exemplo medicorum, quicquid in hoc Belgicæ Reipub. corpore pestiferum deprehendit, amputandum iudicauit, ut potiùs aliquid membrorum noxiorem, quam totum simul corpus interiret. Hoc plurimi consilium ceu durius improbabant; contra præses sentiebat, & posse Rempub. saluam vniuersam conseruari negabat, nisi ciues scelerati & impij deleterentur, ad hominum innocentium & bonorum securitatem. Præterea nascentem & imbellem adhuc hæresim ab adulta & potenti hoc modo distinguebat, ut teneram eius segetem in herba succidendam, ne facta maturior disseminaretur latius, vir grauis & seuerus morum censor assereret: atque cum maiori Reipub. commodo rigide in hæreticos animaduerti contenderet, cum paucorum hominum temeritas & audacia non est pertimescenda. Et reuera consilio respondisset euentus, si statim à primo in prouinciam ingressu, curam omnem in rem maritimam coniecisset, portus occupasset, fluminum fauces muniuisset, neque eum post quartum imperij sui annum perduelles præuenissent, seque in insulas recepissent, easque ad defectionem armati compulissent. Ad quas recuperandas, cum legatum prouinciæ necessitas excitaret, multa gessit præclare pro imperij dignitate; tametsi terrestres eius expeditiones feliciter multò cesserint, quam nauales & maritimæ. Nam viribus classes & copijs instructissimas in hostem sæpe duxit, sed quæ cum maiori frequentius apparatu quam successu dimicauerunt. Erat nihilominus tanta eius viri toto orbe existimatio, quam rei militaris peritia comparauerat, ut totam pacaturus prouinciam crederetur, si tertium imperio triennium accessisset. Porro successori Ludouico Requesenio prouinciam tradidit, ad quam perpacandam quædam insulæ Zelandicæ, & opida vtriusque Hollandiæ supererant. Suscepta præfectura grauis belli reliquias strenuè Ludouicus acriterque prosecutus est, quod capta Ziericzea confecturus videbatur, nisi morte præuentus, post imperium biennij, victoriæ materiam posteritati reliquisset. Secuta est eius obitum stipendij militaris per tumultum petitio, quo malo prouincia præter cætera incommoda frequenter affecta est, sed nunquam exercitus magis importuna seditione laborauit. Hanc enim occasionem fallaces & callidi perturbatores idoneo sibi tempore oblatam gestiebant, quod Imperatore, qui motus exortos auctoritate reprimeret, destituta militia, vita licentiori & dissolutiori ciuium animos irritaret, & offensæ militares illis arma expedirent, quibus ad sui defensionem vterentur. Neque tum peritissimi artifices defuerunt, qui exulceratas populi voluntates magis etiam magisque exacerbarent. Quid multis? ad arma vbique conclamatum est, bellumque renatum, conflatum & susceptum, cui Ioannes Austriacus tam bellica gloria quam

omni virtutum genere clarissimus, edicto perpetuo & militis peregrini missione finem fecit. Tum bonorum animi ad certam spem quietis, cum clauso Iani templo reuera erigebantur. Sed homines nefarii, qui odijs enutriti bellis & dissenfionibus pascuntur, cum animaduverterent religioni cultum, Regi obseruantiam, legibus dignitatem per pacem restitui, scelorum conscientiam nusquam se posse consistere diffidentes, nouas confestim factiones moluntur; stabilem in pace negant esse fiduciam, sed omnia suspecta & sollicita esse dicunt. Hinc iterum in partes vtrinque secessum est, bellumque multo acrius, quam antea recruduit. Nihil tamen à solita sua magnitudine remisit Austriacus, sed contractis celeriter exiguis primùm copijs, quasdam beneuolentia (erat enim in hoc Principe singularis humanitas) ditiones sibi adiunxit, quasdam verò armis officij sui admonuit, vniuersam prouinciam in ordinem redacturus, nisi simul illam cum vita reliquisset, in ipso ætatis flore immatura morte raptus. Rebus eo tempore velut in procinctu victoriæ constitutis, Alexander Farnesius præfecturam suscepit. De cuius viri laudibus, virtutibus & præstantia, ab recentem maximorum factorum memoriam differere differemus, quòd amplitudo tua, Serenissime Princeps, in edita ista ac præcella specula res ab Alexandro fortissimè gestas, manifestè conspexerit, quas nos ob ingentia in Belgicam beneficia adhuc prope intuemur; deinde quòd in hac oratione, quam summatim persequor, verendum mihi sit, ne splendor earum atque magnitudo, dicendi à me inopia minuat. Etenim ut imensos illius labores pro Christiana Repub. susceptos, eiusque victorias memorabiles omittamus, tam sanctam apud hostes fortitudinis & fidei existimationem peperit, ut vel illa sola armis omnibus violentior, seductorum ciuium animis ad religionem & obsequium reducendis suffectura videretur. Non tamen hoc Regiæ Maiestatis hostem latuit, sed ad populum in cœpta defectione retinendum, animosque ad Parmensem nutantes expugnandos, maiores machinas admouendas esse censuit. Quamobrem accitis duce Alençonio Gallorum auxilijs, quos moribus & dominatus impotentia à nostris hominibus valdè dissidere non ignorabat, planè confidebat illorum aduentum votis suis magnopere profuturum. Gallico enim principatu per nefas introducto, grauioribus populum criminibus obstringebat, eo animo & consilio, ut scelorum multitudinem & immanitatem, homines in eum poenæ metum conijceret, ne ab incepto abduci possent, de Regis bonitate clementiaque diffiderent, & ab omni in gratiam reditione desperarent: Exinde ut reges Catholicum & Christianissimum hoc bello committeret, & inter se collideret, dum ipse communis periculi spectator quietus federet, & apud Hollandos Halcedonia agigaret. Sed neutrum institutum ex arbitrio illi cessit. Exactis enim è prouincia Gallis, multæ ciuitates, multi viri nobiles & boni ciues egregium Reipub. officium præstiterunt, & iniuriæ opinionem beneficio extinxerunt. Quæ in re illustria fortitudinis exempla Antuerpienses ediderunt, quos in dissidijs animorum intestinis, periculi societas, veluti facto syncretismo coniunxit, ut à Gallico dominatu sese armis vindicarint. A Rege præterea Gallorum reiectis Hollandorum, Zelandorum, aliorumque oratoribus, post cædem Auraici (qui à primo percussore Antuerpiæ vulneratus, ab altero Delphis Batavorum sublati sunt, priusquam Hollandiæ, Zelandiæ & Transrhenanæ ditionis principatum, quem à belli exordio spe deuorauerat, vsurpatum stabiliret) auxilia Britannorum implorantur, & ab eius populi regina mittuntur, subsidia-riæ quidem societatis titulo, quam *ἐπιμαχίαν* Thucydides vocat, sed quæ reuera *ἑυμμαχία* fuit, & *πρὸς τὸ συναδικεῖν* instituta coniuratio, quæ statim in bellum manifestum erupit. Res magnas interea gerebat Farnesius, nihilque omittebat quod ad conseruandam religionem Catholicam, & ad recuperandas prouincias pertineret. Sed vltimo imperij sui triennio, morbo impeditus, & tertio in Galliam cum exercitu profectus, tam expeditionis, quam præfecturæ munere simul cum vita functus est. Petrus deinde Ernestus Mansfeldiæ comes, ex regio mandato præfecturam suscepit, donec Serenissimo Ernesto Archiduci imperium delatum est: Cuius desideratissimus in Belgium aduentus, tantam huic populo fiduciam secum attulit, ut omnes temporis acerbitates ad eius conspectum deposuisse videatur. Hoc enim sibi persuasum habet in his Reipub. difficultatibus, se principem ad eas superan-

das meliorem, ne optando quidem informare, nec à Rege gratiorem expectare potuisse. Siquidem cum generis claritatem intuemur, non alius mitti potuit, qui Regem propiore & Principem Philippum sanguinis necessitudine contingeret, aut eminentiorem huic muneri obeundo, è domo Austriaca gradum obtineret: cuius Augustissimæ familiæ splendorem aut verbis aut scriptis ob oculos ponere tam arduum equidem ac difficile duco, ut quisquis hoc facere pro dignitate parum putet, eundem sit necesse res maximas ingenij vel le culpa deterere, vel notissimas ignorare. Ecquis enim est hodie tam longinquus in orbe locus, aut ab hominum consortio remotus vsquam angulus, quo non gentis Austriacæ fama peruasit? Quæ gens, quæ natio moribus & honestis excolta disciplinis, vel ab omni ciuilitate cultuque aliena, quæ non iam pridem familiæ præstantissimæ nomen, gloriam & potestatem adiniretur? Veruntamen quia Principum Austriacorum virtus tam illustri & sublimi loco est posita, ut satis ipsa per se, nullo alienæ prædicationis lumine adhibito, ab omnibus conspiciatur, ab inclytæ gentis laudibus in præsens abstinere; tantum nonnullas rationes persequar, cur in impeditissimis Reipub. temporibus, provincia Belgica splendorem suum pristinum, cui in singulos dies hoc bello diuturno tenebræ obscuriores offunduntur, ductu Ernesti Principis optimi se breui recuperaturam non dubitanter de eius virtute & sapientia sibi pollicetur. Quandoquidem igitur nemo vnquam bellum gessit, nisi animo debellandi, nec inimicitias immortales esse decet, neque telum quisquam sumit ut idem nunquam è manibus deponat, causas ego aliquot præcipuas deprehendo, cur hoc bellum videatur ad finem perducendum, peræque necessarium ut ab omnibus expectatum. Primam harum causarum à seipsis Belgæ petunt, & à præteritorum malorum memoria. Enimvero quicquid flagitijs improborum, vel effrenata nocentium audacia, quicquid aliorum errore, vel etiam omissione peccatum est, hoc sumpto partim de damnatis supplicio, partim exsilio proscriptorum expiatum est. At in reliquum Belgici nominis populum, tot hominum cædibus, tot vrbium excidijs, & agrorum vastitatibus Mars vltor in omnes promiscuè animaduertit, ut plures innocentes quam fontes perierint. Quocirca non solum qui leuius deliquerunt, è media velut Stoicorum disciplina cum facinorosis pœnas æquas dederunt, sed quod in hoc bello miserrimum fuit, ad innumeros peruenit exitij communio, quos nulla culpæ societas coniunxerat. Hoc autem ut ab omni iustitia alienum, Deum Opt. Max. diutius permitturum nequaquam confidimus; nec Regis clementissimi consilijs defuturum, quin partis melioris commiseratione, quæ nihil prius aut antiquius habet, quàm Diuinæ & Regiæ Maiestatis obsequium, horum omnium habeat salutem commendatam, finem his tandem cladibus imponendo, quorum innocentiam cum sceptro suscepit ab iniuria vindicandam. Quanquam verò non vnus sunt generis, neque numero finitæ calamitates, quibus culpa vacans & imbellis multitudo tot iam annis afficitur, à communis miserix insuaui narratione abstinendum esse ducerem, nisi aliqua eiusdem commemoratione, vniuersum Reipub. Christianæ confessum, æquiorum nos iudicem habituros putarem, cur huius belli finem tantopere efflagitamus. Quoniam igitur religione & vero Dei cultu, nullum arctius & firmitus Reipub. est vinculum, quo soluto & reuulso collabi omnia & concidere necesse est, quis hominum bene de religione sentientium, atrocissimis illam sacrilegorum iniurijs, & nefarijs hæreticorum conuicijs exponi, indignisque modis exagitari, sublato legum metu diutius ferat? Quis profano profanatis atque conculcatis veterum sacrarum ceremonijs, ac veluti bello pietati infecto, latrones sceleratos in Ecclesiam Catholicam vltius inuadere aut grassari patiatur? Quis iura diuina & humana miscere, polluere & euertere impurissimum genus hominum, prostratâ Christiani nominis verecundiâ, & fractis ad libidinem iustitiæ repagulis, amplius toleret aut sinat? Nam ex eo tempore, quo fœda & luctuosa fax seditionis in Inferiorem Germaniam illata est, qua vicinæ regiones multò antè deflagrarunt, quos non fanaticorum per ditiones pulcherrimas debacchantiû furores, quæ impietatis portenta non vidimus? Contempto & proiecto Regij nominis metu, & exterminata iudiciorum auctoritate, ad Diuinam Maiestatem imminuendam, & pro nihilo habendam flagitiosa continuò prorupit

prorupit audacia, vt à nulla scelerum immanitate, à nullis facinorum exemplis abstinuerit. Quantus autem horror pias mentes perfuderit, quantus sanctitate & numinis æterni veneratione imbutos credentium oculos stupor oppresserit, cùm religionem, quâ vna spes vitæ beatæ continetur, à pestibus illis non contaminari modò & infici viderent, sed contagiosum illud hæresis virus letalem cultui diuino perniciem tandem afflaturam pro comperto haberent, quilibet ex eo coniecturam capiet, quòd animus res illas memorare refugiat, quas illi Catholici nominis hostes, impij in Deum, crudeles in Catholicos, in ædes sacras nefarij, in Ecclesiæ bona rapaces, in omnium fortunas insolentes perpetrarunt. Taceo solennium sacrorum ludibria, templorum euerfiones & incendia prætereo: nulla enim res vsquam fuit, vel signum vel imago religiosè à maioribus posita, nec aræ Diuorum memoriæ dedicatæ, ad quas vi & armis accedere potuerunt, quæ à sacrilegis eorum manibus intactæ aut inuiolatæ permanferint. Quod itaq; barbarus & Christianorum semperternus hostis, regnis & vrbibus in potestate redactis permittit & tolerat, hoc locis & opidis per nefas & iniuriam suo principi ademptis, hoc fraudibus & mendacijs personati Christiani, primùm è Rep. tollendum existimant; neq; in vrbium quas inuadunt aut occupant direptionibus, prior neque maior à militiæ præfectis cura adhibetur, quàm vt loca sacra è vestigio profanentur, à donarijs & antiquis ornamentis spolientur, sacri cineres, sanctorumq; ossa & reliquæ dissipentur, sacerdotes eijciantur, piorum virorum sodalitia dissoluantur, virgines Deo sacræ è suis sedibus abripiantur, diuina denique omnia ignominia concidantur. Et huiusmodi in Deum & homines opprobria ab hoste recetibus victorijs feroculo, qui nostro vel errore vel socordia nititur, in illis quibus ipse minatur ciuitatibus, ô Belgica, expectabis? Quæ à multis retro seculis Christianæ militiæ nomen dedisti, quæ sacras sæpenumero expeditiones ad religionem conseruandam, eamq; in finitimis & longinquis regionibus propagandam suscepisti? Quæ tot principum, tot virorum studio & ardore pietatis flagrantium parens & educatrix exististi, vt ex vno ducum Brabantiæ stemmate & affinitate, trecenta numerentur vtriusq; sexus nomina, quæ ob vitam sanctè & innocenter peractam inter diuos relata vel beata, memoriam in terris religiosam reliquerunt? In quibus maiorum solennibus institutis, ac debita sedi Apostolicæ obedientia, vt Belgica securè & constanter perseueret, vt ciues Catholici in officio maneat, vt populi qui fœdissimorum veteratorum fallacijs, & execrandis opinionibus ab Ecclesiâ descuerunt, mutato consilio ad sanitatem redeant, nefaria primùm arma sunt hostibus extorquenda. Adfert enim illud etiam mali, præter cetera incommoda hoc bellum ciuile, quod in summa flagitiorum impunitate & licentia, etiam prauè opinari indulgentius permittatur, & cùm sceleratè facientibus ignoscitur, à malè sentientibus difficilior sit cautio. Obmutescunt ergo armorum strepitu legibus, & quolibet feritatis & insolentiæ spectaculo oculis hominum assuefactis, facile in illorum cogitationibus peruersæ disciplinæ venenum instillatur, quod militis infecti similiter contagio letalius efficitur, sumpto ab illius impijs facinoribus auctoramento. Parti præterea cuius ductu & periculo bellum geritur, etiam si per se illa moderatior est, multa sunt arbitrio militaris insolentiæ impiè in Deum, in leges iniuste, nequiter in omnes facienda & concedenda, & in bellicis actionibus mos illis gerendus est, per quos aut vicisse aut victurum se quis putat, neque sui iuris manere diu potest in rebus ad religionem spectantibus quisquis cum impijs sese colligauit. Quapropter ne incendium, quo annis, penè dicam, triginta deflagamus, in perniciem animarum dilatetur vltius, neq; vires illi addat tēpestas diuturnior, nequando vicinas cis Rhenum & Mosam prouincias corripiat: vt illorum quinetiam saluti consulatur, qui piè de Catholica religione sentientes, iisdem in locis quos occupant hæretici, propter impedimentum rei familiaris degere atque manere coguntur, vbi patrio ritu Deum colere prohibentur, & liberos maiorum institutis educare iniquissimis edictis minaciter vetantur, decretisq; terrentur, qui vbi adoleuerint, tam erunt à verè pietatis obseruantia alieni & hospites, vt solennes Ecclesiæ Romanæ ceremonias, ceu peregrina quædam sacra auersentur & respuant, nec minor difficultas in illis Ecclesiæ reddendis versabitur, quàm in Mahumethicis vel idololatriæ Euangelicæ veritatis doctrina instruendis, vt inquam religio non

penitus intereat, castra disturbanda sunt, aciesque perurpendae, & illa sanguinaria impietatis nutricula, Bellonam dico, ex urbibus atque agris est exterminanda, ipsaque ciuilis seditio-
nis alimenta, arma è manibus sunt excutienda, vel quauis ratione ponenda & remouenda. Quid enim boni per Deum immortalem, in hoc temporum turbine Reip. Christianae conciliare poterit huius belli diuturnitas? Quam non potius religioni contumeliam, calamitatem Belgio adferet, impijs audaciam, hostibus potentiam? Sed ad alteram opportunè rationem veniamus, cur regiae Maestatis in Belgio subditi, sua permagni interesse existimant, ne serpat ulterius in patriae suae viscera intestini belli pestis, id ego Reip. detrimentum appellabo, quae priuatas cuiusque fortunas comprehendit. Nam quem tandem exitum à caedibus, incendijs & rapinis exspectamus? quis iugulum à ferro, tecta ab incendio, à direptione facultates conseruabit? Quis familiam ab orbitate, coniugium à solitudine, praedium ab excidio, seipsum liberumque ab inopia vindicabit? Infinita sunt mortalium millia, qui vel in captis urbibus, in acie, in fuga, in itineribus ceciderunt. Nihil usquam tutum est, nihil securum: vitam & salutem latibulis murorum difficulter tuemur: Hostis circūcirca pro libidine grassatur, vrbes expugnat, vastat opida, agros populatur, praedas abducit, latrocinatur, & spolijs prouinciae onustus reuertitur. Libera sunt illi cum finitimis & longinquis regionibus commercia: nobis nisi pretio redempta permittuntur. Omnia illi itinera sunt peruia, patent maria, portusque vniuersi: nobis omnia clausa sunt, & velut inaccessa, & nemo admittitur nisi qui hoc beneficium ab hoste impetrauerit. Eius mercatores ciues & incolae in omnibus regnis negociantur & nauigant: nostri excluduntur, & à litoribus arcentur nisi hostis indulgeat, quod ut faciat, à nostris redimendum est. Huc accedunt iniquissimae tributorum exactiones, quae à miseris agricolis per latrocinium hostes, per vim sub iuris militaris specie praesidiarij extorquent. Atque ita genus hominum Reip. vtilissimum, partis vtriusque iniurijs obnoxium, ex arationis laboribus & fructibus nihil percipit nec retinet, nisi quantum ab hostibus & ab illis relinquitur, à quibus non defenditur. Nihil hic ad odium cuiusquam commemoramus; sed si quis militarium de se hic agi putet, is sciat querimoniam hac oratione institui, non autem conumeliam. Quisquis verò queritur, cum verecundia flagitat, & frustra mororis leuamentum posceremus, nisi iusti doloris significatio praecederet. Quin vel ipsis mancipijs hoc liberum semper fuit, ut exclament dum vapulant, gemant, timeantque, suo potius quam alterius arbitrio; & nemo tam iniquus in seruos est dominus, ut quos luctu affecerit, lugere non permittat. Hos igitur questus miles, haec suspiria, has lacrymas profunderè nobis sinat, non modò propter mala, quae ipse nobis intulit, sed ob ea, quae ut debuit, à Rep. non auertit. Ad feras & lupos venatu capicendos generosissimos canes adhibere solemus: Sed hic quauis bel-
lua immaniores praedones, omnibusque flagitijs deformati *καὶ ἀνὴρ πρῶτος* per Belgicas prouincias, per omnia itinera, per omnium agros, & praedia grassantur, custodibus in sua statione sedentibus, clademque sui gregis ociosè inspectatibus. Quae enim usquam regio, quae via, quis locus militari praesidio adeò tutus fuit, quo teterrorum hominum colluuiò, quae à praedandi libertate nomen habet, non accessit aut perurpit? Quis vnquam equestrium vel pedestrium cohortium in opidis & arcibus excubantium fiducia, è manibus praedonum incolumis euasit? Quis inter quam plurima ciuium, colonorum, & aduenarum millia, quos ab agris, itineribus, atque ipsis opidorum praesidio munitorum portis & moenibus vinctos & constrictos illi patriae parricidae crudeliter abstraxerunt, & modis indignis suppliciumque excruciarunt, militari auxilio liberatus, ereptus, aut seruatus vnquam fuit? Itaque vix vlla supersunt ciuitates, municipia vel opida, è quibus tuto pedem efferre quisquam potest, vel commercij causa per Belgium proficisci, nam à paucis sicarijs obsidemur vniuersi. Nec quemquam extra muros sua euocant negotia, vel vltro citroque commeandi necessitas, quin exercitu stipatus vel militum manipulis conductis iter faciat. Verum praetereamus minuta haec dispedia, quibus comitatum & praesidia sua vendunt: sexcentae praedandi sunt species & vocabula, & genera spoliandi ad quaestus magnitudinem immensa & infinita. Noua ciuibus miles portoria & vectigalia suo arbitratu imponit & exigit, insolitis agricolae imperatis diuexantur, ut praesens rerum status cum prisco Romanorum in Belgica prouincia Imperio comparatus, in eisdem

vexatores & depeculatores incidisse videatur. Hinc menstruarum pecuniarum contributiones, pabulationes, lignationes, vehiculationes, operarum ad fossatum vel ad vallum exactiones, epidemetica, hospitia, coenatica, & quæ in oleum, sal, ligna, seruitia nuncupantur, quæ representata certo pretio redimuntur, quod nisi ad diem præstitum persoluitur, quid prætoris edicto opus est? ipse sibi equos, boues & corpora addicit creditor miles, ipse ducit. Sed hoc est omnium calamitosissimum, quod parum aut nihil eiusmodi impendiorum in belli gerendi subsidium comparatur, nec ad insatiabilem rapacitatem explendam, tam centurionum quam militum sufficiat. Nam quicquid aut ciuium prouentibus adimitur, aut è colonorum fortunis exhauritur, quicquid ex omnium facultatibus diripitur, ad profundissimos cupiditatum gurgites obruendos haud satis est. Enimuerò si huiusmodi imperatæ pecuniarum rationibus ærarij militaris accessissent, cur toties legiones seditione laborassent? Cur parcius aut tardius numeratis stipendijs, Imperium miles tam sæpe detrectasset? Sed nulla vis argenti, nullum auri pondus, nulla magnificæ suppellectilis spolia, nec vlla prouinciæ ornamenta vel deliciae, voraginem auaritiæ explere potuerunt. Quin etiam stipendia in prædam sunt conuersa, nec aliud ad militem gregarium peruenit, quam si quid à tribunis vel centurionibus, per luxum aut lulum absumptum non fuit, aut fide nominum traieci non potuit. Aliorum autem facta, qui dum militant in prouincia à rerum emptionibus tenentur abstinere, præterquam earum quæ ad victum pertinent, ad legum antiquarum rationem non exquirimus; abrogatæ sunt istæ leges & mortuæ, iudiciorumque seueritas illa à L. Pisonis temporibus exoleuit. Is enim cum esset in Hispania prætor, nescio quo pacto, dum armis exercetur anulus aureus, quem habebat, fractus est & comminutus, & alium in foro Cordubæ iussit confici, appenso aurifici palam auro, qui posita ibi sella omnibus præsentibus nouum anulum fecit. Tanta erat eius seculi religio, ne prætor in prouincia quidquam comparasse, aut ditior ex ea reuersus videretur. Nostris verò moribus non omnino improbaretur vt qui in prouinciâ militatum venit, ibi rem & gloriam armis belli pareret, modò finibus legitimis & honestis confisteret habendi cupiditas, nec accitis inexplibili auaritia stipendijs, miles se reciperet in illa cohortium tumultuantium hiberna, aut in stationes seditione collectas, vnde rei bene gerendæ opportunitas negligitur, & consiliorum rationes conturbantur, ipsa quoque prouincia tot incommodis afficitur, vt in illis militaris insolentiæ perfugijs ab hoste non differat dissolutus stationarius, & vtrumque pari metu aratores reformident, ab alterutro spoliandi. Quapropter illud subditis grauissimum est, auctore Platone, huiusmodi canes à pastoribus nutriri auxilio futuros ad gregis custodiam, & eius saluti inuigilatuos, qui aut famis aut prauæ cuiuspiam consuetudinis intemperantia, immaniter in gregem seuiant vt lupi. Quemadmodum Tiberio Dalmatarum dux Bato defectionis causam sciscitanti respondit, culpam in ipsos Romanos deriuans, quod ad gregis custodiam non canes pastoresve, sed lupos mitterent. Taceo reliquas consultò libidines, indignitates, contumelias, taceo impuditiæ & turpitudinis illecebras, morumque hoc bello corruptorum nequitiam: Mars etenim violentus magister ille, præter cætera mala quæ in se habet plurima, mentibus imprimis publicè priuatimque deterius affectis, peccandi tribuit facultatem, & hominibus rerum copia ad quotidianum vitæ vsum pertinentium destitutis, conuiuendi & patiendi necessitatem imponit. Quare morum disciplinâ, quæ iam penitus exsulat, non ante postliminio reuersâ potiemur, quam populus ab armis ad pristinum vitæ institutum reuocetur. Atque hæc de detrimento quod è bello accipitur breuiter dicta sufficiant. Tertiam verò causam cur à belli assiduitate videatur abstinendum, ad Belgici principatus cuius tutela cum salute Reip. coniuncta semper fuit, & imperij rationes existimo pertinere. Quanta enim fieret, receptis prouincijs ab hoste occupatis, ad Hispanicæ monarchiæ potentiam accessio, hoc gesti plus annis viginti quinque belli difficultas declarauit, neque Belgicos tumultus parui esse momenti vsus rerum edocuit. Quod & Philippus regum maximus clementi in regiones hæreditarias animo, easque recuperandi studio testatus est, qui nullis consilijs, laboribus nec impensis infinitas aureorum myriades excedentibus, ex ærario suo, quo nullum vsquam opulentius exitit, liberalissimè de-

promptis vnquam pepercit, vt eas tranquillitati pristina restitueret. Quod etsi immensis opibus & nullo non virium & apparatus genere, quo potestas illa nititur, effectum oportuit, aut conferi posse nemo diffiteatur; illud tamen serio videtur expendendum, an ad regie magnitudinis dignitatem pertineat, bello in plures annos vt nunc geritur protracto, hostem augeri potentia & audacia, an sint alie consilij rationes ineundę ad eum infirmandum atque labefactandum, vt quā primū debelletur. Ferunt Thebanos, per frequentes in ipsos Lacedæmoniorum expeditiones, bellicosiores euasisse, & idcirco Lycurgum interdicto cauisse, ne cum vno eodemque populo sæpius manum confererent, ne rudes armorum ignarique militia bellare addicerent. Haud aliter Regis hosti, quia duobus ultra bellum Troianum decenniis cum illo decertatur, sublati sunt animi, vt se rei militaris peritiam consecutam assiduo belli vsu & vincendi progressionem, persuasum sibi habeat. Quam ille opinionem si bello vltierius producto confirmauerit, quos ex hac longitudine, nostraque lentitudine spiritus ipse efferet? Quos ille vel principes, vel populos non contemnet? Quos de pace vel induciis internuncios aut legatos ferox victor non reiiciet? Quæ pacta, quas condiciones accipiet, vel iniquissimorum iudicio æquissimas? Quo Regis potentiam argumento probabimus, & vires eiusdem ceteroquin inuictissimas reddemus formidabiles, nisi belli rationes sic instituantur, vt rerum suarum hostis instabilitate, & infirmitate consiliorum detecta, ad vetus officium & obsequium reuertatur? Quod vt breui fiat, non solum Germaniæ Inferioris interest, sed ad principatus & imperij commoda, denique ad totius Reip. Christianæ vtilitatem spectare, nemo inficiabitur. Si enim de ducum fortissimorum numero, si de militum optimorum qui hoc bello ceciderunt infinitis penē millibus, si de sumptibus in stipendia, in com meatum, in arma, in classē, in tormenta, & reliquum huius belli apparatus erogatis, si de tanta vi auri & argenti conflati, si de tam multis numerum myriadibus ex amplissimis regionibus Hispanicæ potentie imperatis indictis, & ex nouo orbe corrogatis, cumulatis, calculus subducatur; quis rerum tam profusus aut ignarus æstimator est, qui tantis viribus & copiis & impensis non esse debellatum, non miretur & doleat? Quis publici patrimonij tam perditus erit censor, qui Regis ærarium cum liberali eius animo ad sumptus in bellū copiosè depromendos, patere semper cupiat, nisi certis de hoste opprimendo rationibus, restique de bello terminando consilij nitatur conscientia? Postremò quis hanc opum armorumque potentiam, cum exiguo progressu multis annis impeditam, vel Barbaris subiugandis, vel hostibus nominis Christiani delendis, vel sceptro Orientis impurissimi tyranni manibus extorquendo, imparem iudicabit? Hoc igitur belli neruo, hoc robore, hac militia, quæ Belgico tumultu iam dudum distinentur vel ad sacram expeditionem aut imperij prorogationem commodius vti licebit, si ad Belgicas provincias quamprimū pacandas accuratè conuertentur. Non enim cuiquam videri mirum debet, si hostes se dedere tantisper recusauerint, dum ex bello molestiam sentire sese negant, dum imbecillio rem huius mali medicinam, quā morbum esse vident, dum opibus illi copiisque circumfluunt, nos funditus bonis & fortunis euertimur; dum illis exportatio rerum quibus abundant, fastidium & satietatem adimit, & earum quibus egent inuectio necessitatem antevertit; nobis omne ius gentium & communio intercluditur, nisi pretio commercij licentiam redimamus. Verū si correctā militari disciplina, legumque castrensiū seueritate reducta, virtutem illam bellicam refumat exercitus, quā imperio firmiter, præsidium Reipub. hostibus terrorem adferre solet; si duces, legati, præfectique legionum ita se comparent, vt quotidie meditentur se in castris & stadio veræ gloriæ versari, non in quæstuosa quadam officina; si tribuni meminerint se illuc conuenisse, vbi acies instruenda & in hostem sit ducenda, non vbi centurionatus & numeri ordinum vaneant; si primipilares, signiferi, decuriones, & præsidarij in suis stationibus permanendum esse norint, non in lustris & cauponis luxuria disfluendum; denique si miles non ad nundinas furtorum & seditionum sciat arina se gestare, sed nomen dedisse religioni defendendæ & publicæ saluti propugnandæ recordetur, non ancipitem belli aleam, sed certam in manibus haberemus victoriam. Præterea si ad immensam nerui bellici potentiam, optima accedat

cedat ararij dispensatio; si à cuiusque soli cælique peritis, consilia petant ij præsertim, qui in situ locorum, harumque regionum, quæ mari cinguntur, portubus distinguuntur, insulis circundantur, peregrini sunt, qui in vsu, consuetudine, in exemplis, moribus, institutis, in prouincialium ingeniis & voluntatibus sunt hospites: Si publici muneris quisque functionem ad veram laudem magis quàm ad ambitionem referat: si communis compendij, potiùs quàm priuati, omnes studio ducantur: si quantum in bello celeritas valet viri militares regiique ministri assiduè meditentur, neminem ab aditu vel congressu suo premant, neque tam seueram disciplinam domi habeant, vt vix nuncius admittatur res magnas allaturus, qui excitet dormientes, aut vigilantes interpellet, nunquam rerum gerendarum elabatur opportunitas: si per fidos emissarios & speculatores consilia hostis omnia sic intercipientur, vt quid agat, quid moliat, quibus equitum peditumque, & apparatus viribus intruatur & valeat, quò & quâ tendat, duces nostri militares certiores ante fiant, quàm aduentu inopinato ditionem vllam opprimat, aut improviso damno Rempub. afficiat, sepe locus erit stratagemati & insidiis, quibus eius exercitus aut intercludi possit, aut ita cædi & deleri, vt factionis suæ homines, cladis intolerantes, primum animis consternerentur, tum si pericia vincendi ad victoriam accesserit, ex trepidatione in tumultum prolabantur, hinc ad secessionem & civilem discordiam, quâ se ipsi expugnent, atque simul vniuersim, aut truncatim sese dedant. Postremò si cum exteris, vicinis & remotis principibus populisque (quorum Bataui commercio carere omnino nequeunt, aut quibus est perutilis negotiatio in Hispania) societas contrahatur, exemplo Romanorum, qui cum essent potentissimi, haud turpe duxerunt, aut imperij Romani magnitudine indignum, gentes socias asserere, socialia bella gerere, ipsos etiam Batauos, Æduos & Aruarnos fratres & amicos suos appellare, breui debellatum fore comperiemus. Denique si rebus omnibus ad bellum terra marique gerendum & consiciendum instructis, æquisinæ pacis conditiones offerantur, vt constet a subditis non deditionem sed obsequium exigi, Regemque imperium non perniciem petere, tum gentes illas quarum animi iamdudum, improborum hominum religionis nomen cupiditatibus suis prætexentium fallaciis, conuulsi & de statu dimoti fuerunt, & à Regij nominis cultu obsequioque alieni, mutato consilio ac deposita contumacia ad sanitatem & in gratiam cum principe suo redituras confidimus. Quin etiam omnia Regis optimi consilia ad exitum belli inclinatura speramus, vt omnes gentes sciant, cum bella non minùs clementer finire, quàm iustè suscipere: neque sibi ex strage subditorum suorum, cum virium insigni imminutione victoriam, sed partum sine sanguine triumphum proponere: illumque prudentium medicorum exemplo cum Repub. acturum, qui cum vrendo vel secando parum proficiunt ad morbum depellendum, sed ipsum ægrotum magis confici animaduertunt, aggredi mitiorem curandi rationem satius multò ducunt, & fomentis, malagmatis ac lenioribus medicamentis agrum cum morbo diutius alere, quàm continuatis prioribus remediis vtrumque simul tollere. Etenim etsi animi incorporei sunt, tamen habent multa cum corporum naturâ conuenientia, & eandem propemodum sanationem requirunt. Sic bellicum furorem pacis arma compescunt, & quod sine certo interitus periculo expugnare vis non potuit, concordia superabit. Rex si quidem diuinæ pietatis & clementiæ, quam multa tolerare quotidie videmus, quæ tamen non probat, benignus imitator, quædam permittere, quæ difficulter possunt prohiberi, & subditis implacabili odio dissidentibus, fœdere factò potiùs ignoscere in animum inducet, quàm ita se ad bellum internecinum cõponere, vt cum velit ignoscere, quando qui seruentur non erunt, non possit, neque videant homines quibus pepercerit, nusquam relicto mansuetudinis monumento. Itaque conuiuendi necessitas illa, quâ Regis clementia ob salutem subditorum se astringi patietur, medicorum similiter exemplo comparabitur, qui ex malè affectis hominum corporibus vitiosos humores paulatim educunt, ne simul vniuersos eliciendo occidant, quos sanare receperunt. Etsi igitur vbi atroces belli impetus resederint, non statim è morbo, quo penè contabuit, euadet Respub. nec ab illis vulneribus, quæ homines profligati pestiferis opinionibus letaliter infixerunt, pristinam continuò sumita-

firmitatem recipiet, sed cum pax illa animorum studio partium infectorum conciliatrix, discordias, odia, & dissensiones, capitales illas Reipub. pestes, æterno fœdere primùm eliserit, cum ab agris depulerit vastitatem, directionem ab opidis, à templis sacrilegia, quis non intelligit fore, vt ordinis Ecclesiastici auctoritate restituta, ac ritibus veteribus in iisdem prouinciis, quæ publicè illis carent, denuò confirmatis, impiorum dogmatum fibræ sensim euellantur, omnesque radices paulatim excidantur? Adimetur enim notis veteratoribus illis, (qui fraudibus & mendaciis toti consuti, ceu nuper de cælo delapsæ & sibi solis patefactæ Euangelicæ veritatis apud plebem indoctam nomen obtendunt) suum virus vltèrius spargendi facultas, & detectis simulatæ pietatis inuolucris, quibus illi personati in scenam ementitæ religionis prodierunt, cunctisque integumentis fictæ simplicitatis, quâ vulgo imposuerunt, subductis & remotis, incipient tunc homines quasi tenebris discussis lucem ex illa caligine dispicere, quâ religio Catholica oppressa & sepulta aliquot annis nunc iacuit, verusque Dei cultus belli assiduitate obsoletus & extinctus doctorum virorum concionibus reuiuifcet, & cum vitæ integritate morumque sanctimonia consentiens oratio, quam strepitus armorum aliquamdiu intercepit aut planè non admisit, & temporis diuturnitas multa conficiet, quæ vi & ferro confici difficulter potuerunt. Itaque in præsentî tam de religione quàm de Regis obedientia dissensione, non secus quàm in fidibus aut tibiis faciemus, in quibus si quid discrepat, non statim iracundè neruos incidimus, abruptimus aut abiicimus, sed adductis vel laxatis moderatè verticillis, flatuque temperato, ad concentum harmonicum paulatim redigimus. Tum malis & improbis, quibus scelerum conscientia nihil tutum aut securum in pace relinquit, qui nullum in iudiciis vel legibus locum habent, insolentia & immanitas, quâ illi multos annos in Rempub. insultarunt, in fugam & trepidationem conuertetur; Bonis, qui in fordibus & mœrore iacuerunt, alacritas excitabitur, vt errantes admonere, contumaces reprehendere, instabiles audeant confirmare, omnesque sibi vitam potius eripi patiantur, quàm religionem. Quamobrem non ante dignitatis ornamenta, & præsidia stabilitatis Ecclesia recipiet, quàm ab armis recedatur, & pax illa cælo dimissa animos æterno fœdere coniungat, atque ab omnium ceruicibus, tectis & fortunis, ferrum, flammam, rapinas & iniurias propulset & arceat, totamque belli molem in hostem immanissimum conuertat & retorqueat: Quo victo, præter gloriam, imperij & potentie Christianæ amplificatio victoribus proponitur. Hoc seriò cogitandum vniuersis Christianis principibus relinquimus, qui dum inter se odiis implacabilioribus decertant & dissident, quàm factio Mahometica à Christi causâ dissentit, faciunt vt hosti teterrimo sint despectui, qui animis viribusque conspirantes & coniuncti terrori esse solent. Conquiescant igitur intestina hæc dissidia, dum ad illud commune Reipub. Christianæ incendium restinguendum simul omnes concurrimus, dum ad sacram militiam expeditur vniuersi, dum vires in Belgio impeditæ colliguntur, dum arma, commeatus, stipendia comparantur, dum classis & armamenta instruantur, quibus Belgica prouincia tranquillitati restituta maximam facere accessionem poterit. Nam illa in sacris expeditionibus à suis principibus sæpenumero susceptis strenuè semper & gloriose militauit. Huc Regis accedent ex Inferiori Germania legiones; enimuero pacato & tranquillo prouinciæ statu, faciliè illa milite præsidario carebit, & adhibita vtrinque securitatis cautione, in qua pacis componendæ præcipua, vt opinor, difficultas versatur, causâ nulla erit de præsidiis cogitandi. Omnes enim ditiones Principi & tranquillitati restitutæ, nil desiderabilius aut optatius habebunt, quàm in eius obsequio constanter permanere, nihil magis nefarium perfidiosumque putabunt, quàm fidem non seruare. Neque certè stabilius aut firmitus est imperium, quod metu retinetur, parum diuturni officij magistro, quàm quod moderatione & clementia adiungitur. Videmus vim sermonis, qui si lenior habeatur, furorem fremitumque indignantium demittit; contra asper iram prouocat mansueti quamuis hominis; venia concessa ferocem quemque placat, supplicium vel mitissimos animos exasperat: & actiones violentæ quantumuis iustissimæ semper omnes irritant, mitigant leniores, ideoque facilius persuadendo quispiam


piam quàm cogendo eò adducitur vt vel grauissima subeat. Quod adeò natura comparatum est & institutum, vt brutorum animantium permulta robustissima alioquin & ferissima blandiendo cieuntur, inescandoque perdomentur, alia timidissima atque imbellissima malè habita aut territa, ad iram prouocentur. Adhæc multò securiùs cum principibus agitur, qui tutissimas excubias ciuium charitate & beneuolentia metiuntur, ac legibus & metu iudiciorum circumscripti ingenius imperant, quàm qui præsidii armatorum stipati, ferri solo conspectu, oculis formidinem & corporibus iniiciunt. Quibuscunque denique venia donabitur, eos poenitebit principem vnquam lacesseuissè, vt lædere benefactorem in posterum vereantur; sed spe consequendi maiora ab illo præmia, officiis eum colent: Qui enim ab aliquo iniuria affectus salutem concesserit eam inferenti, illi omnes confidunt accepta beneficia cumulatè pensaturum. Nec minus recentis benefacti recordatio & prosperitas illa, quam Belgica tota natio sui Principis clementiæ acceptam semper feret, eam Regi obsequentem in officio continebit; ne si fidem promissorum semel exuat aut minuat, ea bona atque commoda, quibus pace facta perfruetur, excutiat, cuius illa dulcedine carere nunquam volet, quoties illam voluptatem cum temporum superiorum acerbitate comparabit. De qua felicitate, Cardinalis amplissime, incredibilem spem concepimus ex aduentu Srenissimi Archiducis fratris tui, illustribus argumentis, firmisque fundamentis proculdubio subnixi. Cum enim huius Principis virtutes intuemur, quas habet ñngulares, & generis claritate & imperio dignissimas, rationem atque viam ad huius belli exitum alterutram conspiciamus: Nam summa eius bonitas, animique moderatio, quæ cum honesta omnia, tum concordiam imprimis & prouinciæ salutem commendatam sibi habet, tantam hosti conciliabunt sui admirationem & existimationem, vt æquissimis conditionibus ab illo proponendis è vestigio acquiescat, neque pacis componendæ cautionem aliam petat, quàm deprecatore apud Regem Ernesto, impetratam culpæ veniam, perpetuamque *diuinitat*. Aut consilij grauitate & prudentia consequetur, vt amplissimo imperio abundè omnia suppetant, quæ ad bellum totis viribus gerendum requiruntur, & legibus, armis, militia, & ærario in vnum concurrentibus, potestati eius robur & firmamentum accedat, quod ad citò debellandum & ad pacem prouinciæ tuendam sufficiat. Ingentem præterea fiduciam nobis addit, fraternus tuæ Celsitudinis amor & necessitudo, quæ non deerit præclarissimis germani conatibus & laboribus imperatoris, sed ad suam & ad gentis Austriacæ dignitatem huius belli confectionem pertinere iudicabit: Vt Regiæ Maiestatis expectationi, quam de Ernesti Archiducis virtutibus habet, & votis satisfiat; cui ingrauescentis hoc vnum ætatis leuamentum erit, vitæque solatium, si Principem Philippum felicissimæ suæ indolis gloriosa primordia à belli huius exitu auspicari conspexerit. Ad quam etiam rem diuinus adolescens, qui Catholici cognomen à primo statim lucis intuitu accepit, & amorem Ecclesiæ piorumque subditorum cum ipso nutricis lacte fuxit, per se ipse naturali quodam impetu fertur, & optimi parentis exemplis & consiliis, tuisque sanctissimis suasionibus incitatur. Quapropter in his temporum doloribus & tristitia, & in hac luctuosa tot annorum perpeffione, se inferior Germania consolatur & recreat pulcherrimo hoc spectaculo, patris in illa vitæ virtutumque maturitate salutaribus Philippum institutis & præceptis ad imperium præparantis, filij, parentis maiorumque vestigiis libentissimè insistentis, Alberti Cardinalis omnia recta & honesta imitanda proponentis, & Ernesti Archiducis in curam pacandæ prouinciæ incumbentis. Quin etiam præmaturæ virtutis & prudentiæ (quæ in eius regia educatione, doctorumque virorum assidua consuetudine non exspectauit annos) significatione, quam in hoc ineuntis ætatis suæ flore terrarum orbi dedit Princeps ille iuuentutis Philippus, felicitatis futuræ lætitiâ præcipimus, cum posito à Belgica restituta rudimento, totus orbis Christianus in hoc vno acquiescet, tutissimis præsidij Philippi tertij muniendus, multorumque regnorum accessione cumulandus. Itaque in hac sceptri, quod iure hæreditario à parentibus accipiet; tractandi tyrocinio, nemo non confitebitur, quin nomen immortale iam nunc partum sibi habeat, multumque suis maioribus

maioribus splendoris ipse attulerit, si à Belgij tumultibus ad finem perducendis gloriæ cursum ordiatur. Quod vt fiat maturius, ita citius hostes ex proscriptione vitam illi debent, è bonorum publicatione recuperationem, è bello securitatem; nos eidem libertatem acceptam feremus, omnes salutem & prosperitatem. Cuius beneficij vt causa primaria, quam *αἰτία* vocat Plato, in Regiæ Maiestatis & Principis filij voluntatibus est posita, sic tua & Ernesti, Cardinalis amplissime, serenissime Celsitudines *κυρίαρχοι & συνεργοί* siue causę adiuvantes haud exigam sibi partem meritorum vindicabunt. Hanc populi vniuersi expectationem optatissimus Archiducis aduentus declarauit, & par omnium gratulatio. In qua describenda quantum mihi animum tenuitatis meę conscientia debilitat, tantum tuę prudentiæ fiducia cum erigit; neque enim ex hoc scripto intelligere dedignabitur, quàm de bello per Principes Austriacos absoluendo benè omnes ominantur, ad spem meliorem facta inclinatione, quòd in illam familiam omnes Belgicę ditiones non solum possidendę, verum etiam curandę reciderint & pacandę. Interea dum pares virtutibus successus, & ad statum Reipub. & Ecclesię necessaria Deus cœpta fortunabit, nulla tam vicina aut longinqua erit natio, quòd non fama conatus præclarissimi perueniet, neque vllę tam ingrata inter Belgas erunt literę, quę de gentis Austriacę præconiis conticescent.

5

F I N I S.





DESCRIPTIO
GRATVLATIONIS
PVBLICÆ, SPECTACVLORVM
ET LVDORVM, IN ADVENTV
SERENISSIMI PRINCIPIS ERNESTI
ARCHIDVCIS AVSTRIÆ, DVCIS
BVRGVNDIÆ, STIRIÆ, CARINTHIÆ,
CARNIOLÆ, ET WITTEMBERGÆ,
COMITIS HABSPVRGI ET TIROLIS,
AVREI VELLERIS EQVITIS,
BELGICIS PROVINCIIS A REGIA
MAIEST. CATHOLICA PRÆFECTI,
AN. MILLESIMO, QVINGENTES.
NONAGESIMO QVARTO, XVIII.
KAL. IVLIAS, ALIISQVE
DIEBVS ANTVERPIÆ
EDITORVM.

ANTVERPIÆ
EX OFFICINA PLANTINIANA.
M. D. XCV.



P V B L I C A E G R A T V L A T I O N I S ,
S P E C T A C V L O R V M , E T L V D O R V M , I N

A D V E N T V S E R E N I S S I M I P R I N C I P I S E R N E S T I ,

*Austria Archiducis , Aurei Velleris Equitis , Belgicis Prouincijs à Regia Maiestate
Catholica Praefecti , anno millesimo quingentesimo nonagesimo quarto , decimo octauo
Kal. Iulias , aliisque diebus Antuerpia editorum.*

VM DIVINA prouidentia post herois fortissimi Aléxandri Farnesij Parmæ & Placentiæ Ducis è vita discessum, Regis Catholici Principis nostri clementissimi cogitationes & consilia eò direxerat, vt Ernestum Austrium cognatione & affinitate sibi propinquum rerum Belgicarum administrationi præficeret: Archidux rebus, quæ eius auspicijs gerebantur maximæ, omnibus postpositis, & Cæsaris Augusti, Principumque fratrum relicta consuetudine, ab vltima Pannonia, magnis per Germaniam media hieme itineribus, Prouinciam Belgicam sub initium mēsis Ianuarij, tertio verò Kal.

Februarias ciuitatem Bruxellam ingressus est. Qui dies non temerè à quibusdam obseruatus est, niueo certè calculo aut vnione signandus, quòd is Paci, quam pro Dea colebat antiquitas, Romæ festus erat, vt Sulmonensis vates in Fastis auctor est; & quòd omnes confidamus Archiducem auspicato in prouinciam aduentu Iano pessulum pacis obditurum, non minùs necessariæ, quàm ab omnibus exoptatæ. In qua quidem vrbe imperij domicilio, & antiqua Ducum Brabantiae sede tanto omnium ordinum desiderio, populi que in Principes officiosissimi votis, & magnificentia exceptus est, vt quantam Respub. in eo spem posuerit, sine vllis hominum sermonibus satis superque apparatus declararit. Sed ea describere quæ ibi sunt acta, non est nostri instituti: nam ab illis exactiùs memoriæ prodentur, qui eadem publico decreto procurarunt, & sicut accepimus literarum monimentis iam pridem consignarunt. Primo igitur trimestri exacto in admittendis legationibus, audiendis que ciuitatum Belgicarum salutationibus & postulatis, rebusque nonnullis ex nouo imperio Bruxellæ constitutis, cum eius Celsitudinem Antuerpiam videre velle nunciatum esset, Senatus de ea honorificentissimè excipienda pro Reipub. facultate sollicitus, curam illam, & auctoritatem in Consulem suum Blasium de Bejar, qui cum Ægidio Gerardi alterum eo anno consulatum gerebat, Carolum Malineum Senatorem, Quæstoresq; publici ærarij, & in me opusculi huius auctorem decreto suo interposito contulit. Tum à me inuentis & excoGITATIS spectaculorum argumentis, quæ oblata magistratui magnopere placuerunt, omnes quotquot in vrbe sunt artifices, architecTI, statuarij, pictores, fabri, & alij opifices commissariorum mandatis accersuntur.

Ex quibus aliqui redemptores effecti, propositis priùs conditionibus, vt integris mensuris, ac proba materie opera locanda curarentur, additisque præmiis quibus donarentur, qui precio minori facienda conducerent, structuræ confectum accinguntur. Eiusdem etiam Senatus iussu cum exterorum negotiatorum, seu nationum Antuerpiæ degentium consiliis egerunt idem Commissarij, & faciliè illis persuaserunt, vt pro solita in huiusmodi actionibus liberalitate, & magnificentia communem Reipub. gratulationem adiuuarent, suamque in Principem aduenturum obseruantiam, opere publico, vt cuique videretur eleganti declararent. Quid autem ab illis præstitum sit, sigillatim infra describemus.

CVM ergo Ernestus Bruxella digressus Idibus Iunij Machliniæ pernoctasset, postridie in iurisdictionis Antuerpiensis opido Lyra aliquot horis commoratus, post meridiem ad

urbem Antuerpiam rheda vectus vsque ad pagum Berchemum aduenit, vbi à ciuibus armatis, qui eius Cellitudini obuiam prodierant, cum magno desiderio expectabatur. Nam cum rumore allatum esset eum Machliniam peruenisse, ac eodem die quo urbem ingressus est, Lyram venturum esse constaret, sex vrbis collegia sagittariorum, siue centuriæ in sex classes distributæ, quæ constant ex ciuibus selectissimis antiquissima totius ciuitatis præsidia seu nervi quidam Reipub. ac robora, & viginti armatorum ciuium cohortes, iussu magistratus intra mœnia in agro qui inter urbem & arcem medius est, (castrî planitiem vocant) in aciem processerant, eodem quo extra urbem disponentur ordine. facto igitur agmine, & in ordines composito, porta Cæsarea armati ciues egressi, sex eadē collegia paulo longius quàm ceteræ cohortes in Berchemicum agrum progressæ, ad pagi templum duobus ab urbe passuū millibus, opportuno loco substiterunt, & in acie hoc modo se disposuerunt.

Hastati numero centum quinquaginta, fronte per quindenos instructa, decem ordines constituebant proportionē sesquialtera: signa militaria in medio locabantur. Iungebantur fronti quini vtrique sclopetarij, quorum viginti ordines dextrum latus, totidem læuum custodiebant. Centum quinquaginta collegæ eiusdem armaturæ, eodem quo hastati ordine dispositi, à tergo iisdem præsidij loco erant. Tota phalanx quingentorum armatorum, quinis ordinibus à fronte protensior, videnos ordines continebat. Frons septentrionem spectabat & viam publicam, qua Principierat transeundum. Nec ita multis à phalange passibus bina vtrinque cornua accedebant, centum quinquaginta armatorum singula, symmetria similiter hemiolia, collocata: quindecim ordinibus ita constitutis, vt frons quæ decem armatos continebat, ad Septentrionem sese obuerteret. Ea autem aciem per latitudinem ratione cornua tegebant, vt linea per primum phalangis ordinem ducta, cornuum vltimum terigisset. Constabat autem dextrum cornu ex ferentariis qui maiores gestant sclopos cum furcillis, mosquetæ vulgò nominantur, notum tormenti missilis genus, cuius vsus in primo statim pugne loco est, quem olim sagittariis dabant, eaque de causâ formidabilis, quod reliquos sclopos magnitudine superent, & vi certa ferendi. Sinistrum cornu sclopetarij occupabant, pari cum dextro cornu ordine, numero, & spatio à phalange diffiti. His armis atque telis omnes sagittariorum centuriæ belli tempore in excubiis vtuntur, sed in publicis certaminibus, quibus honestè exerceri solent, earum binæ quæ D. Georgium tutelarem habent chalybeis arcubus siue balistis spicula eiiciunt, vnde arcubalistarij vocantur, Binæ verò D. Sebastiani tutela insignes, sagittas acernis arcubus emittunt; Quinta sub D. Christophori patrocinio, nouo tormenti manuarij genere vtitur, quos sclopos nominamus, Sexta denique, quæ in D. Michaëlis clientelam se dedit, gladiatorum more quouis armorum genere cominus pugnat, hinc illius Centuriæ collegæ Dimicatores nominantur. Factitijs vti nominibus in præsentî descriptione, armorum nostri æui ignara conceder antiquitas, quam huius teli inuentione, vt nouis alijs rebus plurimis, longè superamus. Sclopetarios enim à sono qui ex buccarum inflatione erumpit, appellauimus. Alio quoque nomine arcubusios vocamus, ficto ex Italica lingua vocabulo, à foramine scilicet quo ignis in puluerem pyrium tubulo contentum immittitur, & arcu, quod plumbeas glandes sagittæ loco eiaculetur. Tales digressiunculas nonnullas inspersimus, quas non iniucidas fore putamus. Pergamus vterius. Ante frontem aciei stabant Decani cum suis singuli eiusdem muneris collegis, qui tanquam præfecti res Collegiorum administrant, & vt tribuni, aut centuriones ordines ducunt. His ita constitutis, Petrus Ernestus Mansfeldiæ comes, & Christophorus Mondragonius arcis Antuerpianæ præfectus, accedentem propius Archiducem honorificè salutant. Tum Antuerpiensium Consulum alter (sunt enim duumviri tertio post Pascha Dominico die cum reliquis Senatoribus magistratum annum ineuntes) Eduardus vander Dilft qui cum Carolo Malineo 111. Consule, v1. Consulatum Kal. Maij iniiit, (ad cuius officium præcipua spectat Reipub. administratio, vt ad alterum Consulem iurisdictio) Principem aggreditur, cui aciem ostendit, & ex quibus ciuibus illa constabat, disertè significat; accitisque ad se Decanis, ad salutandum Archiducem admitti curat, qui manu eius deosculata, ad stationem suam reuerſi, signo dato displosis tormentis, siue vtriusque generis sclopis, ingentem sonitum gratulationis testimonium edi iubent.

Quæ

Quæ quidem principia Archiducem Ernestum admodum delectarunt, tam rei militaris quam animaduvertebat in ciuibus peritia, quàm armorum habitusque elegantia; Nam adeò se omnes armis expeditos, adeò nitidos exhibebant, vt singulos milites singulos ordinum duces crederes. Addebant multum inter cetera splendoris candidæ & rubræ struthiocamelinæ ex Africa pennæ, quibus ferè omnes, galeæ conos, aut galeros adornarant.

Non ego hîc Pœni Imperatoris Annibalis, de forti magis & strenuo exercitu, quàm de eleganti admitto iudicium. Nec illum Venusini poëtæ versiculum;

Nil piētis timidus nauita puppibus Fedit.

vel si qua sunt alia quæ in eam sententiam Antuerpiensis splendoris æmuli solent obiicere. Distincta enim officiorum & temporum ratione, semper publica magnificentia laudi fuit: Et sumptus veterum Romanorum, si Tullio credimus, priuatim tenuissimi, publicè fuerūt splendidissimi. Nam in rebus tantum domesticis parsimonix locus est, in publicis autem dignitati. Quæ verò opportunitas ostentandæ amplitudinis publicæ, maior aut melior esse queat, quàm dum excipitur ille Princeps, qui per se amplissimus est, & augustissimus? Vel ad cuius honorem conferre facultates rectius quisque potest, quàm eius qui venit cum summo imperio, ad omnium fortunæ bello teterrimo vindicandas? Neque certè in apparatu militari damnandus est nitor, ne Platonis quidem præcepto, nec ipsius etiam Tullij, quorum vterque hic duodecimo, ille secundo de legibus libro, ad nullos alios vsus *βαλμύρα* vult seruari vel adhiberi, quàm ad bellica ornamenta. Ipse etiam Cæsar Iulius fortissimus Imperator milites suos tam cultos habebat, vt argèto & auro politis armis ornaret, simul & ad speciem, & quò tenaciores eorum in prælio essent metu damni; teste Suetonio. Ipsorum præfectorum curæ etiam incumbit, vt miles veste nitidus, armis fulgens incedat, vt Vegetius tradit. Ceterùm quàm fortiter collegiorum horum ciues, in vrbis custodia & defensione, quam curam præcipuam illi sustinent, aliisque obsequiis Brabantix Ducibus olim præstitis, sese gesserint, plurima ab iisdem concessa priuilegia fidem faciunt. Denique extra omnem controuersiam est, ciues & incolas Antuerpienses, tam animi magnitudine, quàm morum facilitate, reliquis Belgij ciuitatibus quàm maximè semper præstitisse.





FECIT PETRVS
VANDER BORCHT

SCHEMATISMVS ACIEI



Progrediente porro Archiduce acies in agmen denuo soluta est, eiusque comitatum se-
 premplici ordine subsecuta, Consule cum Decanis collegiorum ordines ducentibus.
 Nec iam pago Princeps excefferat, quin alteram viginti cohortium aciem, in campo qui in-
 ter pagi limites, & leprofarum medius est, militariter instructam, in conspectu habuerit.
 Hastatorum quadrata phalanx viginti quinque ordines conuenienti proportionem ex omni
 latere ostendebat, ut armatos sexcentos & viginti quinque complecterentur: viginti signa
 militaria in medio volitabant. Duces militares vel centuriones pro fronte stabant: latera
 cingebantur septenis sclopetariorum ordinibus in triginta nouem protensis, ut cum fronte
 æquarentur. Claudebant autem à tergo phalangem viginti quinque sclopetariorum ordi-
 nes, ex quatuordecim armatis singuli, qui totam aciem quadratam reddebant, armatos tri-
 ginta nouem ex omni latere continentem, ac viros mille quingentos viginti & vnū in vni-
 uersum complectentem. Cornua similiter sic erant disposita, ut postremi eorum ordines,
 primo frontis ordini ad lineam responderent. Constabant singula ex viginti duobus ordi-
 nibus, quatuordecim armatos continentibus, & in longitudinem fronti aciei vtrinque præ-
 positis. Dextrum cornu trecentos & octo sclopetarios minores, sinistrum totidem maiores
 obtinebat. Tota viginti cohortium acies, bis mille centum triginta septem ciues egregiè ar-
 matos spectandos exhibebat. Magnam ex hoc spectaculo Princeps capiebat voluptatem, &
 equo consensu gratum sibi esse hoc officium, collaudata ciuium opera, & nutu, & verbis
 declarauit. Nec milite præfidiario ciuitatem illam indigere perspexit, quæ ciues haberet
 tam frequentes, armata militiæ non imperitos, quorum fidei tutam custodiam fortunarum
 propriarum, & Regiæ Maiestatis securitatem posset committere; Neque enim minorem
 fortitudinem, aut animorum viriumque consensum ab iisdem expectabat, quàm cum
 equestres & pedestres Gallorum copias sub Francisco Valesio Andium Duce ciuitatem in-
 uadentes, eiicerent, profligarent, ac mille quingentos dimidiata hora caderent, multos ca-
 perent, ciuibz tantum octoginta desideratis.

Conspecto statim Archiduce magna omnium fuit alacritas, illoque non nihil præterue-
 cto, dispolitis maioribus & minoribus sclopis, aduentum sonitu gratulabantur, & circum-
 ducto agmine per Tiburtium Coradinum, cui vigilum præfectura à Duce Parmensi in-
 clytæ memoriæ, extra ordinem fuit delata, sex vrbis collegia septeno ordine incedentia
 subsequuntur.

Procefferat etiam obuiam eius Celsitudini ciuitatis Scultetus noto Germanis vocabulo
 sic dictus, tanquam culpæ vel pœnæ pro noxis exactor, siue regius officarius quem Mar-
 chionem quoque nominant, Henricus Tseraerts domi nobilis, rerumque foris gestarum
 laudibus haud obscurus, qui præter summam rerum capitalium & criminalium potesta-
 tem, quâ Principem refert, (quemadmodum in causis ciuilibus Ammannus) omniumque
 rerum, ad ius eius & maiestatem conseruandam attinentium auctoritatē, Præfecturæ quo-
 que maritimæ à Mansfeldiæ comite Carolo vicarius constitutus est. Is bonam classiariorum
 suorum cohortem armis instructam secum eduxerat, ut totus armatorum numerus
 qui obuiam exierant, ad quatuor lectissimorum peditum millia proximè accederet.

Hoc ciuium comitatu à tergo sequente, Archidux urbem decimo octauo Kal. Iulias, om-
 nium votis expectatus, sereno celo ingressus est, ut vel ipsa auræ temperies, quæ præceden-
 tibus aliquot diebus pluuiis continuis fuerat molestior, quin etiam ipso aduentus die ante
 meridiem parum firma, discussis ex templo nubibus ingressui eius aspirare, & velut blan-
 diri videretur, quæ repentina aëris clementia in latum publicæ tranquillitatis omen abiit.

Appropinquantem mœnibus Principem vniuersa tormenta arcis bellica sonitu horren-
 do significarunt. Eodem quoque indicio ciuibz facto per ingentis pulsus campanæ, qua
 nulla in Belgio, nec vsquam ferè, magnitudine vastior (octo enim pedes capit eius altitudo,
 septem cum semipede hiatus in diametro) nec sonitu suauior, ad locum capiendum specta-
 culo opportunum quisque discurrit: ut breui momento via tota triumphalis, omnes ædes,
 omnes fenestræ, omnia tecta confluyente multitudine innumerabili, confertim stiparentur
 & implerentur: & quod erat admirabile, ut tot armatorum aliorumque ciuium qui obuiam
 procefferant, extra ciuitatem conspecta frequentia, nemo in vrbe desiderari videretur. Duo-
 decim

decim præterea armatorum cohortes, ex utroque portæ, quâ ingressus est, latere, in mœnibus dispositæ, sclopis utriusque generis dispositis, armorumque & vestium cultu & nitore, haud exiguam Archiduci iucunditatem adferebant.

Porta ingressus est Cæsarea, cui Carolus V. Cæsar Augustus nomen imposuit, ut ex inscriptione liquet, quæ talis est:

C A R O L V S V. C A E S.

HANC PORTAM PRIMVS MORTALIVM INTROGRESSVS
CÆSAREAM NVNCVPAVIT, DIE XXV. NOVEMBRIS
ANNO M. CCCCC. XLV.

Est autem hæc porta structuræ solidæ, & elegantis, Hetrusci infra operis, cum suis fascijs quas Rusticas vocant, supra Dorici, ex viuo saxo, & quadrato, pedibus quinquaginta quatuor sublimis, in pedum octoginta latitudinem protensa. Hiatus seu aperturæ altitudo viginti & vno pedibus definitur, latitudo quatuordecim: profunditas transitus, pertingit ad septuaginta quinque pedes. Hac pedis Antuerpiensis dimensione (qui in se pollices vndecim recipit, passus autem quinque pedes) tam in nostra descriptione, quàm in figurarum declaratione passim utemur. In quibus si quis fortè admoto, ut fit, circino, à nostris quædam scriptis dissidere deprehendet, is paucis mihi verbis videtur præmonendus, ne iudicio me arceat, aut erroris insimulet, interualla & magnitudines, quales illæ fuerunt secutum describendo: & ne causam hanc sustineat pictoris ignorantia, qui prima lineamenta duxit, vel insectia cælatoris qui icones in æs incidit. Cum enim quasdam imagines animaduertent artifices tam inæquabili symmetria à reliquis distinctas, ut si fingerentur, & in lucem ederentur seruata ex præscripto ubiq; pedum normâ, delicatis hominum curiosorum oculis non utique satisfacerent, depressiores icunculæ vix semiplenis tabulis spatium vacuum relinquerent, latiores excurrerent, excederent altiores: Quasdam igitur deprimendo, aliquas coarctando, nonnullas attollendo, illam inconcinnitatem ad æqualem commensus proportionem redegerunt, & ceu Lesbiam, cuius meminit in Ethicis Aristoteles, regulam adhibuerunt, quæ ad formam lapidis magnitudinemque transmouetur & flectitur, ita ut spacij dimensio ipsam normam constituat, non autem ad regulam aptetur superficies.

Portæ reliquam spectatæ proportionis rationem, & molis ornatum figura eius adiecta designat.

In eiusdem portæ summa coronice recenter est posita, tredecim pedum, præter basim quinque pedum, ingens statua, habitu antiquo, & militari sago cum paludamento, fortissimum heroem Brabonem referens, qui cæso Antigono giganteæ staturæ tyranno, abscissaque illi manu talionis supplicio, quo ille in viatores graue vectigal soluere detrectantes seuire solitus esse dicitur, patriam tyrannide liberasse, & nomen Hantuerpiæ dedisse fertur: Etiam si verò non me præterit hanc narrationem quorundam argumentis vel potius coniecturis, quarum fidem à seipsis ut argumenta petunt, refelli & explodi, nos tamen in Colosso Antuerpiensi describendo ab eius historia desistere non potuimus, quam si minus aliis nationibus probabimus, quòd scripta nobis desit auctoritas, solis Antuerpiensibus constare sufficiat, ad patriæ suæ antiquitatem commendandam, quæ publicâ famâ à maioribus tradita, vetustatis quibusdam retentis vestigiis, ad nostram usque ætatem peruenit. Quoniam autem, auctore Thucydide, coniecturis, & teste Liuiò, famæ rerum in historia standum est, cum nihil certi habeamus propter æui longitudinem, vel cum fidem vetustas derogat, & quia sine vlla examinatione aliorum relata in rebus etiam domesticis admittimus, non magis æquum est, difficilem rei gestæ inuestigationem ab Antuerpiensibus morosè exigere, quàm incertas, & obscuras aliarum gentium origines admirari. Neque enim minus credibile est, quod de Brabone suo Brabanti, & Antuerpienses dicunt, quàm quod de Romulo suo Romani, de Theseo iactant Athenienses. Quòd si mihi de manibus, Antuerpiæ insignibus, diuinare liceret, non video commodiorem neque verisimiliorem huius symboli originem, quàm à perantiqua Romanorum militia, qui inter cetera signa militaria, manuum etiam simulacra retulerant, ad fidem aut concordiam exercitus denotandam; ut ex nummo M. Antonij apparet, in quo labarum in medio, duo utrobique signa videntur, quæ manum in fastigio

in fastigio singula habent informatam; cum his literis: Concordia exercitus: sicut & in aliis veterum numismatibus huiusmodi signa militaria adhuc exstant. Decreuerant itidem Commissarij simulacra Virtutis & Honoris ex S. C. vtrunque apponere, antiquo ritu effingenda, quod temporis angustia exclusi distulerunt. Ipsi etiam Brabonis basi has notas literarum insculpere statuerunt, ad posteritatis memoriam sempiternam.

BRABONI INVICTO, OB VINDICATAM
TALIONE TYRANNIDEM,
S. P. Q. A.

Hic ego à quibusdam vel præposterè religiosis, vel imperitis antiquitatis veniã deprecari, qui S. P. Q. A. aut similes notas reprehendunt, & nulli nisi libero populo convenire illas existimant, non autem Reip. sub principatu constitutæ, nisi me antiquæ marmorum scripturæ, aliæque auctoritates sustentarent. Nō enim Romani rerum domini, qui nec pares, nec æmulos ferebant, tales inscriptiones in municipiis tolerassent, si populi Romani maiestatem per illas minui credidissent. Sic autem in variis marmoribus reperimus S. P. Q. Tiburs, Lanuvinus, Nolanus, Ceres, Signinus, Saguntinus, & aliorum municipiorum. Nec ipsum etiam populum Romanum, sub Imperatorum principatu, aliis notis usum legimus. Pro cuius scripturæ defensione plura adferre argumenta non opus est, cum sufficiat illam multarum gentium imitatione, & plurimarum civitatum Belgicarum usu & consuetudine, omnium denique Principum nostrorum permissione & præsentia fuisse comprobata. Iisdem terminis & angustis Reipub. nomen, quo sæpe in hoc opusculo utimur, à quibusdam circumscribitur, qui si antiquas inscriptiones inspiciant, sexcenta municipia Reip. nomine expressa deprehendent, tam antiquis Reip. Romanæ, quàm longa serie Imperatorum temporibus. Infinita fidem marmora faciunt, in quibus exstant, Reip. Aquensis, Asculana, Atesinorum, Barcinonensis, Bergomatium, Comensium, Mantuanorum, Nepefinorum, Pisauensis, Nolanorum, Tusculanorum, & in Codice fit mentio Heliopolitanorum, Thessalonicensium, & civitatis Comanensium Reipub. quas tametsi minus propriè respublicas dici, scribat Bodinus rerum politicarum vir peritissimus, nos tamen eodem sensu Reipub. vocabulo uti non verebimur, quo Cicero Arpinatium municipij Remp. Lib. ad Famil. xiiii. M. Bruto commendavit. vel eadem sententia, quæ de iure Reip. & de rerum publicarum administratione tituli exstant in Codice, legesque reperiantur de solo, fundis, locis & procuratoribus Reip. & de ijs qui eius nomine agunt: quibus legibus non modò Remp. Romanam uti voluerunt legislatores principes, sed ab omnibus civitatibus opidisque observantur, quæ ius scriptum receperunt; neque quisquam negaverit quin legatus municipij, abesse Reip. causa dicatur; quin imò suam municipijs Remp. constituit Bartolus Codice de iure fisci, & de iure Reip. in Rubric. ut & glossa L. procuratores. Cod. de decurionibus; & in Authent. de hered. & Falcid. in princ. & Baldus in proëm. ff. const. omnem, numero 5. annotavit, quòd inter ceteros modos Respublica accipitur pro quacunque civitate. Aut hac saltem significatione Reipub. vocabulo uti nobis liceat, quæ apud Plato, Physicique scriptores suam tribuunt Rempublicam, Aristoteles etiam gruib; & formicis assignavit. Sed Reip. Antuerpiensis apparatus, sicut incepimus, prosequamur.

In Zophoro autem portæ Cæsareæ supra descriptæ, duos triglyphos & tres ferè metopas abscōdebant depicta Archiducis Ernesti insignia, usque ad cuneos fornicis dependentia. Intercolumnia sub epistylis coronamenti hederaceis, lana & bractea circumligatis ornabantur. Sic triumphales corollas appellamus, quæ à Vitruvio encarpa vocari Philander annotavit, seu florum frondiumque, & pomorum implexus atque contextus, coronario luxu foliis, flores & fructus intercurrentibus; Itali festones à festiuitate appellant. Tametsi Turnebus ornamenta capituli columnarum encarpa esse putet. Sunt qui coronas longas vocent, quibus sepulcra, sellas, curules, & triumphales currus ornare consueverunt, quarum in legibus xii. tabularum, & apud Cicronem lib. ii. de legibus mentio est. Originem à Græcis habere

habere existimo hæc stemmata lemniscata, apud quos *εἰς ποταμὸν* ramus erat oleaginus lana ob-
nolutus, quem circumpendentibus arborum fructibus ante ianuas adium suspendere sole-
bant, ad famem arcendam ex oraculi præcepto; Plutar. Theséo, Aristophanes in Pluto & in
Equitibus, & ibi Scholiastes, & ex eo Suidas. Quo nomine etiam *εἰς ποταμὸν* carmen exstat in
Samo ostiatum ab Homero decantatum in eius vita apud Herodotum. Pendebant verò hæc
coronamenta, sericis lemniscis candidi, & rubri coloris alligata, qui augustissimæ domui
Austriacæ, & huic ciuitati gentilitius est. columnarum intervallo erant affixæ duæ quadra-
tæ vtrinque tabulæ, sequentibus verbis inscribendis idoneæ:

QVOD BONVM, FELIX, FAVSTVMQVE SIT VNIVERSO ORBI
CHRISTIANO, ET DIVO PHILIPPO II. CATHOLICO HISPANIARVM
INDIARVMQVE REGI, MONARCHÆ POTENTISSIMO, DVCI
BRABANTIÆ, ET S. R. IMPERII MARCHIONI, PRINCIPI NOSTRO
CLEMENTISS. EIVSQVE PROVINCIIS HÆREDITARIIS BELGICIS,

S. P. Q. A.

ERNESTO CÆSARIS FILIO, ET FRATRI SERENISSIMO,
ARCHIDVCI AVSTRIÆ, GERMANIÆ INFERIORIS ADMINISTRATIONI
A REGIA MAIESTATE PRÆFECTO, OMNIVM VOTIS EXOPTATO,
FELICISSIMVM IN HAC VRBE ADVENTVM GRATVLATVR.


Alterâ tabula horum versuum capax erat:

*Maxime, Casarcam fausto, Dux, omine portam
Ingredieris, qui Casarea de gente, Philippo
Hæc auctore venis, bis ternis Belgica lustris
Vt depressa graui bellorum mole resurgat
Auspicijs, Erneste, tuis, & vindice priscum
Austriaco decus obtineat, qui pace, & vel armis
Belgica Pannonijs adiunget bella triumphis.
Et quisquam votis aliud queat addere nostris?*

Supra portam tibicines consistebant, & buccinatores publico ciuitatis ministerio ad-
dicti, qui Principem transeuntem musica symphonia perquam suauiter consalutabant.

DESCRIP-





SCHEMA PORTAE CAESAREAE.

DESCRIPTIO PUBLICAE GRATVLATIONIS
 DESCRIPTIO CVRRVS TRIVMPHALIS
 P V B L I C I.

61

INc Archidux urbem auspico ingressus, porta Cæsarea à tergo relicta, primo prospectu currum triumphalem obuium habuit, in cuius folio deaurato venustissima, & cultissima sedebat puella, ciuitatem Antuerpiam virginali habitu præ se ferens. Candida erat superior vestis, pauloque breuior inferiori, quæ coloris erat rubri, vtraque serica, & limbis aureis prætextata. Manu tenebat coronam lauream, sericis vittis ex iisdem coloribus colligatam, quam venienti eius Celsitudini verecundè asurgens porrigebat. A dextra eadem assidebant, à summo folio gradatim descendendo, tres elegantis formæ nymphæ; Religio scilicet candido virginis Vestalis amictu, auream manu crucem tenens. Post hanc Obedientia, iugum argenteum penes se habens. Quam sequebatur Reuerentia, tecta velo byssino facie, quod Principe veniente vtraque manu compositè subduxit, & facie detecta reuerenter eundem salutauit.

A sinistra, simili ordine assidebant, primo à summo gradu Fidelitas, in candido amictu clypeum tenens, cum candida catella in eo depicta.

Secundo sedebat Beneuolentia, non inuenusto vultu puella, quæ super hastili oblongo argenteo, cor humanum Laurea cinctum corona gestabat, quod geminæ dextræ in fidei symbolum complexæ tenebant.

Tertium gradum occupabat, gratissimo vt reliquæ aspectu virgo, cui nomen erat, Beneficii recordatio, quæ scutum tenebat orbiculare, in quo depictus agnoscebatur Androdus ille feruus Dacus, Numidico leoni porrigenti pedem sanguinolentum spinam eximens.

In anteriori currus parte duo virili forma stabant Dij Penates Laureati, & antiquo more tunica vestiti manicata, hac tamen colorum vicissitudine, vt qui à dextra consistebat, tunicam haberet ex serico candido, manicis, cingulo & tibialibus ex rubro; qui à sinistra, è tunica rubra, brachia & crura albata exfereret. Nec verò silentio prætereunda sunt prædictarum nympharum splendidissima vestimenta; omnia enim ex serico erant versicolore, & perfectissimo. Penates autem super hasta gestabant Deorum Penatium in ferto laureo, ex antiquis nummis effigies, cum hirundine ibidem apposita, quòd eam auem Penatibus esse eam ex Æliano quidam notent. In summo hastili arx argentea erat informata, quæ huius ciuitatis sunt insignia. Tabulam habebant ante pedes oblongā, in qua hi versus legebantur:

*Mæsta diu latui patrijs Antuerpia muris:
 Ingredior nunc lata, nouos actura triumphos
 Auspicjs, Erneste, tuis: te vindice priscum
 Clementi sub Rege decus, splendorque redibit,
 Vbertasque meos cumulat prisca Penates.*

Stabat hic cutrus triumphalis ad D. Georgij cœmeterium, ante ædes ex obliquo collegij Dimicatorum publicas, facie ad portam Cæsaream conuersa, latere sinistro nonnihil detorto ad prospectum triumphalis portæ Hispanorum, in via Hospitalaria (sic dicta à publico nosocomio) prope monasterium virginum Tertiariarum, quam molem Princeps deflexo equo à curru triumphali, statim in conspectu habuit.

F

DESCRI-





SCHEMA CVRRVS TRIVMPHALIS.

DESCRIPTIO ARCVS SIVE PORTÆ
TRIVMPHALIS HISPANORVM.



RAT hæc porta tam sua structura, quàm picturis, & ornatu statuarum valdè magnifica, ex architectonica dispositione, infra Dorica, suprà Ionica, transitusque triplicis amœnitate perelegans opus, ad rectæ viæ Hospitalaria, & transuersæ quæ dicitur Arenbergia commoditatem constitutum.

Tota altitudo cum insignibus, & statuis, ad pedes sexaginta quinque pertingebat, latitudini quadraginta pedes assignabantur. Transitus pedibus triginta finiebatur: patebat verò pedibus quindecim. Porta ad pedes viginti septem attollebatur. Frons anterior marimore versicolore illustrata, binis ex vtroque portæ latere columnis nitēbatur, quarum scapi exactè depicti ad lapidis cœrulei, quem lazuli vulgò vocāt, imitationem, aureis venis intercurrentibus, cum plinthis, toris & capitulis deauratis, magnam aspectui iucunditatem dabant. Inter columnium dextri lateris Ferdinandi regis Hispaniarum præstantissimi depictam effigiem humanâ staturâ maiorem continebat, cum hac sub pedibus inscriptione:

Auspicijs inuenta tuis noua, Ferdinande,

Terra, tuum memori nomen grata imprimet auro.

Infra autem in stereobate vel potius interstylobatio, cōspiciebatur vmbatili pictus monochromate Imperator, Hispaniæ genu sinistro innixæ, & ramum oleæ prætendenti manum porrigens, cum cuniculo ante pedes, quod eius animalis genere, teste Plinio & Æliano abundet Hispania. Sumptum verò est hoc emblemata ex nummo Hadriani Imper. Hispaniæ restitutori cōueniens, qualis reuera Ferdinandus fuit. Ab eius latere in sinistro intercolumnio simili magnitudine pascebat oculos spectatorum Regina Isabella, omni laudum genere ornatissima, cum hoc disticho infra eius pedes descripto:

Nec te celsa silent hoc auro, Isabella, nepotes,

Te pietas iubet æternum superesse, pudorque.

In stereobate ex simili monochromate videbatur templum pietatis, lituum manu tenentis, ex veteri nummo pro emblemate ad pietatem Isabellæ relatum.

Supra portam podio infra scripto affixa pēdebatur tabula, & aureis literis in eadē exaratum:

OPT. INVICTISSIMOQUE PRINCIPI ERNESTO AVSTRIACO
DESIDERATISSIMVM ADVENTVM GRATVLANTES HISPANI POSS.

Sub hac inscriptione, Archiducis hærebant insignia, ornata encarpis, seu fertis vtrunque arcuatim dependentibus. In medio secundæ elevationis inter duas columnas Ionicas, vastum erat hemicycli forma tabernaculum, cum Meniani operis podio, mutulis suis, vt par est, suffulto. Spectabatur in eo, tanquam in solio, procera decem pedibus sedentis reginæ statua, quæ cum sceptro & diademate, amictu & ornatu splendidissimo, Hispaniam referebat. Eius latera vtrobiq; claudebant ad extremam coronicis partem duo Colosseæ molis signa deaurata, duodecim pedum altitudinem exæquantia, quæ latè radiantis auri fulgore, opulentiam gentis & magnificentiam ostentabant. Vtrique tridens argenteus in manibus, sub pedibus ex eodem metallo delphinus cauda reflexa partem tegebat nuditatis, quæ publico aspectui fuisset indecora. Hoc Oceano attribuebatur, illud maris mediterranei Deo, per ascriptum singulis dialogisimum, hunc priori,


Cui regum Oceani debentur sceptræ? Philippo.

Illum alteri,

Aequoris & reliqui cui iura tridentis? eidem.

In summo fastigio alatæ victoriæ manibus vtrunque apprehendebant Regis Catholici Principis nostri elementissimi insignia. Ab vtroque fastigij angulo labarum coccinei coloris hastili affixum volitabat, in dextro Diuæ Virginis genitricis, Hispaniæ tutelaris, veneranda effigies, in sinistro regia insignia continebantur.

Hæc autem sunt omnia quæ in fronte anteriori fuerunt obseruanda.



FORMA PORTAE TRIUMPHALIS HISPANORVM.

SCHEMA ADVERSÆ FACIÆ PORTÆ
HISPANORVM.




IN ADVERSA verò facie, pari cum prioribus numero, magnitudine & artificio columnæ attollebantur; ad marmoris Numidici similitudinem, cum plinthis, toris, & capitulis inauratis. Dextri lateris intercolumnium, Herculem populo spectandum proponebat, monochromate coloris ænei depictum, & geminas brachiis humerisque columnas magno conatu asportantem. Ea nimirum de causâ, quod inter primos Hispaniæ reges Libyûm quendam Herculem historici numerent, siue quod ad columnas Herculis Hispaniæ propinquas referatur inuentio, cum qua concordat hoc distichon sub eius pedibus annotatum:

*Amphitryoniade, ter magno cede Philippo,
Tu veteri, ille nouo defixit in orbe columnas.*

Stereobaten Honoris & Virtutis notissimum antiquitatis studiosis emblemata, insigniuerat, congruo Herculeæ fortitudini argumento.

In alterius lateris columnarum intervallo, Mars æneo colore depictus erat, galearum, fago, clypeo & stricto gladio cuius notissimus, subscriptumque illi erat:

*Præsens Ausonij olim Gradivus in oris
Numen, ad Hesperios fleuit meliora secutus.*

In stereobate ex nummo Constantini emblemata Imperatoris exhibebatur, labarum dextra cum hoc decussatæ crucis signo  tenentis, cuius capiti Victoria alata lauream imponit, ipsa palmam læua gerens.

Medio portæ Zophoro appendebant Archiducis Ernesti insignia.

In secunda similiter eleuatione super coronice in tabernaculo sedebat Hispania, reginæ habitu coloribus inductis coronata & exulta, cui suberat in tabula quadrata penicillo descriptum hoc carmen chronographicum:

*Salve, dux animi præstans, cui diuine cornu
Affundunt sua virtutes prælustria dona:
Aspice fronte hilari, terra, ô optate, poloque,
Gens Hispana tuo dignè quæ ponit honori.*

Super extrema coronicis parte Fidelitatis stabat simulacrum, geminas manus dextra tenens, cor humanum circumplexas, eiusque pedibus candida catella tanquam blandiens assiliebat, eratque in Zophoro sic ei subscriptum:

In regem sincera fides genti utilis omni.

Cui ex altera parte respondebat hoc scriptum:

Infidos nam poena manet, sed præmia fidos.

Quod referebatur ad virginis effigiem, gladium dextra, coronam tenentis læua, hunc poenæ, illam præmij symbolum, Philippo Regi quondam proprium. In summo fastigio duo leones deaurati, insignia Regis vnguibus tenebant. Ex vtraque parte è serico coccineo labarum prominebat, in dextro diuus Iacobus eques Hispaniæ Apostolus, & protector, in altero regia itidem insignia ex auro erant delineata.



SCHEMA FRONTIS ADVERSÆ PORTÆ HISP.

DESCRIPTIO PUBLICAE GRATVLATIONIS.
 SCHEMA TERTIÆ FRONTIS PORTÆ
 HISPANORVM.

67



IN TERTIA portæ triumphalis fronte, quæ ad medium eius transitū ab Oriente accessum aperit, picturæ similiter cernebantur insignes. Nam celsi columnis non erat substructa, in planis tamen eius lateribus loculamenta suis umbris distincta, & effigies in iisdē pictor ediderat: In dextro scilicet latere, Nobilitatis imaginem, cum ense, hasta, & casside: Palladis esset figuratio, si ægida haberet, sed eius loco clypeum tenebat, & in eo pictas quadrigas triumphales, cum hac inscriptione:

*Nobilitate potens, & belli clara triumphus
 Austriaca tollit calo se gloria gentis.*

In latere sinistro nudus Vulcanus, armorum fabricator, spectatores oblectabat, qui in sua fabrilis officina malleo inmanibus brachiis sublato, ferri massam forcipe prehensam procurabat, non incommoda certè ratione, siue Martem Hispanicum quem supra descripsimus, cui arma cōueniunt, seu ferri in Hispania fertilitatem, præstantiamq; respiciamus, in quam sententiam non inconcinne ad eundem Vulcanum ascripta erat hæc apostrophe:

*Arma acri facienda viro, da Mulciber ignes,
 Hesperiusq; fluant excocta metalla caminis.*

In Zophoro supra portam Sol oriens cum suis quadrigis depictus erat, & ibidem ascriptum hoc elogium ænigmaticum:

IAM ILLUSTRABIT OMNIA.

In fastigio Victoria alata dextra lauream, palmam læua stringens, frontis huius altitudinem ad XLVIII. pedes educebat:

Ad eò autem circumspectè procurata erant omnia, vt nec quartum portæ latus, ad Occidentem spectans, relicto inter vicinas ædes, & ipsam molem exiguo spacio, ornatu suo omnino caruerit. Sedebat ibi fluuius Bætis sub arbore citria, inter duas vtrinque ymnas aquam emittentes, & ibidem sic legebatur:

*Ostia Getulos pandit sua Bætis ad Austros,
 Hic videt Austriacos lata quoque mente triumphos.*

Interior quoq; portæ ornatus nō minoris erat momenti. In medio lacunari diuūm pater cum fulmine & aquila Iupiter sedebat. Versus meridiem nuda Tethys Oceani vxor currui equū marinum iunxerat, duabus Sirenibus hinc inde alludentibus. Ad Septentrionē in eodem lacunari spectatæ formæ nuda nympha, ingenti conchæ striatæ insislebat, Galathæam lacteo candore repræsentās, ad maris mediterranei declarationem, cum Tritonibus vtrinq; adnatantibus. In latere transitus versus Occidentem, tres erant magnæ quadratæ tabulæ, quarum media spectantium oculis obiciebat equestrem Romani Imperatoris effigiem, cum spoliis Barbarorum supra caput in trophæum congestis. Dextra tabula historiam exhibebat, quam eius inscriptio explanabat:

FERDINANDI GONDISALVI CASTELLÆ COMITIS IN ALHABIGVM ALMANSOREM
 CORDVBÆ REGEM VICTORIA, PETRO HITERO TERRÆ VORAGINE ABSVMPTO,
 DVM TRANSFVGIVM MEDITATVR: ANNO IX^o. LII.

Tabula sinistra spectandam dabat suam historiam his verbis ascriptis significatam:
 QVINQVENNIO POST IDEM FERDINANDVS ALMANSOREM MAVRV M CVM
 EXERCITV FVNDIT, FVGATQVE, OPITVLANTE DIVINO NVMINE, ANNO IX^o. LVII.


In portæ latere interiori è regione tertiæ frontis, duo paludati Imperatores cum Romana panoplia ad suam spectabant singuli victoriam; priorem hæc verba indicabant:

CALATRAVA CAPTA ALPHONSVS CASTELLÆ REX MIRAMOMELINO
 AFRO OCCVRRIT. ANNO M. CC. XII. MENSE IVNIO.

Altera sic intelligebatur:

MIRAMOMELINVS AD INTERNECIONEM TOTQ CVM EXERCITV DELETVR.
 C. MILLIBVS MAVRORVM CÆSIS XVII. KAL. AVG. M. CC. XII.

Nec deerat lacunari eiusdem transitus quod spectatores detineret: pulcherrima enim Amorum mater, conchæ Veneriæ decorē insidens, oculis lepidè blandiebatur, prænatat Triton, Cupido delphino colludens adnatabat. Supra lacunar tibicines dispositi Principem venientem tibiæ concentu periucundo excipiunt.



SCHEMA III. FRONTIS PORTAE HISPANOR.

DESCRIPTIO PUBLICÆ GRATVLATIONIS.
 PEGMA PVBLCVM AD
 TRIANGVLVM.

69

PORTAM triumphalem Hispanorum transeuntibus continuò se obtulit Pegma publicum, ad Triuium, quod & Triangulum vocant, à S. P. Q. A. positum, altum pedibus triginta duobus, latum triginta, cum nouem pedum profunditate. Agricultura erat scenæ argumentum, in qua maxima sita sunt, & præcipua Reip. præsidia. Columnarum loco duo vtriusque sexus Termini siue Hermæ duodecim pedibus alti, Zophorum tribus pedibus latum, Cariatidum more sustentabant. Terminos dixi recepto & vñtato recentioribus Architectis vocabulo, quod Termini quos pro Diis habuit antiquitas ita fingerentur, superiori scilicet corporis parte formam humanam referente, inferiori in cippum quadratum ab umbilico desinente. Rectius tamen Hermas dici tam scriptorum grauißimorum, quam ipsius Ciceronis testimonio comprobatur. Græci enim ἑρμας non solum Mercurio, sed aliis etiam Diis, virisque illustribus, forma quadrata statuas ponebant, præcipuè Athenienses in ædibus sacris, & priuatis vestibulis, vt Plutarchus & Æmylius Probus Alcibiade, & Thucydides auctor est: cuius Scholiastes hanc reddit rationem: Quia Mercurius Eloquentiæ & Veritatis præses est, simulacra eius cubicâ figurâ, seu quadrangulâ conficiebant, quòd illa forma in quamcunque partem cadat, stabilis & erecta sit: sic etiam Veritas & Eloquentia vndique sibi semper constant. Et simili translatione apud Platonem in Protagora Simonides, & Aristoteles Ethicorum Nicomacheorum libro primo virum constantem & propositi tenacem appellarunt τετραγωνίον siue quadratum: eaq; de causâ Philosophis, aliisque eruditis & fortibus viris ἑρμαί in Græcia passim erectæ. Ceterum meminit ἀπολλων ἑρμῶν in Atticis Pausanias, & quadrangulos Mercurios Athenis coli solitos idem in Messenicis, & Phocicis tradit. Teste etiam Macrobio pleraque Mercurij simulacra statu quadrato figurabantur solo capite insignita, vt etiam ex Epigrami. Xenocratis liquet lib. quarto Antholog. Sed eiusdem figuræ Hermas Ammonis, & Apollonis Pausan. describit in Arcadicis, similesque antiquorum quadratæ formæ Hermæ ad nostram vsque ætatem peruenierunt, vt in illo libro videre est, quem Fuluius Ursinus Romæ edidit, Imaginum & Elogiorum virorum illustrium & eruditorum, ex antiquis lapidibus & numismatibus expressorum, quemadmodum eodem argumento Achilles Statius ibidem nobis curauit excudendos illustrium virorum, vt in vrbe exstant, vultus, Hermarum forma figuratos. Truncos autem & mutilos fuisse etiam ex Iuuenale constat Satyr. 8. Nil nisi Cecropides truncoque simillimus Hermæ. Talibus igitur siue Hermis siue Terminis pegmata construere hoc seculo passim in vsu est. Super coronice prædicti pegmatis, viri feminæque siluestris imagines è tabula excisæ & depictæ, altera manu Brabantiæ insignia, altera verò funale tenebant. In extrema coronicis proiectura, Sacri Imperij Marchionatus, & huius ciuitatis insignia, alati vtrinque Cupidines exhibebant, cum funali singulis apposito. In medio Zophoro è tabula quadrata scenæ argumentum hoc modo legebatur:

PIO ET INVICTO PRINCIPI, ERNESTO AVSTRIO, QVI AGRVM
 BELGICVM SOLI FERTILITATE, ET SITVS AMOENITATE CELEBRIMVM,
 AB OMNI DIREPTIONE, ET VASTITATE D. PHILIPPI CATHOLICI
 PRINCIPIS NOSTRI CLEMENTISSIMI NVTV VINDICATVRVS, ET
 PACATVRVS, AB EXTREMIS VSQVE PANNONIIS AD NOS VENIT,

S. P. Q. A. P. C.

Termini pensilibus inscriptionibus lectores admonebant, quænam personæ in scena sederent:

*Ernestus solitos iubet instaurare labores:
 Agricola, conferte manus poscentibus aruis:
 Non ciues furor hostilis, nec militis horror
 Infesti, pauidos arcebit rure colonos,
 Dira sed externas terre bunt classica gentes.*

Alteri.

Alteri, hi versus Elegiaci appendebant:

*Aureus Ernesto veniente renascitur orbis,
Cur ita? conueniens nomen, & omen habet.
Austria gens illi Diuum genus, aurea dico,
Splendida mens, virtus aurea, pura fides.
Austriacis armis, auroque, aut fœdere, pacis
Austriaca nobis aureus auctor erit.*

In spatio tabularum à proscenio ad terram vsque, quod pedibus septenis terminabatur, non in scitè depicta erant varia rustica armamenta, cum frugibus, & cranio bouis labris symbolo. In utroque stylobate Cupidines, hic, tellurem ligone fodiebat, ille, effusa per clespydram aqua, fruticem rigabat. Pendebant è scenæ epistylis concinnè complexa ex virenti hedera, ferta siue encarpa, cum bractea crepitante, & albis rubrisque ex serico fasciis. Scenæ porro drama ex sequentibus constabat personis, ornatissimè, & opulētissimè excultis.

In medio sedebat, editiori ab aliis loco, spectatæ formæ virgo, habitu & amictu elegantissimo, cū aureo penes se aratro, vt eam esse Agriculturam quilibet conijceret. Ab eius dextra sedebat Natura, brachiis nudis & mamillis perquam venustè compta puella. Ceres eidem assidebat, falcem messoriam in manu habens, capite spicis coronato.

Pales cum pedo, & bidente, pro dea pastorum se gerebat. Pomona calathum fructibus omnigenis refertum habebat. Napea quatillum flosculis lectissimis copiosè confertum, capite floribus exornato, tenebat, apum alueare à latere astabat; quæ nymphæ dextrum scenæ locum occupabant. A sinistra Agriculturæ, sedebat Annus, indole & habitu scitus puer, lauro coronatus, dextra tenens magnitudinis insolitæ aureum annulum, quo annus in se recurrens notatur; laua, cornu Amaltheæ omni frugum genere plenum, vt cum in Pompa Ptolomei Philadelphi describit Athenæus. Sequebantur ordine anni partes. Ver, impuberis adolescētis forma, floribus varijs coronati, scutum orbiculare manu tenebat, & in eo tria signa Zodiaci depicta; Arietem, Taurum, Geminos.

Æstatem agebat brachiis, pedibusque nudis, forma & amictu perlepida puella, maturis aristis coronata, scutum tenens cum suis signis, quæ sunt, Cancer, Leo, Virgo.

Pro Autumno adolescens assidebat vis coronatus, in scuto habens hæc signa depicta, Libram, Scorpionem, Sagittarium.

Hiems, puella coronam gerebat in capite hederaceam, & in scuto, Capricornum, Aquarium, Pisces.

Stabant in scenæ extremo loco, velut apparitores, personati duo viri, Diem & Noctem significantes, ardentes faces manibus tenentes, Dies sursum suam eleuans, Nox inuertens, candida veste Dies, Nox verò fusca induebatur, eo cinctu atque habitu quo figurantur in tabula marmorea quæ Romæ exstat, inter cætera signa aut symbola, quibus rerum naturalium periti, optimi agricolæ munus expresserunt.

Omnium vestes erant sericæ, aut bombycinæ, variis coloribus, pro cuiusque personæ decoro, gratissimum præbentes intuentibus spectaculum. Aduenientem coram pegmate Archiducem, Annus his versibus salutauit:

*En cui distulimus meliori digna metallo
Secula Ductor adest, faciles mortalibus anni
Currite, pacato ducentes tempora mundo
Austriaci virtute Ducis, florescite rursus
Ingenijs, telluris opum, frugumq; feraces,
Nomen & aternis Ernesti inscribite fastis.*



SCHEMA PEGMATIS AD TRIANGVLVM.

D E S C R I P T I O
 DESCRIPTIO ARCUS TRIUMPHALIS
 L V S I T A N O R V M.



LIQVOT passibus ab hoc pegmate Archiduce digressio, cōspectui occurrit structura Ionica magnifica moles, à natione Lusitanica ante monasterium Carmelitarum via coriaria in triumphalem arcum erecta, operis varietate, & concinnitate elaboratissima, quæ tribus constabat eleuationibus in LVIII. pedum altitudinem excitatis. Latitudo triginta sex circiter pedes fortiebatur, transitum triginta pedibus metiebamur.

Arcus pro sua ad columnas symmetria eleuatioer erat, ex duobus quadratis ad triginta pedes ascendens, vt publica spectacula quæ pompa amburbali quotannis deducuntur, suum transitum retinerent.

Ornabatur hic arcus in suis eleuationibus gradatim ascendentibus, variis vtriusq; sexus simulacris, quæ etsi è tabula plana erant excisa, & coloribus adumbrata, sua tamen peripheria solidæ statuæ videbantur.

Summum gradum ipsumq; fastigium Neptuni simulacrum occupabat, nouem pedum magnitudine sublime, inter duos equos marinos, quibus inequitare erectus videbatur. Dextra, sphaeram auream Astronomicam, læua, tridentem argenteum tenebat, ex humeris eius cærulea chlamys velut vëto sublata volitabat. Sub pedibus, Lusitaniæ regni insignia, vtrinque serica candidi & viridis coloris vexilla, cum cruce rubra prominebant. Subscripta habebat Neptunus hæc verba:

TELLVRIS ÆQVORISQVE HIC POTENS.

Conuenit hoc symbolum Monarchæ maximo Regi Philippo, cuius potentia præter reliquas opes, & commoda cum regno Lusitaniæ acquisita, imperij maritimi, quo gens illa præ cæteris clauit, permagna profectò venit accessio.

Secunda autem à fastigio eleuatio, grandem in medio quadratamque tabulam excipiebat, cuius Zophorum gemini vtrinque maritimi Hermæ, in duplices piscium caudas crurum loco desinentes, sustentabant.

In planitie quadrati, quæ cærulei coloris erat, flauæ litterarum notæ hunc sensum indicabant:

PHILIPPO CAROLI V. CÆS. AVG. FILIO, EMANVELIS REGIS EX FILIA
 N. LVSTITANIÆ, ALGARBIORVMQVE REGI, MAVRETANICO, ÆTHIOPICO,
 INDICO, ARABICO, PERSICO, IBERICO, ATLANTICO, EO I
 TRIUMPHATORI, GENTIVMQVE DOMITORI: QVOD ERNESTI
 AVSTRIACI INVICTISS. PRINCIPIS CONSILIIS, AVSPICIISQVE, MARE
 INTER LVSTITANOS, BELGASQVE BELLO DIV CLAVSVS, APERIRE
 AC PACARE DECREVERIT. N. LVSTITANICA. P. DD.

A dextra eiusdem eleuationis, muliebri forma Mauretania è tabula plana affabrè excisa, leoni Punico insidebat, seminuda, veste coccinea ex humero demissa, dextra hastile, læua palmæ ramum stringebat, cui subscriptus hic erat versiculus:

MAVRETANIA.

Iunximus Herculeis quod defuit ante columnis.

Respiciebat ad illud Hispanicæ potentia incrementum, quod partum cum regno Lusitaniæ obtinet in tota Mauretaniæ ora, & in ipsa passum Africa, vbi reges Lusitani imperarunt, & præsidia sua habuerunt.

Ab altera parte, similis nudæ mulieris figura, fusco colore, noui orbis animali insidebat, quod cortice testaceo, durisque squamis, velut munimento quodam armatur, erinaceum Brasilianum quidam vocant. Primum intuenti animal est haud ab simile crocodilo, quod tamen indigenis in cibo est, nec mediocris porcelli magnitudinem excedit. Brasiliam referre non modò inscriptio arguebat, sed ipse etiam ἀνδραποδιστής mulieris actus, quæ pedem humanum cum parte cruris a recenti truncatione sanguinolentum, mordicus attrecebat. Hi versus hoc etiam explanabant:

BRASI-

B R A S I L I A .

*Mente feras equare truces, passisq; solebam
Visceribus, sed nympha Tagi contermina ripis,
Indidit humanos hominum pro sanguine mores.*

Primi enim Lusitani eam noui orbis regionem, quæ Brasilia appellatur, duce Caprali inuenerunt, illamq; à ferina immanitate ad politicæ vitæ studiū, Deique cultum traduxerunt.

Tertia eleuatio habebat in medio magnā tabulā & oblongam, quæ Ianū bifrontem cum sua clauī spectandū dabat, cuius templū ex aduerso sitū Consul Romanus cū suis lic̃toribus occludebat, delatū Archiduci belli pacisq; imperiū significans, vt ex ascriptis notis constat.

APERIT CVM VULT, SI LIBET CLAUDIT.

In eiusdem tabulæ medio, Principis Ernesti pendebant insignia, quæ sequebatur ab altera parte muliebris formæ sedentis simulacrum, quæ face radiis solaribus accensa, accruum armorum incendebat, læua lauream cuidam imponebat, additumq; elogium:

TIMIDIS QVIES, VISVS CAECIS.

Quod populis Regiæ Maiestati obsequentibus summam nunciabat trāquillitatem, cæcos verò & errore deuios adhortabatur, vt fausto sidere per aduentum Ernesti Germaniæ inferiori affulgente, oculos aperiant, & cum Rege in gratiam redeant. Ad dextram eiusdem eleuationis, immani elephanto insidebat feminuda Æthiopissa, linteo amiculo cæruleis lineis distincto, negligenter cincta, thuris ramum dextra tenebat, sinistra figuræ semicircularis stimulū habebat, cuiusmodi instrumento ad cogendos & stimulandos Elephantos vtuntur Æthiopes. Huius autē animalis conspectum, post inclinatā Ro. Imperij amplitudinem, Lusitanorum beneficio orbis noster primum habuit. Inscriptio Æthiopiam esse arguebat:

Æ T H I O P I A .

*Me famulam, Rex magne, tui Tartessia classis
Reddidit imperij, me nec conuiuia spreuit
Iupiter, & nigri est coniux Aurora mariti.*

A læua mulieris itidem fuscæ figura Rhinoceroti insidebat, feminuda, reliqua corporis parte parum tecta. Infantulum illa dorso gestabat, colore matri suæ simillimum. Indiam esse non solum fistulæ cinnamomi, quas dextra tenebat, aut nux Indica quam sinistra, sed ipsa quoque inscriptio enarrabat:

I N D I A .

*Primus odoratos Liber deuicerat Indos,
Alter palma Tago debetur, at vltima regni
Gloria Nisei titulis accessit Iberis.*

Rhinocerotem sola Lusitania post collapsam Romani populi maiestatem, orbi Christiano spectandum exhibuit.

Quatuor verò prægrandibus columnis pars operis infima nitebatur, cum stereobatis, basibus, scapis, capitulis & volutarū ornamentis, epistylis, zophoris & coronicibus ad amulsum Ionicis, nec indiligenter ab artifice instar lapidis Africani marmoratis. In earum intercapedine, hinc Rex Philippus regio diademate redimitus, & recentiori panoplia armatus, chlamyde purpurea decorē ab humeris dependente noscebatur. Inde Philippus Hispaniarum Princeps magnum orbis desiderium, omnium oculos in se conuerterat.

Nec carebant ornamentis interstylobatia, in quorum vno depictum erat velut ex antiquo numismate emblema, Victoriæ alatæ, cum laurea & palma, pede super aquilam posito, olæ ramum vncis stringentem, cum his notis literarum:

V I C T O R I A P H I L I P P I .

In altero, Spei simulacrum dextra ramū olæ tenebat, sinistra vestem nonnihil subducebat, ad veterum nummorum Hadriani, Antonini, & aliorum imitationē, cum hoc elogio:

S P E S P O P . L U S I T A N I .

Supra fornicem in triangulari spacio, muliebris imago ænei coloris cornu Amaltheæ sinistra tenebat, globum orbis ante pedes positum indice digito demonstrabat, fere vt in quodam Traiani numismate, cum his verbis:

P R O V I D E N T I A P H I L I P P I .

G

In altero

In altero latere, similiq; colore & triangulo muliebris effigies curuaturæ arcus innitebatur, fulmen trifidum stringens dextra, hastile sinistra, cum leone ante pedes, & inscriptione

INDVLGENTIA PHILIPPI.

Laqueare interius testudinatum in principio curuaturæ (incumbam vocant Architecti) limbo erat exornatum, quem nudæ Sirenes, & monstra marina alternatim, hæc caudis bifidis, illa simplicibus, permixtis aliquot Cupidinibus, qui in delphinibus equitabant, quadrato ambitu, monochromate repleuerant.

In medio lacunari, quod ceruleo colore & stellulis aureis cæli conuexa imitabatur, sedebat depicta magnifico habitu Iuno regina, cū aureo sceptro, & pauone ante pedes. Quatuor angulos occupabant, veluti penicillo poëtico adumbrati, quatuor venti principales, maiori, quàm humana statura est, imagine, omnes alati, & plenis buccis aërem efflantes.

Orithyiam rapiebat Boreas, non sine quorundam spectatorū inuidia, qui ignari antiquitatis, senem canū, & aspectu formidabilē, pedibus in caudas serpētinas desinentibus (sic eum describit Pausanias in Eliacis) nudā roseo corpore puellā, brachiis stringere indignè ferebāt.

Auster stabat ex aduerso, forma senis, truci vultu, nimbis atris circumseptus.

Nudi adolescentis specie Eurus solem in capite gestabat.

A: Zephyrus formoso aspectu adolescens, coniugem Floram amplectebatur, non inuenustæ formæ nympham: vterque floribus varij generis corollam capiti imposuerat, illa etiam veste flosculis picta sibi ipsa placebat.

In arcus transitu latus dextrum tribus magnis tabulis pictis spectatores morabatur. Vna dabat statuæ equestri Romano ritu laureatæ, & sagatæ similitudinem. Supra hanc tuba canens Fama volabat, vtroque vrbium captarum imagines, sub pedibus spolia erant, & signa militaria Barbarorum, Zamorino Calecutij Indorum rege debellato, cum hoc hemistichio ibidem ascripto:

Gens superis inimicaturat.

Altera, nauem ob oculos ponebat bellico apparatu instructissimam, Prætoriam esse ex Lusitanorum insignibus apparebat, quales sunt illæ, quibus in Indiam ad Orientis merces nauigant, quod liquebat ex hoc versiculo:

Nec sicut Xerxes Neptuno vincula minamur.

Tertia tabula naualem, ac litoralem pugnam referebat. Nauis tabulæ, dux habitu militari gladium stringens insistebat; Goam ibidem Indiæ metropolim, duce Albuquerqueio scalis milites capiebant: Pugnae nauali congruebat hemistichium Virgilianum:

Ipsos posuit submergere ponto.

Ex latere aduerso tres erant tabulæ pari cū prioribus capacitate. In prima, sedebat Alphonsus Rex primus Lusitanorū. Qui anno c. l. c. xxxix. Rex in castris salutatus, Vrichij planitie ad pugnam delecta, cum Isimare, qui alios quinq; Maurorum Reges in auxilium euocarat, eo euentu depugnauit, vt eum prostrauerit, captis regibus auxiliariis, idq; numinis beneficio: Nam priusquam manus cōfereret, Seruator Christus cruci suffixus apparuisse ei dicitur: Vnde in quinque stigmatum Domini, siue vulnerum memoriam, quinque scutorum regni insignia sumpserunt originem: alij à quinque simul regibus vno prælio superatis, profecta existimant: quod versus Maronis videbatur indicare:

Imperio premit, & vincula, & carcere frenat.

In altera tabula, nauis oneraria seu præsidaria, ad præcedentis similitudinem delineata cernebatur: cui ascriptum erat in solertiae naualis, quæ excellunt Lusitani cōmendationem:

Vela damus, vastūque caua trabe currimus æquor.


Tertia tabula continebat seminudi Turcæ, oculis vultuq; terribili imaginē, anchoræ insistentē, aliisq; nauticis armamentis. Captiuū esse, seruales catenæ, & vncus in collo ferre⁹ docebāt. Pugnabatur acerrimè è triremibus, aliisq; nauigiis, quorū aliqua incendio cōflagrabant. Exprimebat autē Hali Turcicæ classis præfecti, cū triremibus lxxiii. à Vasco prætore prope Diū victi veram historiam: cum huiusmodi ex Virgilianis carminibus scriptura:

Scuta virū, galeasque, & fortia corpora in undas

Voluit.

Quæ quidē omnia ad præclaras Lusitanorū victorias, terra mariq; partas, de Indis, Turcis, Persis, Arabib⁹, aliisq; barbaris nationib⁹ deletis, victis, captis aut fugatis sunt referenda.

SCHEMA.



D E S C R I P T I O
S C H E M A T I S P O S T E R I O R I S I N
L V S I T A N O R V M A R C V D E S C R I P T I O.



ORRO in altera arcus fronte, quæ spectabat Septentrionem, ex eadem architectura dispositione, latitudine & altitudine, qua constabat frons anterior, duo ex coetu marino Dij summo fastigio infidebant, dextraque bidentem, læva tenebant Lusitaniæ insignia. Sub iisdem, Zophorum muliebres figuræ in piscem infra desinentes fulciebant: vbi descripta rubris literis legebantur hæc verba:

ERNESTO AVST. ARCHIDVCI, PRINCIPI VIRTUTE FORTISSIMO,
PIETATE CLEMENTISS. BONO REIP. NATO: QVOD BELGIVM OPT.
LEGIBVS, SANCTISSIMISQVE INSTITVTIS REGET, LVSTITANI EREXERE.

In tertia frontis posterioris eleuatione, spatio quadrato affixa pendebant Archiducis insignia. A dextra, ex æneo monochromate, quatuor anni tempora muliebri forma delineata ex Philostrati descriptione Phœbus ducebat, ascripta ibidem hac prosopopœia:

Expectate venis nostri spes altera seculi.

A sinistra, Terra sedebat, altero brachio vrna innixa, ex qua vitis assurgebat, cum globo astronomico ante pedes: quatuor muliebres imagunculae, prima vuas, altera floridum fertum, tertia vasculum liquore aliquo plenum, quarta palmam ceu Victoria ferebat. Sumptum est hoc emblema ex aduersa parte cuiusdam numismatis quod Commodus cudi fecit: cum optimi augurij notis ex Marone ibidem ascriptis:

Talia Saturno quondam sub rege fuerunt Secula.

Erat in eadem eleuatione effigies fluminis Indiæ Gangis, ex tabula plana diligenter excisa, senili forma, barbâ & canis, inde palustri redimita: Vrnæ incumbibat pedibus protensis ultra coronicis proiecturam. Aduersus effluentes ex vrna aquas crocodilus ascendebat: Diuitias fluuij hoc distichon recenserebat:

G A N G E S.

*Mittit ebur, mittit fragrantia cinnama Ganges,
Et quas aurifero flumine voluit opes.*

Ex aduerso à sinistra, barba cana & promissa, in algaiacens vrnae Hydaspes innitebatur, è qua cum aquis insignes margaritæ, & magni pretij conchæ abundè effluiebant: & erat ascriptum:

H Y D A S P E S.

*Quisquis. Hydaspæo pretium de gurgite concha
Non probat, ingenio se probat esse rudi.*

In infima autem eleuatione Tagus sedebat, aureis citrijsque malis coronatus, senis annosi figura dedolatus, cum hirsutis supercilijs. Dextra pyxidem nauticam tenebat, urnam verò auratam sinistra, ex qua aureæ profluebant arenæ, nauesque aureæ flumine vehiebantur; in quam sententiam hæc symbola tendebant, è versu ascripto agnoscebatur:

T A G V S.

*Lydius amnis opes rutila ne inætet arena,
Nam coëgit hac multa munera classe Tagus.*

Alterum eius ordinis latus, flumen argenteum denotabat, Rio dela plata vulgò dictum, simili cum reliquis figuratione, argenteis vndis ex vrna argentea profluentibus, quod distichon ascriptum manifestum faciebat:

R. D E L A P L A T A.

*Amnis in orbe nouo tumidis Argenteus vndis
Quid ferat, è solo nomine scire potes.*

Infima pars eiusdem frontis constabat ex columnis, opere, numero & magnitudine cum illis quas supra descripsimus, æqualibus; sed superficie differebant, quæ Laconici siue viridis mar-

dis marmoris erat. Interstitia columnarum, Ioannem II. & Emanuelem Lusitaniae reges optimos principes exhibebat. De quorum laudibus multa narrare non est huius instituti, hoc enim egregie praestiterunt historici, & aucta per eos regni potentia testatum reliquit.

Conueniebant emblemata rebus per eos fortissimè gestis. In vno enim stereobate claua Herculis erat depicta vmbra tili monochromate, inter arcum & pharetram sagittis plenam, apposito eiusmodi Horatii elogio:

Perrupit Acheronta Hercules labor.

In altero, Taras Neptuni filius delphino infidebat, dextra Victoriā cum geminis corollis, tridentem tenens sinistra, ex antiquo Tarentinorum numismate, cui erat ascriptum ex eodem Poëta:

Ille robur & as triplex Circa pectus erat.

Exteriora etiam latera quae vtrinque adibus imminēt, non vacabant ornamentis. In vno, depicti duo signiferi militares Romani triremi insisterant: causa erat:

I N D I A C A P T A.

Victoria ibidem super triremi, ramum oleae tenens dextra; laeva lauream Crucis signo imponebat, cum hac emblematis explicatione,

T V R C A C L A S S E F V G A T O.

In altero latere, symbolum Victoriā, trophæo corollam imponebat, ad cuius palum reli-gatus captiuus, indicabat,

D E A R A B I B V S P E R S I S Q V E V I C T O R I A M:

Cum altero ibidem trophæo de Barbarorum spoliis erecto, seruo ad eiusdem palum manibus post terga reuinctis sedente, & serua reclinato in manum capite, conditionis suae dolorem indicante, quod esset

D E B E L L A T V M

A E G Y P T I I S, A C M A M A L V C C I S D E L E T I S.

Quatuor praeterea serica vexilla, duo crucis signo conspicua, forma à Lusitanis recepta, ex coloribus albo & viridi, è summo arcus prominebant: alia duo, sphaeram auream continebant, propter nauigationis industriam, qua gens illa ad inaccessos mundi angulos, & ad remotas ab omni hominum consortio terras, laboris admirabili contentione penetrauit.

Principem venientem plurimi tibicines & cornicines, ex prima operis contignatione ingenti clangore salutabant.

G 3

DESCRI-





SCHEMA POSTERIUS ARC. LVSITAN.

DESCRIPTIO THEATRI PACIS
AVSTRIACÆ IN PONTE MARINO,
PVBLICO SVMPTV POSITI.

VT VENTVM est ad spaciofissimam & amœnissimam totius vrbis viam, quæ Pontis Marini nomen habet, publicum Pegma theatro simile, Principis oculis sese obtulit: Mole sua ingens opus, ornatu autem personarum delectabile, sed re per actum significata, longè gratissimum: Machinæ enim siue scenæ nomen erat, Theatrum Pacis Austriacæ. Constabat schemate hemicycli, quod tamen quartam circuli partem non excedebat. Exterior eius peripheria ad pedes nonaginta septem porrigebatur, interior quinquaginta quatuor pedes terminabant. Profunditas siue diametrus ad pedes triginta duos se protendebat. Altitudo pedibus quadraginta attollebatur.

In summo fastigio plutei tripedales (balustrias vulgò vocant) ex humilioribus columellis & coronice totum opus ambiebant, & ab vtroque latere descendebant, ad ascendendum fulcimentum.


Gradationibus constabat duodecim, quæ sex præstabant personis sessiones, quas infra sigillatim explicabimus. Moles erat firma & stabilis solidis fundamētis, nextibus ligneis, & adminiculis perquam tuta, intrinsecus ab imo sensim accliuibus. Scalas vtrinque habebat commodas, ad personarum citra impedimentum in sua sessione collocationem; singuli gradus sua habebant suppedanea.

Exterior autem machinæ forma triplici columnarum ordine constabat, ad opticam rationem æquabili mensura depictarum, ad theatrorum antiquorum æmulationem. Prima dispositio a terra surgens, Dorica erat; huic ordo Ionicus succedebat, quem Corinthius consequebatur, cum suis singuli stylobatis, capitulis & zophoris ad perpendiculum lineamque formatis.

Gradus verò siue sessiones, à summo ad imum tam vastæ molis panno rubro obducebantur, quod non solum magnificum erat, & aspectu periucundum, verum etiam sessoribus, qui vestibus sumptuosus in scenam prodibant, nitidum erat, & percommodum. Sed hæc quod ad structuram attinet, dicta sufficiant: pergamus ad Personas, quæ scenæ infidebant, actusque in theatro eleganter exhibitos.

DESCRI-





THEATRI FORMA EXTERIOR.

DESCRIPTIO PERSONARVM
THEATRI PACIS.



IN SVPREMI gradus medio, solium erat eminentius, cui infidebat non vulgari forma virgo, amicta veste argento intexta, reliquo corporis capitisque ornatu egregie compta, oleæ rorum dextra tenebat Pacis symbolum, cuius personam designabat.

A tergo eius, supra solium, alaræ quinque pedum Victoriæ statua, lauream Paci imponebat.

A dextra Pacis, in eodem gradu Virtus sedebat, dextrâ parazonium (quæ & παρασπίς Hesycho, & παρασπίριον Nouella 85. cap. 4. quod cum Isidoro semipathii interpretes, Vegetius semipatham vocauit lib. 2. cap. 15.) læuâ hastam tenens argenteâ, sicut in humanis antiquis effingitur. Quam ordine sequebantur Prudentia, speculum habens, cui gemini angues circumPLICANTUR. Iustitia, cum gladio & libra. Fortitudo, rictui leonis manum inferens. Temperantia ab horologio quod gremio tenebat dignoscebatur. Et Gloria, quæ virtutum merces est, magnificè exculta diademate imperiali redimita, sceptrum & aureum sertum gremio, manu flabellum tenebat pavonaceum.

Sinistram verò Pacis occupabat Honor, qui Virtuti, cuius ille comes est, ex altero latere respondebat, qui vt variè solet effingi, virginali habitu, & lauro tempora ambiente, fascēs laureatos amplectebatur.

Honori ratio assidebat, quæ aduersæ Prudentiæ congruebat, cū freno in manu deaurato.

Nobilitas è regione Iustitiæ sedebat, quod nobiles sint custodes Reip. & Iustitiæ administratores: manu sericum vexillum tenebat, & in eo sedecim scuta depicta. Sic enim inter nobiles more maiorum receptum est, vt ex hoc ordine, excludantur, qui genus paternum & maternum vsque ad abauos continuata nobilitate referre nequeunt.

Constantia, Fortitudinis ex aduerso comes, columnam pro symbolo complectebatur.

Liberalitas, assecla Temperantiæ, cornu Amalthææ gestabat pro insigni.

Fama, partæ per virtutes gloriæ præconem agebat, duabus buccinis inauratis, de quibus serica vexilla prominebant, linguis & auribus sparsim depicta.

Stabant præterea in eodem gradu, in extremo vtrinque angulo duo signiferi militares, vel imaginiferi, quos etiam imaginarios vocat Vegetius, æneo thorace præci ritus perpulcrè armati, & cothurnati, genibus vsque ad tibias nudis Romanam exhibentes antiquitatem. In cassidis apice, plumci albi rubrique coloris fasciculi eminebant. Qui stabat à dextra, D. Philippi regis hastæ affixam ad viuum delineatam gestabat effigiem, aquila aurea sero laureo infidebat. Hinc labarum sericum albi rubrique coloris, sericis itidem funiculis dependebat. Alter in simili signo militari Philippi III. Principis imaginem, seculi nostri delicias prætendebat.

In secunda gradatione, nouem cum suo Apolline sorores, concentu musico, & admodum suauis harmonia, totum theatrum oblectabant. Ipse Phoebus amictu suo, & cincinnis per humeros demissis, personam sui Dei egregie sustinebat, choroque suo dignus præses, cum quatuor Musis fidibus canebat, Musis quinque symphoniacis, hoc tetrastichon in musicam harmoniam ex arte redactum, voce suauis accinentibus:

*Ernestum cantate Dea, celebrate sorores,
Auspicio cuius munera nostra vigent.
Præmia cultores nostri desueta resument,
Laurus at Ernestum gloria, lausque manet.*

H

Ernestum




Rneſtum canta te De æ, cele brate ſo ro res,
 Au ſpi ci o cu ius mu ne ra no ſtra vi gent. Præ mi a cul-
 to res no ſtri de ſue ta re ſument. Lau rus at Er ne ſtum glo ri a laus que
 ma net. Lau rus at Er ne ſtum, glo ri a laus que ma net.



R ne ſtum canta te De æ, ce le bra te ſo ro res,
 Au ſpi ci o cu ius mu ne ra no ſtra vi gent. Præ mi a cul-
 to res no ſtri de ſue ta re ſument. Lau rus at Er ne ſtum glo ri a laus que
 ma net. Lau rus at Er ne ſtum glo ri a laus que ma net.



R ne ſtum can ta te De æ, ce le bra te ſo ro res,
 Au ſpi ci o cu ius mu ne ra no ſtra vi gent. Præ mi a cul-
 to res no ſtri de ſue ta re ſument. Lau rus at Er ne ſtum glo ri a laus que
 ma net. Lau rus at Er ne ſtum glo ri a laus que ma net.



Rnestum canta

te De æ, cele bra te so ro res,



Au spi ci o cuius mu ne ra no

stra vi gent.



Laurus at Er nestum glo ri a lausque ma net Laurus at Er nestum,



glo ri a lausque ma net



Rnestum canta

te De æ, ce le bra te so ro res, Au-



spi ci o cuius mu ne ra no

stra vi gent, Laurus at Er ne-



stum glo ri a lausque ma net Lau rus at Er nestum glo ri a lausque



ma net



R nestum can ta

te De æ, ce le bra te so ro res, Au-



spi ci o cuius mu ne ra no

stra vi gent. Præ mi a cul to res



no stra de sue ta re su ment. Laurus at Ernestum glo ri a lausque manet laurus



at Er nestum glo ri a lausque manet.

Erant Musæ amictu cultuque venustissimæ, & more antiquo adornatæ. A latere autem Apollinis sinistro, nympha sedebat, quæ casside & hasta Palladem referebat, cui septem artes liberales ex ordine assidebant. Grammatica quinque pedum virgulam rectam dextrâ, gremio, librum Prisciano inscriptum contrectabat.

Rhetorica caduceum alatum habebat, Mercurij eloquentiæ præsidis symbolum. In gremio Dialecticæ duo iacebant librorum volumina, Aristotelis & Libanij nominibus inscripta.

Geometria, globus geometricus, Astronomiæ, horoscopus aderat.

Arithmetica, scabillum è fixo tabulam aureis numeris inscriptam habebat.

Musica, capite laureato, libros Musicos gremio fouebat.

Sequebatur porro in eadem sessione ad explendum dextri lateris nouenarium numerum, Virgo cui nomen Industria erat, in cuius gremio vas vitreum iacebat (cucurbitam chymici vocant) quo succos vel aquas ex imposita materia, igne subiecto eliciunt: dextra tenebat bollidem nauticam deauratam, è serico albi rubrique coloris funiculo pendulam. Diligentia, ordinem vltima claudebat, calcaria deaurata manibus tenens, de collo pendebat cornu inauratum, quo in publico cursu vtuntur veredarij.

Tertiæ sessionis personæ erant: In medio Mercurius, amictus eo quo pingitur modo, cum galero, caduceo, & talaribus alatis. Quinque illi à dextra assidebant virginibus, à sinistra totidem, nympharum habitu vt & reliquæ insignes.

Architectura cum circino, norma, & perpendiculo aureis.

Pictura cum suis penicillis, aliisque pictorum instrumentis.

Statuaria, cœla, malleum, aliaque eius artis habebat armamenta.

Ars nautica, naui gubernaculum antiquo more fabrefactum, penes se tenebat, pyxidem nauticam in gremio deauratam.

Typographia aureum prælum ostentabat.

A sinistra Mercurij, Negociatio sedebat, quæ syngrapha & chiographa in manipulum, & libros rationum in gremio habebat.

Mercatura, vasculum mercibus refertum, vt ex signo numeroque apparebat, mercatorum more ascriptis, aliaque merces in farcinam colligatas, penes se vtrinque habebat, manu extendebat distentum multis loculis marsupium, ex inaurato corio confectum.

Piscatio, præter piscatorium rete pedibus adiacens, aureum hamum è serico funiculo albo & rubro pensilem tenebat.

Textura, a pectine & radio textorio aurato noscebatur.

Opificina, nympha variis opificum instrumentis, malleo aureo, incude & trulla cœmentaria argentea, se à reliquis distinxerat.

In quarta autem gradatione, duodecim virginibus habitu cultuque sumptuosissimæ, totidem regna Hispaniarum Regis designantes, cum suis singulæ regnorum insignibus in scuto depictis hoc ordine sedebant:

Castella, Legio, Tarraconense regnum, Neapolis, Sicilia, Hierosolyma, Lusitania, Nauarra, Granata, Toletum, Valentia, & Sardinia.

Hic in extremo rursus loco, duo vtrinque imaginiferi stabant, Romana armatura vt præcedentes, ac simili ornatu longè conspicui, plumarum fasciculis in cono galeæ decorè assurgentibus. Prior, Isabellæ regiæ filiæ omnibus animi & corporis dotibus incomparabilis, imaginem intra coronam lauream gestabat. Alter, effigiem Archiducis Ernesti spectantibus ostendebat.

Reliqua regna & ducatus, per vndecim virginibus in quinta sessione cū suis insignibus declarabantur: Galicia, Insulæ Balears, & Fortunatæ, Burgundia, Mediolanum, deinde seorsim ab aliis, propter actus dignitatem quem in Archiducis ante theatrum aduentu exhibebat, Austria sedebat, deinde Habsburgum, Barcino, Cantabria, & latus vtrinque extremum claudebant due Æthiopissæ, patriæ more seminudæ, ytramque indiam, Orientalem, & Occidentalem denotantes.

Sextum & infimum gradum obtinebant septendecim virginibus formosissimæ, totidem Germaniæ

maniarum inferioris siue Belgij prouinciarum personas agentes, quæ ob præsentem rerum statum & discessionem separato loco confidebant; Dextrum enim latus occupant Brabantia, Limburgum, Luxemburgum, Flandria, Artesia, Hannonia, Namurcum, Marchionatus S. R. Imperij, Machlinia, Groeninga.

A sinistra, Geldria, Hollandia, Zelandia, Zutphania, Frisia, Vltraiectum, Transisulana.

Priores decem virgines, suarum singulæ patrie insignia, sericâ rubri candidique coloris fasciâ, habebant colligata, cuius longiusculam partem extremam, Austria in gradu editiori sedes, dextra prehenderat. Reliquæ porro septem virgunculæ suæ similiter quæque insignia simili vitta connexa tenebant. Austria, extremam eodem modo partem sinistra attrahebat.

In eiusdem gradus, qui septem à terra pedum altitudine eleuabatur, extremis utrobique locis, duo lictores consistebant, capite ut reliqui galeato, & antiqua Romanorum armatura decori, cum fascibus laureatis.


Procedente igitur pompa ac Principis comitatu, cum ante scenam Archidux ipse peruenisset, Austria virgo lepidissima & ornatissima reuoluerat assurgens, honore Principi summa cum modestia exhibitio refedit, & fasciam utramque in nodum colligauit. Incredibile dictu est, quanta hominum multitudo totam viam, omnia tecta, fenestras omnes, vnanimi videndi desiderio opleuerat, quantoque intuentium animi stupore, & lætitia perfundebatur. Austriæ enim actus ille, à spectantibus cum maximo applausu, & hilaritate exceptus est, multisque ob eundem sic animus gestiebat, ut continere lacrymas non possent, gaudij indices, non doloris; hinc enim Principem intuebantur, per quem incolumes fieri sperabant; illine verò desideratissimus Austriæ gestus, futuræ pacis cogitatione blandiebatur, ut spectatores publici boni optatos fructus gaudio præciperent, & futuram tranquillitatem, animi votis representarent. Hæc omnium studia, & populi vota, inscriptioni in infima theatri parte posita literis maiusculis cum Austriæ actu conueniebant:

QVOD REGIS CATHOLICI FELICISSIMIS AVSPICIIS SERENISSIMUM
ERNESTVM PRINCIPEM OPT. XVII. GER. INF. PROVINCIAS,
CONFECTO BELLO PERNICIOSISSIMO, CONCORDI VINCULO
COPVLATAS, CVM CETERIS REGNIS ET REGIONIBVS, OMNIVM
ARTIVM ET COMMERCIVM VIRTVTVMQUE ORNAMENTIS,
REDDITVRVM FLORENTISSIMAS BENE OMNES OMINANTVR,

S. P. Q. A.


THEATRI MOLEM ERIGI CVRAVIT.

Quantopere hoc spectaculum Archiduci placuerit, intentus in scenam, ac præcipuè Austriæ gestum, aspectus eius declarabat. Erat certè splendidissimus apparatus, nam præter aurum & argentum, quæ sole aduerso oculorum aciem præstinguebant, colores varij, floridi & viuidi, quibus totum theatrum vernare videbatur, magnam intuentibus iucunditatem adferebant. Erant enim non sine magna concinnitate intermixti, candidus, violaceus, flauus, ruber, viridis, coccineus, argenteus, cæsius, hyalinus, fuluus, rufus, cæruleus, citrius, venetus, amethystinus, niueus, luteus, roseus, glaucus, purpureus, croceus, puniceus, melinus, cinereus, prasinus, cyaneus, rutilus, scutulatus, & si qui sunt alij non insuaues nec infæuste notæ colores, qui in vestimentis personarum decenter radiabant. Reliqui verò, niger, fuscus, pulchellus, ater, liuidus, & similes funesti, & inauspicati colores, nusquam admissi. Personæ in scena numerabantur nonaginta & vna, omnes vestibus bombycinis & sericis distincto habitu & forma ex professo ad hunc actum amictæ: quarum impensæ non obscure demonstrabant officiosas ciuium nostrorum voluntates, qui magistratui roganti potius quam iubenti, in sumptu faciendo ad exornandas filias suas, & in scena collocandas, nec parcè nec grauatè paruerant. Quod etiam liquebat ex torquibus aureis multiplici ordine de virginum humeris dependentibus, armillis, inauribus, monilibus, margaritis, gemmisque pulcherrimis & magni pretij lapillis confertis, bullis & emblematis quibus puellas sumptuosissime adornabant. Ipsa Austria mundo muliebri præter ceteras erat cultissima. Sed reliqua opera describendo prosequamur.



QVOD REGIS
SIMIS AVSPIC
ERNESTVM I
GER. INF. PROV

DRAMATA



TRI FELICIS.
NISSIMVM
I OPT. XVII.
ONFECTO &c.

TRI PACIS.

DESCRIPTIO ARCUS TRIUMPHALIS GENVENSIVM.

PAVCIS inde passibus Genuensium natio insignem arcus machinam propè vicum, cui à diua Clara nomen est, magno sumptu exstruendum curauerat, tam exquisita dispositionis Corinthiæ symmetria, & elegantia, vt cum reliquis operibus eodem animo publicè positis, de palma ferenda videretur contendere. Erat siquidem omnibus numeris absolutum opus, vt siue artificium & antiquitatis æmulationem, vel nationis liberalitatem, siue architecturæ venustatem respicias, nihil addi vel demi posse putares. Frons anterior quatuor ingentibus columnis fulciebatur, quæ vsque ad primam coronicem ad xxx. pedes educebantur. Secunda eleuatio quindecim circiter pedibus, fastigium, & statua eidem superimposita, viginti quinque pedibus assurgebat, vt tota altitudo ad septuaginta pedes attolleretur. Arcus seu portæ altitudo pedibus viginti & vno cleuabatur, latitudo eiusdem, pedibus quatuordecim, singula latera, vndecim cum dimidio, tota verò latitudo, triginta septem pedibus terminabatur. Profunditas comprehensis stylobatis in pedes xxiiii. protensa excurrebat.

Erant columnæ ad Lucullei marmoris imitationem summa diligentia fabricatæ & varietate luculenta adumbratæ, cum suis plinthis, & parastatis Laconico marmori haud dissimilibus. Epistylum, zophorus & coronix Parij lapidis candorem adæquabant.

Secunda eleuatio in tres abacos siue quadrata, quatuor pilis structuræ Corinthiæ distinguiebatur. Medianum quadratum duobus extreimis erat latius, pedes sexdecim latitudine complectens, alia vtrinque quinque pedibus finiebantur. Medium, manu pictoris celebrimi, tres spectatissimas forma & cultu nymphas continebat penicillo expressas: Hispaniam nimirum, quæ cum diademate & ornatu reginæ sumptuosissimo, aureum dextrâ sceptrum protendebat, cum quatuor orbis partibus ceu Phrygio opere vestimento intextis. Astabat eidem alatus Cupidinis in morem puer, qui Hispaniarum Regis insignia è fascia tenebat. Alteram constabat Austriam esse non solum ex habitu Imperiali, & depictis in cyclade veste aquilis, sed ex augustissimæ domus insignibus, quæ similis alteri alatus puer è tænia suspenderat. Tertia Belgicam præ se ferebat, & septem artes liberales vestis suæ gestabat inductas. Duo manibus scuta tenebat xvii. prouinciarum insignibus notata, & vitta candida, rubraque colligata; hæc illa vicinæ sibi Austriæ porrigebat, quæ vittis in nodum arctissimum constrictis, Belgica insignia Hispaniæ tradebat, vultu benigno ea recipienti. Insignium in scutis eadem distinctio conspiciebatur, quam paulò antè in theatro descripsimus, vt decem prouinciæ Regi obsequentes dextro scuto, reliquæ læuo continerentur. Sic quod in scena fuit actu exhibitum, hic per picturam ob oculos ponebatur.

Alterum à dextro latere quadratum Caroli V. Cæsaris Aug. habitu imperatorio effigiem exprimebat: cum his nominibus:

CAROLVS V. AVGVSTVS, VICTOR, TRIUMPHATOR.

In latere sinistro ex habitu & scripto dignoscebatur:

MAXÆMYLIANVS II. ROM. IMP. PACIFICVS.

Infra similiter in spatio vtriusque intercolumnij, hinc pictus videbatur, & legebatur,

MAXÆMYLIANVS I. ROM. IMP. FORTISS.

Illinc, habitu antiquo Imperatoris Romani

HENRICVS V. ROM. IMP. SAPIENTISSIMVS.

De zophoro pendeat, epistylis intersecto, quadrata, & encarpis ornata, literis inscripta semipedalibus hoc sensu tabula:

ERNESTO AVSTRIACO OPT. PRINCIPI,

IN OPTATISS. ADVENTVM, ET GRATAM DE SE BENE MERITORVM
CÆSARVM MEMORIAM, GENVENSES PP.

Ex quo


Ex quo apparebat, quod non solum de structura, eiusque ornatu solliciti fuerint, verum etiam de historiae veritate, & argumenti dignitate. Nam ferè omnes Romani Cæsares quos in vtraque molis fuit fronte spectandos ediderunt, præsentia sua Genuam decorarunt, magnisque beneficiis multisque affecerunt. Ipsi verò vicissim Genuenses, mirifico eisdem gratulationis apparatu, in urbem suam exceperunt, plurimisque officiis, & obseruantia coluerunt. Quas quidem res gestas hic recensere cum longum foret, tum cupidum lectorem compendij gratia ad Ligurum annales euoluendos ablegamus.

Erant columnarum stylobatæ monochromate adumbrati, vt Fides, Spes, Charitas, & Temperantia ex ordine noscerentur. Super fornice in suis triangulis sedebant Victoria cum palma vtrinque & laurea corolla. In conuexo lacunaris tertiam indiuiduæ Trinitatis personam, forma columbæ candidissimæ, ramum oleæ rostro tenentis, informata eleganter reiebat. Hanc quatuor humana statura Angeli cum palma & laurea venerabantur, alijs duodecim minoribus Angelis, cum floribus & fertis circumuolitantibus.

Latera transitus infra testudinem septem Artes liberales æneo colore reddebant adumbratas, duobus Hermis ad Naturæ simulacrum figuratis, singula latera vtroque claudentibus. Supra secundam eleuationem in fastigio, quod sphinges auersæ vtrinque ornabant, Regiæ Maiestatis Hispaniarum fulgebant inignia. Super fastigij rotundiori peripheria, statua muliebris vndecim pedes alta cum sua basi erecta locabatur, sceptrum dextra, læua scutum complexa, cui literis aureis Libertatis nomen inscriptum erat: ex quo signo apparebat, eam pro Liguria esse positam. Totam itidem machinam super secunda eleuatione, quadratus ambitus tripedalium pluteorum seu repagulorum percommodè cingebat, cum quatuor obeliscis angularibus, qui pedibus triginta sublimes ac specie quadrata paulatim gracilescentes, in acutum verticem producti assurgebant. In eorum concauitate viginti quatuor pensiles lampades, oleo vitreis vasis infuso, & ellychnio accenso, per fenestellas vitro versicolore pellucas, gratissimum præbebant obscura nocte intuentibus spectaculum. Obeliscis præterea affixa erant, tam suæ Celsitudinis quàm amplissimæ Reip. Genuensis insignia. E quatuor item pluteorum angulis, totidem hastata vexilla eminebant; permagnum vexillum superius in arcus medio erat positum, omnia cum eiusdem Reip. insignibus.

SCHEMA





ARCUS TRIUMPHALIS GENUENSIVM.

DESCRPTIO PVBLICAE GRATVLATIONIS.
 SCHEMA FRONTIS POSTERIORIS
 IN ARCV GENVENSIUM.

91



RONS posterior, eiusdem cum anteriori architectura & mensura, colore tantum marmoreo differebat: nam maculis variis intermeantibus Chiorum lapicidinas pictor imitatus existimabatur. In summo fastigio x. i. similiter pedum statua, habitu Vestali cruceam amplexa religionem denotabat: sub qua in tabula quadrata ita exaratum legebatur:

BALDVINVS HIROSOLYMÆ REX, LOTHARING. ET BRABANTIAE
 DVX INVICTVS, POP. GENVENSEM, PRO EIVS IN BELLO SACRO
 PIETATE ATQVE AVXILIO, AMPLISSIMIS PRÆMIIS REMVNERANDVM,
 ET CLARO ELOGIO ORNANDVM CENSUIT.

Declarabat inscriptionem media maximaque in secunda elevatione tabula, in qua Balduinus regio habitu, & sago militari, sanctissimo Seruatoris sepulcro astat, in cuius aræ hapside hæc verba incisa conspiciebantur:

PRÆPOTENS GENVENSIUM PRÆSIDIVM.

Ex altero salutaris Sepulcri latere, milites Genuenses Romano ritu armati hastis suis innitebantur. Enim Hierosolyma anno millesimo, & centesimo duce Gothofredo Bullonio expugnata, præcipua totius victoriæ gloria Genuensi auxilio attribuebatur. Qui cum eodem anno sancta sui nominis relicta memoria satis concesserat, Balduinus eius frater in locum demortui successus est: cui Genuenses belli naualis & pedestris apparatu instructa classe, octo hominum millia subsidio aduexerant. His Balduinus, ut ob egregiam quam in Syria expugnanda operam nauauerant, gratum sese memoremque ostenderet, tertiam prædæ urbium capiendarum, bonamque maritimorum vectigalium partem, multa opida, magnasque immunitates concessit: quorum munerum regium diploma anno c. l. c. v. editum adhuc Genuæ asseruatur, & ab Vberto Folietta præclaro eius Reip. historico libro primo insertum recitatur. Ceterum quod ad insignem monumenti titulum hapsidi aræ prægrandibus literis inscriptum attinet, is longo post tempore ab Almerico Solymorū rege vi. sublatus, auctore pontifice ibidem est repositus. Hæc ideo ex annalibus Genuensium adscripsimus, ut Gothofredi & Balduini Principum nostrorum inclytam memoriam, & cum gente Ligustica societatem grato animo recoleremus. Dextro huius tabulæ lateri adhærebat Caroli Magni Cæsaris, Imperij in Germania fundatoris effigies. Sinistro, Henricus vii. Rom. Imp. clementissimus, qui habitu Cæsareo insignia Luxemburgi, in ferreo thorace depicta gestabat. Hic anno c. l. c. c. c. x. ex comite Luxemburgi ad culmen S. R. Imperij euectus, ad Cæsareum diadema accipiendum Romam petens, cum coniuge Margareta Ioannis primi Brabantia Ducis filia, in itinere Genuam diuertit, à cuius Senatu, ceterisque ordinibus regio apparatu, omni que honorum genere accepti sunt. Tum Cæsar ibi laboranti intestinis malis Reip. primo extero dominatu introducto, uxorem amisit, eiusque corpus in æde D. Francisco sacra, in marmoreo monumento ibidem reliquit.


Inferius porrò intercolumnium occupabat Fridericus primus Rom. Imp. bellicosissimus: & Conradus Rex Rom. laudatissimus, cuius nomen adhuc exstat in nummo aureo Genuensi, quod anno c. l. c. xxxix. ius nummi signandi ab eodem Principe Resp. acceperit.

Stylobatæ colore monochromateo, Iustitiam, Fortitudinem, Prudentiam & Famam adumbratas exhibebant.

Ad eandem posticam triumphalis arcus partem, quadratum ex quatuordecim Hermulis peristylum cum suis zophoris, & stemmatibus hederaceis (strucorollas aliqui vocant) ab intercolumnio dependentibus, latam viam coartabat, ut arcum transgressis ad vicum D. Claræ pateret aditus.

Tibicines, liticines, & cornicines supra arcum ad pluteos dispositi, periuendo modulamine, tibiis, lituis & cornibus insonantes Archiducem incedentem comitabantur.

P E G M A



FRONS POSTERIOR ARCUS GENVENS.

DESCRIPTIO PVBLICAE GRATVLATIONIS.
 PEGMA PVBLICVM IN VIA QVÆ
 LONGA NOVAQVE APPELLATVR

EXSTRVCTVM.

93



AD EXITVM vici D. Claræ perbellum pegma Reip. nomine constitutum cernebatur, heroici planè argumenti. Ab humo ad proscenium vsque, septem pedes altitudini, viginti quinque latitudini dabantur, in cuius spatio, armorum genera infinita, & belli apparatus ex arte pictus, militiæ peritis spectatoribus placebat. A scena duo militares Hermæ ad pedes duodecim assurgentes, Zophorum tribus pedibus latum sustinebant, cum fastigio acuminato, cuius angularia acroteria in galeas ornatas desinebant, medianum, in trophæum terminabatur, totamque altitudinem ad triginta sex pedes sublimem eleuabat, hac adnotata in tympano sententia:

NON MINVS GLORIOSVM EST EXTREMA DELERE, QVAM PRIMA
 DEPELLERE: NAM ETSI PRIMA PRÆSIDIA REIP. VTILIA SVNT,
 TAMEN EXTREMA SVNT GRATIORA.

Oratio spectabat ad Archiducem, qui si teterrimæ huius discordiæ reliquias oppresserit, totius belli confector censebitur.

Scena quæ septem pedes profunditatis capiebat, rubris velabatur peripetasinatis. In eius medio sella curuli sublimis sede, at Ars Imperatoria, simili habitu quo Roma figuratur in antiquis marmoribus, & in hortis Cæsij exstare conspeximus, lauream dextra, pugionem stringebat sinistra. Quatuor Virtutes Imperatoriæ vtrinque assidebant: Peritia rei militaris, cum ægide & hasta; Virtus bellica, præsentis animi virgo casside ac reliqua armatura & amictu antiquitati nihil cedens, nudis brachiis, dextram, qua pugionem tenebat, igni super ara exstructo intrepidè admovebat, figurata fortitudine & magnanimitate, quam Romanus ille Scævola reliquit prædicandam. Nec deerat Auctoritas, seu Disciplina militaris, quæ teretem dextra baculum bipedalem, tortili flexu, albo rubroque colore distinctum, more tribuni militaris tenebat, læua vitem centurionalem. Notum est antiquitatis peritis in milites extra ordinem deprehensos, animaduersionis per vitem genus, ut ex nummo gentis Didia, Lini, Plinio, Tacito, Plutarcho, Iuuenali, Silio & Lucano, Apuleio etiam & Festo didicimus. Sub vineam, ait Festus, iacere milites dicebantur, cum astantibus centurionibus iacere cogebantur fudes; quod in illa iactus exercitatione, vite quam ad manum habebat centurio, velut parato victis supplicio, milites officij admonebantur, aut cæsi ignaviæ poenas dabant. Eiusdem militaris castigationis in iure civili mentio est, L. Milites agrum. §. Irreuerens. ff. de re militari, ubi Macer Iurisconsultus militi qui centurioni castigare se volenti restiterit, vitemque tenuerit, militiam mutat in deteriore.

Quarta nympha, Imperatoriæ Artis assecla, Felicitas erat, cum cauea pullaria ex antiqui marmoris figura fabricata, sumpto ex veterum religione argumento, qui nisi saluis ex pastu pullorum & tripudio auspicijs, ullam belli gerendi occasionem admittebant. Duo lictores sagati Romano more, & galeæ crista plumatili insignes, cum fascibus laureatis proscenium tuebantur. Personis verò omnibus vestes erant sericæ, versicolores, & perquam decoræ.

I

DESCRI-



PEGMA AD D. IACOBI.

DESCRIPTIO ARCVS NATIONIS
MEDIOLANENSIS.

HOC pegmate præterito, triumphalis arcus ante oculos erat, prope vicum Marchionis, quadrangulum vocant eum locum Itali, ex Corinthia dispositione à negociatoribus Mediolanensibus, vt inscriptio indicabat exstructus, picturarum varietatibus affluentissimus: In quadraginta pedum altitudinem sublatus, xxxii. pedibus latitudini, viginti verò profunditati in transitu assignatis. Columnæ in anteriori facie, binæ vtrinq; cum suis capitulis, & stereobatis, Synnadicum marmor albis venis & rubentibus imitabantur. Intercolumnia Rudolphi II. Cæsaris Augusti in Romana panoplia paludati & laureati, & Ernesti Archiducis imaginibus ornabantur, additis vtrobiq; singulorum insignibus. In fornice arcus Victoriæ sedentes Principem transeuntem lauro coronabant. Super Epistylío & coronice fastigium quadratum attollebatur, continens hæc verba:

E R N E S T O

IMP. CÆS. RVDOLPHI AVGVSTI FRATRI, MAXÆMYLIANI AVG. F.
FERDINANDI AVG. N. INSVBRES OPTATISS. DICARVNT.

Fastigio insidebat venustæ formæ nympha, altera manu Mediolani insignia, altera hastatum protendens vexillum, cum deauratis Hispaniæ Regis eius Provinciæ Ducis insignibus. Sellæ cui Insubria insidebat, duo vtrinq; Amaltheæ cornua inuersa innitebantur, copiam rerum omnium vbertim diffundentia.

In coronicis extremitatibus ab vtroque nymphæ latere, hinc Padi fluuij, inde Athesis simulacrum, senili forma, palustri alga & arundine coronati, protensis vltra coronicis proiecituram pedibus, vrnis suis incumbabant, aquis & pisciculis affatim effluentibus. Dextra sua Mediolani insignia in labaro serico protendebant. In lacunari, duodecim alati volitabant Cupidines, flosculos lectissimos velut ex alto spargentes. Interiora arcus latera insignibus Archiducis vtrinq; ornabantur, quæ pueri aligeri è fascia suspendebāt, inter duos vtriusque sexus Hermas omni florum genere abundè cumulos.

I 2

SCHEMA





ARCUS MEDIOLANENSIS.

DESCRIPTIO PUBLICAE GRATVLATIONIS.
SCHEMA ALTERIVS FACIEI IN
 ARCV MEDIOLANENSIVM.

97



ALTERA eiusdem operis facies, intercapedines columnarum hinc atque hinc depictas ostendebat, duobus augustissimæ domus Austriacæ Imperatoribus, antiquo ritu Romano armatis. Fastigij quadrato litteris maiusculis inscriptum legebatur:

LIBERALITAS ET CLEMENTIA PRINCIPVM DECVS.

Quod referebatur ad duas muliebri forma effigies, summo fastigio insistentes, quarum altera inuerso cornu Amalthææ Liberalitatem, altera agni & hliorum symbolo Pietatem, quæ innocentiam & candorem postulat, significabant. Fluvij similiter ex utroque imaginum latere, eodem habitu quo in fronte anteriori, assidebant, Ticinum, & Adduam referentes, Insubriæ amnes haud ignobiles.

Erexerant præterea paulò vterius pegmatium quoddam classiarij, ante ædes Viceameralij cuius supra mētionem fecimus: quem Præfectus rei maritimæ Illustris Carolus Mansfeldiæ Comes vices suas tueri iusserat. Eratque non modò spectatu dignum, quod ex marinorum genere nudi & semiferi vtrinque Dij Archiducis insignia complectebatur, sed quòd imminente longitudinis vexilla, & naualia ex serico aplustria, cum Regis & Ameralij insignibus, ad nauem Prætoriam exornandam comparata, totas à summo fastigio ædes operuerant, ingensque classiariorum tubicinum numerus auras omnes sonitu oppleuerat. Nec displicebat pegmatij inscriptio:

ERNESTO AVSTRIACO SERENISS. CAROLI MANSFELDIAE COMITIS
 REI MARITIMÆ CLEMENTISS. REGIS CATHOLICI IN BELGIO
 EIVSDEMQUE EXERCITVS GALLICI PRÆFECTI

N O M I N E

FIDEI, OFFICII, OBSEQUIIQUE TESTIMONIUM CLASSIARII PP.

Sed quoniam in nomen Ameralij incidimus, notum quidem omnibus vocabulum, sed fatis obscura sui origine, quæ nos in commentariis de eo habemus non incommodum erit adijcere: Sic ergo à Ioan. Lucio placit. libro quarto, titulo sept. scriptum inuenio: θαλασσιάρχων quam latinè maris præfecturam vulgò Amyralitatem appellamus από της, nisi fallor, ἀλλυριδος, hoc est salugine vel re maritima, voce ut quidam existimant Gallis cum Græcis, Mauris-que communi: hæc ille. Sunt qui aliter ex Græco fonte hanc vocem deriuent, & ἀλυράρχων ab ἀλυρῆ, hoc est falso, quod mari proprium est, & ἀρχος deducant, ex quo vulgus Euphoniæ gratia amyralium confluuit. Ceterum cùm Ameralij dictio nusquam exstet antiquior, quod equidem sciam, quàm in libro Curopalatae de officialibus palatij Constantinopolitani, qui ita scribit, ὁ ἀμυραλῖος κατὰ τὸν μέγαν δῶλαν ἐνρίπτεται, ἢ εἴται δὲ τὸ εἶδος πάντος, Ameralium magno duci subest, præest autem classi vniuersæ, aliis item duobus locis Ameralium suo ordine idem auctor recenset, & apud Rob. de Monte ad Chronologiam Sigeberti, qui ad annum cIo. c. LVII. ita scribit: Stolos etiam Amiralij Babylonis obsedit Accaron: facile quiuis animaduertit vocem hanc ex lingua peregrina in Græcam migrasse, declinante Orientis imperio, quo tempore idem auctor scripsit, cùm ocellus orbis Græcia multarum gentium concursatione, à prisca sua eloquentia desciiuit, vocesque infinitas origine Hæbræas, Chaldæas, Arabicas, Italicas & Germanicas suo admiscuit idiomati. Facta igitur compositione ex Arabico Amira vel amiras Græca terminatione, id est, præfectus vel imperium obtinens, & Græco ἄλλος, id est, marinus, dictio Ameralium in vsu venit. Est autem vox Amera siue amiras pro summo præfecto, vel eparcho apud recentiores historicos frequens, Zonaram, Cedrenum, Nicetam & alios: ut etiam ille annotauit qui in Curopalatem notas scripsit. Hinc gentes omnes Europææ Ameralij vocabulum ex Arabico & Græco acceperunt. Tamen non desunt qui aliter sentiant, & inter ceteros Renatus Choppinus vir eruditissimus, libro de Domanio Franciæ primo, vbi de Gallicæ Nauarchiæ potestate tractat, & Vincentius Lupanus de Magistratibus Francorum; Sed penes lectorem esto iudicium.



FRONS POSTERIOR ARC. MEDIOL.

PORTÆ TRIVMPHALIS FLORENTINORVM

DESCRIPTIO.

PERGAMVS ergò ab Ameralitatis pegmatio ad pulcherrimam Ionici operis triumphalem portam, à natione Florentinorum qui numero admodum pauci sunt, in Archiducis honorem exstructam, prope sacellum D. Nicolai in eadem via raro artificio compositum opus, & prædiuite ornamento. Quod ad eius mensuram attinet, prima arcus eleuatio ab infimis columnarum stybolatis, plintho, basi, scapis, capitulis, epistylis, zophoro, & coronice, xxv. & semis pedum altitudinem attingebat. Latitudo pedibus extendebatur triginta duobus. Transitus sex & viginti pedum longitudine finiebatur. Totum ferè opus Thebaicum marmor colore coæquabat, venarum meatibus in lapide nigro decorè candescentibus.

In spatio vtriusque stylobatæ emblemata erant ex vmbatili monochromate, nimirum ara, cui adiacebant ægis & hasta, cum his notis:

ARMORVM ET SAPIENTIÆ PRÆSIDI.

Palladi scilicet, cuius statua intercolumnium exornabat, in suo loculamento (quod à forma lintris excuata scapham vocant nonnulli architecti, aliqui etiam hemicyclia, vulgus nicciam) collocata, ad humanæ staturæ proceritatem, cum Gorgone, hasta & casside sua, ea tantum nuditatis parte velo tecta, quæ castos oculos publicè offenderet. Supra caput infra epistylum aliud emblemata ex nummo Lyfimachi adnotatum erat:

MINERVÆ PACIFERÆ.

Zophoro inscriptum erat hoc distichon:

*Hic vir, hic artificis restaurat dona Minervæ,
Redde pares eius meritis, Antuerpia, laudes.*

Archiducem intelligit, quem lanificium & pannarium, quo nullum vtilius huic emporio commercium, breui restauraturum confidimus.

In altero intercolumnij latere, humanam staturam egregiè referebat Herculis simulacrum, in simili quo Pallas receptaculo positum, cum exuuiis leonis & claua deaurata. In stylobate, aræ astatat nodosa eiusdem Herculis claua, cum his verbis:

INVICTÆ VIRTVTIS HONOS.

Supra caput sub epistylis emblemata Herculis reductoris boues à Caco abactas reducētis.

In zophoro eidem & Archiduci hos versus attribuerant:

*Viribus Alciden superas, Erneste, potentem,
Funesi qui monstra domus immania belli.*

In arcus fornice pendebant cœlata Archiducis insignia, quibus ingens aquila insidebat, & gemini semiplanæ cœlaturæ leones vnguibus eadem vtrinque tenebant, sex pedum singuli magnitudinis. Supra coronicè in secunda columnatione, ex humilibus columellis quadratum erat sepimentum, cum pulchro fastigio, quod inter quatuor Ionicas columnas eleganter assurgebat, vbi ingens tabula quadrata auctores machinæ, & causam declarabat:

ERNESTO AVSTRIO OPT. PRINCIPI CÆSARIS FILIO, CÆSARIS
FRATRI, MVLTORVMQVE IMPP. LONGA SERIE N.
IN TESTIMONIVM OBSERVANTIÆ ERGA REGEM PHILIPPVM II.
CATHOL. AVST. OMNESQVE PP. AVGVSTISSIMÆ DOMVS
AVSTRIACÆ, FLORENTINI DD.

In dextro eiusdem eleuationis, & intercolumnij interstitio, commodò pro operis conuenientia loculamento, nudæ mulieris anguem in se reuolutum stringentis, stabat simulacrum, Æternitatis ex Boccacio symbolum.

Ex altero latere, simili loco Famæ effigies. Coronice extremis vtrinque angulis tripedales Cupidines insiscebant, hastatum vexillum dextra tenentes, læua tabulam oblongam

fascioliis suspensam, quæ statuæ in supremo fastigio positæ nomen proponebat in hunc modum:

*Iure tibi, ô Virtus, locus est in vertice summo,
Nam calum petis, ut calo est affinis origo.*

Simulacrum Virtutis, pedibus decem subline consistebat, quemadmodum in nummis Vitellij, Adriani, & aliorum figuratur, cum casside cristata, parazonio & hastili. In basi eiusdem, galerus Ducalis ferto laureo concludebatur, cum hoc elogio;

SOLI DEO GLORIA.

Quod Archiducis Ernesti symbolum esse quidam ferunt, pio Principe, & Christiano reuera dignum. Hæc statua, molis altitudinem ad quinquaginta tres pedes euehebat. Quatuor ad hæc obelisci angulares ad pedes viginti in fastigio eminebant. Infra quatuor scalpti leones vnguibus tenebant serenissimæ familiæ Medicæ, magniq; Hetruriæ Ducis insignia.

Intestini quoque operis nitor cum reliqua molis elegantia certabat, nam in summo lacunari aspiciebantur rosæ deauratæ, ingentis foliaturæ, ad veterum laquearium imitationem. Nec minus laterales ibidem picturæ contemplatione transeuntes detinebant. Quarum altera huiusmodi historiam exhibebat:

C. IVLIVS CÆSAR OCTAVIANVS, M. ANTONIVS, M. LEPIDVS, III. VIRI
COLONIAM FLORENTIAM EX NOBILISSIMIS QVIBVSQVE FAMILIÆ
TRIBVS SCAPTIÆ DEDVCENDAM, ET PRIMA VRBIS FVNDAMENTA
FACIVNDA CVRANT.

Tiberis & Arnus vtrinque assidebant, hic, penes se leonem, ille depictum habebat. Insignia similiter hinc S. P. Q. R. illinc noscebantur Florentinorum, In spatio niueo lilium rubrum, cum hoc pentasticho infra ascripto:

*Me rerum domini fortes genuere Quirites,
Assiduusque labor belli, generosæque virtus
Protulit imperij fines concordibus armis,
Mox armis iuncta ingenua victricibus artes,
Prouexere opibus cunctis & honoribus auctam.*

Altera tabula continebat Fesulanorum cum Florentinis coniunctionem, quod hæc verba indicabant:

FESVLANI IN VNVM EVNDEMQUE POPVLVM CVM FLORENTINIS,
A QVIBVS DEBELLATI CAPTIQVE FVERANT, COALESCVNT.
cum his versibus infra exaratis:

*Filia cui Mauri fecit cognomen Atlantis
Fesula, quanquam altis iacet usque oppressa ruinis,
Esse tui partem tamen, ô Florentia, gaudet.*

POSTE-





ARCUS FLORENTINORVM.

DESCRIPTIO PUBLICAE GRATVLATIONIS.
 POSTERIORIS FACIEI IN PORTA
 FLORENTINA DESIGNATIO.



RONs machinæ posterior simili ordine columnarum, colore, elegancia, emblematis & symbolis condecorabatur. Ipsum fastigium Regiæ Maiestatis Hispaniarum insignia, dextram Pietas, læuam verò Iustitia occupabant. In spatio inter maiores columnas imago Victoriæ cum palma & laurea humanam staturam exæquabat; Templo Virtutis & Honoris supra caput appicto, cum propopœia in Zophoro scripta:

*Hac iter est, Erneste, tuis hac laurea factis,
 Et meriti virtute tibi debentur honores.*

Emblema similiter Felicitatis publicæ, ex nummo Titi super hac imagine erat collocatum. Infra inter stylobatas gemina vtrunque de Barbaris trophæa.

Alterum verò intercolumnium, Religionem intuentibus exhibebat, quæ Ernesto Archiduci militari habitu & clypeo insigni, Victoriæ digito ostendebat, cum emblemate supra picto ex nummo antiquo: Restitutori Belgij. Erant & in Zophoro annotati versiculi hanc verborum formam:

*Robore Relligio Belgas defensa tuetur
 Austriaco, monstratq; Duci sua premia magno.*

SEQUI-





SCHEMA ADVERSÆ FRONTIS ARCUS FLORENTINI.

DESCRIPTIO PVBLICAE GRATVLATIONIS
SEQVITVR DESCRIPTIO OPERIS
LVCENSIVM.

POST vbi in Viam nouam peruentum est, quæ Breuis dicitur, ad alterius differentiam, quam Longam supra appellauimus, conspecto foro quod Lacteum vocant, Corinthij operis arcus à Lucensibus erat erectus, mira venustate & elegantia, ac genere ornamenti vario locuples. Qui licet vna tantum fronte constabat, nec peruius erat, sic tamen ex optica ratione depictus prospectu suo, & abscedentia arridebat, vt reliquis operibus triumphalibus nihil cederet. Nam transitus loco, ciuitas Luca graphice depicta spectabatur, supra quam magna volabat aquila, in cuius alis aureæ notæ ad S. R. Imperium spectabant:

FOVEO ET FAVEO.

Quatuor columnæ Corinthiæ, quæ varietate marmorei coloris illustres, lapidem Africanum imitabantur, opus fulciebant, cum stylobatis, plinthis, scapis, capitulis, epistylis, zophoro & coronice sublime quadraginta quinque pedibus fastigium euehentes; latitudo quadraginta pedibus producebatur. In harum dextro intercolumnio absolutissimè picta Diana statura plusquam humana, Laconico more *φαιδρις*, vel iuxta Virgilium nuda genu, venatricem referebat; nam arcum manu, pharetram ex humeris pendentem gestabat, astante ad pedes venatico cane. Erat & supra caput ascriptum hoc distichon:

*Ille diem reddit pallentes dum fugat umbras,
Tu pacem reddes sedato, Erneste, tumultu.*

In zophoro harum duarum columnarum legebatur hic versus dialogisticus:

Quid Belgas sperare iubet Erneste? Quietem.

In medio zophoro super fornice hæc inscriptio causam operis, & auctores denunciabat:

ERNESTO AVSTRIACO ARCHIDVCI SERENISS. ANTVERPIAM
FELICITER INGREDIENTI, LVCENSES AD SINGVLAREM
OBSERVANTIÆ DECLARATIONEM.

In sinistro verò intercolumnio, Palladis armatæ venusta effigies ad Archiducem per hos versus referebatur:

*Monstra domas animi gladio virtutis, vt hostes
Vincit casta suos vltimici cuspide virgo.*


In zophoro supra columnas posito ad eundem spectabant hæc verba:

BELLA CIVILIA EXPELLO, BONOS CONFIRMO.

Super totius machinæ coronice fastigium eleuatum in suo quadrato continebat Archiducis Ernesti insignia. Tres autem in summo alati Cupidines humeris connixi Regiæ Maiestatis insignia sustentabant: astantibus vtrinque duobus aliis Cupidinibus, quorum alter ciuitatis Lucæ, alter Reip. siue Libertatis prætendebat insignia. Extremo coronicis impositi obelisci cum argenteis pilis ad duodecim pedes attollebantur. Stylobatæ & bases trophæis ornabantur ex umbratili monochromate, & historiis Romanis Curtij, Cœclitis, Scæuolæ & Cincinnati collustrabantur. Infra prospectiuam prope humum panthera complexa saxum quadratum vnguibus tenebat, quod sermone ad Archiducem pertinente hunc versiculum inscriptum habebat:

Mœnia Luca tibi pandit sua, pectora ciues.

A dextro verò molis latere, quod ad eam accedentibus læuum erat, sex columnarum porticus quædam cum sua coronice viam muniebat, vt ad dextram Archiduci flectendus esset vltior progressus.



OPVS TRIVMPHALE LVCENSIVM.

DESCRIPTIO OPERIS MATERIATI AD INGRESSVM VIÆ VACARIÆ POSITI

Revi autem à Lucensium machina interuallo, simile opus è plana materia ad prospectum seu opticam artem haud negligèter adumbratum, ad Vicum Vitæum statui iusserat magistratus, quod ex obliquo viam Vaccariam obstruebat, forum-que ad læuam flectentibus ostendebat. huius operis altitudo, triginta & vno pedibus educta, latitudo ad viginti quinque pedes pertingebat. Super pictarum columnarum coronice tria quadrata loculamenta columnis separatis insignes quatuor effigies continebant. In medio ceteris capaciore Regiæ Maiestatis imago ad viuum depicta statura naturali, & habitu domestico venerationem intuentibus excitabat; & astanti Archiduci rerum Belgicarum imperium committebat. Super coronice Aquila vnguibus diadema suspendens, cum palma & sceptro Maiestatis erat emblema. Tertia effigies Principis Philippi diuinam indolem præ se ferebat; erat enim ad viuum reddita ex autographo recenter Marduccio Bruxellam allato. Pro eius symbolo supra eminebat, Sol oriens cum quadrigis, & his versibus in tetragono scriptis:

*Cum Phæbo imperium diuisa sorte Philippus
Tertius Austriacæ gloria gentis habet.
Hic sua signifero distinguit tempora circo,
Seruat & ætherias nocte diæque cives:
Ille sed in terris est fidus, & orbis ocellus,
Est Helice, populis & Cynosura suis.*

Cuius eximia virtutum tyrocinia oculos omnium quas sol aspicit gentium, hoc in se modo conuerterunt, vt felicissimis indolis eius beatissimæ auspicijs, Christianus orbis se consoletur, hostes verò coniunctam virtutibus potentiam horreant. Nec minus placebat quarta ordine imago filia Regiæ Isabeliæ, quam ob prudentiam singularem, præter ceteras animi dotes, quæ in illa sunt plurimæ, omnium rerum & consiliorum Rex consciam facit & participem: pro cuius symbolo tres Gratiæ Theologicæ, Fides, Spes & Charitas, more Charitum sese mutuò complectebantur. Inscriptio quoque non illepidò argumento talis erat:

*Bella vetat positis Isabelis resumere telis
Austrias, & sexus gloria prima sui.
Commendatque Duci te, Belgica bella, benigno,
Confecta ut solitas pacem reducat opes.
Tolle caput, medijs pacem bellator in armis
Reddet, & imperio secula bella suo.*

Erat præterea pari cum imaginibus verborum numero ascriptum in medio hoc elogium:

HOC QVATERNARIO FELIX BELGICA.

Cuius auctor siue ad illam Pythagoræ τετρακτις & Hieroclis philosophi in carmē eius aureum commentarium respexerit, siue ad Platonis libri quarti de legibus locum, vbi res humanas omnes à quatuor quibusdam existimat gubernari, Deo scilicet, Fortuna, Opportunitate & Arte, nemo est qui hanc τετραδα Belgio salutarem esse diffiteatur.



DESCRIPTIO PUBLICAE GRATVLATIONIS.
 SCHEMA GIGANTIS ANTIGONI,
 QVEM DRVONEM ALII VOCANT.



OSITVS erat in Fori medio immani corporis vastitate colossus ille, Gigantis Antigonij, cuius suprà meminimus, sedentis simulacrum, cuius statura viginti septem pedibus attollitur, artificiosè elaboratum cum Romana panoplia. Antigonus ille à Brabone superatus, punita meritis contumeliis tyrannide, posteris pro trophæo constitutus est. Sceptri loco teretem habet in manu baculum flexuoso volumine albo rubroque coloribus inductum. Comites ante pedes habebat sui similes, personatos & sericis amictos vestimentis, Furorem, armis & face ardenti horridum senem, rabiem oculis & gestu demonstrantem: Discordiam flammis seditionis folle animantem. Diffidentia larvis duabus personata sedebat, cum ascripto hoc tetrasticho:

*Vidimus Austriacos toties, Erneste, triumphos,
 Nunc eadem fortuna manus dare cogit eidem
 Imperio, victo stamen oppressosq; fateri
 Non pudet, Austriacis nam seditur orbis habenis.*

Nec longè hinc ante aedes collegij Dimicatorum, quas habent in foro, D. Michaëlis Archangeli imago de victo diabolo triumphum agebat: cum his verbis ibidem ascriptis:

DIVO MICHAELI ARCHANGELO,
 PROPVGNATORI CÆLESTI, TVTELARI. N. S.

Infra verò sic legebatur:

ERNESTE DVCVM MAX.
 QVOS

DIVVS MAXÆMYLIANVS I. CÆS. AVG. ABAVVS TVVS SIBI SVISQVE
 POSTERIS DVCIBVS BRABANTIAE, CORPORIS CVSTODES
 CREAVIT, HIC IN OCELLO VRBIVM SE DEO OPT. MAX. REGI,
 ATQVE TIBI DEVOENT.

LL. M. Q.

Ex aduerso Stygius ille Python hos versus è collo suspensos habebat:

*Cælestis belli dux magnus tot ille Michaël
 De septemgemino victor serpente triumphat;
 Sic debellato malefido protinus hoste,
 Magne, nec immeritos perages, Erneste, triumphos.*



VIDIMVS AVSTRIACOS &c.

SCHEMA GIGANTEI COLOSSI.

DESCRIPTIO PUBLICAE GRATVLATIONIS.
PEGMATIS PVBLICI IN FORO
 POSITI DESIGNATIO.



NTE ædes Senatorias egregium pegma, & loco suo non indignum erat erectum, in tres scenas siue tabernacula decenter distinctum: in quibus octo forma & habitus lepidissimæ puellæ, statum Reip. benè ordinatæ, eiusque personas concinnè sustinebant. Pegmatis altitudo ad triginta tres pedes, latitudo ad quadraginta protrudebatur. Rubri intus coloris pannus peripetasmatis loco erat. A proscenio quod septem ab humo attollebatur pedibus, quatuor vtriusque sexus Hermæ tria tribunalia separabant, ex quorum epistylis, quod capite portabant hederacea stemmata cum lemniscis dependebant. Supra zophorum fastigium assurgebat acuminatum, in cuius acroterio biceps Aquila passis alis mundi globo infidebat; In tympano scripta erant hæc verba:

DEO AVCTORE,
 PHILIPPO AVSPICE,
 ERNESTO VINDICE.

Personæ pegmatis erant amictæ & ornatae radiantibus auro & argento, variisque coloribus vestimentis: Quarum duæ in medio sedebant, loco non nihil editiori. Religionem una amictu Vestali, stricto altera gladio Iustitiam referebant: utramque in nube descendentes Angeli lauro coronabant; duoque adolescentes cultu angelico in proscenio stabant, ceu tabernaculi apparitores laureati. In altero ad dextram tabernaculo, Lex sedebat cum duobus voluminibus & his notis ff. & Cod. Æquitate cum benè recto hastili, seu regula argentea, illi assidente, & Consuetudine ad sinistram, quæ in libro notato ciuitatis insignibus Ius municipale conscriptum ostendebat. In altero prætorio tres virgines sedebant: Annona crissis maturis coronata, cum panibus canistro vimineo impositis. Moneta ex astante sibi encude, malleo & forcipe monetaribus instrumentis dignoscebatur. Politea, quo nomine videtur abusiue pro parte publicæ administrationis, quæ cognoscit de rebus numero, pondere & mensura constantibus, tria eadem verba in scuto argenteo aureis literis notata proponebat. In utroque pegmatis angulo, lictor astabat cum sago Romano, casside & fascibus Consularibus. Pegmatis inscriptio & sensus erat:

D. O. M.
 QVOD INSTINCTV DIVINITATIS ERNESTVS AVSTRIACVS PROVINCIAS
 BELGICAS IN CATHOLICA RELIGIONE, IVSTITIA INTEGRA, LEGIBVS
 PATRIIS, AC MAIORVM INSTITVTIS REGIÆ MAIESTATI FIDELIS,
 OBSEQVENTES, ET BEATAS CONSERVABIT,

S. P. Q. A.
 HANC ARAM D. D.

Domus autem Senatoria, dum hac Princeps iter faceret, tibicinum Magistratus ministerio addictorum cantibus tota personabat.

SCHEMA



SCHEMATIS PRAEMATIS IN FORO.

DESCRIPTIO PVBLICAE GRATVLATIONIS.
SCHEMA ELEPHANTI.



Et longè progresso ad vetus forum Frumentarium, Archiduci obuium se dedit vastæ magnitudinis Elephantus, quod genus animantis, quia tam Belgis quàm ceteris Europæis perrarò videtur, in anniuersariam pompam producunt Antuerpienses, à quibus Elephantus postremò visus fuit quem Rex Lusitaniæ fortissimus Emanuel Ferdinando Cæsari Augusto dono misit, anno his literis numeralibus incluso: BrabantInI VIDERVnt ELEphanteM. Columnam XIII. pedibus sublimem cum basi & capitulo bellua dorso gestabat, & super eadem Austriæ simulacrum Victoriæ alatam manu tenentis, insignibus domus augustissimæ astantibus. Serica veste instrata erat bestia, quæ per virum intromissum proboscidem attollebat, & huc illuc detorquebat. Versus quoque pari cum basis lateribus numero, rationem statuæ hanc reddebant:

*Australis veni Libya, spectator, ab oris
Austriacum subiturus onus: nam maxima magno
Pondera conueniunt, animantia cetera gestent
Vulgus, ad Austriacos non sussectura triumphos.*

ARCVS





SCHEMA ELEPHANTI.

DESCRIPTIO PVBLICAE GRATVLATIONIS.
 ARCVS PVBLICVS AD FORVM
 LINARIVM.



Hic spectaculo arcus successit via Alta exstructus ad forum Linarium, qui magnam adferebat intuentibus voluptatem. Nam super prima eleuatione, quæ erat ab humo xxxi. pedibus erecta, ingens columna attollebatur, cuius diameter tres pedes semis in crassitie vindicabat, altitudo cum basi & capitulo viginti octo pedes attingebat, cui nouem pedum Grui effigies erat imposita pro recepto Vigilantiæ symbolo. Tota altitudo lxxxviii. pedes assequebatur. Latitudo molis ad pedes xxx. promouebatur. Columnæ autem quæ Constantiæ symbolum est, gemini angues pro symbolo Concordiæ appendebant ad formam caducei circumplexi, falces Romani vtrunque affixi, Imperium denotabant, seu publicam eius exercendi potestatem. In parte scapi inferiore, in laureo sermo, duæ dextræ sibi mutuo iunctæ Fidei symbolum exprimebant: Quæ omnia ad talem pertinebant sententiam hac inscriptione ibidem propositam:

SVB PRINCIPIS INVICTI, ERNESTI AVST. BELGICO IMPERIO,
 CONSTANS FIDES, VIGILANSQVE CONCORDIA METV
 MALOS COERCEBVNT, AD BONORVM SECVRITATEM.

Super basi eiusdem columnæ Scaldi fluius depictus sedebat, cui aduolans aquila olæ ramum rostro adferebat. Basim leones vtrunque deaurati vnguibus tenebant. Super extremis coronicis partibus, hinc Regiæ Maiestatis, illinc S. Imperij Marchionatus insignia feris laureis continebantur. Zophorus & intercolumnia encarpis cum suis lemniscis ornabantur. Stereobatæ emblematis illustrabantur. Muliebres in vtroque latere imagines, Hæc dextra hastam, cornucopiæ sinistra complexa tenebat, cum his notis literarum:


IN VTRVMQVE PARATVS.

Archiducem intellige, qui bellum non metuit, & honestis æquisque conditionibus pacem inire, rerumque omnifariam copia affluentes Belgicas regiones efficere desiderat. Altera, Victoriæ dextra tenebat subductis læua nonnihil vestibus, rostrum nauis pede calcabat, cum ascriptis literis:

VOTA POP. BELGICI.

SCHEMA





ARCUS PVBLICVS AD FORVM LINARIVM.

DESCRIPTIO PVBLICAE GRATVLATIONIS.
 SCHEMA ADVERSÆ PARTIS
 ARCVS PVBLICI.



N LACVNARI fornicato, virginis habitu depicta Antuerpia summam animi præ se ferebat tranquillitatem: astantibus duobus vtrinque Cupidinibus, qui ciuitatis insignibus incumbentes, similes erant quietè dormientibus. In latere transitus, qui ad pedes XII. se protendebat, Nauigatio à dextra, à læua spectabatur Agricultura rustici effigie iugatis bobus tutò arantis. Quæ carmine alteri frontispicio inscripto sic explicabantur:

Erigis Ernesto cur celsam, Antuerpia, molem?

Quòd spe sic animos erigat ille meos.

Illius auspicijs pulso quod Marte, reuifet

Tecta quies, portum nauita, taurus agrum.

In eâdem fronte posteriori super coronice duo virilis staturæ aligeri, Archiducis gentilitia stemmata tenebant. A dextra ibidem lauro redimita Ducatus Brabantie insignia noscebantur, ciuitatis Antuerpiæ à læua stabant in rosaceo, vt solent, ferto. In dextro stereobate, muliebris imaguncula super cornu Amalthææ duas se inuicem aspicientes gestabat ciconias; sumptum ex antiquis numismatis emblemata, Pietatem vtriusque Philippi significans. In sinistro iacebat super aram spiris suis inuolutus, erecto tamen capite serpens, ex quo constabat, quòd esset ara salutis publicæ quæ in vtroque Philippo est posita.

PEGMA-





ADVERSA FRONS ARCUS AD FORVM LINARIVM.

DESCRIPTIO PVBLICAE GRATVLATIONIS.
 PEGMATIS IN PONTE D. IOANNIS
 DESCRIPTIO.

NON valdè multis ab hoc arcu passibus, in ponte quem D. Ioannis vocant, per-
 elegans pegma conspectum fuit, latum pedibus triginta, altum quadraginta.
 Hermæ pedum quindecim proceri, Deum nymphamque marinam referebant,
 ornati pisciculis, cancris, pectunculis, conchis striatis & echinatis, turbinibus,
 conchiliis, vmbilicis, arundine, alga, iuncis, aliisque æquoreæ pompæ deliciis. Iidem zo-
 phorum trium pedum sustinebant, in cuius medio fastigium assurgebat, in quo marini
 vtriusque sexus semiferi Dij in circulo quato hoc tristichon exhibebant:

*Ernestus Scaldi, Nereides, arcta lenari
 Vincula iubet, refluxoque vadum sulcare meatu
 Rursus, & aquoreis iterum colludere nymphis.*

Hic autem dramatis erat sensus. Scaldis fluvius Antuerpiam præterfluens, per incum-
 bentem capacissimæ vrnæ nudo corpore virum, glauco velo parcius cinctum, exprimeba-
 tur. Is propter sublatum vel potius clausum hoc diuturno bello commercium, catenis vin-
 ctus fingebatur, quas eius Celsitudine coram pegmate veniente, cum magna alacritate, &
 immensæ multitudinis acclamatione sex nymphae marinæ dissoluebant. Doris scilicet, Ga-
 lathea, Panopœa, Nisæa, Anymone & Nais, puellæ lepidissimæ, & sericis indumentis alio-
 que mundo muliebri cultissimæ. Solutis catenis quas nymphae præ gaudio subsilientes ma-
 nibus tractabant, & concutiebant, copiosam aquam magno cum impetu ex vrna sua Scal-
 dis effundebat, ceu reſeratis, vt omnes confidimus, Archiducis Ernesti fortitudine & pru-
 dentia fluvij faucibus, & navigatione restituta, qua hæc ciuitas olim floruit, & in celeberrim-
 um excrevit emporium. Decem tubicines classarij ingenti clangore hunc actum cele-
 brabant. Duo præterea in utroque pegmatis angulo nudi Tritones virili supernè forma,
 pinnis infra vmbilicum adglutinati, reliquum corpus sub proscenio abscondebant, & ve-
 lut Scaldis ministri aut præcones æneis cornibus intus occultatis horrendo strepitu con-
 chas inflabant.

SCHEMA





DESCRIPTIO PVBLICAE GRATVLATIONIS.
SCHEMA NAVIS VELIFICANTIS.

ACCEDEBAT ad dramatis perfectionem spectaculum nauis velificantis, quæ ad onerariæ similitudinem omnibus armamentis & ornamentis instructa, à primo aquæ ex Scaldis vrna fluxu, cursum cum magna facilitate perfecit. Nec erat quem non magnopere oblectaret mira duodecim nautarum cum suo nauarcho, habitu thalassico, & causia ferruginea cultorum agilitas. Eorum enim alij per foros cursitabant, malum ascendebant, alij reliquis classicis muneribus ex arte nautica peritè fungebantur. Altitudo nauigij cum malo & aplustribus triginta tres pedes efficiebat, latitudo à pro-
ra ad puppim vsque in pedes viginti distendebatur. Tabulis etiam vtriusque lateris sic erat inscriptum:

*Ernesti Ducis imperio, qui cœllere fulget
Aesonio, non Cyaneæ Symplegada ponti,
Non hostes horremus, auct gens omnis in altum
Vela dare, & solitas innisere puppibus oras.*

SCHEMA





SCHEMA BELLVÆ MARINÆ.



Ne deerat ficto in terris mari æquoreum numen; nam eodem in litore. (sic foro aut viæ nomen est) inmani septendecim pedum altitudine, viginti & octo longitudine, cetacei generis belluæ insidebat nudus Oceanus, cum glauco amictu circum femora negligenter reiecto, qui magno molimine tridentem argenteum hac illac protendens, ceu maris imperium periucundè exercebat. Bellua autem per suos pheteres aquam copiosam eiacularatur. Duo præterea Dij marini illam procedentem comitabantur, quorum alter, Phorcus nimirum, super Delphine Castoris gestabat & Pollucis effigiem, cum singulis supra caput stellis, ut eos è nummis antiquis depinximus: cum his verbis ibidem ex Propertio ascriptis, breui quidem sed illustri elogio:

Vince mari, nam terra tua est.

Magnorum certè Principum est, efficere, auctore Thucydide, nequa gens alia illis classe præpolleat; sin minùs, ut quæque munitissima & firmissima est, ita eam amicam habere: tantique momenti maritimum est imperium, ut ex militiæ navalis usu, facilius sit terrestribus, & relictis continente, maris custodiam diserta oratione apud eundem Historicum suadeat Pericles.


Palaemon verò Deorum alter, pro emblemate ferebat globum geometricum super naua-
li gubernaculo, cum his verbis oraculi vice cum præcedenti inscriptione consonantibus:

CONSILIO THEMISTOCLEO.

Nota sunt τῶν ἐβόλων ex Apollinis oraculo, quod Themistocles intellexit, prudentissimus Imperator, cui cura fuit ad bellum antiquissima, navalis apparatus, ut rerum in Græcia potiretur: Siquidem ad summam Remp. pertinet (ita legit Cuiacius) nauium exercitio, l. i. §. licet. ff. de exercitor. actio: idque tam præsidij, quàm ornandi imperij causâ, ut pro Flacco Cicero.

SCHEMA





SCHEMA PORTICVS TEMPORARIÆ
FVGGERORVM.

PECTACVLIS hisce martinis præteritis, seu ludis Neptuniis, quibus Archidux oculos vehementer pascebat, ventum est ad porticum temporariam, quæ duplici serie ab officina Monetaria, v[er]q[ue] ad D. Michaëlis abbatiam pertingebat, ipsumque Principem in palatium deducebat, in pedum mille protensa longitudinem. Pilæ siue columnæ arte pictoria effictæ, cum Hermulis numero centum & quinquaginta duæ, ex utroque latere sic erant dispositæ, vt singulis Hermulis singulæ pilæ, relicto duodecim pedum intercolumniis spatio, alternatim succederent: altitudo pilarum cum stylobatibus, epistyliis, zophoris & coronicibus pedibus quindecim eminebat, stemmatibus ex opere topiario hederaceis ab intercolumniis arcuatim dependentibus. Introitus fastigium cum aquila Cæsarea & diademate, ad triginta quinque pedes assurgebat. Porticus latitudo pedibus viginti terminabatur. Zophorus hoc scripto auctores indicabat, & in publica gratulatione priuatam Fuggerorum liberalitatem:

ERNESTO AVSTRIO, PRINCIPI VIRTUTE ET ARMIS INCLYTO,
SVSCEPTVM GERMANIÆ INF. IMPERIVM, ET ADVENTVM
GRATVLANTES, MARCVS, IOANNES, ET IACOBVS FVGGERI
FRATRES, BARONES IN KIRCHPERG, ET VVEISSENHORN,
PORTICVM TEMPORARIAM EXSTRVI CVRARVNT.

Ab aquilæ dextra, Augustæ Vindelicorum insignia erant posita, à sinistra familiæ Fuggerorum. Alternis autem pilis & Hermulis, in tabulis ad scuti formam excisis, Principum Austriorum superstitum effigies, cum symbolis eorum & stemmatibus gentilitiis pingebantur: alternæ pilæ funalia affixa serie continua sustentabant, donec ad duodecim Cæsares peruentum est, qui impensis eorundem basibus impositi, pedibus septendecim sublimes consistebant, & quatuor optimorum Cæsarum Rom. totidem Græcorum, ac Germanorum augustum collegium hoc ordine exhibebant:

XII. CÆ.





PORTICVS FVGGERORVM.

XII. CÆSARVM DESIGNATIO.

C. OCTAVIANVS CÆSAR AVG. PATER PATRIÆ.

In basi verò sub eius effigie emblematis loco depictus Cæsar, templum Iani occludebat, cum hoc scripto:

IANVM QVIRINI CLAVSIT.

Sequebatur Titus Vespasianus, amor & delitiæ generis humani, pro cuius emblemate in basi depicto, ipse & pater quadrigis inuecti triumphabant de

IVDEA SVBACTA.

Tertius, Nerua Traianus Cæsar Germanicus, pro emblemate Cæsar Germaniam genu nixam dextra porrecta eleuabat, cum hoc elogio:

GERMANIA MANSVETVDINE IMPERIO ADIECTA.

Quartus, Imperator Antoninus Pius Aug. Cuius symbolum Cæsar erat sella curuli sedens, ius dicturus, coram astantibus viris Senatoriis, causam aliquam disceptantibus; cum hoc scripto:

IVSTITIÆ CVLTORI.

Primus autem Græcorum Imperatorum erat

IMP. CAES. CONSTANTINVS MAXIMVS FVNDATOR PACIS.

cum hoc emblemate, ex quo liquet quodd

IDOLORVM TEMPLA CLAVSIT.

Alter erat Theodosius Cæsar, Pius, Victor. Cum imagine in basi D. Ambrosij, Cæsari in genua procumbenti manum imponentis, per quem

DEO ET ECCLESIE RECONCILIATVR.

Sequebatur Fl. Iustinianus Cæsar Aug. In cuius basi Cæsar in regio sedens folio, gemina legum volumina ad pedes habebat,

LEGIBVS RESTITVTIS.

Quartus Græcorum, Imp. Rom. Heraclius Victor, fidelis & pius in Christo. Emblema habebat ex aduerso magni sui ænei numismatis, vbi currui insidet Imperator:

CRVCE DOMINI RECEPTA.

Sequebantur quatuor Germanorum Cæsarum lumina:

IMP. CAROLVS V. AVG. PIVS, FELIX, VICTOR, TRIVMPHATOR.

cum emblemate Religionis inter trophæa spoliorum barbarorum, & verbis ascriptis:

CHRISTIANÆ RELIGIONIS VINDICI.

Post hunc Ferdinandus Cæsar Aug. piiss. opt. Max. eius symbolum Victoria erat globo insistens Geometrico, cum naus gubernaculo, & hoc elogio:

ORBE RESTITVTO.

Tertius erat, Maxæmylianus II. Imp. Aug. virtute fortissimus, pietate clementiss. In cuius basi pro symbolo sedebat Clementia cum Ciconia ante pedes, & his notis:

CLEMENTIÆ, ET PIETATI CÆSARIS ETERNÆ.


Vltimum locum obtinebat Cæsar Rudolphus II. Aug. opt. fortiss. felicissimus. Cuius emblema trophæum erat, religatis ad palum captiuis Turcis, ascriptoque elogio:

TVRCA DELETO, PANNON. LIBERAT.

Faxit Deus Opt. Max. vt eius auspiciis & consiliis felicissimis victoriæ termini hic non consistant, sed propagatis in Græciam finibus, ab hostis immanissimi terribimo dominatu Christianus orbis liberetur, ac restitutum Orientis Imperiū Romano iterum coniungatur.

TROPHÆA,

XII. CAESARES.



T R O P H Æ A.



LAVDEBANT porticum, totamque viam triumphalem è spoliis terrestribus & maritimis bina trophæa, cœu conficiendi belli præfagia, quæ ad triginta sex pedes erigebantur, in triginta pedum latitudinem extensa; cuius Zophorus insignia Archiducis super coronice sustinebat, talemque inscriptionem legendam proponebat:

*Aspice, magne Ducum, terrarū, marisque trophæa
Factis digna tuis, ad quam te Belgica palmam
Fata vocant & vota, Deus tua cœpta secundet.*

Interea





ASPICE MAGNE DVCVM
&c.



TROPHAEA.

M

INTEREA dum hæc passim in vrbe peraguntur, in Principis Aula ciuitatis Ammannus siue causarum ciuiliu prætor Ioannes D'amant equestribus à Rege ornamentis donatus, & Magistratus Archiducem exspectabant, quem vbi honorifice consalutassent, Philippus Ayala ciuitatis Orator seu Pensionarius sic dicere aggressus est, ei que totius Reip. nomine aduentum gratulari.

Ad primam aduentus Celsitudinis tuæ serenissimæ famam, S. P. Q. A. existimauit D. O. M. imprimis immortales agendas esse gratias, D. Philippi Regis ac Principis nostri clementissimi prudens consilium laudibus ex. tollendum, toti verò Belgio quàm maximè exultandum, quòd te potissimùm tantum Principem, tam præclaris animi ac fortunæ dotibus ornatissimum, publicæ salutis gubernaculis admotum, ac nos tuæ curæ commendatos intelligeret. Verum quum hæ congratulationis ac gaudij causæ minimè videantur tibi communes, qui propriis rebus commodis que postpositis, quin etiam omiſsa Principum fratrum suauissima consuetudine, tantam molem, tot difficultates subire dignatus es; in communi omnium gratulatione, & ex tuo aduentu percepta lætitia, immensas Sereniss. Celsitudini tuæ per me gratias agere Senatui visum est; quòd tantum illa oneris boni publici causa suscipere voluerit, nec ab optimo Principe in laboris consortium assumi recusauerit. Non enim te propria quædam cupiditas, sed vtilitas aliena, nec prosper ac lætus Inf. Germaniæ status te huc euocauit, sed ad sananda infelicitis Belgij vulnera commiseratione per motus accessisti. Non ergo quemquam ætas, non sexus retardauit, quo minus animum oculos que recrearet exoptatissimo huius diei spectaculo. Hinc illa multitudinis propè infinite, paruulorum, iuuenum, senum que concursatio, hinc illa tam virginum, quàm matronarum, videndi tui causa vbique frequentia. Vidimus oppletas vndique vias, tecta repleta ac suo ferè pondere laborantia conspeximus. Vidisti ipse ciuium, ac populi vniuersi par vbique studium & contentionem; Hos armis decoros, strenuos, alacres, illos theatris, pegmatis & arcibus vidisti obsequium, fidem, obseruantiam tibi declarare. Exigua quidem illa, nisi & à tua benignitate, & ab animo nostro pondus accipiant. Rogat igitur obnixè orat que Senatus, vt hæc qualiacunque grati animi indicia, Serenissima tua Celsitudo boni consulat, hanc urbem, ciues que omnes beneuolentia complectatur, & in animum inducat suum, hæc arma pro Catholica religione defendenda, pro fide & obsequio Regi debito, pro tua salute quoque comparata: omnes verò ciues sanguinem profundere, vitam que deuouere pro incolumitate & patriæ concordia lubentissimis animis paratos esse, hanc denique nostram congratulationem tantum abesse ab adulatione, quantum illa abest à necessitate.

Hæc Pensionarius, ab honorario, vel annua pensione, que tanquam ordinario, perpetuoque magistratus assessori illi soluitur, iuxta Romanam analogiam ita dictus.

Ad quæ in hanc sententiam ab Archiduce responsum est:

Pergrata sibi esse ciuitatis Antuerpiæ in se studia & officia, nec Principi immemori exhibita fuisse. Regi placuisse eum Belgij rebus administrandis præficere, eandem prouinciam à se susceptam esse, non quòd ignoraret quibus illa tempestatibus iactatur & affligitur, sed quòd diuino fretus auxilio ad eas sedandas huc se contulisset. Quibus miseriis vt finis imponatur, operam se omnem clementer daturum, ciues que Antuerpiæ, ipsum que magistratum se semper benignè commendatos habiturum.

IGNES

Hoc apparatu viam triumphalem emenso Archiduce, & palatium suum ingres-
so, ciuitas vniuersa ad ignes triumphales exstruendos accingitur. Qua etiam in
re admirabile pop. Antuerpiensis studium enituit. Nam præter impensas in vasa
picata & funalia à Rep. factas, tam ingentes in foro à sex vrbs collegiis, à nationi-
bus apud arcus triumphales, & in omnibus passim viis, vicis & regionibus, ab optimatibus,
aliisque ciuibus ignium strues erant erectæ, vt omnia vrbs tecta conflagrare viderentur;
quum tamen in tanta flammaram congerie nihil planè incommodi ciuitas acceperit, nam
periculo incendij Senatusconsulto prospectum erat, aquis publicè & priuatim in vasa dis-
positis, ad noxios ignes, si qui sortè euagarentur, restinguendos. Fuit hoc etiam à plerisque
obseruatum, qui omnia prospera & felicia ex hoc aduentu omina captabant, quod in tanta
populi tam varij frequentia, in angustiis viarum, in pegmatum ascensu vel descensu, nemo
obtritus, nemo lapsus, nemo vsquam læsus fuerit; quod in similibus spectaculis rarum est,
quia sæpissimè luctus pro ludis, dies pro festis funesti redduntur, & ex celebritate calami-
tas oritur.

Postridie sunt ignes denuò instaurati, pari ciuitatis applausu & lætitia, nec minorum spe-
ctatorum quàm pridie frequentia, nec inamœniori tubicinum, tibicinum, cornicinum,
buccinatorum & liticinum concentu, totam ferè noctem insomnem traducentium.

M 2

Sequenti





IGNES TRIVMPHALES.



SEQUENTI die decimo sexto Kal. Iulias eius Celsitudinem Classiarj oblectarunt, ludicro admodum & nauali spectaculo. Nam classe subducta ad eam fluuij oram, qua muros ad D. Michaëlis præterlabitur, in Principis conspectu naualia prælia hoc modo exhibebant: Ex delectis Classiariis natandi peritis, duo se mutuo ad certamen prouocabant, qui scapha conscensa in extrema puppi stabant. Hastam vterque manu tenebat, qua alter alterum cymbis aduerso remigio collisistando impetu excipiebat, vt vel alteri cedendum esset, & prolapsus enatandum, aut vtrisque simul cadentibus certamen iterandum. Victores tubicinum præconio declarati, victi omnium risu excepti, eoque maiores plausus sublatis, quo frequentiores aduersarij concurrebant. Præcipuam stantes in ripa spectatores ex deturbatorum ridiculo gestu capiebant voluptatem, vt ea de causa non solum deiecti, verum plerique etiam victores in vndas se ipsi præcipientes darent, qui membris aqua refrigeratis, ad pugnam velut integri redibant, dum prælia nocte dirimerentur. Fuit & aliud ab iisdem Classiariis certamen exhibitum, non minus ludicrum nec iniucundum. E duobus nauigijs in anchoras fixis transuersus funis & ex eo anser suspenditur, ab aliquo eorum detrahendus, qui singuli in scaphæ puppi constituti velocissimo remigio aduehebantur, vt nimio impetu delati vel errarent, vel auem prebensam non satis stringerent, & in aquas excuterentur, dum aliquis collo asereno disrupto, & aue detracta victor euaserit.

Decimus tertius Kalendarum dies binis spectaculis fuit solemnis: nam annuam Dominicæ Circumcisionis pompam, ante annos fere quingentos institutam, quæ more maiorum die Sanctissimæ Trinitatis, Nonis Iunij per urbem ducta fuerat, Senatus iterum decreuit exhibendam, tum vt hominum multitudinem, quæ cum Archiduce illuc confluxerat, hac anniuersaria celebritate reficeret, tum quod Principi omni honoris genere dignissimo, quodcunque officij & publicæ beneuolentiæ testimonium, haud ingratum fore putaret. Facta est igitur cum summa diligentia solito auctior pompa, spectaculis illis eidem accedentibus, quæ in optatissimo in urbem ingressu, in publicis pegmatis recenter conspexerat. Nec displicuisse hoc genus officij, præsentia sua comprobauit: è domo enim Senatoria hilari vultu ferculorum & ludorum incessum, & Collegiorum armatos ordines, cum clero & magistratu subsequenibus spectauit, dum ad vnum omnes præterissent.

His verò spectaculis hastæ ludi successerunt, ceu in quandam festiuitatis & oblectamenti à ciuibus dati compensationem. Germani & Itali quidam nobiles, prope Pontem marinum commodo loco hos ludos ediderunt. Quintanam vulgò hoc ludi genus vocant, quæ palaria antiquis erant, quia ad palum exercebantur milites. Pali in terram figebantur, vt nutare non possent, sex pedibus ad viri staturam eminentes, eum palum cominus sudibus, eminus missilibus feriebant, teste Vegetio, & eius commentatore doctissimo Godescalco Stewechio, varios ibidem auctores citante, qui huius prolusionis militaris meminerunt. Ceterum palum etiam fuisse imaginem ligneam terra fixam, quam vel ense, vel hasta petebant, & cum qua certatim tanquam cum hoste congredierentur, Volaterannus memoriæ prodidit, hanc ego pedestrem exercitationem & ὀπλομαχίαν ad equites tandem transiisse existimo. Cum quodam igitur simulacro versatili, & armis induto, lusorijs hastis equites concurrebant, illique palma cum plausu dabatur, qui cursu equi velocissimè concitati, ictu rectius destinato imaginem figeret, & frequentiores lanceas frangeret.

Sexto porro Kal. Iulias interfuit Princeps festiue actiunculæ, quam patres Societatis Iesu bonarum literarum professores per discipulos suos ediderunt. Argumentum erat Belgij status, olim quidem florentissimus, sed in cuiusvis generis luxum effusus incolis, hinc autem in cultus diuini negligentiam, inde in seditionem & hæresim prolapsis, perturbatissimus & miserrimus. Sed Belgica sanæ iam menti restituta, & Ecclesiæ reconciliata, rerum suarum in aduentu Archiducis spem omnem collocabat, eiusque auxilium implorabat, vt confecto tandem bello, pristini status prosperitatem, splendoremque reciperet.

LVDI EQVESTRES APPARATISSIMI.

IN TANTA ergò per totam ciuitatem studiorum in Archiduce colendo, & voluntatum consensione, statuit & ipse ludorum apparatu non nihil laxamenti à laboribus sibi dare, per opportunitatem ratus è nobilium quarundam feminarum sermunculis, quos de sua Celsitudine serebant, offerri occasione. Nam cum inter egregias virtutes, quæ in hoc Principe plurimæ sunt, vitæ seueræ, continentis & sobriæ semper amauit honestatem, eandem cum nouo hoc Belgico Imperio continuandam sibi proposuit, vt aptior illo digniorque haberetur, quo suis ipse affectibus imperiosior esset. Nec minus illi curæ fuit domesticam aulæ suæ disciplinā, ad sui exemplum & formam componere, neque solum putauit magnificum esse, immunem ab omni vitiorum contagio seipsum præstare, nisi & omnes quos circa se haberet similes sui efficerentur. Quam quidem vitæ morumque rationem omnes sperabat imitatu-^{ros}, correcto prioris seculi malo, eoque obsequij peruenturos, vt quod à Principe probari viderent, in se transferrent vitæ genus. Nec malè respondit consilio euentus, permulti siquidem reuerentia honestatis, quam illi placere animadu-^{erent}, ad seueriorem disciplinam transferunt, quorum alij comitatum, alij cœnarum apparatus minuerunt, & si qua sunt alia quibus opum impendia, vitæque liberiùs agendæ institutum metiri solemus. Solis mulierculis quibusdam nobilibus, quæ Principum crebris salutationibus, epulis nocturnis, & saltationibus, ac eiusmodi blanditiis ex aula sublati, exiguam sui rationem haberi arbitrantur, res illa videbatur ad sui sexus dignitatem pertinere. Quemadmodum autem in vitijs excusandis ad proximæ virtutis simulacrum confugimus, & in virtutibus attenuandis, easdem in consilio vitiorum collocamus, sic multæ mulieres quantumuis honestissimæ, viros vxorios & mulierosos, ne dicam ^{γυναικομανείς}, tanquam liberaliter institutos, & aliis omnibus præferendos existimant: continentes & modestos, pro ignauis & inertibus, pro immanibus temperantes habent. Hinc illa moderatæ disciplinæ reprehensio, ac si cum morum suorum grauitate Dux temperamentum nesciret coniungere, & ab illa seueritate non nihil remittere, ab animi quoque contentione ad leuamentum, à labore ad quietem, ad ludos & conuiuia nonnunquam descendere. Hæc apud plerosque multorum sermonibus iam percubuerant, vt causa indicta ceu parum ^{φιλόζυγος} censendus videretur, nisi perlato ad aulam rumore, affixo palatii valuis programme, ius dici pro equestri, qua ceteris antecellit, dignitate postulasset. Programmatæ autem hæc erat sententia:

Eques quidam peregrinus vbicumque terrarum occasionem quærens, qua suæ virtutis specimen daret, in hanc percelebrem frequentemque nobilibus aulam tandem appulit. Qui cum se tacite coargui rescuerit, ac si non pari cum sui similibus cultu ac studio, mulieres genere formaque præstantes obseruare videretur, plerasque hoc etiam de illo suspicari: Hanc opinionem vt à se amoue-^{at}, in arenam prodire in. Kal. Iulias statuit, probaturus iniuriam sibi fieri, cursuque equestri & hasta certaturus, se tanta illas obseruantia, quanta vlli vsquam equites, colere, nec se in hoc officij genere cuiquam cedere, cuiuscunque fuerit nationis aut dignitatis.

Hac prouocatione sic diuulgata, instructus est ludorum in Ponte Marino exhibendorum sumptuosissimus apparatus.

Tres portæ ad ingressum in arenam eriguntur, media, lateralibus duobus pedibus altior, cum Cupidine orbis globum Herculeo more sustinente, ad pedes viginti sublimis attollitur, vno pede lateralibus protensior, quindecim pedum dimensione comprehenditur, tota arenæ latitudo quadraginta tribus pedibus, longitudo trecentis quinquaginta terminatur. Cupidini hemistichium tale ascribitur:

Non Atlante minor.

Vt

Vt in exitu arenæ simili portæ fastigio innititur cum leone ferocissimo decertans Cupido, ascriptis his verbis:

Doctus sufferre labores.

Postes portarum ex Hermulis Cupidineis similiter constabant omni florum genere exornatis, fornices ex sertis & stemmatibus lemniscatis. Ex quatuor sepimentis duo arenam in medio concludebant, & stadia lateralia ab extremis repagulis distinguebant, quibus cursu confecto ad caput arenæ redibatur, nam exteriora sepimenta populum spectantem ab arena secludebant. Meta ducentis ab ingressu pedibus hoc modo distabat: Duo Cupidines sericum funiculum transuersum distendunt, de quo tres annuli deaurati, paulò plus viciæ pedis diametro, suspenduntur, qui effusis habenis currentibus equis cuspidè hastæ ab equitibus figendi, & ad ludices erant in lancea deferendi, vt præmia pro annuli cuiusq; sorte, propositisq; conditionibus cuique decernerent, non procul à meta in suggesto sessuri, & præmia ad manus ibidem habituri. Dicto autem certamini die, ob cœli intemperiem in posterum dilato, pridie Kal. Iulias ludi sunt editi, quibus nihil elegantius, si spectes argumentum, vidit Antuerpia; si magnificentiam, nihil sumptuosius. Consenso igitur agnohetæ pulpito, palam præmia proponi iubent, scyphos, pateras, aliâq; vasa & pocula argentea, celata, deaurata, coniectas in lineam margaritas, elenchos, cylindros, adamantes, carbunculos, aliasq; gemmas & lapillos auro inclusos, torques, armillas, in aures, stalgamia, monilia, & si qua sunt alia mundi muliebris in delitijs ornamenta. Erant athlohetæ siue arbitri delecti, Illustrissimi Generosissimiq; Petrus Ernestus Mansfeldiæ Comes, & Marchio Varembonus, Aurei Velleris Equites, & Ducis Sabaudia Serenissimi Legatus, Illustrissimi præterea Cénomannorum Ducis Orator. Quibus cum nobiles duo veredarij, quos tres sequebantur equites personati tanquam è longinqua regione venientes, conditiones prouocatorias scripto tradiderunt; tota equitum personatorum pompa cum suo pediatu in arenam descendit. Princeps Ernestus cum agminis ductor omnes habiturus antagonistas, ex habitu regali & suo comitatu bene noscebatur, & à tympanis ancis illi præcedentibus, Germanico more à tympanista equite non in scitè percussis. Præcedebant similiter octo tubicines, & sex à pedibus ministri personati, vestibus sericis omnes adornati, & ex suæ Celsitudinis recepto colorum symbolo candidati, rufati, flauoque colore conspiciui. Principis galea ex rictu leonis erat deaurata, & pellis pantherina tota fuit aurea, qua eius equus insisteretur. Reliquus amictus, eiusq; quatuor asseclæ Illustrissimi & Generosissimi Petrus Henriques de Gusman Fontium Comes, ex regio Gothorum in Hispania stemmate oriundus, cum mandatis amplissimis in Belgium ablegatus, & Carolus S. R. I. Princeps Comesq; Arenbergius, torquatus aurei velleris Eques, Carolus Comes Egmondanus, cum D. de Fresin, eodem quo Princeps ornatu Romano ferè more exculti, cum personatorum à pedibus ministrorum ingenti multitudinem magnam maiestatem præ se ferebant. Sequebantur duo nobiles adolescentes equites, lanceas gestantes flexuoso volumine coloribus inductas, quibus Archidux certaturus erat. Tam prodiit in arenam manipulus Æthiopum festiuè personatus, ductu generosi Baronis Ioannis de Bernestein cum tribus S. Celsitudinis cubiculariis nobilibus, qui regio habitu & diademate Æthiopiarum Regem solio hexaphoro sedentem & gestatum, cum satellitio, & frequenti Æthiopum seruulorum numero in pompam produxerant. Ad cuius spectaculi iucunditatem accedebat admiratio, tam Æthiopum multitudine, erant enim nonaginta, plurimi natiua, reliqui inducta nigredine splendescentes, quàm exempli nouitate. Pueri Æthiopes numero septuaginta omnes nudis corporibus incedeabant ludibundi & saltantes, alij fistris, crotalis, tympanis, alij fistulis & clamoribus totam caueam strepitu implebant. Duæ etiam ex Pannonia adductæ cameli, quod genus animantis a plurimis annis Antuerpia non viderat, quinos singulè pueros Æthiopes dorso gestabant. Arabicas esse ex Aristotele & Plinio discimus; differunt enim à Bactrianis, singulis in medio dorso tuberibus, vno in pectore, cui incumbunt sessorem vel aliud

aliud onus admissuræ: Nam ita eas edoctas vidimus, vt agitatore virga leuiter crura tangente, in genua procumberent, rursus admonente in pedes surgerent. Tribus mulis dosuarijs pueri Æthiopes similiter gestabantur spicula & hastilia per ludum vibrantes, arcubus & pharetris à tergo dependentibus. Sex Æthiopissæ saltatrices crepitacula digitis percutientes patrio more circa suum Regem ad numeros saltabant. Reliqui porrò equites hoc ordine sequebantur, cursu equestri de præmiis certaturi, mira elegantia personati, ex Germanica nobilitate, Belgica, Hispanica & Italica. Prima post Æthiopes societas ingreditur Alberti Fuggeri cum alijs sex equitibus & duobus asseclis, tunicis Asiatico more demissis, ex candido & cæruleo coloribus ornata, & hastilibus peltisq̃ue Amazoniis armata. In eodem quoque grege cum plausu excipiebatur equestris regina vel herois personata tres equites captiuos in mediam pompam trahens, pedicis & catenis argenteis constrictos seruii etiam vnco similiter argenteo ceruicem inferentes. Sex deinde Belgicæ nobilitatis procures ab Illustribus Comitibus Florentij Balaymontij equitis Argonautico vellere decorati partibus stantes, per amœno pompam auxere spectaculo. Nam ex opere plumatili siue Brasiliano ornabantur vniuersi, toti que operiebantur, sumpto à Regibus noui orbis exemplo, qui plumarum vestibus intextarum varietatem, artificio vix nostris phrygionibus imitabili, in magno pretio habent. Hos duo equites venusti sequebantur, amictu toti candido, & plumeis fasciculis densissimis & altissimis præ ceteris eminentes, ac speculis in vmbonibus clypeorum latè radiantibus. Ab hisce venustatibus non absuit Cupido, qui & ipse eques suo more personatus fidibus canebat, suaque potentia & oblectamento duas nymphas equestres in pompam attrahebat splendido reginarum habitu excultas. Venit & sodalitas D. Iacobi de Pimentel sex equitum Hispanorum cum duobus asseclis tunicis amicta nigris heteromallis, limbis ex argento confectis prætextatis. Quinque post illos incedebant equites à ceteris habitu, ex viridi, albo cæruleoque coloribus egregiè distincti, qui cœtus Marchionis Badensis erat. Nec erat illepidus piscatorum equestrium personatus quaternio, ex Germanicarum legionum legatis, pisciculos hamo capientium similibus; nec inanis captura spectatricibus puellis, quibus illi obijciebantur: nam exenteratis iisdem pisciculis chirothecas vnguētis delibutas eximebant, vel tale quid munusculi ex illecebris amatorijs. Claudebat totum agmen in arenam descendendum eques magnifico laruatus apparatus, qui sua solitudine pulloque colore frondi aride simili, quo totus amictus & ornatus constabat, subtristis videbatur, Venere fortassis non satis propitia. Sumptum erat argumentum è Ludouico Ariosto, amoris in virgine Bradamanta ludibrium, veste virili sexum ementita, festiuissimè describente. Aderant & ad scenæ iocique supplementum equestres Sanniones, ex comicis Italorum vel potius Atellanis delicijs parafiti, quorum actio perridicula plausum vulgo concitabat. Semel igitur atque iterum pompâ vniuersâ per arenam circumductâ, ad cursum equestrem quisque separat. Tererat vnique in hoc stadio decurrendum, toties Principi præcurrendum. Tum signo per eius tubicines dato, Archidux prouocator certamen aggreditur, ac equo incitato effusissimo freno, annulum primo cursu tetigit, altero vero hastâ transfixit, victorque omnium applausu euasit, & repetito sæpius cursu neminem ex omnibus antagonistis parem habuit: Nam plura solus præmia vicit, quàm reliqui omnes. Si tam frequenti vno die victoriâ Græcorum aliquis potius fuisset, apud quos viciisse in Olympico certamine propè maius erat & gloriosius, quàm Romæ triumphasse, quibus illud celebrasset gens illa præconiis? At sibi satisfactum Ernestus Princeps existimauit, quod victor suffragijs arbitrorum declaratus, & populi plaudentis hilaritate, sexum eundem testem habuit, & spectatorem virtutis suæ & magnanimitatis, cuius gratia certamen suscepit. Præmijs ergo inter illustres nobilesque mulieres distributis, ad epulum quod erat in domo Senatoria apparatissimum, sub noctem itum est. Mensæ ibidem erant opiparæ & splendide iussu sumptusque suæ Celsitudinis dapibus exquisitissimis instructæ. Conuiuiarum numerus cum aulica familia ad quadringentos accedebat. Multa ibi epulantium colloquia, sermones de Principis dignitate plurimi, qui illustrium feminarum, omniumque assensu non solum absolutus à suspitione, sed etiam adeptus est, vt reuera merebatur, eam

sui existimationem, quòd grauitatem Principe dignam morum sciret condire suauitate, & imperij animique labores facilitate & remissione temperare, & post res serias nonnihil ludis dare: quodque illa naturæ sensuumque blandimenta non more Stoicorum omnino respiceret, sed vt in odoribus vnguentorum moderatiores commendantur, nec placet gustui nimia dulcitus; sic ille in rerum iucundarum varietate, aliqua quidem voluptate frueretur, sed minùs affectato & rariori condimento. Ab hoc igitur otio honesto, & laborum temperamento, postero die curis omnibus & cogitationibus ad Remp. reuocatis, de qua tamen vel in medijs ludis sollicitus esse non desijt, ad militaris ærarij vires confirmandas, per negociatores operam dedit, vt stipendiorum solutione tumultum militum quorundam comprimeret. Inde Bruxellam Idibus Iulijs nauigio profectus, summa rerum feliciter gerendarum expectatione omnium animos mirifice erexit: Quibus vterius describendis operam meam libenter addicerem, nisi me ingenij mei tenuitas, & argumenti amplitudo deterrent, ne quid de illius dignitate imminuerem. Iustum enim metum vel disertis scriptoribus incutiant ea, quæ spem omnem amplificandi sua magnitudine & splendore sustulerunt.

Sub digressum Archiducis in mandatis recepit Antuerpiæ Senatus, omnium symbolorum, inscriptionum, & emblematum, in arcubus, pegmatis, aliisque spectaculis exhibitorum descriptionem. Quæ vt in manus suæ Celsitudinis accuratè & exquisitè facta perueniret, vniuersus apparatus in magnum volumen depictus redigitur, seruata mensuræ diligenter symmetriâ, & colorum venustate. vt picturam intuentes nihil inuenirent archetypo dissimile, nisi aurum & argentum ex arte inductum. Singulas imagines singulæ paginæ explicabant, tam scitâ manu scriptæ, vt ab opera typographica difficulter discerneres. Libri latitudo siue chartæ, quam Imperialem vocant, duobus pedibus constabat, altitudo duobus cum triente. Inuolucrum holosericum erat acutè pictum eleganter, & auro perquam splendide elaboratum, cum insignibus Archiducis sero laureo inclusis in fronte anteriori, ciuitatis Antuerpiæ in posteriori. Deauratis quin etiam libri crepidinibus pictor flosculos superinduxerat, ne operis vllus angulus elegantia vacaret. Hoc munus magistratus etiam verbis ornat, & ascripta hac oratiuncula:

SERENISSIMO PRINCIPI ERNESTO AVSTRIÆ ARCHIDVCI,
DVCI BVRGVNDIÆ, &c. COMITI HABSPVRGI, AVREI
VELLERIS EQVITI, BELGICIS PROVINCIIS A REGIA
MAIESTATE CATHOLICA PRÆFECTO

S. P. Q. A.

SALVTEM OPTAT ET FELICITATEM.

Si Antuerpiensis populi vota, studia, voluntates, Serenissime Princeps, quibus tuam Celsitudinem decimo octauo Calendas Iulias primùm vidit & excepit, describere quisquam vellet, & si vellet posset, non vnius vel ingentis voluminis magnitudine se oratio contineret. Neque pictor vel cælator artificio effingeret, aut opere perficeret pulcherrimum triumphum, quem in omnium oculis eo ipso die & pectoribus egisti, cum in vrbs ingressu tanto tui desiderio, tuarumque virtutum admiratione ciuium animos compleuisti, vt quisque maiorem gratulationis apparatus cogitando informaret, acclamando decerneret, nec vllò officij genere, pro tua amplitudine, votis suis satisfaceret. Etenim cum omnes intenti in te ora atque oculos conuertissent, in illam continuò cogitationem inciderunt, vt se coram intuituri iam tum arbitrarentur Reip. formam in melius commutatam, & antiquum Belgij statum, quem ex tuo aduentu optatissimo expectabant. Atque iis animi sensibus eò suauius blandiebatur futura felicitas, quò superiorum & præsentium temporum difficultas & tristitia illis propius & acerbius in memoriam incurrebat. Quantò autem illam spem, quam à primo suscepti imperij tui nuncio iamdudum conceperant, effectui te præsentem viciniorem

ciniorem collocabant, tantò cultus & honoris elegantia atque copia digniorem aestima-
 bant. Præstitit tamen quod potuit Respublica, & in ærarij sui angustijs, & attenuatis de-
 pressisq; priuatorum facultatibus, siqua ratio dignitatis aut splendoris fuit habita, se hoc
 vno testimonio fidem Regiæ Maiestati, deditum tuæ Celsitudini obsequium, vniuersæ ve-
 rò domui Austriacæ obseruantiam, probasse tibi existimat; ac iustissimi triumphi quod-
 dam specimen dedisse, qui pacatâ prouinciâ, integrisq; fortunis, quas nemo hoc bello cer-
 tas habet, pro diuino quo Remp. afficies beneficio, iam nunc destinatur ad gloriam tuæ
 Celsitudinis sempiternam. Quæ dum vtrinque fiunt, dum præclari tui conatus benè me-
 rendo progrediuntur, nobis autem curæ est, maximos tibi honores ad gratiam referendam
 architectari & fabricari, solennem illius dici, quo primùm hanc urbem ingressus es, appa-
 ratum, describendum & edendum Senatus idem censuit, ne pompæ triumphalis auspicata
 primordia, temporis futuri longinquitas oblitteret, neque vlla sit vnquam tam surda poste-
 ritas, quæ clamores nostros in aduentus tui applausu & lætitia excitatos non exaudiat. In-
 terea dum spectacula, triumphales illi arcus, ludi atque pegmata in æs inciduntur, &
 typis excuditur illorum descriptio, hoc opus manuscriptum & coloribus inductum,
 velut quoddam αὐτόγραφον præmittit Antuerpia, pari mentis affectu, quo ea,
 quæ hoc libro continentur, exhibuit; quæ tuæ Celsitudini eò
 magis placuisse, & honoris illa officia fuisse grata
 iudicabit, quò minus hoc munusculum
 qualecunque displicebit.

55
 9

F I N I S.





LVDI EQVESTI



APPARATISSIMI.



ABES hoc volumine, Lector beneuole, opuscula quedam nostra, varia, vt vides, materiae & disciplinae: eaque de causa equiori te animo & benigniori has operas subsocias, si minus probaturum, saltem aestimaturum lecturumque confidimus, & de censoria seueritate nonnihil remissurum. Quamuis enim negare nec possum nec velim, quin omnia tractari accuratius potuerint, & limari politius. In huiusmodi tamen descriptionis instituto, curisque personarum, quas rebus forensibus difficulter eripimus, si quisquam maiorem elegantiam desiderat aut perfectiorem, is videtur ignorare haec eodem consilio conscripta fuisse, quo fuerunt exhibitae. Nam decreuit Senatus, incisis in eas impensis Reip. apparatus imaginibus, non ad externos modo qui gratulationi non interferunt, sed etiam ad posteros memoriam transmittere, vt quam spectatores ceperunt voluptatem, eandem quoque lectores consequantur, & sicut horum votis semel iterumque videndo satisfactum est, ita illi euoluendo & semel haec legendo cupiditatem expleant. In rebus aestimandis non semper necessitas & utilitas spectatur, sed multa adornatum, quamuis citò vanaescentem, multa ad delicias momentaneas comparantur. Atque omnia improbare, quibus sensus humani pauculis horis oblectantur, & honestè detinentur, non est hominis nisi sensu communi carentis; qui eadem ratione in hoc publico apparatu desiderare potuisset, pro theatris & arcibus materiatis, lapideas vel marmoreas. Haec dico vel respondeo quibusdam delicati fastidij hominibus, qui de scriptis & laboribus alienis ita iudicant, vt nihil admittant, nisi ex eo genere, quod didactici quidam, vt verberetur inter manus, habeat; reliqua aspernantur, vel vt hortos Adonidis diebus paucis vernantes, huiusmodi scripta dicunt semel visa placuisse. Nihil amplius vel ab illis, vel à quoquam hic requirimus. Sed vt spectatores in magnifico apparatu, licet temporario, Reip. in colendis Principibus sese officium collaudarunt, ita nostram lectores in hoc opere subituario sive tumultuario, diligentiam, ad alios, qui melius hoc praestarent, tantummodo excitandos, beneuolam amplectantur. Ceterum quae de Belgij principatu praefiximus, proemij loco habere; ea enim mente Principes praefectosque provinciae recensimus, vt serie quam maxime possemus continui ad Ernesti Archiducis praefecturam veniremus. Quam quidem rem etsi arduam esse, & ocio liberi, laborum suppellectile instructiori, & diuturniori lectione indigere animaduertemus, aggressi tamen sumus non tam perficiendi spe, quam experiendi voluntate: Quam sua breuitate putamus, et minus tibi difficulturam, quò gratior legenti & utilior foret rerum Belgicarum accurata descriptio: vt quicquid apud omnes historicos & auctores de Belgis reperitur, per annales digestum ad manum haberemus, neque tantum sciremus, quis prius, vel medio, vel posteriori aeo (quod vnum nos attigimus) hos populos vnquam rexit; sed à gentis origine res belli togaeque, terra marique gestas, sacras & profanas, harum provinciarum & imperij incrementa, occasus, vicissitudines, motuum externorum & civilium causas, consilia, euentus, situm etiam regionis, & distinctos limites, nomina item populorum, portuum, fluminum, urbium, opidorum antiqua, mutata, & extincta vel deleta, scriptis cum delectu omnibus excussis, collatis, conciliatis, explosisque fabulis, nostrae quoque tempestatis facta memorabilia, historica fide conscripta legeremus. Hoc ab illis expectamus qui cum se totos in literis abdididerunt, in omnium numerum vacatione ab eiusmodi labore excusare se non possunt; qui, cum nos, quorum animus, industria, voluntas, aures & domus semper ex omnibus patent, in publicis priuatisque officiis implicati, consuetudine tenemur, illi suas vigilas & sollicitudines, quae alijs non deseruiunt, praesto sunt nemini, ad communem fructum adferant, & patriae ornamenta in aspectum eius, & in lucem proferant: Vel si à scribendo cessare se negant, ne scripta sua celent, quod esse intemperantis M. Varro dicebat: vel dum ea occultant, & in castigatione etatem omnem agunt, temporales aliorum commentationes, quae moram illam non ferunt, ea lege admittant, vt si qua obelisco notanda videbuntur, sit & locus asterisco. Reliqua enim non minus grata fore speramus, si quaedam non placebunt: Sed vt in re met. allica, tantum praestat qui purgat, quàm qui è terra egerit; ita purum putumque cum scoria proicere, non est hominis frugi. Itaque animaduerso cum discrimine aliquo, non cum stomacho fiat, vt sit videretur potius, quàm delectare, & cohortatio magis quàm contemptus, qui omnes à similibus conatibus deterreret. Plus in corrigendo beneuolentia quàm seueritas valet, plus charitas, quàm potestas vt est in Deo. *disimel. XLv.*

Sic correctae magis quàm condemnata vocabo,

Interea arbitrij subiturus pondera tanti,

Apponet docti quæ mihi lima viri.

Optabo vt placeam, sin minus, vt taceam.

Vt in eodem sensu cecinit Ausonius. Ceterorum verò Criticorum vulgus, morbo animi quodam non ratione iudicantium, censuramque, gerentium sine Musarum suffragio, earum adytis explodimus. Quoties enim illi ab omni disciplina, quam ἐγκλίον vocant, auersi & alieni, in sanctius hoc tribunal irrumpunt (ὃ δὲ ἀπὸ τῆς βραχέος πίπεται) & si qua non intelligunt, carpunt vel condemnant; ab eorum sententia, vt à non iudice lata, appellare non opus est. Imò verò impunitus ea, quorum sunt ignari, fastidiunt improbantque, quod vel laudari ab illis, argumentum sit artis minus absolute, ipsique improbantibus labeculam suis scriptis aspergi auctores putent, & illorum in numero penè malint esse, qui ab his vituperantur. Enimvero non me vt miretur turba laboro.

Vt est apud Lyricum, &

an crucier, quòd

Vellicet absentem Demetrius, an quod ineptus

Fannius Hermogenis lædat conuiua Tigelli?

Porro carmen Panegyricum, licet morte Archiducis ἑωδον videatur, suppressere nolumus, nec orationem funebrem, nostra erga Principem viuum defunctumque obseruantie monumenta.

Sed haec, candide lector, ad vacuam paginam explendam sufficiant; vt intelligas nihil aliud à nobis expectari, quàm vt conatus probes, eumque animi tui equitate exstimules ad maiora. Vale.

P A N E G Y R I C V S
 I N S E R E N I S S I M I P R I N C I P I S
 E R N E S T I, A V S T R I Æ A R C H I D V C I S,
 A V R E I V E L L E R I S E Q V I T I S, S V S C E P T O A R E G I A
 Maieſtate Catholica Belgicarum ditionum imperio, in eaſdem prouin-
 cias aduentum omnium votis exoptatum.



I A M noua mutatis orditur ſecula rebus
 Janus, & exactis redeuntem menſibus annum
 Auspicio meliore creat; iam clarior exit
 Phœbus, & aſtriferum ſplendentiꝝ occupat orbem:
 Latior & geminas inuertis Aquarius urnas,
 Quem ſupra volucres pandens Jouis armiger alas

*Menſe Ianuario
 Anni cſd. Is. xciv.
 Archidux Erneſtus
 prouinciam ingreſ-
 ſus eſt,*

Plaudit, in aduerſum defixolumine ſolem.
 Quid ſubiti cauſſa rear, ô Natura, ſereni?
 An poſitis belli ſignis ſua limina biſfrons
 Claudere numen auet, pacemque reducere mundo?
 An Latia venient aquila comitante ſecures
 Ruſſus, & annales Romano Conſule faſti
 Signabunt primas veteri de more Calendas?
 Muſa refer, plauiſusque noui da noſcere cauſſas:
 Vel tu Caſareo diuinum de ſanguine vati
 Hoc munus concede tuo, dum tangis habenas
 Imperij, & curis animum grauioribus aptas
 Intentus, ſternisq; viam quâ gloria ducet
 Te facis, Erneſte, tuis, dum laurea fronti
 Nectitur, aternique tibi conduntur honores.
 Nam variam ſe noſtra tibi prouincia laudis
 Dat ſegetem, tua lætitia præſentia nobis
 Materiem, te noſtra ſibi fiducia conſtat
 Obſide, quod magno regimen tradente Philippo
 Suſcipias: Hinc ille nitor præſagus, & æther
 Venturam fauſto prænunciat omine pacem,
 Laſa quod Auſtriaci ſumant exordia faſces.

Sed mihi virtutum præconia vera tuarum
 Tentanti, & primo laxanti carbaſa vento,
 Laus meritis, Dux magne, ſuis blanditur, at horror
 Equoris inſoliti, ſinuſq; æque vela morantur
 Attonitum: Ceu cum pelagi nouus hoſpes amœnis
 Conſcendit puppim Zephyris, dum murmura pontus
 Nulla ciet, placidæque ſilent ſtatione rudentes;
 Gaudet aquis, facilẽsque vias miratur, at altum
 Vt tenet, obdueto vanefcere litora cælo
 Proſpiciit, & fremitus undarum, neſcius aure

Æquorea,

*Æquorea, timet horrifonos, cursûsque marini
 Pœnitet, & seris inclamat numina votis:
 Sic tua me virtus inuitat, & erigit omnem
 Spes animum, gravitate sua sed terret eundem
 Austriacum decus, & ventura copia laudis
 Maior, & exiles suspendunt cæpta Camæna.
 Aggrediar tamen, & secura sequentibus Austris
 Vela dabo, fluctus te promittente secundos,
 Remigioque tua ferar imperterritus aura.*

*Maximus Austriaca diuûm de gente Philippus
 Gesserat ut magnos terræque marique labores,
 Post celebres quondam Gallorum clade triumphos,
 Attritasq; Ducis vario certamine vires
 Jsmarij, post imperium tot gentibus auctum,
 Firmatumque opibus, seu quâ contingit Eoos
 Seu Thetis occiduos terrarum circuit orbes,
 Post operum molestantorum, & bella per omnem
 Ætatem positis feliciter acta trophæis;
 Jam vitæ properare diem vergentibus annis
 In senium, & sacro maturos vertice canos
 Sensit, & à rebus mentem reuocauit agendis:
 Sidera sola placent, caloq; affinis origo,
 Hanc repetit, voluens animo caelestia tantum:
 Ut quæ gesta DEO fuit ADIVTORE potestas,
 Rursus ad auctorem delata feratur eundem;
 Huic fasces dicat imperij, sceptrumq; datori
 Reddit agens grates, Dominumq; amplexus inhaeret.
 Tum de legitimo ditionum herede suarum
 Sollicitus, nato regnum vitamq; Philippo
 Incolumem, titulisq; aptam regalibus orat.
 Hac spes una patris, votorum hæc summa, superstes
 Cernat ut à prima natum tractare iuuenta
 Imperium, tenerisq; vices & frena lacertis
 Admoueatur, populos olim domitura feroces.
 Sed nondum validis humeris, oneri que ferendo
 Principis imparibus, geminos de sanguine fratres
 Deligit augusto, & rerum committit habenas:
 Albertum (qui purpurei collega Senatus
 Rexerat aquoreas Hispani limitis oras,
 Quâ fluit & salsis aurum Tagus abluit undis)
 Dat nato comitem, tanta moderamina molis
 Ut subeant, studijsq; regant communibus ambo.
 Tum fractis animo Belgarum rebus eodem
 Consulit, & curam reparandis destinat omnem
 Ernesto, natumq; vocat, dehinc talia satur:
 Inclinare meam bisseña ad lustra senectam
 Nate vides, dum tu mundi spes altera surgis;
 Me tranquilla decent, & sedem fata quietam*

Affectare iubent, actisq; laboribus atas
 Imponit prouecta modum, te postulat orbis,
 Te populi, te sceptrum vocant, oriensq; cadensque
 Phœbus, & igniferi subdunt se legibus axes
 Me cedente tuis; primi sed flosculus aui
 Pondera ferre nequit, nec adhuc est viribus æquum
 Inualidis totam regnorum imponere molem.
 Sed tibi Casarea consanguinitate propinquos
 Albertum, Ernestumq; dabo, fastigia tecum
 Qui teneant, laterique tuo societur ut alter
 Quem Latius commendat apex, Romanæque velas
 Insula, fatidicas versantem cardine sortes.
 Ille vices curasque tuas censurus Achates
 Suscipiet, donec plenis robustior annis
 Ipse gubernaculo subeas, mundumq; magister
 Firmata ceruice feras, teque ille Philippi
 Hæredem & fidei cum nomine semper eundem
 Sentiat, & numero tantum differre secundo.
 At germanus opem Belgis feret alter, & armis,
 Aut graue perpetuo componet fœdere bellum.
 His velut Herculeis stabit librata columnis
 Machina, nec dubijs errabit signifer astris
 Circulus, Austriaca sub gente nec ordine verso
 Turbabit solitum nouitas securæ tenorem.
 Hæc non grata minus, quàm conuenientia regnis
 Consilia in tanto bellorum turbine cernis.
 Rectoremque suum tempestas Gallica poscit:
 Admonet & nostris vicina Britannia Belgis
 Quo sit opus ductore, viâ qui dirigat aquâ
 Vectorem auersum, & fluitantia frena resumat;
 Precipitesque metu nostrisq; coercet hostes
 Auspicijs, qui subiectos sperare salutem
 In scopulis iubeat medys, ventosque furorem
 Ponere, quo tumida sileant, veniente procella,
 Undarum & reliqui pulsus fluctusq; residant.
 Ut pacata tibi cedat Respublica, nulla
 Naufragium factura die: tua cæpta secundet
 Sic Deus, ut multos regnes feliciter annos.

Hæc genitor, qui dum calo se reddere differt,
 Omnia plena sui primum vult esse laboris
 Tempora, nec vacuâ molitur sceptrum senectâ.
 Securus non ante sui, quàm tramite recto
 Hæredis consistat iter post terga sequentis;
 Ne careant regni post vltima fata perito
 Successore vices: hinc artibus instruit illum
 Imperij, dum vita manet: quodque abstulit atas
 Roboris annorum numero, vel deficit illi,
 Germani solidis supplebunt viribus ambo.

Felix indicij Princeps, vestigia magna
 Indolis à prima cupiens formare iuuenta,
 Fratribus & natum sociis rerumque magistris
 Reddere consortem sibi maiestatis, ut eius
 Virtutes, ceu vere nouo, cum robore crescant!
 Nunc omnes auferte metus, deponite curas
 Pectora Christiadium, coniunctas cernite vires,
 Unanimésque Duces, aequali sorte labores
 Cernite diuisos, genitor grandaeuus ab ipso
 Vertice regnorum communi prospicit orbi,
 Omnibus & nutu partitur fata benigno,
 Sontibus infensus, bellis dat lata gerendis
 Auspicia, aut pacto iungendis fœdere dextris,
 Præmia pro meritis reddit, pro tempore leges
 Condit, & humanos inuitat ad optima sensus.
 Sic natum docet imperium, qui se quoque regno
 Preparat, exemplo dans mollia iussa paterno,
 Legatis responsa dare, & mandata vicissim
 Discit, & orantum consuecit vocibus aures.
 At populis præcepta dabunt, effectaque reddent
 Heroes gemini, mundi quacunque saluti
 Expedient, superique probant & uterque Phil
 Quattuor ergo virum sensu firmabimur uno
 Consilium, mens una suo ceu pondera centro
 Excipiet, varias at habebunt singula vires.
 Haud secus ac plures dum plura negocia dextra
 Conficiunt, tum feruet opus, studiumq; laboris
 Crescit, & in magnos rerum cumulaturn accruos.

His ita conceptis placuit sententia nato,
 Hanc probat, & dictis genitorem affatur amicis,
 Non, pater, arbitrio locus est imbellibus annis,
 Nam mandare tibi, mihi iussa capeffere fas est.
 Cedant cuncta tibi, solus tu congrua mundo
 Scire potes, nam quis longo prudentior usu,
 Quis melior, Regésque inter felicior omnes?
 Iudicio quis stare tuo, aut parere recuset?
 Amplector mandata lubens, an gratius vllum est
 Cuique magis rerum cupiam committere summam,
 Casarea quam stirpe genus, fratresque parentis
 Defunctæ? cuius vita quam dignior atas!
 (Heu lacrymis ignosce piis) quis carior illis
 Principibus, regniq; loco quis dignior illo est?
 Alberti perspecta fides, constantia, virtus,
 Quum Tarteſiacas a quo moderamine gentes
 Rexit, & aduersus pradonem tuta Britannum
 Litora seruauit, quem vertere terga coëgit,
 Et Rutupina salo deflectere vela remenso.
 Præclarus meritis at auunculus alter iisdem,

Factaque

Factaꝫ Pannonijs in finibus inchoa gessit
 Ductorem Odrysium contra, rabiẽmque tyranni
 Indomitam, fuditque suos & Numinis hostes.
 Hunc etiam votis, hunc Belgica postulat unum.
 Supplicibus, praterqꝫ, alios succedere magno
 Optat Alexandro, calo se gloria cuius
 Tollit, & insignes ostentat Roma triumphos.
 Quas vrbes captas bello, populique furores
 Audiui puer oppressos, narrantis ab ore
 Pendulus, & quoties, genitor, gratissima vidi
 Munera, victrices quas miserat ille coronas!
 Tum laurus mihi ludus erat, sed quanta recenter
 Agmina Sequanicas duxit bellator in oras!
 Magnam dira fames urbem, tristisque premebat
 Obsidio, nullamqꝫ moram iciunia plebis
 Imperiosa dabant, numero finita nec ullo
 Corpora crudelis leti genus hausit egestas:
 Cetera depastis macie gens ossa trahebat
 Visceribus, vix effectis harentia nervis,
 Venarum exangues turpi squalore meatus
 Arebant, omnisque genas & lumina succus
 Fugerat, horrendis formam referentia monstri.
 Jamque aderant extrema, cibus fit gramen, & herba
 In paucos alimenta dies, urbisque propinquat
 Excidium, nisi delectis cum millibus heros
 Longum iter emensus, mediõsque illatus in hostes,
 Gallica dispositis turbasset castra manipulis.
 Nec minor est simili post hac virtute redempto
 Gloria Rothomago, cum Sequana ponte parato
 Victorem excepit, tumidumque exercitus hostem
 Lussit, & incolumis patrias remeavit adoras.
 Rursus at in Gallos Farnesius arma capeffit
 Tertia, quum magnos producere longius actus
 Desiit, exuto caelestem corpore palam
 Dum capit, è medijs sublatum in aethera castris.
 Hic ego sidereos inter mortalia ciues
 Facta reor curare Ducem, votisque futuro
 Numina sollicitum de successore precari:
 Ne partum quodcunque suis virtutibus olim
 Accessit, contemnat atrox, aut vindicet hostis.
 Sic ait, & magni sequitur suffragia patris
 Tertius exemplar genitoris atque Philippus.
 Nec regina minus monitis Isabella paternis
 Obsequitur germana, sui prastantia sexus,
 Et diuos genitura, probat censetque tenendum
 Constituit quodcunque parens, animoque benigno
 Prosequitur geminos virgo ter maxima fratres.
 Quis nunc Oebalij sobolem iactare Tonantis

*Audeat, & nautis felicia sidera partus
 Laudet Amycleos? tales non Sparta gemellos
 Edidit, ornandis quales Germania regnis
 Obtulit, Hesperiaq; duces velut astra carina.
 Casarea sunt illa domus, sunt lumina gentis
 Austriaca, qua nil terris augustius ullis,
 Nil minus est splendoris egens. Non imputat illis
 Hunc fortuna gradum, quo per se dignus uterque est.
 Non fauor hunc populique dedit consensus honorem;
 Ulla repentino nec gratia reddere magnos
 Euentu potuit, nec calculus arbiter aura:
 Nascendo meruere decus, primoque sub ortu
 Felices, partumque domi sumpsere, quod ulli
 Non datur in tota per mille pericula vita.
 Est res magna suo prouectum munere cunctos
 Maxima mortales inter fastigia posse
 Scandere, sublimemque soli natalis honore,
 Fortuna propriis excedere culmina factis,
 Nec modo supremum sperare, at habere cacumen.
 Alterius nec laudis eget gens Austria, nulli
 Concedens animosa locum, gens siqua secundum,
 Nulla parem capiet meritis, nec origine stirpis.
 Ex hac gente virum plectro celebrabimus unum
 Austriaca, licet vnus amor debetur in omnes,
 Vnus honos: verum ut superi sunt laude colendi
 Assidua, & sacris venerandi in sedibus omnes,
 Dona tamen diuum solennia reddimus uni
 Interdum, votisque vnum placamus, & aram
 Cuique suam struimus, propriosque adolemus honores:
 Haud alia in laudes citharam ratione Camæna
 Ernesti sumpsere mea, presentia cuius
 Hoc monet, & stimulos subdunt, benefacta recentes
 Imperio sperata nouo, qui Belgica sumpsit
 Frena manu, trepidos inter suscepta tumultus,
 Non alio tractanda Duci, quam gentis alumno
 Austriaca; velut Herculeo de sanguine Regi,
 Non alio, sua sceptrum solent conferre Lacones.
 Sic Belgis, Erneste, praes, quo munere dignum
 Imperij, tantoque parem Deus ipse labori
 Censuit, arbitrio cuius paretis uterque;
 Rex legit ipse Ducem, tu suscipis ardua rerum,
 Non aptum magis ille potest huc mittere, nec tu
 Materiem magis insignis contingere palma.
 Rex quoque consilium, dum te legit, omine firmat,
 Lumine Pannonias animi dum respicit vrbes,
 Auspiciis & gesta tuis cum bella recenset.
 Sic nutu non ille suo te legit, at illud
 Iudicium virtutis erat; nam partibus orbis*

Omnibus excussis, omnes examine vincis,
 Atque Duces superas meritis, animoque legentis.
 Nec Regis modo consilium te Belgica fecit
 Sumere lora manu, ratio sed publica suavit,
 Et tua te pietas commouit, amorque, fidesque,
 Et belli momenta grauis, qui conscius esses
 Quanta forent, orbi pacatis commoda Belgis.
 Huc populi studium conceptaque vota fauentis
 Accedunt, omnes te delegere, fuitque
 Assensum, non te presente, sed ante probarunt
 Quam fieret; te cuncta palam suffragia vulgi
 Signarunt, oculis, & praeuenere legentis
 Arbitrium, tibi detulerant, quodcunque Philippus
 Oblulit, ille dedit, dandum quod vidimus omnes.
 Nam vexata modis cum Belgica nostra iaceret
 Indignis, iam fracta malis, & roboris expers,
 Exanimisque metu, circumuallantibus illam
 Hostibus, effugitque locum vix dantibus ullum;
 Omnibus afflictis, primoque minantibus ictu
 Interitum, vasti quasitum est orbis in omni
 Concilio, quis fata manus titubantia rector
 Susciperet, qui nutantem virtute ruinam
 Fulciat, extinguatque faces, & ciuibus vrbes
 Reddat, opesque suas dominis, agrosque colonis;
 Quo veniente caput, quo defendente resurgens
 Erigat, infestas metuat nec Belgica flammis:
 Omnes te populi, suffragia cuncta, tribusque,
 Centuriisque legunt, tantisque parentibus ortum
 Declarat sibi quisque Ducem, Regique propinquum,
 Expetit, & dandis maturos legibus annos,
 Civilisque rei studiis, usque, peritum
 Militia, moresque tuos curasque requirit.
 Hoc omnes tamen unanimi candore queruntur,
 Imperium non ante datum, tibi gloria tanto
 Ocyor, & nobis properassent, fata salutis.
 Jamque ad Casaream Regis decreta Viennam
 Perueniunt, missusque Duci legatus, & insti:
 Magne Ducum, fatis hic te poscentibus adsum,
 Hesperij mandata ferens gratissima Regis:
 Ille quiescendi nactus tranquilla senectae
 Tempora, secessumque, petens labentibus annis,
 Tradere surgenti statuit sua regna Philippo,
 Et curas dum vita manet, sed viribus impar
 Natus, & inualida necdum ceruice labori
 Sufficiens, opus auxilio, rerumque magistro
 Hanc molem subiturus habet, ne machina nutet,
 Et iuuenis sacros humeros sua pondera ladant.
 Ad qua cognatos delegit munera fratres,

Distinxitq; vices aquaratione, dedique
 Albertum nato Comitem, tibi Belgica cecidit,
 Quam tibi prima sui quondam ceu pignora sceptri
 Commendat, quâ nulla fuit ditionis auita
 Carior, aut meritis prouincia gratior ullis.
 Hanc, Erneste, foue, et blanda complectere mente.
 Dixerat, ille graui defixus lumina vultu
 Annuit, et paucis respondet talia dictis:
 Cognatus quacunque iubet me nulla videbit
 Detrectare dies, nec me subducere bello
 Difficili, quod ter decimus non terminat annus.
 Muneris oblatis felix sequar omen, et ibo
 Quod me fata vocant, armis pacare furores
 Experiar, seu pace feros lenire tumultus,
 Auspicij opibusq; tuis, cognate, virumq;
 Robore delecto: Nec me Germania bello
 Detineat turbata suo, tu maxime Caesar,
 Sufficis imperio solus, fratresque laborem
 Suscipient reliqui, gentisque potentia nostra
 Viribus immensum flectet communibus orbem.

Tum nutu placido, et multa grauitate seuerus
 Caesar ait: Diuum monitis auctore Philippo
 Ad magnas, germane, vices accede vocatus,
 Casarea securus opis, Regisque potentis
 Imperij, referatur iter virtutis virumque
 Jam tibi, sublati hosti concurrere signis,
 Victricesque referre aquilas, et Marte Quirinum.
 Bellator prestare potes, vel legibus uti
 Pacificis, facilesque Numâ tractare labores.
 Hoc magis Inferior votis Germania poscit
 Omnibus, et longo certamine fessa quietem
 Optat, et affini motu sine cade subacto,
 Rursus ad antiquum demissa mente reuerti
 Obsequium, nullisque fidem violare diebus.

Talibus Augustus: Tum sese accingit, iterque
 Apparat Ernestus, comites legit, atque ministros
 Instruit. Extemplo sublimibus opida linquit
 Mœnibus, Austriadumque lares: pars tristis euntem
 Prosequitur, nec tique moras in limine mallet,
 Et patriâ seruare virum, pars omine dextro
 Gaudet abire Ducem, factis maiora petentem
 Præmia, communisque sibi cum Principe laudes
 Iam numerat, reducésque fouet spes ampla triumphos.
 Obuius ante alios solitis haud turbidus undis
 Ister adest, et fronde caput redimitus adorât
 Ernestum, rapidósque iubet consistere fluctus,
 Donec in aduersam traiecto gurgite ripam
 Exposuit venientem, et mollibus intulit verbis.

Inde per aërias superatis rupibus Alpes
 Tendenti, nemorosa fuit submittere montes
 Rhetia visa suos, & sternere culmen in aquam
 Planitiem, facilesque Duci concedere gressus.
 Augetur numerus comitum, populique caterua
 In medias effusa vias, faustoque salut at
 Alite pergentem, primisque à fontibus Albim
 Casarei studio ingenti liquere Bobemi,
 Inuia querendis penetrantes saxa metallis.
 Transiit & Hercynia iam tuta silentia silua,
 Norica regna petens, & flauos crine Siueos
 Prateriens, Mœnum dextrâ, Nicromque sinistrâ
 Linqvit, & ad magni diuertit flumina Rheni.
 Occurrit mirata nouos Germania fasces,
 Grataturq, vicem populi miserata propinqui,
 Belgarumq, sibi communia damna repelli
 Non alia scit posse manu: faustumque precatur
 Rhenus iter, meliora tuis, ait, omnia cœptis
 Dent superi, Fleui pandantur ut ostia Belgis
 Germanisque meis, at perdat in aquare classem
 Hostis, ut omnigena repetant commercia gentes.
 Hac ubi dicta, vado compellat Naiades vdo,
 Et fluctus sedare iubet, dum traiecit amnem
 Ernestus, lembumque manu propellit euntem.
 Ventum erat ad sedes populis ubi mœnia Treuir
 Fortibus antiqua sublimia condidit urbis,
 Quam rigat & flumio praterlabente Mosella
 Muncribus cumulat varijs, qui margine Belgas
 Terminat, & vitreis interluit arua fluentis,
 Prima Philippeis tetigit que Ductor in oris.
 Calcat & quis læta mihi primordia terra
 Commemoret, Ducis aduentu quis rursus amœni
 Gaudia, quis pressa referat tellure nitorem?
 Vix, Erneste, pedis primo vestigia gressu
 Belgica sensit humus, te prætata nouella terentem
 Nouit, & Austriaca surrexit ad oscula planta.
 Floribus haud aliter varijs, & mollibus herbis
 Ornauit natura solum, cum Jupiter alto
 Æthere terrenas descendit amator in oras,
 Et viridi tellure sedens amplexibus basit
 Contigis, ipsa nouas stupuit Saturnia frondes:
 Belgica sic positis squaloribus arua resumunt
 Ernesto calcante decus, vestigia circum
 Illius antiquas attollere mœnia turres
 Incipiunt, urbesque illo veniente renasci.
 Permeat exigua muros Alifontia ripa
 Ingentes, arcemque lauat, quo limite Belgis
 Accola Germanus vicinâque Gallia differt.

Hac tranquilla fuit multis provincia lustris
 Ernesti ditione Petri, qui rebus in arctis
 Claruit, obsequioque fidem seruauit in omni,
 Jam senior, meritisque sui venerabilis aui.
 Excipit ille Ducem hospitio, seq̃q̃ abdicat vltro
 Fascibus imperij, fuerat quibus ante potitus,
 Cessit ut atherias vitâ Parmensis in auras.

Est locus in summo scopulosi vertice montis
 Asper & incultus quondam, nunc regia magni
 Tecta nitent, operis, vinoque palatia saxo.
 Hanc molem comes à fundo Mansfeldius imo
 Extulit, & secto penetrauit marmore nubes.
 Fontibus hic riguo Ductor spatatur in horto,
 Imperitque nouas meditatatur pectore curas
 Intentus: studio at voluit dum singula magno,
 Ecce venit placidum gradiens pulcherrima virgo,
 Diuinum cui forma decus, cui cultus honorem
 Regalem addiderat, socia quam ponè sequuntur
 Ornatus & simili praestantes corpore nymphae:
 Religio velata comas, & tempore nullo
 Infirmam Fides, comes Obseruantia dextrum
 Occupat, atque latus claudit Reuerentia lauum,
 Et memor accepti iungit se Gratia facti.
 Ut stetit ante Ducem vultu regina benigno,
 Purpureas suffusa genas, sic voce profatur:
 Illa ego qua reliquas inter Germania gentes
 Inferior, cumulata bonis & nomine quondam
 Clara fui, nunc ornatu spoliata priori
 Infelix, facibus belli consumpta nefandis,
 Attritas, Erneste, mei tibi dedere supplex
 Reliquias venio regni, mandante Philippo,
 Et, Dux magne, meam tibi committente salutem.
 Non sati me prateriti, non ante malorum
 Nunc meminisse iuuat, durosque referre labores,
 Scis, Princeps, scis ipse quibus iactata procellis
 Jamdudum, quantisque fui suppressa ruinis,
 Et quàm multa meis arserè incendia tectis.
 Nunc aduersa tuo vaneſcunt fata sereno,
 Incipio nunc lata meos attollere vultus,
 Atque renaſcentis primordia sumere vita,
 Aduentu recreata tuo; nec gratior ullus
 Fluxit praesente dies, te cernere coram
 Qui dedit, afflicta solatia certa ferentem.
 Quo me ferre moras animo potuisse, tuumque
 Aduentum sperasse putas, cum credita scirem
 Cuncta tibi, Belgasque tuo cessisse labori?
 Heu quoties spaciumque via, numerumque dierum,
 Et tempestiuas mens agra recensuit auras!

Ernestum nunc Ister habet, nunc traicit Alpes
 Nubiferas, iam sauit hiems, iam purior exit
 Phœbus, & ad nostros propior venit ille penates.
 Et quoties votis rumor delusit anhelam
 Sollicitis, cùm fama citos prauenteret Euros
 Nuntia, venturusque die dum crederis omni!
 Auspiciis accede bonis, & collige vindex
 Naufragij fragmenta mei, fulciq; ruinam,
 Et tectis auerte faces: & me quoque dignam
 Finge tibi, qua cura tuis maioribus olim
 Austriacis non parua fui, me semper amauit
 Caesar, & affectu coluit Germania summo.
 Quis collata mihi numeret benefacta tuorum?
 Virtutem meritis quis laudibus aquet auorum?
 Hæc ceptis, Erneste, tuis hortamina laudis
 Addere non opus est, qui præstantissima factis
 A proprijs exempla petes: Nec Belgica magnum
 Efficiet, qui summa tenes fastigia laudum:
 Paruus at hic titulis accedet fomes auitis,
 Et tua pacatis fulgebit gloria Belgis
 Clarior, astriferi condens se margine cali.
 Da veniam tamen, & facili præconia vultu
 Me sine decantare tibi, qua debita soli
 Unus habes, alijs & conuenientia nullis.
 Nec meritis sic te proprijs ornamus, ut ulli
 Quadret idem: nam quos generis splendore vel aquas,
 Vel superas, magno discrimine tempus eodẽ
 Vincit, & ad palmam querendam oblata facultas.
 Hæc facit ut nequeat laus importuna videri
 Nostra, vel in summis tantum considerare labris,
 Blanditijsque leues virtus animosa recusat,
 Nec quarit sermonis opem: nam dicere de te
 Nos arumna iubet, fore quod confidimus ambo,
 In trepidis ego seruari, tu ferre salutem
 Rebus, & alternis connectere gaudia votis.
 Quæ tantò sunt, grata magis; quod fingere tempus
 Non sinat, & renuat simulatos gloria plausus,
 Et virtus tua sincera sibi conscia laudis.
 Contigit egregium multis ob plurima nomen
 Munera Principibus, bellis hic clarus & armis,
 Dediticit sed pace Ducem, quem blanda togatum
 Sors fouet, indignata sago fœdauit amictum.
 Hic terrore sui cultum, captauit amorem
 Moribus humanis alius, priuatus honorem
 Perdidit ille domi, quem publica contulit aura.
 Hic generis splendore nitens sit turpis, at illum
 Nobilitant, dotes animi, nec singula quisquam
 Solus habet, quem non vitij confinia ledant.

Omnibus

*Omnibus at laudum concordia summa tuarum
Emicat in rebus, nec te virtutibus ornat
Diuisis fortuna, dedit collecta, beatos
Singula quæ faciunt, animo nil detrahit aquo
Nobilitas, generi diuina modestia cultum
Addidit, & factis ingentibus utilis ætas.*

*Nec mea te moles, vicinaque bella mouebunt,
Impavidum, crescit duro certamine virtus
Maior in aduersis, tantoque illustrior extat
Gloria, quo maiore fuit quasita labore.
Corpora perpetuo gaudent caelestia motu,
Æternumque vigent, actûque agitata perenni
Machina tranquillam renuit victura quietem:
Sic & semideis facilis natura vocatur
Principibus, studio reliqui quodcunque molesto
Aggrediuntur opus. Qualis vertigine mundus
Voluitur assidua, resuôque impellitur æstu
Oceanus, Solis nequeunt, nec stare iugales;
Haud aliter procerum virtus exercita curis
Continuis, semperque suo redeuntibus orbe
Durat, & officium nunquam defessa remittit.
Omnia velocis perlustrat sideris instar,
Et fouet, & præsens miseris ubicunque vocatum
Numen adest, primasq; tenet clementia partes.
Et tua, magne Ducum, pietas violentior armis
Omnibus, obsequij captos dulcedine Belgas
Non faciet parere modo, at superare iubentem
Coget, & indictas facto prauertere leges.
Gens quoque nunc animos tollens inimica feroces,
Expugnata tuis monitis exempla sequetur
Mollia, pacificas nec detrectabit habenas.
Nec feret aquoreos posthac exosa Britannos,
Diraq; finitimi fugiet contagia Galli.
Nam velut infectis annus cum letifer auris
Incipit exiguo morbos afflare veneno,
Mox ubi se magnam diffudit pestis in urbem,
Vicinos innadit agros, calumq; propinquum
Polluit, & totas inesttat funere gentes:
Sic animi traxere luem, vitiumq; medullis
Hæsit, & erroris tetigit præcordia virus
Vicino corrupta malo, flammassq; Megera
Subdidit, & furias civilibus intulit armis,
Docta nouas animare faces, & mobile vulgus
In Reges armare suos; nunc sedibus illa
Tanarijs, imòque redux dat gurgite pœnas.
At freti auxilij hostes, opibusq; superbi
Femineis, terrore sacri tua iussa sequentur
Imperijs, metuentque aquilas, Martemque Philippi*

Te ducto-

Te ductore ferum, Scythicas quem robore turmas
 Inuicto fuisse sciunt, hostisque phalanges
 Bistonij, populósque suo qui fidere fortes
 Tam cælo armantur quam sumpto ad classica telo.
 Et vos qui fluuijs, Bataui, pontoque salutem
 Fiditis, et Regem propriis excluditis aruis,
 Cingitis aggeribus, captasque opponitis vrbes,
 Ne dura ceruice moras producite belli,
 Ne vires aquilasque suas extendere ductor
 Debeat Ernestus, verasque cupidine laudis
 Ingenium tentare soli, quod suggeret illi
 Nobilitas, milesque loci rerumque peritus
 Vestrarum, facilesque vias, ubi cornua tendi
 Aptius, et campos acies ducenda per aquos,
 Difficilesque aditus, quid clasis et aura requirat,
 Ernestumque comes fortuna, et causa sequetur
 Justior, Austriacis virtutibus omnia cedent
 Peruia, subsident montes, et flumina cursus
 Intercepta ferent alio, subductaque ventis
 Equora suspensio linquent vada sicca meatu;
 Donec ad imperium demissa mente reuersi,
 Obsequio mecum unanimi seruetis eundem
 Principe sub facili, viguit quo prisca tenorem
 Belgica, nec similis posthac vos implicet error.
 Ergo agite, ingenijs submitтите signa quietis,
 Austriaci non illa Ducis conferre decorum
 Est aquilis, tutumque minus: nec tendere contra
 Est opus, aut dubio committere pralia Marti:
 Pacem amat armatus, medioque imponere bello
 Fœdera Ductor auct, nec de quacunque triumpho
 Materiem ratione petit, nec bella veretur,
 Nec mouet, inuitusque suis accingitur armis.
 Nec vos officij memores ad prisca reuersos
 Iussa, supercilio ceu victos ille superbo
 Excipiet, nec fronte reos auersus habebit
 Frata, nec vos pretij ceu pignora vilis
 Contemnet, titulisque parum regalibus aptos
 Credet, at ingenua cum libertate clientes
 Esse volet, Belgasque simul complexus amabit,
 Restituet vobis Regem, vos ille Philippo.
 Agmina sic iunctis coeant, ciuilia signis,
 Membraque diuisi redeant ceruice sub una
 Corporis, et solitis concrecant viscera neruis:
 Possit ut aequales exercitus edere plausus,
 Hic opera studijque sui bene conscius, ille
 Concessa latus venia: sit gratus utrique
 Exitus, et nullum miscens victoria luctum.
 Hinc solidus tibi seruatur, Dux magne, triumphus,

Veraque

*Verâque non fuso de sanguine gloria surget.
 Nam cedent, qui deuinci potuere, dabit que
 Vincendum tibi se nemo, sed viribus ultro
 Se dudent, armisque tuis. Tum litora reddes
 Æquoribus, solitæque suis stationibus undas.
 Securum telluris iter, patefacta recludes
 Compita, miscebunt que fide commercia gentes.
 Ut quidquid natura sinu ceu prodiga fæto
 Extulit, utendumq; dedit mortalibus usquam,
 Orbis idem regione satum videatur in omni.
 Tunc agros urbès que meas, adestque videbo
 Deter so florere situ, non tectâ vereri
 Interitum, studio fati sed structa perennis
 Viuere, seque tuis at tollere rursus eodem
 Præsidys animo, latôsque resumere vultus,
 Et dominis gaudere suis, quod libera pandant,
 Limina, nec famulas intret possessor in ades.
 Sed meritis, Erneste, Lares Gentiumque reuisat,
 Et penetræ tuis, sacris ubi sedibus hærens
 Fronde coronatos adiungat ad oscula postes,
 Et senio longum felici transigat æuam.*

*Talibus oranti Ductor placidissima nympha
 Ernestus responsa dedit: Pergrata loquentem
 Audiri, quod, nympha, meum sperasse fideli
 Aduentum studio, & votis gaudere potitam
 Aspicio; Regi placuit ditionis habenas
 Arbitrio deferre meo, Belgasque regendos
 Tradere, præteriti nec me discrimina belli
 Præsentis que latent, sortisque misertus acerba
 Huc veni laturus opem, finemque labori
 Numinis auxilio fretus, vel pace, vel armis
 Facturus, semperque pari tractabere cura
 Qua rerum commissus apex, ut recta sequentem
 Me videas & ames maiorum exempla meorum.*

*Sic fatus, iungit dextram, præsaq; æque firmat
 Omina, nec tanto diuellitur obside virgo,
 Hæret, & ingenti saliuunt, præcordia motu
 Latitia, roseoque madens inscribitur ori
 Limes, & exornat lacrymarum gratia formam,
 Commendantq; suam vultus dispendia causam.*

*Quis gestus tunc ardor erat, cum stringere dextram
 Principis Austriaci fuit Ernestumq; tueri
 Affari que datum! quo promissore salutis,
 Nympha, potes trepidam formidine soluere mentem.
 Te quoque pollicitis fac sentiat ille manentem,
 Et merito contende pari, seu vince fideli
 Obsequio, longamq; trahat sententia litem
 Partibus ambiguis, certe moderata potestas*

Hinc Ducis, hinc populi ferat observantia palmam.
 Nec Regis modo Præfectum, te pignus habere
 Deposuitque puta, quod munere carius omni
 Sit tibi, concessa tantum sed lege fruanti,
 Ne repetente suum domino, te crimen abusus
 Damnet, & ultrices iniuria prouocet iras.

Postera lux aderat, digressaq; tendit ad oras
 Aulica finitimas acies, ubi flumine rupes
 Mosa cauat rapido, terrasq; voragine sorbet:
 Hic ubi non magnis Sabis rigat arua fluentis,
 Fertur & in socium iam viribus auctior amnem.
 Eminent arx scopulo, declini in parte coloni
 Martia gens habitant, pandit Florentius urbem
 Obuius, atque Ducem celsa Comes excipit arce.
 Inde nemus, Bruxella, tuum transiit, & urbi
 Austrius hospes adest, quem circumfusa frequent
 Agmine vicinos deduxit turba per agros.
 Gens studio ruit unanimi, miretur ut ipse
 Ingentem Ductor numerum, deserta videbat
 Qui prius incultis horrescere prædia campis.
 Rustica sed pubes confluxerat omnis, ut illum
 Cerneret, incolumes armis qui reddere Belgas
 Posset, in externas & vertere classica gentes.
 Hic vir, hic est, magnis iuuenes clamoribus aiunt,
 Bella ferens hosti, pacem urbibus, ocia ruri.

Jamq; propinquabat portis Ernestus, & eius
 Aduentus entituit, quantis suffragia votis
 Imperio natura dabat, quantoque serenus
 Lumine discussa rutilaret nubibus æther.
 Haud aliter prima quàm fulsit origine mundus,
 Mutauitque die tenebras, sic Belgicus æther
 Ipse fauet cæptis caligine purus ab omni:
 Vernat hiems, conditque niues, & temperat auras.
 Lata sinum tellus surgentibus explicat herbis,
 Ceu partus enixa novos. Stipante caterua
 Ductor adest, urbisque aditum cingente corona.
 Obuia nobilitas omnis, procerumq; Senatus
 Ibat, & equalicertat plebs æmula voto
 Cum patribus, numeroque fauor maiore videndi
 Principis, & vulgi crescit concursibus ardor.
 Ingreditur portam Dux optatissimus, albo
 Vectus equo, vultum grauitas angusta pererrat,
 Lumina maiestas, frontemque, sed omnia fastu
 Acta carent, animum produnt externa modestum
 Signa, nec humani possunt se condere mores.
 Omnis in aspectum populus conuertitur unum,
 Firmantque oculos, & Principis ore pependit.
 Non atas, non sexus erat, quin gaudia gestu

Publica, seu plausu manuum, seu voce inuaret.
 Enumerant sua fata senes, & temporis acti,
 Venturique fidem rerum presentibus aptant
 Auspiciis, factisque notant meliora futuris
 Secula, belligero non distinguenda metallo:
 Obsequiumque vouent pueri crescentibus annis,
 Spectatumque nurus veniunt cum matribus omnes,
 Virgibusque palam, peragunt securi pudoris
 Cauda, feminea paulum grauitate remissa.
 Exultat variisque fremit per compita vulgus
 Assensu, clamore via, collesque resultant:
 Ductor iter quacunque facit, nutare videres
 Tecta referta viris, densosque ferentia cœtus
 Culmina fautrices populo substernere moles:
 Ni faciant, onerata graui, nec viribus a quo
 Pondere, precipitem traherent depressa ruinam.
 Muta sed Austriacos omnique carentia sensu
 Subiecta ceruice colunt fastigia vultus,
 Intenduntque suum tignis firmantia robur.

Descriptio
 quorundam
 spectaculorum
 Bruxellensium.

Plaudite tuis, Bruxella, bonis, & munere tanti
 Hospitis, Austriaco frueris qua lata triumpho.
 Tu quoque Casarea referentes numina veste
 Cerne viros, bisseua tua spectacula gentis,
 Magne Ducum, qua constructis Bruxella theatris
 Exhibet, & generis seriem studiosa recenset
 Austriaci, quod sceptrum diu Romana tuetur.
 Ut quantis illam meritis, & honoribus illi
 Afficere, minor tua ne clementia tendat
 In ciues, animo sed complectatur eodem.
 Legibus illa tuis nunc est victura, tibi que
 Officium persoluet idem, quod prestitit illis.
 Aspice latitia quam perstrepat illa tumultu,
 Quam ueheris, quam cuncta nitens! qua carmina Phœbus
 Dictat, & eloquium quanta Cyllenius arte
 In laudes, Erneste, tuas producit ad vndas
 Castalias, quam lata sonant Heliconis amœni
 Plectra iugo, quos Aonio dant vertice cantus
 Principis Austriaci celebrantes capta sorores!
 Parte rogas alia vasto Cyclopes in antro
 Quid faciant? non tela Joui, non fulmina cudent
 Frato, nec Martis opes incudibus augent
 Indomiti, solitum ferri mortalibus usum
 Mulciber instaurat, candent fornacibus enses,
 Imaque vulnificus telluris viscera mucro
 Non posthac humana petet glebamque recoctus,
 Non hominem feriet gladius; date foliibus auras
 Ernesto veniente, refert. Liquefacta caminis
 Æra fluunt, famuli Brontes, Steropesque facessunt.

Sudantis

Sudantis mandata Dei; fremit ictibus antrum
 Alternis, iterante vices incude sonoras,
 Concinnūque cient, certantia brachia murmur.
 Iam propè sublimis fastigia conspicis aula,
 Hospitio fruītura tuo, rectoribus orbis
 Assuetos, Erneste, lares, hac limina Cæsar
 Triuit auus, posuit vestigia sedibus illis
 Carolus, hos tenuit postes arasque Philippus,
 Cum iurata noui sumpsit primordiaregni
 Belgarum: nunc te similem virtute penates
 Excipiunt, faciles aditus, auresque daturum
 Supplicibus. Properate viri quicunque salutem
 Urbibus, aut proprijs petitis solatia rebus.
 Occurret precibus vestris Ernestus, & ultro
 Orantes, quæ vos urget fortuna? rogabit.
 Limen adire sacrum licet, & contingere passim
 Ductorem, laterique potest herere benigno
 Quisquis auet, farique licet patientis ad aurem
 Principis, & finem votis non ante loquentum
 Facturi, suus admoneat sermone peracto
 Quàm dum quemq; pudor. Nunquam responsa morantur
 Admissum, veniens omni dimittitur hora.
 Legatusque fores non obsidet, ostia cunctis
 Blanda patent, adituq; ferox non ianitor arcet.
 Tanta Ducem pietas, & tanta modestia nostrum
 Ornat, & hoc solo censendus nomine maior
 Quo melior, varijs animi se dotibus effert.
 Omnibus indulget, se iusta petentibus æquum
 Præbet & assensu facilem, patiturq; repulsam
 Inconcessa rogans, & quæ sperare decorum
 Non foret, aut patrijs hand congrua legibus essent.
 Promittit quascunque, dabit, facietque, nec unquam
 Pœnitet in quenquam meritis certasse, vel ulli
 Obstrinxisse fidem, quam seruat, & inserit actis
 Omnibus, & nullo temerandam censet in suo.
 Consona mens linguae est, animo nec dissidet illa,
 Vera probat, cunctisque insunt, oracula dictis
 Certa, nec ambiguo secum pugnantia sensu.
 Quis reliquos eius trahat in præconia mores?
 Virtutesque viri, laudesq; recenseat omnes?
 His capient vitæ iuuenes exempla, senesque
 Auspicijs, trahitur studijs à Principe sumptis
 Vultus, & in partem ferimur quamcunque sequaces
 Arbitrio rectoris, eget tam moribus orbis
 Imperij quàm saepe metu, censura vocatur
 Vita boni ductoris, agit reuerentia cuius
 Ut populus vitæ animi se corrigat ultro
 Exutis, laudemq; ferat quem pœna manebat.

Hac ratio fuit Ernesto, prescriptæque recti
 Regula propositi, sceptris aptanda gerendis;
 Se primum formare sibi, tum reddere dignum
 Imperiis, aliisque sua virtute monendis.
 Supplicij terror mentesque exasperat ultrix
 Pœna magis, blandè vitâ meliusque iubetur
 Exemplis, cum nil faciat Dux ipse licenter
 Qui potuit, nunquam voluit: sic incipit vno
 A Duce iudicium, quod derivatur in omnes,
 Ut potius suadere bonum quàm cogere Princeps
 Austriacus monitis animi videatur honesti.
 Eriget his mentem stimulis accensa iuuentus,
 Optabitque sibi quos audiet æmula mores
 Laudari, vitæque Ducis meliore probari.
 Non iam delitius census impendia vanis
 Euerrent, nec luxus opes, rebusque nonandis
 Prodigia mollities aditum non sternet, & aula
 Pestis semiviros repetet lascivia cætus.
 Matronamque boni rara est cui forma pigebit
 Haud illo rectore sui, speciesque pudorem
 Ornabit, non virgineos effrena libido
 Infidys adimet, nec vi tentabit honores.
 Cunctorum probitate sua connubia Princeps
 Muniet; hoc veris docuit Babylonius augur
 Iudiciis, certisque notis signavit aruspex.
 Nam cum prima solo posuit vestigia nostro
 Ernestus, Phœbi concepit Aquarius ignes
 Latior, hoc fœtus nascentes sidere castos,
 Et sanctos perhibent: Nobis veniente renatis
 Ernesto, rediit probitas antiqua, decusque,
 Et thalami correctæ fides. Pretioque pudoris
 Poscere venales turpis mercator honores
 Desinet, & titulos non conferet emptæ voluptas.
 Pellet avaritiam, nec corrumpentia fidas
 Dona manus sacro patietur limine quemquam
 Ferre, nec imperij commercia fœda ministros
 Exercere sinet, nec vendere Principis auram.
 Publica non aliquo captabit munera quæstus
 Ambitus, at merito tantum virtutis ementur
 Præmia, constabit fidei mercede potestas.
 Euehet ille bonos, campusque aperitur honoris
 Omnibus, ingenium si paupertate sepultum
 Neglectumq; iacet, si vilis inertia fructum
 Præripit, indignoque gradu subuecta potitur,
 Conuersa ratione locum mutabit utrique.
 Et Musa patriam sub Mæcenate reuisent
 Austriaco, frontisque decus despecta virebit
 Laurus, & Aoniæ velabit tempora cætus.

Ipse suis reduces Princeps amplexibus artes
 Suscipiet, studioque patri praconibus illis
 Illius immensum se gloria sparget in orbem.
 Sola comes lateri sapientia Principis haeret,
 Omnibus hanc adhibet caeptis, hanc purpura vestit
 Oebalis, haec solio regnans confidit eburno.
 Nullus ad arcana penetralia peruenit aula,
 Seque ministerijs offert regalibus aptum,
 Quin prius ingeniumque Duci, vitamque probauit
 Innocuam, cuius nemo est examine dignus,
 Quam bonus est frugi. Nec se modo praestat ab omni
 Immune vitio, sed ne contagia sacrum
 Inficiant aliena larem contendit, et arcet
 Sollicitus, ne disparibus cingat alumnis,
 Quos similes vult esse sui, propriosque penates
 Non secus ac totum summittit legibus orbem.
 Sic primus mandata subit communia Princeps,
 Ne populus parere neget, cum rector eodem
 Vitur imperio, nec legem negligit auctor.
 Sancta quoque ad longam venient decreta senectam,
 Desuetique nouam mores et scita resument
 Canit iem, nec supplicij vindicta remissis
 Extinguet contempta metum, sed iudice surget
 Acror Ernesto, frenumque licentia sumet.
 Nullus at arbitrio reus accusantis iniquo
 Succumbet, comprehensa suo sed iure potestas
 Omnis erit, se quisque foro priuatus eodem
 Et fiscus defendet, erit lex omnibus una,
 Euentusque manet damnatum legibus idem.
 Alterius non sector opes, non hastane fandi
 Artibus, aut odijs vltrix damnabit acerbis,
 Inuitos inuita reos censura notabit.
 Pignora sic animo genitor dilecta benigno
 Format, et offensas natorum sponte remittit;
 Si renuant mandata sequi, pietate paterna
 Increpat, et durum facilis clementibus urget
 Legibus ingenium, donec moderamine sensus
 Molliat, aut prauos inflectat verbere mores:
 Haud secus Austriaci clementia Principis omnes
 Excipiet, patrioque sinu complexa fouebit.
 Nullus erit vacuas dominus qui liquerat ades,
 Quin redeat, pulsoque metu desueta retractet
 Munera, pacatosque operi quin destinat agros,
 Et diuini cumulet solitis altaria donis.

Jam, Dux magne, tuum letis Antuerpia votis
 Flagitat aduentum, sperat te cernere Scaldis
 Iam dudum, et vinculis solui stringentibus optat.
 Hic tibi victrices hederam distinguere lauros,

Hic muros portasque vides vestire corymbos,
 Effusamque foras contendere plausibus urbem.
 Cernis ut ingressu gens arceat obuia primo,
 Accessumque frequens adimat? vix submouet armis
 Licetor, & obstantes perrumpunt vota secures.
 Tantis amor studiumque tui, dum quisque videndi
 Officio ruit, & certamine flagrat eodem,
 Impatiensque mora, decorisque oblitus, in unum
 Mente virum fertur tota, qui spectat ad omnes.
 Ingressum variis populus comitatur euntem
 Vocibus, urbanasque vias concursibus opplet,
 Pergat ut Augusto stipatus tramite Princeps
 Hinc atque hinc, alacres tollens Respublica vultus
 Latitia fremit unanimi, clamoris ubique
 Personat equalis tenor, ut sese omnibus equum
 Exhibet Ernestus: cumulant vestigia plausum
 Singula, felices oculos qui cominus illum
 Aspiciunt propiore vocant à sede remoti.
 At quos transierat, tacito mœrore sequuntur,
 Dumque valent signant oculis, aliisque recurrunt,
 Nec satis est vidisse semel, iuuat ora tueri
 Sapius, optatam vultu spirantia pacem.
 Presentis nec sola boni se mentibus offert
 Materies, sed venturis blandita voluptas
 Promittit maiora, salus ut quemque fatigat
 Expectata diu, discretæque tempore iungit
 Fata, nec Austriaco quemquam spes obside fallit,
 Corda sed accendit dulcedine capta futuri.
 Interea dubij qua cernunt, credere multis
 Hærebant animi; sic obstupere videntes
 Delapsum armifera simulacrum ex æthere diua.
 Quis canet immensis exstructos molibus arcus,
 Instar montis opus, quis nubibus aqua theatri
 Pegmata, quis festos referet per compita ludos?
 Omnibus idem animus, certant concordia votis
 Gaudia peruigilem superant funalia noctem,
 Ardentisque faces spargit Vulcanus, & ignes
 Sufficit, innocua lambunt fastigia flamma.
 Talibus auspicijs Antuerpia lata triumphos
 Edit, & eximia peragit spectacula pompa
 Venturi præsaga boni: sic limine primo
 Vestibuli decus interius regalia produnt
 Atria, splendorumque domus sua ianua pandit.
 Ipse regens sortes felicia spondet Apollo
 Secula, siderei veniens statione Iuenci.
 Nam Taurus ceruice iugum, solitosque labores
 Ruris, & assidui cultus deposcit aratri,
 Seranos optans iterum de vomere fasces.

*Fœturam Cytherea dabit, nam sidere diua
Gaudet, Agenorei non immemor illa iuueni.*

*Cynthius orbe suos sed cùm radiante Gemellos
Attigerit, procul arma viris & tela cruentis
Excusiet, lituos plectris mutabit eburnis,
Ingénioque dabit calamos tractare benigno,
Et curas gelidi cantando molliet aui.*

*Delius at Libyci complexus brachia Cancri,
Priuatæ angebit opes, commercia Belgis
Restituet lucri Cyllenius arbiter omnis.*

*Nauta peregrinas inuiset puppibus oras
Auspicio Ducis Austriaci, pelago quere menso
Deposito grauida capiet vix ripa carina.*

*Cùmque Cleonai fuluas, Thybræ, Leonis
Incipies flammare iubas, visesque potentem
Myædonia cum matre Jouem, regnabit in orbe
Maiestas secura sui, magnoque Philippi
Barbarica imperio venient, se subdere gentes.
Belgica nobilitas posito teret ocia bello,
Et studium venatus erit, formidine siluas
Eximet, & vastos cingens indagine saltus
Inferet arma feris, spolijsq; potita redibit.*

*Phœbus at Erigones cum se conuertet ad aëstrum,
Tum leges, Erneste, tuo morèsque vigebunt,
Imperio, castusq; pudor, tum lilia cætus
Virginei violasque tibi vernantibus hortis
Purpureasque rosas carpent, nectentque coronas,
Ornabuntq; suis victricia tempora sertis.
Te quoque maturas defendet vindice fruges
Flaua Ceres, ne miles opes predator agrestes
Auferat, aut grauidas lixarum vulgus aristas.
Spem seges agricola superabit, & horrea messis
Vincet, & ingentes de fœnore condet acervos.*

*Libra sed aequali cùm tramite pendula currum
Solis aget, paribusq; rotis noctemque diemque
Diuidet, arbitrio causarum examina recto
Consistent, nec iura foro poscentur iniquo,
Iusta sed ambiguas dirimet sententia lites.
Auctor ut aquato suspendit pondere Libram
Mulciber, & partes aptauit lancibus ambas;
Sic Themis ad trutinam fas omne rependet eandem,
Sernabitque parem cunctis censura tenorem.*

*Scorpius ætheria sed cùm regione quadrigas
Ducet, & ardentes Phœbeo lumine Chelas
Contrahet, Austriacis cessantem legibus axem
Pacifica tellure Deus bellator utrumque
Soluat, & innocui pascent per rura iugales.
Belga sed armorum posito ne torpeat vsu,*

*Parta viri ficto miscebunt, otia bello,
Aut explorandis pugna simulacra ciebunt,
Viribus, & sumpto ludent, certamina ferro.*

*Post ubi semiferi Sol Arcitenentis in orbem
Plaustra vehet, mensemq, reget signumque Diana,
Cornipedes Ernestus equos frenare inbebit,
Sessorémque pati, facilesque inslectere gyros,
Cervicemque rotis domini submittere currus,
Austriacus facta cum deditione vel armis
Pace, triumphales tractabit victor habenas.*

*Cum iubar è gelido Capricorni sidere sacros
Accendet radijs Vesta penetralibus ignes,
Tum diuüm solito fortunatissima culu
Belgica, perpetuos aris adolebit honores
Gente sub Austriaca, qua religionis ausa
Sola patrocinium suscepit, & hostibus infert
Arma feris, opibusq, fidem complexa tuetur.
Tum fluet occiduü rutilum fornacibus aurum,
Et belli valido firmabit robore nervos,
Nulla sit Hesperij, ut viribus aqua potestas.*

*Solis at effusis Juuenis cum temperat undis
Ardorem, medióque rigens st at frigore bruma,
Imperium geminis aquilis Saturnia Juno
Diuidit, una vices cali tenet, altera mundi;
Dumq, ministerium tractabit fulminis ales,
Austriacis apicem felicior altera signis
Tollet, & immensum frenabit legibus orbem,
Et sibi barbaricas subdet Germania gentes.*

*Adnatat Eöis cum Piscis uterque quadrigis,
Litora pacati spondet Neptunus & undas
Oceani, tutumq, salum: nam Squamiger Austrum
Respiciens, iubet Austriacis submittere pontum
Viribus, & totum concedere clasibus aquor
Hesperij, nutuq, rates dare vela Philippi,
Cui Deus imperium pelagi sortémque secundam
Cessit, & aquorei ius contulit omne tridentis.*

*Aurea Lanigeri pecoris cum vellera Pallas
Concedet Phæbi radijs, immania tollent
Monstra Duces, qui Phryxum virtutibus aurum
Et generis splendore ferunt, aut premia factis
Illa suis, animique decus præstantis habebunt.
Et sublime suum meritis ad sidera nox en
Austriaca sub gente vehent, magnique Philippi
Auspicijs, velut Æsonio ductore triumphis
Adycent domitum reliquis cum gentibus orbem.*

*Talibus auspicijs faciles hac munera diui
Ernesto veniente dabunt, & mensibus anni
Exactis serie semper vertentur eadem,*

Longaque

Longæque pacifici signabunt secula fasti.

*Hæc nos fata manent, te carmina festa, tuisque
Pro meritis æternus honos, Erneste, loquetur
Cuncta tuum nomen tellus, annalibus unum
Posteritas te sera leget, te scena theatris
Officiosa colet, totoque assurgit in orbe.
Signa tuas laudes referent, tabulaq; perennes
Virtutis monimenta tua, te floribus herba
Inscribent, durisque manus te docta metallis,
Vinet & in grandida, spoliis tua gloria quercu.*

*Exere quidquid habes, quantumq; ò Belgica, polles
Ingeniis, linguaq; suas facundia curas
Conferat, & cunctas absumat laudibus horas,
Nocturnoque Ducem spacio celebrètque diurno.
Nec, vates, operum pigeat, qui fata soletis
Condere victuris æterna in secula libris:
Scriptorem sua materies hic laudat, & omne
Concedet genium scriptis Ernestus in auum.
Vos quoque solerti naturam aquare periti
Ingenio, rebusq; suas inducere formas,
Artifices, vestros operi conferte labores
Austriaco, Patrioque Ducis de marmore vultus
Reddite, vel magnos effingant æra colossos,
Effigiem vel spiret ebur, pretiumq; decorem
Addat, Erythraeis ornato vertice gemmis,
Ernestumq; loco positum cernamus in omni.
Exorata bonis faueant sed numina cæptis
Muneribusque suis, & publica vota secudent
Euentus, seruentque domum, Regesque, Ducésque
Austriacos, nomen populis fatale gerendis.*

*Flagrantique sacras animo voluamur ad aras,
Numen Jesso placidum cum vate precantes.*

Psalm.
LXXI.

Dicere ius Regem populis, Deus arbiter aequi,

2. *Exemplo concede tuo, fac regia proles
Iustitia correctæ tuæ vestigia seruet.*
3. *Omnis ut ad rectam quadret sententia normam,
Pauperibus facilem iudex & præbeat aurem.*
4. *Tum sua pacati tollent fastigia montes,
Multiæque frugiferis moderamine collibus æquo*
5. *Affluet ubertas, iusto nam vindice stabit
Afflicti fortuna viri, custòsque fidelis
Seruabit natos inopum, qui litis iniqua*
6. *Conteret artifices, quo defensore vigebit
Imperium, dum Phæbea sub lampade mundus
Deget, & æterna fulgebunt cornua luna,
Longæque perpetua mutabunt secula gentes.*
7. *Irrigat ut sectas imber latissimus herbas,
Humoresque bibit stillantes roscida tellus;*

Sic

8. Sic aquo sub Rege, pius iustusque virebit,
Blandaque tranquillo florebunt otia mundo,
Non peritura, suos calo dum luna meatus
Deferet, & solito priuabit lumine menses.
9. Rex erit Hesperij maris, & regnator Eoi
Litoris, Australisque illi famulantibus orbis
Fluminibus gelidam sceptrum producet ad Arcton,
10. Extremosque sinus telluris. Et incola vasti
Memnonis imperij vestigia Regis adorans
Concidet ante pedes, vulsuraque inscribet arena
Hostis, & altrici supplex dabit oscula terra.
11. Dona duces illi Cilicum regalia mittent,
Et medio quacunque salo iacet insula, mittet
Munera messis Arabs, Reges sua thura Sabai.
12. Inflexisque colent illum cernicibus omnes
Qui sacrum diadema gerunt, dominumque potentem
Agnoscent, famulaque volent se subdere gentes
13. Quotquot erant, nam Rex inopes iniuria vexet
Nequa reos, damno redimet protector ab omni.
14. Deserto feret auxilium, defendet egenum
Pauperiem miseratus, opem certamque salutem
In vita dabit exitio versantibus idem.
15. Euersosque dolis, auido seu fenore merfos
Restituet, pretiumque sinet non vile cruoris
Esse inopis, fundi quem non impune videbit.
16. Viuat, & in multos regnet feliciter annos
Dives opum, Merões fuluo ditissimus auro,
Incolumis populi votis, & laudibus omni
17. Tempore. Fertilitas illo sub Principe summo
Vertice montis erit, Libani ne murmura silua
Tanta cingere queant, agitante cacumina vento,
Quanta dabunt, valido crepitantes flamine culmi.
Florebuntque suis numerosa ciuibus vrbes,
Vestit ut irriguos vbertas gramine campos.
18. Illius aeterno se gloria nominis auro
Proroget, & seclis solem viuacibus aquet.
19. Rege sub hoc opibus gens affluet omnis, & eius
Imperium merita celebrabit laude beatum.
20. Abramidium selecta Deo praconia soli
Conueniunt, qui cuncta creat non indigus vllō
Auxilio, & rerum miracula conficit vnus.
21. Maiestasque potens eius nomēque canatur
Perpetuo, & terras decus impleat illius omnes,
Ne vacuus sit laude locus, nec tempora cessent.
Hanc ita votorum firment pia numina summam,
Optatumque bonis cumulent successibus omen.

F I N I S.

ORATIO

O R A T I O

IN OBITVM SERENISSIMI
PRINCIPIS ERNESTI, AVSTRIÆ

ARCHIDVCIS, DVCIS BVRGVNDIÆ, COMITIS

*Habsburgi, &c. Aucti cælleris Equitis, Belgicis prouincijs à Regia Maiestate Ca-
tholica Præfeti, Decimo Kalend. Martias Bruxella defuncti.*

A D

ILLVSTRISSIMOS ET AMPLISSIMOS CONSILII
ORDINVM PATRES ATQVE PRINCIPES

APIENTER ac præclarè magnus ille Philosophus de Socrate refert Plato, Illustriissimi Principes, Patres amplissimi, de vicinitate & coniunctione quadam voluptatis & Doloris in hunc modum differente; eas nimirum animorum passiones, quamuis sibi contrarias, tamen ita propinquas in humanis actionibus & mixtas semper esse, vt si quis alteram persequatur & capiat, cogatur ferè & alteram suscipere, quasi ambæ vno capite aptæ contineantur: Phrygium proinde fabulatorem Æsopum, si hæc animaduertisset, huiusmodi apologum fuisse composurum; Deum videlicet cum hæc duo bellum inter se gerentia conciliare vellet, neque tamen posset, ipsorum vertices certo nodo colligasse, & ideo vbi alterum eorum adfuerit, alterum continuò etiam sequuturum. Quapropter in hunc sensum præsci illi Romani coluerunt duas diuas, Angeroniam & Volupiam, hanc ab angoribus dictam, illam à voluptate: & pontifices Angeroniæ rem diuinam faciebant in Volupiæ sacello, in cuius item ara simulacrum erat positum Angeroniæ sociæ Deæ: vt significarent voluptates & dolores in hac mortali vita sibi inuicem succedere. Cuius rei exemplum illustre quidem dedit, sed perquàm luctuosum, optatissimus Archiducis in prouinciam aduentus, & funestus eiusdem à nobis discessus. Quæ mors intempestiua, & alienissimis Reip. temporibus Principis optimi præstantissimiq; repentina hæc orbitas, improvisò nos oppressit, cum adhuc in illo honorificè excipiendo, adeundo, salutando, in ipsius imperij quasi limine versaremur. Itane verò gratulationem acerbitas, plausum ægritudo, lætas acclamationes lugubre silentium & suspiria exceperunt? Siccine tam subito, conuerso in luctum risu, gaudio in tristitiam, illis ipsis oculis, in quibus Ernestum Archiducem ferebamus, lacrymæ eliciuntur? An ita Dis est placitum, voluptati vt mœror semper comes consequatur, quin incommodi plus maliq; ilicò adsit, boni si quid obtigit? Hem, Erneste, quantam tua morte occasionem mœstitiæ nobis obtulisti! Nam cum infelix Belgica tot cladibus attrita, ac penè prostrata tot iam annis iacuisset, tuo sese illa aduentu solabatur, de te vno cogitans animum recreabat, & vultum in te intuens ea mente attollebat, vt non modò omnium calamitatum memoriam deponere iam inciperet, sed ad certam spem quietis ipsa se erigeret, atque tuâ præsentia se respiraturam tandem aliquando post tot mala confideret. Sed ô fragilem & lubricam hominum sortem, ô inanes nostras cogitationes, ô consiliorum mutabilitatem! Ecce, in quem rerum nostrarum fiduciam constitueramus, cui tota nuper Belgica obuia se effudit, repètè nunc exanimem, & importuni luctus argumentum cernimus. Qui casus erepti nobis Archiducis, infelicem hanc Remp. ita perculit & afflixit, vt exigua medicinam ad dolorem mitigandum superesse videamus, neque aliud in præsens lenamentû habeamus, quàm pulcherrimâ virtutum, quibus fuit ornatissimus, recordationem. Et si enim ille nos ante deseruit, quàm bonis commodisq; quæ ab eo exspectabamus, frui inciperemus, tamen vitæ integritate, & prudentia singulari, tam incredibilem apud omnes homines existimationem adeptus est, vt primo aduentu suo omnes
huius

huius belli molestias absterferit. De tanto ergo Principe ab humano consortio nuper digresso, Illustriissimi proceres, in concessu hoc amplissimo verba facturus, & ad commendationem funebrem accessurus, haud vnam rem intueor, quæ magnopere suspensum me reddit, & sollicitum. Si enim vis ingenij, quod mihi quidem minus quam mediocre est, si dicendi facultas quæ in me nulla est, cum Ernesti magnitudine, vestraque dignitate, & dolore omnium quos atratos hîc conspicio, videatur conferenda, vereor ne idoneus virtutum eius laudator primùm desideretur, tum ne meâ infantia amissi Ducis desiderium non modò non imminuam, sed etiam valde augeam. Verùm ea spe fretus ad dicendum me comparo, quòd eò æquiores vos mihi habiturus sum, de laudibus Archiducis paucis verbis dicturo, quòd maiori eum viuum officio coluistis, omniq; honoris genere decorandum cõsististis: Et quod nemini ignominiam paratam esse videam, qui nequeat huius Principis virtutes & splendorem pari eius meritis oratione complecti, præfergi cum existimem vix vllius eloquentiam sine vestra humanitate huic muneri suffecturam. Nam quæ generis claritatem, Austriamq; familiã pro sua dignitate satis vnquam celebrauerit? Cuius equidem primordia nò ab Hercule deducam, nec ad Priamum referã, satis enim nobis est, quòd hoc verè affirmare possimus, nullã in terrarum orbe vniuerso gentẽ reperiri, quæ cū Austriaca domo, stirpis antiquitate, vel rerum gestarũ gloria cõparetur. Quæ cum summorũ Cæsarum, Romanorũ Imperatorum parès sit & educatrix, ac velut fons quidã & seminarium triumphorũ, tum hoc illa nobilior, quòd maxima Reip. Christianæ præsidia in armis eius & potentia consistant. Sed quia hæc cuius notissima sunt, & quòd molem Imperij Romani sustentari ab Austriis Principibus (stabilitatis firmamento, ab Hispanica monarchia, & ornamento dignitatis accedente) nemo sit qui ignoret; nihil vltra ad Ernesti cõmendationem ex generis amplitudine, vel ex eius domesticis imaginibus sumemus, sed reliquam ex eius probitate & sapientia laudationem hauriemus. Et nihil prædicationis alienæ admiscebimus, præter Cæsaris Augusti Maxemyliani patris, (quæ tamen Ernestus, ceu thesaurum pretiosum, inter bona propria non immeritò numerabat) Principis omnium præstantissimi, & matris Mariæ Augustæ Philippi Regis germanæ, lectissimæ heroinæ, commemorationem. Hos ille cum auctores vitæ suæ habuerit, (patrem nimirum tam religiosum iustitiæ cultorem, quàm fortem religionis Christianæ vindicem; matrem verò præclaris animi dotibus excultissimam, & matronalis verecundiæ spectatam adedò custodem, vt puellæ nobilissimæ non in Cæsareo gymnæceo, sed in ipso sacrario diuæ Pudicitiae versari dicerentur) non degenerauit à parentum disciplina, sed ad quæuis vitia repellenda institutus, & maiorum suorum virtutibus excitatus, totum ad eisdem imitandum se composuit, vt se iis dignũ esse reip̃a declararet, & gloriæ patrimonium sibi ab illis relictum tueretur & auget. In summo itaq; maiestatis splendore, atque inter fasces imperij educatus, egregiam illam indolem ab ætate ineunte excolendam esse ratus est, neque sibi domi, in illa Cæsarea virtutum officina, ab opere cessandum, vel otio languescendum, sed benè beateque viuendi rationem in doctrinæ studio, quo vno virtutes propè omnes acquiruntur vel certè perficiuntur, adolescens collocauit; existimauitque nulla viros principes aptiora vel vtiliora instrumenta, ad regendã Remp. vel gloriam adipiscendam comparare sibi posse, quàm eruditionem & literarum elegantiam; neque illa magnitudinis quæ in se habent semina, vel ad vsum rerum maturius coalescere, quàm nutrimento disciplinæ, nec ad decus consequendum vberius efflorescere, quàm scientiæ ornamento. Tam præclaris Ernestus se primùm tyrociniis exercuit & formauit, tantumq; breui tempore in hoc instituto ad virtutes profecit, vt omnium suffragiis ad maxima imperia iam rum destinaretur. Nam cum in iuuentute, cui multa blandimenta natura ipsa dedit, multasque ad voluptatem vias lubricas ostendit, nihil sibi permetteret, quod in illa vitæ parte, ceu ætatis erratum excusare solemus; sed adolescentiæ libertatem sanctissimis temperantiæ & pudoris legibus moderaretur & astringeret, affectibus imperaret, atque ita viueret, vt se ipsum pro exemplo seueritatis, continentiæ ac sobrietatis æqualibus suis proponere videretur, illam de se omnibus opinionem præbuit, vt quauis potestate in alios exercenda dignissimus haberetur. Etenim alius iura dare rectius ille potest, qui semetipsum regit, & cupiditates alienas refrenare, qui suas ipse cohibet; & ab aliis reposcere rationem vitæ audet, qui reddere po-

dere potest suæ. Raros Principes videmus qui in æui sui cursu insolēti & præcipiti, natalium amplitudine, & magno imperio benè vti sciant, aut qui animi ferociam modestiâ tēperare, in opum affluentia frugalitatem seruare, & licentiam infinitam viuendi innocentia præcidere soleant: vt in maxima fortuna, summa temperatiō, modus in copia, in nimia libertate continentia requiratur. Nusquam igitur effusius ad luxum, ad libidines, & ad quæuis flagitia habentæ laxantur, quàm apud eos homines, qui vitia sua occultant potestate, neque alio nomine beatos sese putant, quàm quòd faciant quicquid libet, & ad cupiditates incitamentum habent, peccandi impunitatē. Longè aliam Ernestus rationem morum iniit, despectis enim omnibus voluptatū illecebris, nihil nisi graue, nisi rectum & seuerum sentiebat faciebatq; , & à studiis iuuenilibus, quæ ab eius pueritia celeriter defloruerant, alienus & auersus, omnibus actionibus & sermonibus exprimebat, se nō minus insensum turpitudinis hostem, quàm amicū esse honestatis singularē. Præterea has virtutes grato & laudabili temperamento condiebat, vt nihil seueritas benignitati detraheret, nec comitas eius grauitate impediretur, maiestas modestiam coniunctam retineret. Sic Principis ingenio moribusque compositis, vt secum ipse certaret, & vix alium quàm seipsum superandum reperiret, nō tamen à paternis vestigiis deflecebat, sed dum magnanimitatē, perfectamq; sapientiam, quibus Cæsar Augustus imperium gubernabat, assiduè intuetur, admiratur, imitatur, nō tam propriis virtutibus stimulos adhibere, quibus iam non indigebat, quàm neruos illarum intendere videbatur, & easdem exemplis patris confirmare. Cū autem satis roboris ætati accessisset, cum fratre Rudolpho in Hispaniam est profectus. Ibi à Rege cognato amantissimè excepti, & per quàm officiosè culti habitique, ciuilem ipsius (Principis nimirū maximis in rebus sustinendis & gerendis exercitatissimi peritissimiq;) consuetudine prudentiam, facile assequebantur; clementiam, quā Philippus non modò omnes Principes, sed suas ipse virtutes superauit, sic in sanguinem & succum suum conuertebant, vt vel ab illo inrita, vel ipsis potiùs innata videretur; deniq; ad Christianam religionem propagandam, cuius desiderio per se ipsi flagrant, Catholicæ Maiestatis studio & ardore, magis etiam magisq; inflammabantur. In suam itaq; Germaniam reuersi, re ipsa demonstrarunt & specimen dederunt, quàm ab Hispaniēsi virtutum mercatu minimè inanes aut vacui redierint. Nam cū Maxæmylianus optimus Imperator ad immortalitatē ex hoc orbe demigrasset, & vnicū Romani Imperij columnen videretur concidisse, Rudolphus vnanimi virū suffragio Augustus salutatus, tam præclara dedit præstantiæ testimonia, vt parentem Cæsarem nō penitus amissum, vel ademptum sibi homines putarent, sed bonam eius partem in superstitute Rudolpho relictam gratularentur. Ernestus verò ad vtramque Pannoniam gubernandam ascitus, in primo statim imperij exordio haud obscurè declarauit, se illis virtutū, rerumque fortissimè gerendarum instrumentis non minùs vtiliter ad salutem Reip. & commodum vti scire, quàm honestè & diligenter eadem comparare. Multis igitur annis provincias illas rexit, tanta integritate, innocentia, fortitudine, tam ex Cæsaris voluntate animiq; sententiâ, ad populi quietem & prosperitatem, & securitatem orbis Christiani, vt eum Rudolphus non vt fratrem amauerit, sed Cæsar vt imperij consortem obseruauerit, & nihil vnquam gesserit, nisi communicatis cum Ernesto consiliis. Adhuc Ernesti erga nobiles, erga omnes mansuetudo & humanitas, in milites liberalitas, æquanimitas in subditos, tam gratū & iucundum eum omnibus faciebat, vt ij felices sibi viderentur, apud quos ille Princeps diu cōmorabatur. Nec plurimis abhinc annis tutior aut trāquillior rerum Hungaricarū status fuit, quàm cū illam prouinciam Archidux Ernestus, non præfecturæ titulo, sed vt domus Austriacæ propriūq; patrimonium, ac Romani imperij propugnaculū defenderet. Cū igitur immanissimus Christianorum hostis Thraciæ tyrannus biennio elapso, cum exercitū instructissimo impetū in illam regionē faceret, permulta sunt ibidem Ernesti consiliis auspiciisq; gesta, viribusq; repressæ barbarorum incurSIONES, vt præclari eius nominis ac virtutis gloria adhuc ibi vigeat, & eximia eius laudis ad æternitatem supersint monumenta. Quæ cū fama constanti omniumq; sermonibus vbiq; celebraretur, opportunā Rex Catholicus Princeps noster clementissimus occasionē habuit, cognato Archiduci Belgicarū ditiorum imperium deferendi. Postquam enim Deus Alexandrum Farnesiū Ducē bellicosissimum, ex

hoc falo turbulento, ad quietis portum, ex hac corporis custodia ad caelestem libertatem, ad perennem valetudinem ex languoribus eduxerat, quibus inter milites in castris tabescebat, non alius in orbis terrarum comitijs idoneus repertus est, præter Archiducem, quem in demortui locum sufficiendum duceret. Etenim si genus Austriacum spectemus, & Belgij præfecturam, quam consilio salutari, & grato subditis exemplo gerunt Regij sanguinis Principes, nemo gradu propiore Philippos attingebat. Sin auctoritatem imperij intuemur, quæ ad bellum gerendum vel ad pacem componendâ summa requiritur, is præfès nobis datus est, qui proximum culmini Cæsareo locum habuit. Neq; alius tam dubijs formidolosisq; Reip. temporibus, hos Inferioris Germaniæ tumultus, quam Princeps Germanus videbatur pacaturus. Hoc etiam ille animo prouinciam hanc suscepit, vt Regis exquisitum in eligendo iudicium, suâ in regendo sapientia comprobaret. Quod non minùs præstitisset, si insigni illo munere longioris vitæ vsu perfungi licuisset, ac reipâ declarasset, longè maius esse imperio vt scire, quàm illud adipisci, quodd hoc in proprijs virtutibus sit positum, illud velut alienum à fortuna tribuatur. Quamuis igitur latissimum ad acquirendam gloriâ domi campum haberet, tamen Princeps Ernestus tam ad sui quàm ad nominis Austriaci splendorē, ingentem laudis cumulum putauit accessurū, quodd virtutis suæ exercendæ facultatem foris etiam nactus esset. Postremò quia numeros boni & iusti Principis explere omnes cupiebat, pars illa iustitiæ, quam distributiua Philosophi vocant, postulare videbatur, vt externum ad imperium accito Archiduce, reliqui Principes fratres domesticum fortirentur, factâ quadam materiæ ad gloriam partitione, & seruata æqualitate. Vienna itaq; digressus Ernestus, & à patriæ cõplexibus, agrè illo carentis, dimissus vel exemptus in prouinciâ contendit. Mirum dictu fuerit, quâto cum applausu, quacuncq; iter fecit Archidux exceptus est, quàm comiter appellatus à Germaniæ proceribus, à ciuibz salutatus. Tota siquidē Germaniæ cladis Belgicæ confinio vehementer afflicta, & calamitatis vicinæ diu focia, in communionē latitiæ vocabatur, nec Belgis meliora precabatur vel optabat, quin illa sibi ipsa quoq; gratularetur, & spem incredibilem de Ducis in Belgium protectione conceptam, nobiscum participaret. Porro quantis votis, quanto populi desiderio prouinciam sit ingressus, vobis Patres amplissimi, recensere superuacuum est, quodd honores Celsitudini eius exhibitos ipsi decreuistis, & quodd magnificentia publiciq; splendoris, quo illum Bruxella & Antuerpia coluerunt, memoria recentissima est. Quamobrem magis pium censebitur hoc officiū, quodd hac oratione in funere eius soluimus, vt quem vita fruentem quouis cultus genere profecuti sumus, eum etiam suæ laudis commemoratione, postquam inter homines esse desijt, decoremus; ne si mortuo defuerimus, id omne quodd præstitimus in aduentu & exordio, fortunæ illius & imperio videamur non beneuolentiæ vel meritis tribuisse. Nihil igitur facimus in illo prædicando, quàm quodd possumus & debemus, & propemodum nescimus, an posthac magis grato, magis conimodo, magis exspectato Principi præfecto similem vnquam operam simus præstaturi. Quamuis enim neque hunc dolorem, neque funus experimur, quin idem nobis etiam antea contigerit, tamen nunquâ temporibus magis impeditis huiusmodi orbitatem Resp. est perpeffa. Excessit hic è viuus Ludouicus Requesenius, sed eo minus doloris eius obitus attulit, quo debilitatis & fractis hostis viribus, minor ab eodem nobis metus impen-debat. Cuius belli reliquias successor oppressisset, si aduentum in prouinciam prius accelerasset, quàm exercitum firmissimum è victoriæ suæ cursu seditio reuocasset. In Ioannis Austriaci interitu immaturo deploranda certè fuit humana imbecillitas, & inconstans rerum status: Sed cum ille flos militiæ ante exaruisset, vel resectus esset, quàm fructus illos pareret, qui extra Martis campum percipiendi non fuissent, erant multi homines qui victoriæ ferociam magnoperè extimescerent. Etsi enim illo Duce nihil erat moderatius, in eo tamen bello, quodd ciuili præcipuè discordia alebatur, victoria non insolens esse non potuisset, si armis viribusq; quibus ille ad gloriam immortalem nitebatur, conficiendum fuisset; præsertim cum tot opida, tot vrbes, tot prouinciæ superessent expugnandæ, erat metuendum, vt illud incendium in Belgicam propemodum vniuersam exortum, non nisi regionis ruinâ exstingueretur. Austriaci item morte non vacauit imperium, nam in eius locum successit Farnesius, præfens, actusq; demortui continuans, tanta animi magnitudine, contentione, diligencia,

gentia, vt summo illi Duci accepta feratur Belgij restitutio. Cuius mortem qui non luxit, is vel immanitate vel stupore animi se correptum esse indicat, vt qui sensu caruerit, dum è corpore Reip. nobilius illud membrum, vel caput tolleretur. Si enim natura sic comparatum est, vt audito cuiusquam viri boni occasu, non possimus non contrahere aut demittere animum, quantò magis dolendum est extincto Alexandro, cuius vita tot commodis, beneficiis, ornamentis Remp. Belgicam, Christianam, vniuersam, cumulauit, affecit, & amplificauit! Sed nescio quomodo heroibus ferè omnibus fatale videatur, vt ad plures præteriti periculi obliuio, quàm accepti beneficij recordatio perueniat, & in metu homines semper benigniores, quàm in victoria grati reperiantur. Grauem tamen Farnesiani obitus casum, qui tempore nunquam magis alieno incidere potuisset, leuiorem effecit Ernesti expectatio, quem auctoritate, consilio & prudentia confecturū sperabamus, quicquid strenui illi Duces copiis opibusque immensis vel tentauerant, vel omnino non attigerant. Cùm is enim rem arduam prouinciæ Belgicæ præfecturam iudicaret, totam eius salutem in se recipiebat, neque partem eius aliquam, sed vt sapientes medici solent, totum corpus spectabat, curandumque proponebat. Quod cùm vi & armis belloq; diuturno parum processisse animaduerneret, rem alia ratione aggrediendam sibi statuit, & consiliis mitioribus hos tumultus, & hæc odia desperatæ concordia ad tranquillitatem pacemque reuocanda. Omnia itaq; vota eius, cogitationes, studia, pacis erant, sine qua nec sincerum Dei cultum florere, neq; dignitatem Regiam defendi, nec alleuationem populi tot cladibus oppressi procurari posse existimabat. Cùm ergo omnes scirent de pacando rerum statu cum animo agitare, atque hoc etiam experiri, nemo erat quin consideret, Ernestum res omnes ita compositurum & tranquillaturum, vt vitam in ocio securam ageremus. Quamobrè cernere erat vultus bonorum hilares & erectos, eorum qui nutabant planè confirmatos, improborum verò facies tristes & abiectas, eosque de loco, quem in pace nusquam habent, propediem mutando, & exilio voluntario consilia ineuntes, dum prosperitatis futuræ letitiam boni omnes præciperent. Nam haud temerè homines sibi persuadebāt, Deum conatibus Archiducis adfuturū, quod ex eius morum probitate colligebant, & bonorum omnium, ac pacis maximè auctore, propitium fore credebant pacificatori Principi, quem eximia etiam vitæ sanctimonia cōmendabat: Sic enim viuentem eum intuebamur, vt aut quendam ex veterum annalium memoriā, aut diuinum hominem de cælo delapsum in prouinciā putaremus. Alios fortasse belli Duces summos viros, qui in hoc vel in aliis impertiis floruerunt, militari gloria illustriores inuenimus, vel rerum gestarum magnitudine clariores; sed tam incorruptam animi integritatem, vitæque temperantis & innocuæ tenorem tam perpetuum & constantē, reperimus in nemine. Quantò ergo difficilius est, prius sibi ipsi quàm aliis imperare, & de cupiditatibus suis, quàm de victis hostibus trophæum statuere (illud viribus alienis, hoc suo quisque Marte perficere tenetur) tanto magis aliorum splendidissimos triūphos Archidux Ernestus hac laude adæquauit, vel etiam superauit. Huc eius accedebat humanitas & clementia, ex qua nascitur suauissima ipsius recordatio, spe cōmodorum, quæ ab eius bonitate, quā Belgæ duci cupiunt, in bonos lenitate, in errantes pietate, indulgentia in omnes, cumulatè expectabantur. Nemini ad hunc Principem præcludebatur aditus, nunquam populi querimonijs, ciuitatum legationibus, omniumque postulatis, Gubernatoris aures benignius patuerunt, nunquam oratores attentius sunt excepti, neque perorantes patientius exaudiri, quos omnes vel Latine, vel Germanicè, vel Hispanicè, vel Italicè dicentes (quam linguarum peritiā in Rege Mithridate mirata est antiquitas) perfectè intelligebat, & iisdem expedite sine interprete respondebat. Multis igitur malis remedia adhibuisset, quæ superiorum temporum iniquitas importauerat. Siquidem mansuetudini coniuncta seueritas, ab eximio quodam studio iustitiæ profecta, assidue eius animum habebat occupatum, vt nihil cogitaret, nisi vt respirante à diurni belli cladibus Rep. prouinciā restitueret, mores emendaret, & ad veterem formam & præscriptum exigeret, atque omnia reuocaret ad pristinum institutum, quo D. Carolus Quintus Augustus Imperator, patruus eius magnus, Germaniam suam Inferiorem rexit, & beatam conseruauit. Quod vt melius efficeret, ad pacem componendam, quā spes salutis vna reuera ostendebatur,

consilia sua omnia cursumq; dirigebat, & vt sapiens gubernator omnia præparabat, quæ ferenda tempestate videbantur necessaria; Nec ad vllam Reip. Belgicæ medicinâ sine magno præsidio accedendū statuebat. Exploratum enim & perspectū habebat, quā imprudenter ij faciunt, qui imperiti & rudes ad imperiū accedunt, & quā facilè in scopulos intrudatur Reip. vt in alto nauis, in exercitato nauarcho commissa. Noster verò Ernestus hoc animo in puppi immotus sedebat, vt singula tēporum, locorum & periculorū momenta expenderet, ingenia populorum, viresq; hostis exploraret. Hoc indocta multitudo, & ignarum ciuilis prudentiæ vulgus non intelligebat, sed quietum rectorem clauo assidentē nihil agere putabat. Quibus equidem hominibus nihil censeo respondendum, nisi quod scientia & iudicio destituti, minimè sunt idonei politicæ rei iudices, quam secundū artem & non ex præscripto tractandam docet Plato, nauarchi & medici in Politico exemplis. Stare enim Principes in medio velut orbe Reip. debent, qui cūm fortè versetur, eam aggredi rationem, ad quam eos vtilitas populi vniuersi, salusq; conuerterit. Hoc igitur animo Archidux Ernestus velut quasdam inducias sibi ipse indixerat, vt tanquam in vmbra consilio prius omnia, quā armis in sole & puluere experiretur, tanto acrior & vehementior (si concordia amplecti, & in gratiam redire hostis recusaret) in arenam descensurus & bellum illaturus, quanto atrociorē contēptę pactionis iniuriam æstimaret. Hęc cūm ageret præfectus ex ea sentētia, quam status Reip. temporum inclinatio, & concordie ratio videbatur postulare, tamē prouinciarum administrandarū miserrimas conditiones euitare non potuit, in quibus diligentia plena simultatum est, cunctatio obtrectionum & vituperationū; vbi seueritas periculosa est, liberalitas ingrata, frons omniū familiaris, animiq; non officiis, sed temporibus seruientes, blanditiæ apertæ, iracundiæ occultæ, venientes cum imperio auidissimè exspectant, præsentibus inferiunt, abeuntes deserunt, vt in simili argumento conuenitur M. Tullius. Quamobrem quoties hæc animo perpendimus, si sortem nostrā respicimus, Archiducis interitus, luctu & lamentationibus, sin ipsius vicem, cultu potius & gratulatione videtur prosequendus, qui tot tantisq; malis, incommodis & molestiis, quibus omnes legati præfectiq; regionum obnoxij esse solent, vna morte perfunctus est, ab ingratis huius seculi ingeniis expeditus, & in tuto ac tranquillo quietis portu collocatus. Nam vt omittamus cōmunes vitæ humanæ miseras, quæ adeo caduca, adeo fragilis est, vt nihil hominibus accidere possit, quod aut improuissum aut inexpectatū sit, cūm nihil hic tam firmū, tam stabile habeamus, quod non mutationē repentinam patiatur, quid quæso in Principū vita reperiemus, qui populo imperant, vel vt verius dicā seruiunt, ignaro, flexibili, inuido, moroso, vecordi, ingrato, cur felices aut beatos eos appellemus? cur non potius, (cūm sciamus non consiliū esse in vulgo, non modū, non discriminē, nec illud delectū vel sapientiā duci ad iudicādum de Principum actionibus, verūm impetu quodam & temeritate) eorum fortunam & labores deploremus? Enimuerò si quis pulcrum & magnificū putat, in maximo splendore & in Reip. luce versari, is sciat honores, potentiā, imperia, opes, voluptates, lætitiā sæpe habere furunculi instar, latente inflammatione palpitantē & micantem. Proinde non est admirandū si oblato Archiduci amplissimo imperio, aliquid vel accesserit, vel etiam defuerit, quod minus illū voti compotē fecerit: nempe quod tam citò, quā maximè expetebat, in eum gradū Reip. ex quo illa his tumultibus tot iam annos collapsa est, restituere nō potuerit, & subsidia belli ad pacis ornamenta transferre, siue quod in tanta difficultatū mole, cūm ad bellum hosti inferendum se accingeret, exercitus Regij præsidiis caruerit, perpetua ferē, quā diu imperauit, seditione impediti. In hoc igitur ille tam pertinaci malo, cūm velut alter Hercules hydræm secaret, alia subinde atq; alia legione importunè tumultuante, cum sua quoq; Princeps valetudine parum firma, pedumq; doloribus conflictabatur, donec cum morbus inflammatis nephritide renibus letalis, cum febri oppressit. Ex quo viribus corpusculi iam valdè inclinantibus, salutis Christianæ viatico instructus, ad metam mortalibus omnibus cōstitutam animosè decurrit. Et vt erat in vita permodestus & placidus, sic in mortis stadio sui non dissimilis, summa decedentis tranquillitas apparebat. O, beatum te, Erneste, qui ex hac mortali vita, quæ vtenda nobis data est, non possidenda, promissa piis omnibus, vt speramus omnes, hæreditate potitus es: qui ex hac multarum ægritudinū palestra, in securam quietis sedem commigra,

commigrasti: & ex hac statione omnium ærumnarū, te in otium æternæ felicitatis recepisti, qui deniq; ex laborū & dolorum omnium terrestri diuersorio, ad propriū ciuitatis celestis domiciliū, & ad patriā euolasti! O ter felicem tibi mortem tuam, vel potiū finē molestiarum, & perfugium vitæ melioris! neq; enim mors videtur appellanda, qua velut duce & ianitrice quadam, ea omnia assecutus es, quorū gratia, dum viueres, vitam optimē instruisti. Nihil igitur est quod eius nomine lugeamus, qui per omnē ætatem summis viribus annixus est, vt mors quam paucissima, quæ adimeret, inueniret; cui omnia virtutum superstiti ornamenta, præmia defuncto cumulatē obtigerunt, cui nihil ablatū est, quā quod natura dedit, quæ deleri non possunt, duratura permanserunt. Hæc est illa vitæ benè actæ gloria, cuius recordationem nobis quidē iucundam, triste verò sui desiderīū reliquit. Dolendum ergo nostrā, dolendum causa publicā, quod prius tanti Principis iacturam fecerimus, quā ipse fortitudinis & prudentiæ suæ, quā nos ex his angustiis bellorū expediuiſſet, monimenta relinquere, Rē publicā, aduentus & imperij eius fructum percipere potuerit. Quocirca quandocūq; in mentem nobis venit, quantis beneficijs cōmodisq; Ernestus Belgium affecisset, quantumq; illi pacis auctori deberemus, tum neminem reperimus tam parum aut nihil de domesticis rebus aut publicis cogitantem, qui non eius interitū, cuius vita quō longior, eō publicē vtilior foret, non tristem, non acerbum, non immaturum exiſtmet, aut qui funus Archiducis, sine gemitu, sine lacrymis, sine questu prosequatur. Verū vt ex hoc dolore aliquid etiam commodi ad Remp. perueniat, danda vobis est opera, Principes Illustrissimi, ne consilia concidiſſe morte Archiducis, nec virtutem militum languidiorem factam perduelles exiſtiment. Nam etſi sub Dolore Platoni viſum fuit, Iræ & Timoris affectus contineri, nolite vos committere, vt ad metum aliquem, ignauię argumentum videamur inclinari, sed ad iracundiam, quam veteres Academici quandam fortitudinis cotem eſſe dicebāt. Iram quoq; dolori coniungere, vt ex eo natam, non vno in loco placuit Aristoteli, & doloris vocabulum pro ita vſurpare poſſis non est infrequens. Quare ſi quam ex hoc vulnere, quod interiti Archiducis accepit Reſp. dolendi cauſam habemus, vt habemus maximam, pari indignatione reſumendi ſunt animi, vires acuendæ, omniſq; luctus & dolor vindictā mitigandus eſt, & eō acrius grauiusq; ad contumelias vlcitendas incumbendum, quō hoſtis insolentiū Regiæ Maiestati, Auſtriacę dignitati, & bonorum omnium deſideriū illuſit. Sciat autem ſentiatq; eandem ad eius furorem contundendum Regis eſſe potentiam, ad audaciam frangendam conſilia non deeſſe, neq; ad domandam feritatē eius militiæ robur imminutum eſſe. Præſecto intempeſtiuē terris erepto manſit in prouincia imperij auctoritas penes virum fortiſſimum Illuſtriſſimumq; Fontium Comitē Belgij Legatū, Præſectūq; designatum, qui dum partes Archiducis ſibi ab illo commendatas, ſuſtinebit & tuebitur, vobis adiutoribus cum ceteris Principibus Præſectisq; militariſus exercitum ducendi, manus conferendi, hoſtem cladibus atterendi, nullam occaſionem putabit amittendam Regij item adſunt ex Hiſpania Quæſtores clariſſimi viri, qui in ſuppeditandis ad bellum ſubſidiis eō diligentiorē operam præſtabunt, quō in partem gloriæ admitti magis cupient: niſi aduerſarij ita ſe comparent, vt ad proponendæ pactionis æquitatem ſincera accedant parendi voluntate, & depoſita pertinacia indignationem obſequio amoueant, rerūq; ſuarum ſecuritatē, quæ in armis nulla eſt, ſolo Regiæ clementiæ beneficio conſequantur. Orandus eſt interea ſummis precibus Deus, vt eam Regi, Principiq; Philippo (quos ſolos mœſta tanti Gubernatoris obitu intuetur Belgica, & ex quorum voluntate, ſecundū vnum Deum, tranquillitas temporum & ſalus noſtra pender) mentem inſpiret, vt in eligendo Archiducis ſucceſſore, idem, quo eum legerunt, iudiciū adhibuiſſe videantur, & eandē claritatis tam generis quā vitę, ſpectatęq; virtutis rationem habuiſſe. Ita fiet vt talem exſpectaturi ſimus cum ſummo imperio nobis præſuturū, in quo nihil eorum, quæcūq; à ſuperſtite Erneste ſperabantur, deſiderare poſſimus. Accedat igitur ad Belgij gubernacula, qui ſua magnitudine ad Regiam dignitatē tuendam ſit aptiſſimus, gloriæ priuatim comparandæ ſtudio publicē vtiliſſimus, ac facilitate morum, & clementia ſit gratiſſimus. Neq; alium certē prouinciæ ſtatus poſtulat, ſi mala & pericula, quę domi nos opprimunt, foris vndiq; circūſtant, dicendo perſequamur. Sex ferē ſunt luſtra, cūmhæc regio continuā ciuiliſ belli ſerie, & ab

exteris & à suis vexatur & diripitur: Sed si vnquam antea, iam nunc ille requiritur, qui consilio moderari, virtute tueri, atque omnia fortitudine valeat conficere; cuius auctoritati nemo intercedat, & cuius amplitudo tollat sui reuerentiâ omnes emulationes & dissidia nobilium, cunctosque in officio & obsequio contineat: Qui vt hostes externos & domesticos superet, primum sciat bellum suis castris indicendum & corruptæ disciplinæ, vt manus militares ad imperij munia paratas semper habeat, non autem ad vexandam provinciam conductas, Regiasque legiones sub signis, & ad nutum ducis sui expeditas, non in statuis feditionis venales: Qui sciat demonstretque, belli conficiendi in re nautica, in maritima, in classico apparatu, rationem sitam esse: Breuiter is Ernesti successor expectatur, qui deprauata corrigat, restringat dissoluta, colligat dispersa, infirma corroboret, componat turbulenta: Qui ipem Archiducis aduentu inchoatam, & præpropera eius morte interceptam & incertam adimplendam sibi putet, & eandem ob oculos & in mentem defigat, velut gloriæ appendæ singulare inuitamentum: Qui sui decessoris non imperium modò & honores adipisci, sed virtutes etiam sin minus superare, æquare tamen velle quàm maximè videatur: Qui nihil tam eximium, aut expetendum putet, quàm integritatem suam, summamque temperantiam non latere in tenebris, nec ignotam esse, sed in oculis Belgij clarissimæ provincie, in omnium verò gentium & nationum exterarum auribus esse positam: Qui denique in provincia cum hac laude versetur, se actiones suas ita instituire, vt imperium sapientiâ, Reip. iustitiâ, populum clementiâ rexisse dicatur, & has Belgicas provincias pro Regis dignitate, pro salute nostra, pro sua autem gloria pacatas reliquisse. Hoc Deum, hoc Regem votis omnibus flagitamus, vt res nostras afflictas, vterque in causa sua benigni respiciant, & Ernesto successorem quamprimum renuncient, in quo Principis gratissimi iacturam consolemur.



O M I S S A H Æ C A D D I T O.

Folio 5. linea 29. post dictionem, profugit, infere: Iulio interfecto, Germani illæque nationes, inter quas & Belgæ, re audita de Cesare, legatos miserunt ad Aurelium, (quem L. Cottam fuisse opinor, post bellum Mutinense adhuc superstitem) qui ab Hirtio Consule præpositus illis erat, se, quod esset imperatum, esse facturos, vt ad Atticum scribit Cicero. Et ne mirum videatur Tullium nomine illarum nationum non expressisse Belgas, aut eorum illos populos, certum est eosdem ne auditu quidem illi cognitos fuisse: vt ex ipsius responso colligitur, ad Q. fratrem scripto, de se in Neruiis oppugnato conquestum; vbi enim, inquit, isti sunt Neruij, & quàm longè absint nescio.

Fol. 7. lin. 13. reliquerat: adde: Neque sui dissimilem nepotem habuit Varus L. Asprenatem legatum suum, & duabus legionibus eo tempore præfectum; quas cum strenuè vindicasset, in viuos beneficus à Velleio commendatur, sed vt fordidus in cæsos, in quorum patrimonia inuasit, notatur. Ab eodem L. Cæditijs laudatur, castrorum præfectus, vt à Sexto Frontino Cælius primipilaris, qui obsessis post cladem Varianam Romanis, pro duce fuit.

Fol. 10. lin. 28. constat: appone: Ne quis autem generis indignitatem proconsuli nostro obijciat, meminisse oportet, et si stante Rep. Libertini ab honoribus repellebantur, tamen filios Libertorum à C. Iulio Cesare in Senatum lectos esse, ex Dione probari; & à Claudio Imperatore, Appij Cæci censoris exemplo, ex Tranquillo & Tacito. Hoc posteriori æuo fastidium est licentius, nec Commodo fuit insolens, si auctoritatem, summamque potestatem, quam detulit Cleandro de lapide empto, spectemus.

Fol. 11. lin. 13. infr. expleverit: infere: Sub iisdem Augg. Rictiouarus, vel vt alij, Rictius Varus Gallie præfes, & limitis Neruici præfectus, permultos nominis Christiani assertores, glorioso martyrio decorauit. Sed horrendæ feritatis iusto Dei iudicio pœnas æquas dedit.

Fol. 29. lin. 10. Alberto: adde: filio (nisi fallor) Roberti Comitis Namurcensis, qui post obitum S. Guiberti Gemblaci fundatoris anno D. CCCCLII. bona eiusdem monasterij occupasse legitur, in eiusdem S. Confessoris vita.

E R R A T A S I C C O R R I G I T O.

Folio 6. lin. 9. infr. lege: Cheruscos. fol. 7. lin. 30. lege: Norbano. fol. 8. lin. 4. leg. Sanguinius. fol. 13. lin. 26. nulla, leg. vix vlla. fol. 19. lin. 4. 14. 15. 20. pro diffione Mosellana, repue Lotharingam. fol. 29. lin. 10. infr. leg. Namurcum. fol. 40. lin. 11. leg. potentiam. fol. 42. lin. 27. leg. contumeliam. fol. 43. lin. 4. leg. præstitutum. fol. 43. lin. 14. leg. strate gemati. lin. 22. leg. Araernos. fol. 110. lin. 17. leg. referebat. fol. 31. leg. minori. fol. 137. leg. fluenti. fol. 160. lin. 3. infr. leg. Mæcenare. fol. 162. lin. 12. angusto. fol. 163. lin. 2. leg. consellu.

I P P R O B A T I O.

In hac elaboratissima & elegantissima Topica & Historica in aduentu Serenissimi Principis Ernesti Archiducis Austriae, &c. descriptione, & reliquis, Auctore IOANNE BOCHIO, viro doctissimo & facundissimo, nihil continetur quod S. Rom. Ecclesie, Catholicae religioni, vel Regie Maestati contrarium est, & propter operis dignitatem & elegantiam, meo iudicio utiliter & imprimetur, & legentur: Datum Antuerpie, Anno M. D. XCV. Prid. Cal. Martij.

D. Henricus Sebertus Dunghæus, S. Theol. Doct. Pœnitentiarius
Apostolicus, Canonic. Antuerp. librorum Censor.

S V M M A P R I V I L E G I I.

REGIS privilegio cantum est, ne quis citra voluntatem Ioannis Moreti, Typographi Antuerpiensis, librum cui titulus est, Descriptio publica gratulationis, spectaculorum & ludorum, in aduentu Serenissimi Principis Ernesti, Archiducis Austriae, &c. cum breui narratione De Belgij Principatu, &c. ullo modo imprimat, aut alibi impressum in suas ditiones importet, venalem-ve habeat. Qui secus faxit, confiscatione librorum, & gravi poena multabitur: uti patet in literis Datis Bruxella, v. Martij. M. D. XCV.


Signat. I. FACVWES.

A N T V E R P I Æ,
EX OFFICINA PLANTINIANA,
APVD VIDVAM ET IOANNEM
MORETVM.
M. D. X C V.













FOLIO XXX
95-B
1992
GETTY CENTER
LIBRARY

